



FONDO PIZZOFALCONE



19217
BIBLIOTECA PROVINCIALE

Armadio



Palchetto

Num.º d'ordine

NAZIONALE

B. Prov.


1127

NAPOLI

VITT. EM. III

117








510393-24

DE
SECTIONIBUS CONICIS

AUCTORE
ANTONIO LECCHIO

E SOCIETATE JESU,
MATHESEOS PROFESSORE

IN
UNIVERSITATE BRAYDENSIS.



MEDIOLANI MDCCCLVIII.
EX TYPOGRAPHIA BIBLIOTHECÆ AMBROSIANÆ
APUD JOSEPH MARELLUM
SUPERIORUM FACULTATE AC PRIVILEGIO.





MARIÆ THERESIÆ REGINÆ AUGUSTÆ

ANTONIUS LEGCHIUS E SOC. JESU.



O Mnes, qui regendis, formā-
disque Imperiis animum ad-
jicere volunt, providere de-
bent, ut pacis, bellicue stu-
dia tueantur æque ac pro-
tegent; quorum si unum ab altero disso-
cie-

cietur, mancum, & debile futurum Imperii regimen nemo non videt. Utrumque conspiceret necesse est. Pacis artes nervi sunt gerendi belli; at bella foris gesta pacis artes domi sustentant, & fovent.

Utramque regendi Imperii gloriam complexa es, Augusta Regina; utriusque artibus felicitati populorum consuluisti. Nam & disciplina bellica per Te novis sanctionibus restaurata est, & scientia militaris melioribus aucta est & institutis, & legibus. Unam eandemque formam militarium exercitationum Austriacis legionibus imperasti, quæ antea in singulis varia, & multiplex habebatur; motusque varios uno imperio, una lege cieri sanxisti. Suus veteranis militibus retentus bonorum gradus, & large propositis præmiis excitati adolescentes, ut ad honores, gloriamque eniti velint, ac possint. Quid? quod horum infantia, & educationi etiam prospexisti, excitatis in Austria Collegiis, in quibus, tanquam

quam in Martis palæstra, ab ineunte ætate ad militarem scientiam informarentur. Hinc factum est, ut qui Austriacum bodie exercitum viderit sive castra metari, sive cum hoste congredi, Romanos illos exercitus gentium victores videre sibi videatur.

Verum enim vero, num Te isthæc belli studia a pacis artibus aut revocarunt, aut retardarunt? Immo vero, hoc ipso tempore, quo Te circumstat tanta belli moles, quantam retroactis sæculis nunquam vidimus, aut legimus, artium omnium studia, quæ jacere sentiebas, prætorum bellorum metu perculsa, atque prostrata excitare pergis, commercio ubique terra marique patefacto.

Quid dicam de liberalibus disciplinis, quæ aureæ illius ætatis prærogativam, & decus Tuo sub Imperio consequutæ jam sunt? Et sane omnes, qui ab hac Tua urbium principe, & domicilio Imperii ad Insubriam

revertuntur, narrant *Academias veteres abs Te ad meliorem formam revocatas, novasque institutas; narrant amplissimis stipendiis accitos doctissimos quosque ex omnibus Imperii Tui plagis; narrant Lycæa instituendæ juventuti exædificata, Musea locupletata, sive ad omnem antiquitatis memoriam præstantissimis numismatis explicandam, sive ad naturalem scientiam amplificandam eruditâ, peregrinâque rerum naturalium supellectile undequumque terrarum abs Te conquistâ, comparatâque, sive ad mathematicas scientias, quas Tuo in Imperio, tanquam in proprio solo, florere jubes, instrumentis, machinis juvandas; narrant Orientalium quoque linguarum scientiam abs Te invecctam, ac, qui easdem in Academiis profiterentur, Doctores evocatos.*

Hac ego fama permotus, quæ jam percrebuit, & omnem Italiam peragravit, memet excitavi, ut in partem hujus gloriæ venirem, ac Sectionum Conicarum do-
Etri-

*Etrinam, abditam illam quidem, & retru-
sam, sed Reipublicæ usui, & præsertim
militari Architecturæ maxime utilem, in-
scriberem Tibi, Tuoque nomini, Regina
Augusta, litterarum Parens Optima. Me-
mineram quippe de Arenario Archimedeum
ad Heronem Regem scripsisse, de Archi-
tectura Vitruvium ad Augustum: Augu-
sti autem exemplo magnos omni ætate Re-
ges Mecænates se præstitisse mathematicis
Scriptoribus. Quanto fidentius me Tibi si-
sterem, commendationemque aliquam meis
scriptis conciliarem ex Tuo nomine, Im-
peratrix Augusta, quæ Regum omnium,
ac Cæsarum gloriam, litterarum tutelâ su-
perasti?*

*Quamobrem, quum Tibi hoc Opus in-
scriptum leges, Regina Augusta, velim
cogites, non magis id meo me nomine fa-
cere, quam communi quodam studio tum
Societatis nostræ, quæ Te Parentem agno-
scit, tum Braydensis hujus Universitatis
vota*

*vota repræsentare, ut immortalis Deus banc
tantam publicæ rei felicitatem Tuo Consilio,
Fortitudine, Religione partam in Augu-
stam Progeniem derivari magnis incremen-
tis auctam, amplificatamque velit, jubeat.*

LECTORI.



UId consilii cœperim in hisce Conicis Elementis concinnandis, quid utilitatis, ac, nisi spe inani deludor, novitatis etiam fortasse attulerim, quam brevissime dicam. Sectionum Conicarum doctrinam, uti passim tradi consuevit sive analytica, sive synthetica methodo, plerisque involutam, & operosam videri inaudieram sæpius. Itaque rem aggressus fidenti animo, antiquorum Geometrarum methodum ita cum recentiorum inventis contuli, ut, si qua planior mihi videretur, & extricator via ad Conicas Sectiones, & aliis aperirem, & eandem mihi ipsi ineundam præciperem. Videbam quantum compendii, & facilitatis accederet Conicis Elementis, si hujusmodi Curvas, Parabolam nimirum, Ellipsim, atque Hyperbolam, non in Cono secto, a quo nomen traxere, considerandas mihi ducerem, sed in plano positas; quod & alii præstiterunt Geometræ, præeunte Wallisio. Nam Solidorum consideratio multo complicatio est, acrioremque vim imaginationis desiderat. Verum enim vero vix animum inducere poteram, ut tritam ab Antiquis semitam, quantumvis arduam, penitus defererem. Nam, cum sive artis, sive eruditionis sit fontes

tes nosse, unde summi Geometræ doctrinam suam hausisse putantur, feci non invitus, ut harum etiam Curvarum originem, Parabolæ, Ellipsis, atque Hyperbolæ, ac primaria saltem illarum symptomata ab ipso Cono deducerem.

Verum hisce quasi Prolegomenis modum statim definio; & seposito Cono, nulloque ad hujusmodi genesis respectu habito, totam Conicorum tractationem ex integro exorsus, Sectiones easdem, *quarum natura*, ut recte monet Wallisius, *magis absoluta est, quam ut ad Conum pertinere videatur*, tanquam totidem lineas curvas in plano describendas aggredior. Quare a simplici cujusvis Curvæ definitione proprietates singulas, tanquam e trunco erumpentes ramusculos, alios ex aliis connexos, derivare placuit multo simpliciore methodo, quam quæ ab antiquis Geometris adhiberetur; quorum consilium, quale fuerit, nihil sane ad hoc tempus, neque ad institutum meum.

Ut autem brevitati demonstrationum confulerem, quæ præcipua laus est facilitatis, non nihil mihi ab ipsamet recentiorum Scriptorum ratione discedendum existimavi. Illi etenim affectiones, quas pluribus Curvis communes esse norunt, unica pariter demonstratione, quæ prolixior hac de causa solet esse, completi consueverunt. Nec immerito; quippe hunc scribendi modum videbatur deductionis ordo, & Theorematum generalis forma requirere.

Aliud

Aliud mihi consilium nihilominus amplectendum proposui in gratiam eorum, quorum mens vel schematum varietate, vel Curvarum dissimilitudine distracta hæret, & fluctuat. Quamobrem singulas speciatim affectiones demonstrandas curavi, quo firmitus in cujusvis Curvæ natura pedem figerent.

Theoremata præterea pulchritudine insigniora, & usu necessaria dumtaxat selegi; quod caput artis est in tractatione disciplinarum. Qui enim minutias omnes, & apices persequuntur, uti factitatum video a plerisque in Conicis Elementis, & multum de hujus doctrinæ dignitate detrahunt, & Lectorum abutuntur ingenio, & otio. Selectiora itaque Theoremata mihi demonstranda suscepi, quæ ad Catoptricam, & Dioptricam, ad projectorum motum determinandum, ad Balisticam, reliquasque scientias conducere censui. Præclare Tullius in lib. de Oratore cujusvis disciplinæ tradendæ artem modumque præscribit. *Sic enim statuo, inquit ipse, ut in cæteris artibus, cum tradita sunt cujusque artis difficillima, reliqua, quia aut facilia, aut similia sint, tradi non oportere. Ut in pictura, qui hominis speciem pingere perdidicerit, posse eum cujusvis vel formæ, vel ætatis, etiamsi non didicerit, pingere. Neque est omnino ars ulla, in qua omnia, quæ illa arte effici possunt, a Doctore tradantur; sed qui primarum, & certarum rerum genera didicerunt, reliqua non incommode persequuntur.*



PROLEGOMENA

AD

SECTIONES CONI.

SYNOPSIS.



POLLONIANA *genesis Coni*, Euclidæa universalior, quæ conum rectum, & scalenum, & oppositos conos simplici descriptione completitur. Sectio coni per verticem, & per axem. Sectio parallela basi. Sectio subcontraria. Sectionis cuiusvis diameter. Sectio, cujus diameter parallela est lateri trianguli per axem; & dicitur Parabola; hujus primaria proprietas. Sectio, cujus diameter cum utroque latere trianguli per axem conveniat, & neque basi coni parallela sit, neque subcontrarie posita; & vocatur Ellipsis; hujus præcipua proprietas. Sectio, quæ dicitur Hyperbola, cujus diameter

A

meter


2 SECTIONUM CONICARUM

meter ita concurrat cum latere trianguli per axem infra verticem conī, ut producta conveniat in puncto alterius lateris supra verticem conī; hujus pariter curvæ primaria proprietas demonstratur.

DEFINITIO.

1. **C**Onum appello corpus, habens originem ex circumductu lineæ, a puncto in sublimi posito in infinitum protensæ, circa perimetrum circularem, quæ in plano diverso ab eodem puncto constituta sit.

Si recta BAF, utrinque indefinite producta, transeat per punctum A, positum extra planum circuli BED; ac manente fixo eodem puncto A, recta BAF continuo motu percurrat ejusdem circuli peripheriam, donec eò redeat, unde moveri cœpit; utramque superficiem, quam generat, voco *Superficiem Conicam*; solidum ea inclusum, dico *Conum*; A punctum immotum, dico *Verticem*; circulum BED,



vel

vel *bed*, dico *Basim*; rectam AC transeuntem per verticem, & centrum circuli, voco *Axem*; qui si fuerit perpendicularis plano basis, conus dicetur *rectus*; secus, *scalenus*. Recta autem AB, motu suo generans superficiem conicam, dicitur *Latus coni*.

Scholion I.

2. **A**Cute monet P. Boschovich in egregio opere *Sectionum Conicarum*, Geometras solere plerumque appellare conum id tantum, quod inter verticem, & basim interjacet, reliquum vero ad oppositam partem, conum oppositum. At libet potius, inquit ipse, coni nomine appellare quidquid recta linea, quæ utrinque sine fine produci potest, gignit motu continuo circa circuli peripheriam; uti constabit, ubi de locis geometricis.

Scholion II.

3. **H**oc loco occurrit etiam notandum, pluribus aliis viis conum describi posse; puta, circumducendo ex eodem puncto A, in sublimi posito, eandem rectam AB, circa figuram ellipticam, aut quamlibet aliam e conicis. Sed placuit non sine causa Antiquis circulo solo uti, ed quod, ut in decursu apparebit, commodior figura sit ad demonstrationes conficiendas. Adde, quod figurarum aliarum genesim ex ipso cono veteres Geometræ repetebant; quemadmodum ex hisce Prolegomenis constabit.

Scholion III.

4. **E**UCLIDES in suis Elementis genesim conij universallem minime tradidit; nam voluit oriri conum, quando trianguli rectanguli manente uno crurum, circumducitur crus alterum, donec redeat ad priorem locum.

Primus Apollonius genesim conij ad suam universalitatem evexit; uti constat ex præmissa definitione, in qua, præter conum Euclidæum, quem vocavit rectum, adeptus est conum alium, quem obliquum, seu scalenum appellavit.

5. Duplex itaque est conus, alius dicitur rectus, & alius scalenus. Nam recta, quæ sublime punctum cum centro circuli conjungit, potest cum plano hujus tam rectos, quam obliquos angulos constituere. Itaque, cum ei insistit ad angulos rectos, conus dicendus est rectus; ubi vero insistit ad angulos obliquos, obliquus, seu scalenus conus ipse vocandus. In utroque autem cono recta illa, quæ conjungit sublime punctum cum centro circuli, dicitur Axis ipsius conij.

Corollaria.

6. **U**Tramque superficiem conicam BAD , bAd , oppositam ad verticem communem A , produci posse in infinitum, aperte jam constat ex genesi tradita.

7. Recta linea AH , a vertice conij ad quodvis superficiem conicæ punctum H ducta, in ipsa jacet superficie. Cum enim superficies conica producta sit motu rectæ AE , per punctum A semper transeuntis, hæc linea motu suo aliquando per punctum H transibit; ac proinde conveniet cum recta AH .

8. *Que.*


PROLEGOMENA.

8. Quævis recta AH , quæ verticem A conjungat cum quovis puncto H superficiei conicæ, si producat, necessario cadet in punctum E peripheriæ baseos.

9. Si linea HI, duo quælibet superficiæ conicæ puncta H & I conjungens, per verticem A non transeat, intra conum cadet, & producta cadet extra. Nam si a vertice A per puncta H & I ducantur duæ rectæ AH, AI, productæ basim attingent in E & B. Jungatur EB, quæ tota intra circulum cadet; Ergo planum trianguli ABE, secans basim coni, intra eundem cadit; & consequenter etiam recta HI in eodem plano existens, & a duobus punctis H & I intercepta; quæ, si producat, ex cono egredietur.

10. Si conus per verticem A plano secetur, communis plani, & conici sectio erit triangulum. Nam dux rectæ AB, AE, vel AB, AD, quæ sunt sectiones communes superficiei conicæ, & planorum secantium ABE, vel ABD, semper ambæ convenient cum recta mobili AB, quæ in genesi superficiei conicæ transit per eadem puncta B, E, D. Similiter communis sectio plani secantis cum plano bascos est recta EB, vel BD; Ergo ABE, vel ABD sunt triangula rectilinea.

Itaque, si conus secetur plano, utcunque transeunte per *verticem*, sectio facta in cono, triangulum erit. Si vero planum transeat quoque per *axem* co-



ni, tunc recta, in qua illud occurrit plano baseos, erit istius diameter aliqua; ac proinde *triangulum per axem* super aliqua basis diametro semper insilet.

DEFINITIO.

11. **S***I conus plano utcumque secetur, nova superficies, quæ in transitu hujus plani efficitur in cono, dicitur sectio conica; cujus varias species pergam evolvere.*

PROPOSITIO I.

12. **I***N quolibet cono, sive recto, sive scaleno, quævis sectio FHG, basi BED parallela, erit circulus, cujus centrum in ipso occurso axis cum eadem sectione.*

Demonstratio. Sit enim conus sectus insuper per axem plano, seu triangulo ABD; eruntque communes planorum parallelorum, & trianguli ABD sectiones BD, FG parallelæ. Ergo ex Elem. erit

$$AL:AC::FL:BC::LG:CD.$$


Posito autem quocunque alio plano ACE per axem, erit $AL:AC::LH:CE$;

Itaque $FL:BC::LG:CD::LH:CE$.

Quare cum tres termini consequentes BC, CD, CE, ex definitione circuli sint æquales, etiam tres antecedentes FL, LG, LH æquales erunt; Ergo FHG erit circulus, cujus centrum est in axe AC. Quod erat &c.

Corollarium.


13. **H**Inc coni sive re-
cti, sive scaleni
axis AC transit per cen-
tra omnium circularum,
qui basi coni sint paralle-
li, & conum secant. Quod
opposito cono A g f similiter
congruit.



DEFINITIO.

14. **S**ubcontraria positio duorum triangulorum, est
duorum triangulorum similium, & eundem an-
gulum verticalem habentium
dispositio, qua bases nec con-
gruentes, nec parallelas ha-
bent.

Ut si triacula similia
ABC, ADE, communem
angulum A habentia, bases
BC, DE parallelas non ha-
beant, sed angulus ABC
angulo ADE sit æqualis.



A 4

15. Sub-

8 SECTIONUM CONICARUM

15. Subcontraria conī sectio ea est, qua conus ita secatur planis ad triangulum per axem rectis, ut fiant duo triangula subcontrarie posita.

LEMMA.

16. SI in figura curvilinea perpendiculares ductæ ad aliquam rectam ab eadem figura terminatam, ita eam dividant, ut quadrata perpendicularium æqualia sint rectangulis segmentorum, hæc figura erit circulus.

Sit figura curvilinea, in qua ducantur DB, EF, perpendiculares ad AC; sitque quadratum DB æquale rectangulo $AD \times DC$ sub segmentis; Dico, figuram ABC esse circulum, & AC ejus diametrum.

Demonstratio. Dividatur AC bifariam in G; ducaturque GB. Quoniam recta AC est divisa bifariam in G, & non bifariam in D, erit (n. 513. *Geom.*

planæ) $AD \times DC + \overline{GD}^2 = \overline{GC}^2$. Atqui, per hyp.,

$AD \times DC = \overline{DB}^2$; Ergo hoc substituto in prima

æquatione, fiet $\overline{DB}^2 + \overline{GD}^2$


$= \overline{GC}^2$. Est autem \overline{DB}^2

$+ \overline{GD}^2 = \overline{GB}^2$; Ergo qua-

drata GB, GC, AG sunt

æqualia, & consequenter li-

neæ; Ergo ABC est circulus. Quod erat &c.



PROPOSITIO II.


17. IN cono scaleno alia quoque sectio basi non parallela, quæ dicitur subcontraria, est circulus.

Sit

Sit conus scalenus ABC; sitque ABC trianguli per axem planum, ad basim conı rectum: sece-
tur pariter idem conus plano EFG recto ad planum
ABC; sitque communis planorum sectio linea EG;
& triangulum AEG triangulo ABC simile, sed
subcontrarie positum; Dico, EFG, communem conı,
& plani secantis sectionem, circulum esse.

Ducatur enim in eo plano secante, recta IF
perpendicularis ad EG, quæ erit perpendicularis pla-
no ABC; tum ducatur per IF planum HFK pa-
rallelum basi, cujus communis sectio HIK erit pa-
rallela basi, & per præced., HFK circulus.

Demonstratio. Linea FI, communis sectio utrius-
que plani, perpendicularis est plano ABC; Ergo
erit quoque perpendicularis ipsi HK, & media pro-
portionalis inter HI & IK; seu quadratum FI æ-
quale est rectangulo HIK. Atqui rectangulum EIG
æquale est rectangulo HIK; sunt enim triangu-
la EIH, KIG similia; cum anguli ad verticem in
puncto I sint æquales, &
angulus EHI propter pa-
rallelas æqualis angulo B,
qui per hyp. supponitur æ-
qualis angulo EGK; Ergo
 $EI:HI::IK:IG$; Quare
 $EI \times IG = HI \times IK$; ni-
mirum, rectangulum sub ex-
tremis æquatur rectangulo
sub mediis; Ergo quadra-
tum IF æquale est rectan-
gulo EIG; ac proinde, per
Lemma, figura EFG erit
circulus. Quod &c.



Quæ

*Quæ curvæ Sectionum Conicarum nomine vocentur,
& quæ sit earum origo.*


18. **S**ECTIONUM conicarum nomine minime comprehenditur ab antiquis Geometris circulus, tametsi ex cono etiam deducatur. Ratio est, quia coni genesis; ut vidimus, circulum supponit; unde, si circulus ex cono esset deducendus, in eam labem incideremus, quam vitiosum circulum vulgus appellat. Ad reliquas itaque curvas progrediamur, quarum origo ex coni sectionibus deducitur, nimirum, Parabolæ, Ellipsis, & Hyperbolæ; sed quædam præmittenda sunt.

PROPOSITIO III.

19. **O**Mnis linea parallela rectæ perpendiculari ad basim trianguli per axem, occurrit ejus plano, ab eoque bifariam dividitur.

Esto conus ABC sectus per axem plano, seu triangulo ABC, cujus basis BC, ad quam perpendicularis sit recta DE; tum ex quolibet superficiei conicæ puncto F ducatur FG parallela eidem rectæ DE: Dico, lineam FG occurrere plano ABC trianguli per axem, & productam utrinque ad superficiem conicam, dividi ab eo plano bifariam.

Demonstratio. Per pun-



ctum


¶ Cum F ex A ducatur recta AFH , secans basim in puncto H (n. 7.); ducaturque HKL perpendicularis ad BC , & consequenter parallela lineis DE , FG ; tum jungatur AL & AK .

His positis, quoniam HK occurrit lineæ AK , etiam ipsi parallela FG , in eodem plano existens, occurret eidem in puncto scilicet I . Et rursum, cum AK sit communis sectio trianguli per axem, linea FI occurret plano trianguli per axem. Quod est primum.

Præterea, cum ita sit AK ad AI , ut HK ad FI , & ut KL ad IG , sintque HK & KL æquales, erunt quoque FI & IG æquales. Quod erat secundum.

PROPOSITIO IV.

20. **S**i conus ABC secetur per axem triangulo ABC , cujus basis AC ; secetur præterea idem conus alio plano HDG ; sitque HG , communis ejus sectio cum base coni, perpendicularis ad AC basim trianguli per axem; sit item communis sectio hujus secundi plani, & superficiei conicæ curva HDG , in qua ducatur PQ parallela ipsi HG ; Dico, rectam DE , communem sectionem utriusque plani secantis, dividere bisariam PQ , omnesque lineas in hoc secundo plano ductas parallelas eidem perpendiculari HG ; in cono quidem recto bisariam, &




per-

perpendiculariter, in cono scaleno bifariam, sed non semper perpendiculariter.

Demonstratio consequitur ex præcedente Theor. Nam linea PQ parallela perpendiculari HG, occurrat plano trianguli per axem, & ab eo bifariam dividitur; non occurrit autem huic plano, nisi in communi sectione utriusque plani, nempe DE; Ergo communis sectio DE dividit bifariam lineam PQ, & quamcunque illi parallelam.

Si triangulum per axem sit rectum ad basim cono, erit HE, quæ supponitur perpendicularis ipsi AC, erit, inquam, perpendicularis plano trianguli ABC; ac proinde angulus HED rectus erit. Cum autem PQ sit parallela ipsi HG, erit quoque angulus POE rectus. Quod in conis rectis semper verum est. Nam, cum axis semper rectus sit ad basim cono, omne planum per axem ad eandem basim rectum erit. In scalenis autem id dumtaxat aliquando accidit.



DEFINITIO.

21. I. **L** Inea DE, quæ in quavis sectione conica HDG bifariam secat rectas PQ &c. parallelas eidem rectæ HG, dicitur diameter hujus sectionis.

II. Terminus D diametri, vocatur vertex sectionis.

III. Rectæ PQ, HG, bifariam sectæ a diametro DE,

DE, vel earum semisses HE, PO, vocantur ordinatæ diametro, vel ordinatim applicatæ eidem diametro.

IV. Quod si diameter DE secet ordinatas nedum bifariam, verum etiam perpendiculariter, appellabitur axis.

V. Abscissa, seu sagitta DO est segmentum diametri ab ordinata, & vertice interceptum.

VI. Sectio, cujus diameter parallela est lateri trianguli per axem, dicitur Parabola.

Nimirum, ponatur sectio facta, servatis conditionibus consuetis, nempe, ut conus secetur triangulo per axem, & rursus secetur alio plano HDG; hac tamen lege, ut hujus curvæ diameter DE sit parallela lateri BC trianguli per axem; sectio HDG dicitur a Geometris Parabola.

Primaria proprietas Parabolæ in Cono considerata.

PROPOSITIO V.

22. **I**N parabola quadrata ordinarum HE, PO sunt interceptis diametris, seu abscissis DE, DO proportionalia.

Si conus ABC sectus plano per axem, secetur & altero plano HDG, quod transeat per rectam HG perpendicularem basis circularis diametro AC, a qua secetur bifariam in E; & rursus idem planum HDG transeat per rectam DE parallelam uni laterum BC trianguli per axem; hæc sectio HDG per definitionem erit parabola. Dico jam, quadrata ordinarum in hac sectione esse interceptis diametris proportionalia.

Demonstratio. Per quodvis punctum O communis sectionis DE, cui ordinatim applicata est POQ, ducatur recta ROS parallela baseos diametro AC.

Si

parallela sit lateri BC trianguli per axem; quod unice in definitione hujus sectionis assumitur n. 21. Cur igitur illa sola inclinatio secundi plani secantis ad triangulum per axem admittitur, quæ rectam HG rectæ AC perpendicularem efficiat? Respondet Wallisius prop. 7. de Coni Sect. Quod alia quævis inclinatio non minus quidem sufficeret ad conicam sectionem efficiendam, qualis definitur; sed minus apta esset ad demonstrationes instituendas, quæ plerumque supponunt rectam HG , eique parallelas a diametro DE secari bisariam; quod non fieret, nisi recta HG perpendicularis esset circuli diametro AC .


Hinc, cum planum conï sectionem efficiens ad varia triangula per axem, variam inclinationem habeat, illud ex omnibus triangulis seligunt conicorum Scriptores, ad cujus basim recta HG sit perpendicularis. Unicum autem est illud triangulum per axem, quod hanc affectionem patiatur respectu plani secantis, quomocunque conus a plano secetur.

DEFINITIO.

24. **S**ectio $SFZR$, cujus diameter SZ cum utroque latere trianguli per axem conveniat, & neque basi conï parallela sit, neque subcontrarie posita, ac proinde circulus non sit, vocabitur Ellipsis.

Si per duo puncta O & Q diametri SZ ducatur planum basi conï parallelum, efficiet duos circulos $DIEH$, $FRGX$ (n. 12.).

Si planum secans ponatur perpendicularare triangulo ABC , uti nuper mo-




nuimus

nuimus fieri oportere in parabola, linea HI, communis nempe sectio circuli DIEH, & plani secantis, linea, inquam, HI perpendicularis erit eidem triangulo ABC, uti pariter linea XR, communis sectio circuli FRGX, & plani secantis.

Corollarium.

Hinc linea HI perpendicularis erit duabus lineis DE, SZ, quæ ambæ sunt in plano trianguli per axem. Similiter linea XR erit quoque perpendicularis duabus lineis FG, SZ, quæ sunt pariter in eodem plano. Atqui linea HI est bifariam secta a diametro DE, & XR pariter bifariam secta a diametro FG; Quare SZ erit *axis* ellipsis, & OI, QR dicentur *ordinatæ* huic axi.

Cum autem ellipsis in orbem redeat, occurret ei diameter in duobus punctis, atque adeo duo erunt *vertices* ipsius, nimirum, S & Z.



Primaria proprietas Ellipseos in Cono considerata.

PROPOSITIO VI.

25. **I**N ellipsi quadrata ordinarum OI, QR sunt inter se, uti rectangula $ZO \times OS$, $ZQ \times QS$, quæ sub correspondentibus diametri portionibus, ab utroque vertice sumptis, continentur.


De-

18 SECTIONUM CONICARUM

Si per punctum O diametri HR ducatur planum basi conï parallelum, efficiet circulum TPVQ.

Si planum secans ponatur perpendicularare triangulo per axem, recta YS, communis sectio plani secantis, & basis conï, perpendicularis erit diametro AC, quæ eandem YS secabit bifariam in R. Similiter recta PQ secabitur bifariam a diametro TV, cui est perpendicularis.

Itaque linea RH vocabitur *axis* hujus sectionis; & lineæ RS, OQ erunt *ordinate* huic axi; & axis partes HR, HO vocantur *abscissæ* ab iisdem ordinatis.



Primaria proprietas Hyperbolæ in Cono considerata.

PROPOSITIO VII.

27. **I**N hyperbola quadrata ordinarum RS, OQ sunt inter se, uti rectangula $HR \times ZR$, $HO \times ZO$, nimirum, sub earum abscissis HR, HO respective, & iisdem abscissis, auctis productione HZ.

Demonst. Triangula similia ZOT, ZRA exhibent $AR : TO :: ZR : ZO$.

Triangula similia HOV, HRC dant pariter $RC : OV :: HR : HO$.

Ergo multiplicatis terminis primæ proportionis per terminos secundæ, prodit

$$AR \times RC : TO \times OV :: ZR \times HR : ZO \times HO.$$

Cum

Cum autem in circulo ASCY habeatur $AR \times RC = \overline{RS}^2$; & in circulo TQVP sit $TO \times OV = \overline{OQ}^2$; his substitutis, prodibit analogia

$$\overline{RS}^2 : \overline{OQ}^2 :: ZR \times HR : ZO \times HO;$$

hoc est, quadrata ordinatarum RS, OQ sunt inter se; uti &c. Quod erat &c.

Scholion.

JUvabit adnotare, in præcedenti demonstratione lineam HR vocari axem hyperbolæ juxta generalem definitionem n. 21., quæ convenit omnibus bisce curvis. Quod abunde erat in bisce Prolegomenis, ut indicarem Tironibus, qua methodo veteres Geometræ basce curvas in ipso cono scrutati fuerint. Verum enim vero, speciatim respectu hyperbolæ, linea ZH vocatur axis primus, seu axis transversus, ut distinguatur a secundo axe, de quo deinceps. Lineam autem HR abscissarum, vocant productionem axis; quemadmodum integram lineam ZR vocant axem productum.

Sub bisce vocibus præcedens Theorema sic enuntiabitur. Quadrata ordinatarum ad axem productum, sunt inter se, uti rectangula abscissarum in axem productum usque ad earundem extremitatem.





**SECTIONUM
CONICARUM**

PARS I.

DE PARABOLA.



SECTIONUM CONICARUM

PARS I.

De Parabola absolute considerata.



ACTENUS curvas, quas vocant sectiones conicas, nimirum, *Parabolam*, *Ellipsim*, & *Hyperbolam*, in ipso cono consideravimus; quippe quæ a conicæ sectione & nomen, & originem traxisse reputantur; ac primaria illarum symptomata ex cono secto deduximus: quod & de reliquis earum affectionibus simili methodo, operosius quidem, quam necesse erat, præstiterunt veteres Geometræ, ac plerique etiam ex recentioribus.

Verum enim vero harum curvarum natura magis absoluta est, & universalior, quam ut ad conum

24 SECTIONUM CON. PARS I.

dumtaxat pertinere videatur. Non enim, inquit Wallisius part. 2. de Sect. Conic., *Parabola magis postulat, ut fiat sectione conicæ, plano lateri parallelo; quam circulus, ut fiat sectione conicæ, plano basi parallelo; aut triangulum, ut fiat sectione conicæ per verticem; neque hoc sibi volunt conicorum Scriptores, qui alios agnoscunt, & docent parabolam in plano describendi modos.*

Harum itaque curvarum originem in cono aliter atque aliter secto non alia de causa persecutus sum, quam ut fontes aperirem, unde Veteres doctrinam suam hausisse putarentur; & quibus tandem gradibus ad conicorum scientiam pervenerint.

Quamobrem, seposito cono, nulloque respectu ad hanc genesim habito, harum figurarum affectiones ex absoluta earum natura, per ipsam definitionem nominis, satis explicata, multo clarius, ac facilius proferam cum Recentioribus Wallisio, Hospitalio, aliisque; quibus non ita porro adstringi volo, ut illustrandæ adhuc conicorum doctrinæ quam aptissimam judicavero methodum, non illam sequar.

Quam itaque ex conicæ sectione demonstravimus primariam parabolæ proprietatem, ex qua reliqua omnia fluunt, liceat jam mihi definitione ipsa comprehendere, ac parabolam eo charactere ornatam, suo cono eximere, atque absolute quidem, & universaliter definire.

De Axe Parabolæ.

SYNOPSIS.

Seposito cono, parabolæ natura universaliter in plano exponitur. Præcipua parabolæ proprietas respectu sui axis, definitione nominis assumitur; eandemque curvam hoc charactere distinctam, licet jam suo cono
exi-


eximere, & absolute quidem, & universaliter definire. Quid sit latus rectum, seu parameter axis, & cui usui. Ordinarum ad axem quadrata equalia re-
ctangulis sub suis sagittis, & constanti parametro. Parabola describere per plura puncta. Curva parabolica per se figuram non comprehendit. Generalis expressio, & æquatio, quæ perfecte naturam parabolæ exprimit relate ad axem. Affectiones reliquæ. Per axis originem omnis parallela ordinatis, est tangens; & reciproce, omnis parallela tangenti per axis originem, est ordinata ad axem. Quid sint diameter, tangens, subtangens, normalis, subnormalis curvæ parabolæ. Tangentis proprietas respectu axis. Tangentem ducere.

DEFINITIO.

28. **P**arabolam igitur voco eam, sive lineam curvam in plano descriptam, sive figuram planam, ejusmodi curva terminatam, puta, OOO , cujus ordinarum ad diametrum quadrata sint interceptis axis partibus proportionalia.

Porro ordinatas, seu ordinatim applicatas appello DO , PO , semisses parallelarum rectarum OO , OO , parabola utrinque terminatarum, quas bifariam secat una linea recta, puta, ADP , quam appello *Diameter*. Sin autem easdem parallelas diameter secet nedum bifariam, verum etiam perpendiculariter, voco *Axem*, seu diametrum principalem; a qua ordiri placet parabolæ affectiones.

29. Punctum autem illud bisectionis D , vel P , punctum applicationis appel-




lant,

lant, in quo videlicet applicatur suæ diametro illa, quam ordinatam diximus.

Diametri vero segmentum, puncto applicationis, & curvâ parabolicâ comprehensum, AD, AP, *Diameter interceptam*, alii *Sagittam* vocant.

Punctum diametri in curva illa existens, puta, A, appello *Verticem*, tam diametri, quam ipsius parabolæ, secundum illam diametrum consideratæ.



Monitum I.

30. **M**Oneo itaque, definitionem parabolæ hoc loco ad axem dumtaxat, seu diametrum, ut vocant, principalem a nobis restringi; quemadmodum in Prolegomenis axem dumtaxat respeximus, quocum ordinatæ angulos rectos efficiant. Quod aliter fieri potuisse intelligo. Nam eadem definitio, uti & superior demonstratio, & proprietas parabolæ ex cono deducta, extendi perinde potuisset ad quamlibet diametrum, quacum ordinatæ angulos quosvis efficiant. Sed propositum mihi est Tironum phantasie consulere, quam nolui in ipso limine distractam rerum varietate; atque ita ex simplicissima parabolæ proprietate, relate ad axem, tanquam Ariadnæ filo, ad reliquas inde aptas, & connexas afseciones sensim deducimus.

Monitum II.

31. **M**onitos præterea Tirones velim, Parabolæ, Ellipsis, & Hyperbolæ appellationibus apud Geometras, nonnunquam curvas lineas, nonnunquam vero figuras planas, ejusmodi curvis terminatas, intelligi.

ligi. Utrumque in definitione complector; ac si quando de ambiguitate significationis metuatur, non incommodum erit, lineæ, vel plani vocem adjungere, ut linea parabolica, planum parabolicum &c.

32. **L**atus rectum, seu Parameter est linea AL in extremitate diametri ducta, qua utimur, tanquam mensurâ, ad dimetienda quadrata ordinatarum.

Porro illud præ reliquis peculiare in parabola sibi vindicat parameter AL, quoddam rectangulum latere recto AL, & parte diametri, puta, AP, ab ejusdem vertice A, & puncto applicationis P interceptâ contentum, æquale semper sit quadrato ordinatæ PO; ut infra demonstrabitur. Itaque parameter AL concipi debet, tanquam communis altitudo rectangulorum LAD, LAP, quorum singula sint respectivè æqualia quadratis ordinatarum DO, PO.

Monitum.

33. **M**oneo tamen, non idem latus rectum omnibus ejusdem parabolæ diametris convenire. Nam, quemadmodum parabola quælibet infinitas numero diametros habet, ut post dicetur; ita diameter quævis suas habet ordinatim applicatas, suumque latus rectum seu parametrum. Hæc quidem linea AL imaginaria, certæ longitudinis esse debet, & ubivis notari, ac describi potest; quin imo sola imaginatione etiam suppleri. Mos tamen invaluit, ut ducatur a diametri vertice ordinatim applicatis parallela. Quæ autem de parabolæ latere recto dicta sunt, ea fere lateribus rectis ellipsois, & hyperbolæ infra erunt accommodanda.


Scholion.

34. **A**B hisce definitionibus fas mihi erat totius bu-
jusce tractationis initium ponere, omissis con-
fectionibus, & harum curvarum proprietates hinc, quasi
a vero fonte, deducere demonstrando; uti mox præstabo.
Sed operæ pretium me facturum existimavi, si Tironi-
bus modico flexu monstrarem salebrosam, & arduam
Geometrarum veterum iter ad conicorum scientiam, &
eosdem faciliiori tramite cum recentioribus ad eum, quem
destinaveram, scopum perducerem. Hac de causa no-
vas terminorum aliquot definitiones necesse erit deinceps
aliquoties adjungere, omissa coni mentione; ne opus
sit, vel ad præcedentia recurrere, vel coni auxilium
in definitionibus postulare.

PROPOSITIO I.

35. **I**N parabola si recta AL sit tertia proportionalis cuicunque sagittæ AP, & ordinatæ PO ad axem, etiam reliquæ omnes ordinatæ DO, DO erunt mediæ proportionales inter suas sagittas AD, AD, & eandem constantem rectam AL; hoc est, ordinarum quadrata æqualia erunt reſtꝑangulis comprehenſis ſub ſagittis AD, AD, & conſtanti linea AL; quæ proinde erit parameter axis, ſeu latus rectum parabolæ.

Demonstratio. Quoniam facta est PO media proportionalis inter AP & AL, erit quadratum ex PO æquale rectangulo comprehenso sub AP & AL. Sed



CX

ex definitione parabolæ $\overline{PO}^2 : \overline{DO}^2 :: AP : AD :: AP \times AL : AD \times AL$, propter communem altitudinem AL ; Quare $\overline{PO}^2 : \overline{DO}^2 :: AP \times AL : AD \times AL$. Sed per constr. $\overline{PO}^2 = AP \times AL$; Ergo $\overline{DO}^2 = AD \times AL$. Quod de reliquis ordinatis similiter demonstratur.

Corollarium I.

36. **C**um in omni parabola axis interceptus, ordinata, & parameter sint continue proportionalia, datis eorum duobus quibuscvis, etiam reliquum magnitudine datur; uti constat ex regulis proportionum.

Atque hinc, dato axe AD , & data quavis constanti linea AL , quæ parametri vicem obeat, habes methodum expeditam describendi parabolam per plura puncta. Nam, si inter constantem lineam AL , & abscissas singulas quærantur totidem mediæ proportionales DO , PO &c., quæ angulos rectos cum axe dato AD efficiant, puncta omnia O , O &c. erunt ad parabolam.

Corollarium II.

37. **P**atet etiam, ordinatim applicatas, prout longius a vertice applicantur, semper augeri; cum ipsarum quadrata sint interceptis sagittis, hoc est, distantis punctorum applicationis a vertice, proportionalia. Et propterea parabolam, ejusmodi curvam esse, quæ per se figuram non comprehendet; cum crura perpetuo magis divaricentur, nec sint unquam, extra punctum verticis, coitura.

Corollarium III.


38. **O**Mnis linea GOB parallela axi AD, in uno tantum puncto parabolam secat. Quia ordinatæ supra OP, sunt minores ordinatæ OP; & reliquæ ordinatæ infra OP, sunt majores eadem ordinatæ OP.

Corollarium IV.

39. **I**Taque, ut parabolæ natura, saltem respectu axis, designetur generali expressione, quam mox traducam ad reliquas diametros; vocetur p parameter axis AD; quælibet abscissa AD, x ; quælibet ordinata, suæ abscissæ respondens, y . Quamobrem ex Theor. constanter habebitur $yy = px$; nimirum, quadratum cujuslibet ordinatæ y æquale rectangulo sub sua sagitta x , & constanti linea p , quæ dicitur parameter. Cum autem hæc proprietas conveniat omnibus parabolæ punctis, eorumque positionem determinet respectu sui axis AD, hinc litteralis expressio, & æquatio $yy = px$, perfecte exprimit naturam parabolæ.

Corollarium V.

40. **S**I a quovis puncto D axis AD, ducatur recta ODO reliquis ordinatis parallela, hæc occurreret parabolæ in duobus punctis O & O, utrinque æque diffitis ab eodem axis puncto D. Nam quadratum cujuslibet ordinatæ DO, DO, hinc atque inde a puncto D acceptæ, æquatur eidem rectangulo px .



Co.

Corollarium VI.

41. **A**B eadem generali proprietate parabolæ respectu sui axis, $yy = px$, illud etiam consequitur, quòd, quò major est abscissa AD, x , eò major evadit ordinata DO, y , & quidem in infinitum. Et contra, quò magis abscissa imminuitur, eò magis ejus ordinata decrescit; ita ut evanescente abscissa AD, quælibet ordinata DO utrinque ab axe pariter evanescat; hoc est, duo puncta occurfus O & O coeant in idem punctum A. Atque hinc,

I. Si per axis originem A ducatur recta AL ordinatis parallela, hæc erit tangens in puncto A.

II. Et vicissim, omnis parallela tangenti ductæ ab axis vertice, O a parabolæ perimetro terminata, est ordinata ad axem.


Corollarium VII.

42. **O**Mnes perpendiculares ad axem, utrinque terminatæ a parabola, bifariam secantur; ac proinde axis dividit parabolam in duas partes perfecte æquales, & similiter positas utrinque.

DEFINITIO.

43. **S**I ex quovis puncto P sumpto in perimetro parabolæ, ducatur PE parallela axi ST, hanc voco *Diametrum* ejusdem parabolæ.


44. Similiter, si a puncto sumpto ubivis in perimetro curvæ, ducatur tangens PN, producatque axis TS, donec occurrat eidem tangenti in puncto N, ac præterea a puncto



con-

32 SECTIONUM CON. PARS I.

contactus ducatur PT ordinata ad axem; Portio axis TN, intercepta ab ordinata PT, & a puncto N, dicitur *Subtangens*; Recta PZ perpendicularis tangenti in puncto contactus, & ab axe terminata, dicitur *Perpendicularis*, seu *Normalis* curvæ; Recta TZ intercepta a perpendiculari tangenti, & ordinata ad axem, quarum utraque ab eodem puncto contactus P ducitur, vocari solet *Subnormalis*.




PROPOSITIO II.

45. **L** Inea abscindens in axe producto segmentum sagittæ æquale, tangit parabolam.

Sumpto ubivis in parabolæ axe puncto D, cui ordinatim applicetur DC, axis DE extra parabolam producat, ut fiat $EA = ED$; ducaturque CA. Dico lineam AC tangere parabolam in puncto C; ita ut ejusdem lineæ AC quodcunque aliud punctum F, aut G, sit extra parabolam.

Demonstratio. Ex punctis F & G intelligentur ductæ lineæ



FH,

EA æquales esse. Si negas, æquales sint HE, EA; & ordinatim applicetur KH; tum concipiatur ducta KA, quæ tangens esset per præced., & producta lineam AF secaret. Ergo duæ rectæ lineæ spatium clauderent.

Idem absurdum sequitur, si AE, EI dicantur æquales. Nam, si concipiatur ducta AL, hæc esset tangens per præced.; cum autem AC, per hyp., sit tangens, producta secaret tangentem AL.


Corollaria.

Sequitur I., ab eodem puncto A, atque ad easdem partes, rectam aliam, quæ parabolam contingat, duci non posse.

II. Parabolam in eodem puncto C, non nisi unicam rectam contingere posse.

III. Inter curvam, rectamque contingentem AC, rectam aliam cadere non posse, quin curvam secet.

IV. Habes hinc methodum ducendi tangentem a quovis dato puncto C. Si enim ducatur ordinata CD ad axem, ac fiat DE=EA, recta CA erit tangens.



De Diametris.

SYNOPSIS.

Diametrorum cum axe proprietates communes sanciantur. Quadrata ordinarum diametro sunt inter se, uti abscissæ. Recta quælibet axi parallela, quam vocamus diametrum, easdem habet proprietates, quas convenire axi demonstravimus. Hinc, quæ respectu axis demonstrata sunt Theoremata de parametro, tangentibus, ordinatis ad axem, eadem traducuntur ad quamlibet diametrum. Parabolæ diametri omnes inter se paralleli, & infiniti. Problemata aliquot axi, & diametris communia.

48. **I**N sectione coni, ex quo primò eduximus parabolam, more Veterum, demonstravimus, saltem respectu axis, hanc esse parabolæ proprietatem, ut quadrata ordinarum ad axem, habeant eandem proportionem inter se, quam habent abscissæ; Quod idipsum n. 28., tanquam definitionem nominis, postea assumpsimus, etiam omisso cono.

Reliquum jam est, ut etiam independenter a cono, demonstrare aggrediar, hanc proprietatem convenire cuilibet parabolæ, respectu cujuslibet diametri, quæ cum suis ordinatis angulos quosvis efficiat.

Quamobrem, quemadmodum de axe, ita & de diametro duo erunt demonstranda.


I. Quod bifariam secet rectas omnes tangenti parallelas, & utrinque ad parabolam terminatas.

II. Quod quadrata ex semissibus istarum rectarum sint, ut diametri abscissæ correspondentes.

PROPOSITIO IV.

49. **S**I a quolibet puncto P ducatur PE parallela axi, idest diameter (n. 43.), quæ producta occurrat in R tangenti SX, ductæ a vertice S ejusdem axis; & rursum ab eodem puncto P ducatur tangens PN, quæ occurrat in N axi producto; Dico, triangulum NX S, a duabus tangentibus, & axe comprehensum, æquari triangulo PXR factò ab iisdem tangentibus, & diametro.

Demonstratio. A puncto P ducatur ordinata PT ad axem; $NS = ST = PR$ (n. 47.). Triangula NX S, PXR sunt æquiangula; ac præterea latus $NS =$ lateri PR; Ergo sunt perfecte æqualia. Quod erat &c.

*Corollarium.*

50. **I**Taque rectangulum PRST æquatur triangulo PTN. Nam, si triangulis æqualibus PRX, NSX addatur utrinque PXST, fiet $PRST = PTN$.

PROPOSITIO V.


51. **D**ato axe NH, & diametro RZ, datisque eorum tangentibus PN, SR, si a quovis puncto E, aut e, aut M, sumpto in perimetro parabole, ducatur utrique tangenti parallela; Dico, triangulum EKL, vel eOL, vel IMH, factum ab hisce duabus parallelis, & axe, æquari rectangulo XRSK, vel

vel ZRSO, vel QRSI, facto a tangente axis, ejusque parallelâ, & intercepto ab axe, & diametro; nimirum, $EKL = XRSK$ &c.

Demonstratio. A puncto contactus P ducatur ordinata PT ad axem. Triangula similia PTN, EKL sunt inter se, uti quadrata suarum basium PT, EK. Quia vero PT, EK sunt ordinatæ ad axem, earum quadrata sunt inter se, uti abscissæ ST, SK, vel, uti rectangula SRPT, SRXK, quæ habent altitudinem communem SR; Ergo triangula PTN, EKL sunt inter se, uti rectangula SRPT, SRXK. Atqui. (n. 50.) $PTN = SRPT$; Ergo $EKL = SRXK$.

Eodem modo demonstrabitur, triangula PTN, eOL, cum sint similia, esse inter se, uti rectangula SRPT, SRZO; & consequenter $eOL = SRZO$.

Pariter, propter similitudinem triangulorum PTL, IMH, demonstrabitur, triangulum IMH æquari rectangulo RSQL. Quod erat &c.



PROPOSITIO VI.

52. **I**isdem stantibus, Dico, triangulum alterum XEC, factum a duabus tangenti cuilibet parallelis, & diametro RZ, æquari parallelogrammo PCLN, comprehenso ab una parallelarum, a diametro, ab axe, & a diametri tangente.

Demonstratio. Triangulum $PTN =$ rectangulo

C 3

SRPT

PROPOSITIO VII.


53. **S**I a puncto *E* parabolæ ducatur recta *Ee*, tangenti *PN* parallela;

Dico I. rectam Ee occurrere parabolæ in alio puncto e;

*Dico II. eandem bifariam dividi a recta *PZ*, quæ a puncto contactus ducatur axi parallela.*

Demonstratur I. pars. In perimetro parabolæ accipiat quodvis aliud punctum *a* infra *P*. Tangens, quæ ab hoc puncto duceretur, necessario occurreret tangenti *PN*; nam, si non occurreret tangenti, esset illi parallela, ac proinde secaret parabolam, non præcise tangeret in puncto *a*. Quamobrem hæc tangens a puncto *a* secabit quoque lineam *Ee*, quæ est parallela ipsi *PN*; & ex natura tangenti secabit rectam *Ee* extra parabolam, & versus plagam puncti *e*; quandoquidem eadem tangens secabit tangentem alteram *PN* versus partem puncti *P*; ac proinde perpetuo diverget a parallela versus *E*. Ergo *Ee* secat parabolam in duobus punctis. Quod erat primum.

Demonst. II. pars. Linea *Ee* secatur bifariam a recta *PC*. Nam triangula *XE**C*, *Ze**C* sunt inter se æqualia (*n.* 52.); & cum sint etiam æquiangula, latus *EC* = lateri *Ce*. Quod erat alterum.



C 4

PRO-

PROPOSITIO VIII.

54. **I**isdem ſtantibus, quadrata ordinarum CE, TM ꝓc. diametro PT, ſunt inter ſe, uti abſciſſæ PC, PT.


Demonſtratio. Hæc quadrata ſunt inter ſe, uti triangula ſimilia CXE, TQM; nam CE, TM ſunt latera homologa eorundem triangulorum. Atqui CXE = parallelogrammo PCNL; & TQM = parallelogrammo TPNH; Ergo $\overline{CE}^2 : \overline{TM}^2 :: PCNL : TPNH :: PC : PT$; hoc eſt, parallelogramma ſe habent, ut baſes, cum ſint intra eandem parallelas. Quod erat &c.

Corollaria.

55. **H**inc recta quælibet axi parallela, quam vocamus diametrum, eandem ſibi vindicat affectiones, quas in definitione axis aſſumpſimus; nimirum,
I. Biſecat rectas omnes tangenti parallelas, & utrinque ad parabolam terminatas;

II. Quadrata ex ſemiſſibus iſtarum rectarum ſunt, ut ipſius abſciſſæ.

Quare, ſi a puncto quovis P in parabolæ curva ducatur recta PT parallela axi SH, erit PT ſic ducta, ejuſdem parabolæ diameter, verticem habens in P, & ordinatim applicatas CE, TM parallelas tangenti PN ductæ a vertice ejuſdem diametri. Itaque



I. Se-

I. Sequitur, per omne punctum, etiam intra parabolam assumptum, duci posse diametrum; quia duci potest parallela axi.

II. Quodlibet curvæ parabolicæ punctum, alicujus diametri verticem esse; ac proinde in qualibet parabola infinitos esse vertices, atque diametros infinitas numero.

III. Parabolæ diametros omnes esse invicem parallelas.

IV. Quamlibet rectam, in eodem plano, cuilibet diametro parabolæ parallelam, ejusdem parabolæ diametrum etiam esse, eique in uno aliquo, & quidem unico puncto occurrere.

V. Quamlibet in eodem plano rectam, per aliquod intra parabolam punctum transeuntem, & diametro non parallelam, in binis punctis parabolæ occurrere, & alicui diametro esse ordinatim applicatam.

VI. Quæ vel alicui diametro parabolæ ordinatim applicata est, vel diametrum quocunque modo secat, vel quæ parabolam secat, aut ipsi occurrit in duobus punctis; hæc nec illius parabolæ diameter esse potest, nec parallela ulli ipsius diametro.

EX hisce Corollariis non erit Tironi difficile, plerasque, ut vocant, effectiones geometricas colligere, & Problemata resolvere.


Probl. I. *Data parabolæ diametrum invenire.* Nam recta duas parallelas inscriptas bisecans, est diameter. (n. 55.).

Probl. II. *Data in parabola lineæ inscriptæ diametrum exhibere.* Ducatur illi parallela; & utraque bifariam secetur.

Probl. III. *Per datum quodvis in eodem plano punctum rectam ducere, quæ sit parabolæ data diameter.* Inventa enim, ut prius, una qualibet diametro,

metro, recta huic parallela, per datum punctum ducta, diameter erit quæsitæ.

Probl. IV. *Data parabola ABC axem exhibere.* Ponantur duæ quævis parallelæ DE, AC, quarum exhibeatur diameter BF; ad quam ex E & C normaliter ducantur EG, CM; alterâque illarum, puta, EG, bifariam divisâ in H, per H ducatur parallela diametro BF; Dico, hanc parallelam esse axem. Nam, si diametro æquidistat, erit hæc quoque diameter curvæ; & quia parallelarum EG, CM unam ad angulos rectos bifecat, bifecabit & alteram perpendiculariter; Itaque KL erit axis.



Corollaria.

56. **O**mnia, quæ ex ordinatarum proprietate respectu axis, deduximus Theoremata, & Corollaria, traduci eadem possunt ad quamlibet diametrum. Nam, quæ demonstravimus n. 35. 36. 37. 38. 39. 40. &c., ab hac ipsa ordinatarum, respectu axis, proprietate deducta sunt, & æque subsistunt, sive anguli ad diametrum sint recti, sive acuti, vel obtusi. Quare, si in præcedentibus Theorematis axi substituamus diametrum quamlibet, eandem demonstrationes locum habebunt. Itaque

1. In omni parabola, tertia proportionalis sagittæ, & ordinatæ ad quamlibet diametrum, est parameter illius diametri; & rectangula sub hac parametro, & singulis sagittis comprehensa, æqualia sunt quadratis ordi-

ordinatarum. Demonstratio plane eadem, sive referatur ad axem, sive ad diametrum.

II. Si cujusvis diametri parameter vocetur p , abscissa x , & huic respondens ordinata y ; æquatio $yy = px$ perfecte exprimit naturam parabolæ, etiam respectu suæ diametri.

III. *Omnis recta per diametri originem ducta, & hujus ordinatis parallela, est tangens parabolæ; neque ab eodem puncto tangens alia duci potest.* Nam, quæ deduximus n. 45. 46. respectu axis, æque subsistunt, si diametro cuivis applicentur. *Et vicissim, quæ tangenti æquidistat, ordinata est ad diametrum ex contactu demissa.*

IV. *Linea abscindens in diametro producta segmentum sagittæ æquale, tangit parabolam. Et vicissim.* Nam, si axi substituatur quælibet diameter, demonstratio perinde subsistit; atque adeo eadem Corollaria locum habent.

V. Hinc omnes illæ æqualitates triangulorum, & parallelogrammorum, quas n. 49. 50. 51. 52. profecuti fuimus relate ad axem, facile traduci possunt ad quamlibet diametrum.

VI. *Linea per contactum ducta, bifariam dividens parallelam tangenti, diameter est.*

VII. *In parabola quævis linea duas parallelas bifariam dividens, diameter est.*

VIII. *Tangentes ductæ per extrema applicatæ, in eodem puncto illius diametrum secant.* Nam segmentum subtangentis æquatur sagittæ, sive producat axis, sive diameter quæcunque.

PROPOSITIO IX.


57. **A** Dato puncto in parabola perimetro, vel in ipsa diametro, ad datam diametrum ponere ordinatim applicatam.

Similiter datam lineam ad datam in parabola diametrum ordinatim ponere.

Resolutio. Sit in parabola perimetro CAE datum punctum C, & diameter data sit AB, ad quam ex C ordinatam oportet ponere lineam CFE. Ducatur recta CA, quae ita producat in D, ut CA, AD aequales sint; & ex D demissa DE parallela diametro AB, occurrat parabola in E; jungaturque CE. Patet CE in F divisam esse bifariam, cum recta CD bisecta sit in A, & DE, AF sint parallelae.

Si punctum datum fuisset in ipsa diametro, ut B; ex quovis perimetri puncto C ponatur ordinatim applicata CE, cui per quodvis punctum B diametri ducatur BG parallela.

Denique, si linea ordinatim applicanda debeat esse aequalis lineae H; assumpto quovis puncto C in perimetro, ducatur ordinata CF; fiatque, ut quadratum CF ad quadratum H, ita AF ad AB; & per B ducatur BG parallela ordinatae CF; Dico, BG esse ordinatim applicatam, & aequalem lineae H. Cum ad ejus quadratum se habeat quadratum CF, ut AF ad AB.



Corollarium.

58. **H**inc per datum in parabola perimetro punctum tangens ducitur. Ex dato puncto demittatur diameter, ad quam, per præced., applicetur ordinata; huic parallela per datum punctum ducta, erit tangens quaesita (n. 56.).


Vel, ducatur quaecunque diameter, ad quam ex dato puncto ponatur ordinatim applicata; ac fiat segmentum diametri productæ æquale sagittæ (n. 56.).

PROPOSITIO X.

59. **O**mnium ordinatim applicatarum ad duas diametros, quarum altera est axis, illa ordinata minor est, quæ ad axem applicatur; modò distantia a puncto verticis, hoc est, sagittæ æquales fuerint.

Parabola axis sit AB; & per punctum C transire debeat diameter. Ducatur ad axem ordinata CD; & fiat AB quadrupla ipsius AD; ducatur etiam perpendicularis BE, quæ dividatur bifariam in F; denique jungatur FC, ducaturque AE.

Demonstratio. Recta AB facta est quadrupla ipsius AD; Ergo per def. parab., quadratum EB quadruplum est quadrati CD; & proinde quadratum FB æquale est quadrato CD; Ergo FB, CD sunt æquales. Sed sunt etiam parallelæ; Ergo CF, AB sunt parallelæ; hinc CF est diameter (n. 55.). Cum autem EA sit bifariam divisa in G, propter analogiam $EF:FB::EG:GA$, erit EG ordinatim applicata, quæ major est, quam EF, seu FB, aut CD.




Osten-

46 SECTIONUM CON. PARS I.

Ostendo autem CG , AD esse sagittas æquales. Est enim AB quadrupla ipsius AD , & rursus eadem AB dupla rectæ GF , propter analogiam $EF:EB::FG:AB$; quare restabunt AD , CG æquales. Quod erat &c.

Cum autem semper se habeant singula quadrata applicatarum ad eandem diametrum, sicut sagittæ; hinc universaliter de omnibus applicatis constat veritas Propositionis.



PROPOSITIO XI.

60. **S**I parabolam ABC , ut in Fig. sequenti, secens duæ quævis parallele AD , BC , quarum diameter ponatur EF ; Dico, junctas rectas AB , DC in eodem diametri puncto G convenire.

Et reciproce, si BC , AD sint parallele, & rectæ AB , DC convenient in puncto G ; Dico, punctum G esse in diametro linearum BC , AD .

Demonst. I. pars. Quoniam EF diameter est rectarum BC , AD , bifariam erunt divisæ in punctis E & F ; unde $AE:BF::AG:BG::EG:FG$.

Atqui $AE:BF::ED:FC$;

Ergo


$$ED:FC::EG:FG::DG:CG.$$

Itaque punctum G commune est tribus lineis AB , DC , EF . Quod erat primum. Idem quoque ostenditur, si punctum G cadat intra parabolam.

Demonstratur II. pars. Ponantur jam AD , BC parallele; & junctæ AB , CD convenient in puncto quovis G ; Dico, punctum G esse in diametro, ad quam sint ordinatæ BC , AD .

Divisâ enim BC bifariam in F , demittatur ex G per


G per F recta GE. Quoniam igitur AD, BC sunt parallelæ, erit $AE:ED :: BF:FC$. Sed BC ponitur bifariam divisa in F; Ergo & AD in E quoque divisa est bifariam; Unde GE diameter est rectarum BC, AD. Quod erat alterum.



PROPOSITIO XII.

61. **I**N parabola EBF sint parallelæ quævis rectæ AC, EF; junctisque AE, CF, ducatur alia quævis GH parallelæ ipsi AC, occurrens rectis AE, CF in I & K; Dico, segmenta GI, KH esse inter se æqualia.

Demonstratio. Ducatur LD diameter rectarum AC, GH. Quoniam HG æquidistat ipsi ordinatæ AC, erit HG bifariam divisa in D. Est autem $ID = DK$; quia $ID : DK :: AL : LC$; nam per præced., EA, FC in idem punctum diametri conveniunt; Ergo & reliquæ IG, HK quoque sunt æquales. Quod erat &c.



De Parametro, seu Latere recto Parabolæ.

SYNOPSIS.

Latus rectum cujuscvis datæ diametri invenire. Latus rectum axis omnium minimum. Sagitta interdum æqualis lateri recto, seu parametro diametri. Quadratum subtensæ æquale reſtanguſo ex axis abſciſſa in ſummam ejusdem abſciſſæ, & parametri axis. Parameter diametri cujuſcunque ſuperat parametrum axis quadrupla axis portione, intercepta ejusdem vertice, & ordinatim applicatâ, ab aſſumptæ diametri vertice. Hinc rurſum conficitur, parametrorum omnium minimam eſſe illam, quæ reſertur ad axem; aliarum vero illa ſemper minor eſt, quæ reſertur ad diametrum axi propinquior. Hinc æquidistantium diametrorum ab axe, parametri ſunt æquales. Definitur exceſſus, quo parameter diametri ab axe remotioris, ſuperat parametrum diametri, eidem axi vicinioris. Definitur differentia parametrorum, quæ ad duas quaſvis diametros reſeruntur. Ex datis axe, vel diametro, ejusque parametro, invenire aliam diametrum, quæ habeat parametrum datam. Data parametro unius diametri, invenire parametrum cujuſvis alterius diametri. Definitur proportio ſinus anguli, quem diameter quævis conſtituit cum ſuis ordinatis, ad radium.


PROPOSITIO XIII.

62. **L**atus rectum invenire, datæ in data parabola diametro conveniens.

Reſolutio. Sit quæcunque diameter AB, ad quam applicetur ordinata CD. Duabus rectis AD, CD quærat^rur tertia proportionalis; hæc ſatisfaciet quaſſito.

to. Est enim latus rectum diametro interceptæ, & ordinatim applicatæ tertia continue proportionalis (n. 35. & n. 56.).

Aliter. Ducatur AC, ad quam sit perpendicularis CE; Dico, DE esse latus rectum. Cum enim angulus ACE sit rectus, erit CD media proportionalis inter AD & DE; Ergo &c.




PROPOSITIO XIV.

63. **L**atus rectum axis minimum est laterum rectorum, quæ ad reliquas diametros spectant.

Parabolæ axis sit AB, & quæcunque alia diameter CF; sint præterea duæ sagittæ æquales AD, CG; & ordinatim applicatæ EG, CD.

Demonstratio. Quadratum CD æquale est rectangulo sub sagitta AD, & parametro axis. Pariter quadratum EG æquale est rectangulo sub sagitta CG, & parametro diametri CF. Atqui quadratum EG majus est quadrato CD (n. 59.); Ergo rectangulum sub CG, & parametro diametri CF, majus est rectangulo sub AD, & parametro axis. Cum autem AD, CG sint æquales, erit parametrum diametri CF, major parametrum axis. Quod erat &c.



Scholion.

Perspiciuum est, ordinatim applicatas ad diametrum aliquam, ed majores esse, quod remotiores sunt a vertice suæ diametri. Nam semper excrescit rectangulum sub latere recto, & parte diametri intercepta; unde & ordinatim posita, & sagitta, necesse est quandoque inter se, & lateri recto sint æquales; cujus rei casus sequentibus Propositionibus demonstrabimus.

PROPOSITIO XV.

64. **S**I in data parabola sagitta AD sit æqualis lateri recto, etiam ejus ordinata BD æquabitur sagittæ AD.

Et vicissim, si sagitta AD sit æqualis ejus ordinatæ BD, eadem sagitta æquabitur lateri recto ejusdem diametri.

Demonstratio. Quadratum ordinatæ BD æquale est rectangulo sub sagitta AD, & latere recto. Sed AD ponitur æqualis lateri recto; Ergo quadratum BD æquale est quadrato AD; adeoque rectæ BD, AD sunt æquales.

Et reciproce. Cum enim quadratum BD æquale ponatur quadrato AD; & quadratum BD sit æquale rectangulo sub AD, & latere recto; erit & quadratum AD æquale eidem rectangulo; ac proinde abscissa AD lateri recto æqualis. Quod erat &c.



PRO-

PROPOSITIO XVI.

65. **S**I ex vertice A diametri cujuscvis ducatur AE, parallela ordinatis ad diametrum AD, ac proinde tangens parabolam in puncto A, ex quo ducatur linea AB, dividens bifariam angulum EAD, occurrensque parabolæ in B, unde ordinata ad diametrum ponatur BD; Dico, abscissam AD æquari lateri recto.

Demonstratio. Quoniam AE, BD sunt parallelæ, anguli alterni EAB, ABD sunt æquales. Atqui angulo EAB, per hypothefim, æquatur angulus BAD; æquales igitur sunt anguli ABD, BAD, adeoque & lineæ BD, AD; Unde AD, per præced., lateri recto est æqualis. Quod erat &c.

LEMMA I.

66. **S**I tangenti BC a vertice axis A ducatur parallela AN, quæ occurrat diametro BH in N, & a puncto contactus B applicetur ordinata BG ad axem; Dico, duas sagittas, AG axis, & BN diametri, esse inter se æquales.

Demonstratio. Nam propter parallelas, erit $BN = AC$, & $AC = AG$ (n. 47.).



Est EF diameter parabolæ, cujus ordinatæ æquidistant ipsi subtensæ AM ; sitque etiam EH parameter diametri EF ; ducaturque ex ejusdem vertice E ordinata EG ad axem; Dico, parametrum EH diametri, superare parametrum AD axis per quadruplam abscissam AG .

Demonstratio. Cum enim subtensa AM a diametro EF secetur bifariam in O , erit MN dupla ipsius EG ; adeoque MN quadratum quadruplum quadrati, quod fit ex EG . Atqui $\overline{MN}^2 : \overline{EG}^2 :: AN : AG$; Ergo AN quadrupla erit ipsius AG . Quia vero ex Lem. I. $AG = EO$, erit eadem AN quadrupla pariter ipsius EO . Hinc, sicuti quadratum AM quadruplum est quadrati AO ; ita rectangulum $EH \times AN$ quadruplum erit rectanguli $EH \times EO$; Quare $\overline{AM}^2 : \overline{AO}^2 :: EH \times AN : EH \times EO$. Sed, ob parabolæ naturam, $\overline{AO}^2 = EH \times EO$; Ergo $\overline{AM}^2 = EH \times AN$. Et quoniam, per Lem. II., $\overline{AM}^2 = NA \times NA + AD$; erit $NA \times NA + AD = EH \times NA$; Ergo $EH = NA + AD$. Ergo parameter EH diametri, superabit parametrum AD axis per rectam AN , quæ est æqualis quadruplo ipsius AG . Quod erat &c.

Corollarium I.

69. **H**inc rursus ostenditur, omnium parabolæ parameterum minimam esse illam, quæ refertur ad axem. Nam parameter cujusvis alterius diametri superat parametrum axis per quadruplum ejus abscissæ, quam ab ipso axe aufert ordinata, ad axem ducta ex vertice diametri.

Corollarium II.

70. **A**liarum parametrorum illa semper minor est, quæ refertur ad diametrum axi propinquior. Nam, quod magis diameter EF accedit ad axem, eò minor evadit abscissa AG, per cujus quadruplum parameter diametri superat parametrum ipsius axis.

Corollarium III.

71. **P**arametri earum diametrorum, quæ æqualiter hinc inde distant ab axe, sunt æquales. Nam ordinatæ, quæ ex ipsarum verticibus ducuntur ad axem, eandem ab ipso axe auferunt abscissam; adeoque idem est excessus, quo parameter cujusque diametri superat parametrum axis.

Scholion.

Quemadmodum jam definitus est excessus, quo parameter cujusque diametri superat parametrum axis; ita præstat jam definire excessum, quo parameter diametri, ab axe remotioris, superat parametrum diametri, eidem axi vicinioris.

PROPOSITIO XVIII.

72. **D**ifferentia parametrorum, quæ ad duas quasvis diametros referuntur, æquatur portioni, quam ex diametro axi propinquiore, aufert perpendicularis ad eam ducta ex vertice alterius remotioris.

Maneant enim omnia, ut supra; sitque KL diameter altera, remotior ab axe AB; cujus parameter sit recta KI. Ducatur ex ejus vertice K ad axem AB ordinata KR, quæ occurrat diametro EF in puncto Q; Dico, parametrum KI superare aliam parametrum EH, per quadruplum ipsius EQ.

De-


Demonstratio. Nam, sicuti parameter EH est æqualis parametro AD axis, una cum quadruplo ipsius AG, per præced.; ita parameter KI æqualis erit eidem AD, una cum quadruplo ipsius AR. Quare excessus, quo parameter KI superat parametrum EH, æqualis erit excessui, quo quadruplum abscissæ AR superat quadruplum abscissæ AG. Atqui excessus iste est quadruplum ipsius GR, sive EQ; Ergo per hoc idem quadruplum parameter KI superabit parametrum EH. Quod erat &c.

PROPOSITIO XIX.

73. **E**Xcessus, quibus parametri diametrorum superant parametrum axis, sunt in duplicata ratione rectarum, quibus diametri distant ab axe.

Esto AB axis parabolæ, EF diameter propinquior, & KL diameter remotior. Sint autem AD, EH, KI parametri ipsarum. Dico, excessus, quibus parametri EH, KI diametrorum, superant parametrum AD axis, esse inter se in duplicata ratione rectarum, quibus ipsæ diametri EF, KL distant ab axe AB.

Demonstratio. Ex diametrorum verticibus E & K ducantur ordinatæ EG, KR ad axem; quæ, cum sint axi perpendiculares, metientur distantias diametrorum EF, KL ab ipso axe AB. Unde eò res redit, ut demonstremus, ex-



D 4

cessus,


cessus, quibus parametri diametrorum, EH, KI superant parametrum AD axis, esse inter se, uti quadrata ordinatarum, hoc est, distantiarum EG, KR. Nam excessus, quo parameter EH superat parametrum AD axis, est quadruplum abscissæ AG. Pariter excessus, quo parameter altera KI superat eandem AD, est quadruplum abscissæ AR. Quare excessus, quibus parametri EH, KI diametrorum superant parametrum AD axis, erunt, ut abscissæ AG, AR, & consequenter, ex natura parabolæ, ut quadrata ordinatarum EG, KR. Quod erat &c.

PROPOSITIO XX.

74. **D**atis axe parabolæ, ejusque parametro, invenire diametrum, quæ habeat parametrum datam.

Sit AB axis parabolæ, & AD ipsius parameter. Et quoniam parameter axis est omnium minima; hinc parameter data major esse debet ipsâ AD. Capiatur itaque excessus, quo data parameter superat AD; & quadrant ipsius fiat æqualis abscissa AG. Erigatur ex puncto G perpendicularis GE, parabolæ occurrens in E; & ducta per punctum E recta EF, ipsi AB parallelâ; Dico, hanc fore diametrum quæsitam.

Demonst. Est namque EH parameter ipsius EF. Ex demonstratis parameter



ista

ista EH superabit parametrum AD axis per quadruplum abscissæ AG. Atqui ex constructione, per hoc idem quadruplum parameter data superat eandem AD; Ergo EH æqualis erit datæ parametro; & propterea erit EF diameter quæsitæ. Quod &c.

PROPOSITIO XXI.

75. **D**Atis diametro aliqua parabolæ, ejusque parametro, invenire diametrum aliam, quæ datam habeat parametrum.

Duos casus distinguere oportet. Vel enim data parameter est major eâ, quæ refertur ad diametrum datam; vel vicissim, minor.

Casus I.

ESto EF diameter data, ejusque parameter EH. Capiatur excessus, quo altera data parameter superat parametrum EH; & ejus quadranti æqualis constituatur portio EQ; erigatur deinde ex puncto Q perpendicularis QK, parabolæ occurrens in K; & ductâ per punctum K rectâ KL, parallelâ ipsi EF; Dico, hanc fore diametrum quæsitam.


Demonstratio. Esto enim KI parameter ipsius KL. Ex superius demonstratis, parameter ista KI superat parametrum EH per quadruplum portionis EQ. Atqui ex constructione, per hoc idem quadruplum parameter data superat eandem EH; Ergo erit KI æqualis datæ parametro; & propterea erit KL quæsitæ diameter. Quod erat &c. •

Casus II.

SIt KL diameter data, ejusque parameter KI. Capiatur excessus, quo KI superat reliquam datam parametrum; & quadranti ipsius constituatur æqualis recta KP, ipsi KL in directum existens; erigatur deinde ex puncto P perpendicularis PE, parabola

lae occurrens in E; ductaque per punctum E recta EF,
ipsi KL parallela; Dico, hanc esse diametrum quaesitam.

Demonstratio. Sit EH parameter ipsius EF. Itaque ex superius demonstratis, ducta KQ, ipsi EF perpendiculari, parameter KI superabit parametrum EH per quadruplam abscissam EQ, seu KP. Atqui ex constructione, per eandem quadruplam abscissam eadem KI superat parametrum datam; Ergo erit EH æqualis datæ parametro; & proinde quæsitæ diameter erit ipsa EF. Quod &c.



Scholion.

76. **P**erspicium est, propositum Problema esse semper solutionis capax in primo casu; sed non æque semper in secundo; quia fieri potest, ut perpendicularis PE minime occurrat parabolæ; quod, quoties contingit, nulla erit diameter, cui data parameter conveniat. Nec id mirum esse debet; nam, si parameter data, minor sit eâ, quæ refertur ad axem, patet solvi non posse Problema.

PROPOSITIO XXII.

77. **D**Ata parametro EH unius diametri EF, invenire parametrum cujusvis alterius diametri KL.

Resolutio. Ex vertice K alterius diametri demittatur super EF perpendicularis KQ. Duo autem contingere possunt: I. ut punctum Q cadat infra verticem E; II. ut idem punctum Q cadat supra verticem E.

In

In priore casu parameter diametri KL major erit parametro diametri EF; in secundo casu erit minor. In utroque autem casu differentia parametrorum est semper quadruplum portionis EQ. Quare, si contingat, ut punctum Q cadat infra verticem E, inveniatur parameter diametri KL, addendo quadruplum ejus portionis ad EH, quæ est parameter ipsius EF. Sin autem accadat, ut punctum Q cadat supra verticem E, habebitur quæsitæ parameter, subducendo ex EH quadruplum illius portionis.

Scholion.

78. **F**ieri quoque potest, ut perpendicularis, quæ demittitur super EF ex vertice K alterius diametri, cadat in ipsum verticem E. In hoc casu, evanescente portione EQ, utraque constructio demonstrat, eandem EH esse etiam parametrum diametri KL; hoc est, binas diametros EF, KL esse æqualiter hinc inde ab axe distantes.

PROPOSITIO XXIII.

79. **S**i ab alternis verticibus duarum parabolæ diametrorum AB, EF, ducantur ad easdem ordinatæ EG, AO; Dico, has ordinatas esse in subduplicata ratione suarum parametrorum.

Demonstratio. Sit AD parameter diametri AB, & EH parameter diametri EF. Erit igitur ex natura parabolæ, $\overline{EG}^2 = DA \times AG$; & $\overline{AO}^2 = HE \times EO$. Ergo $\overline{EG}^2 : \overline{AO}^2 :: DA \times AG : HE \times EO$. Quoniam vero (n. 66.) ordinatæ EG, AO abscindunt ex diametris AB, EF, portiones æquales; erit abscissa AG æqualis abscissæ EO; Ergo

$$\overline{EG}^2 : \overline{AO}^2 :: DA \times AG : HE \times EO :: AD : HE.$$

Qua-

Quare ipsæ ordinatæ erunt in subduplicata ratione parametrorum. Quod erat &c.

De Foco Parabolæ.


SYNOPSIS.

Quid sit focus, & cui usui. Inventio parametri, ejusque semisseos, & quartæ partis in ipso axe parabolæ; atque hinc inventio foci. Omnes radii axi paralleli, incidentes in superficiem parabolicam, reflectuntur in ipsum focus. Forma parabolica omnium aptissima Solis radiis excipiendis, & reflectendis. Datæ parabolæ focus exhibere. Primariæ foci proprietates demonstrantur. Rectarum, vel per focus transeuntium, vel a puncto foci in tangentes incidentium, mira indoles.

DEFINITIO.

80. **F**OCUM parabolæ appello punctum in axe positum, & distans a vertice axis quarta parte sue parametri, seu lateris recti.

Putæ, si AD sit axis, & AF quarta pars parametri ejusdem axis, punctum F vocabitur Focus, quem alii vocant Umbilicum parabolæ. Dicitur autem focus ex peculiari prærogativa, qua fit, ut omnes radii axi paralleli, in curvam parabolicam incidentes, ab eaque reflexi, præcise in illo puncto coeant, & intensissimum calorem producant; quemadmodum de speculis parabolicis docet Catoptrica.




Cum

Cum autem inventio foci eò collimet, ut determinetur in axe punctum hoc, distans a vertice ejusdem, quarta parte suæ parametris; hinc ordiri necesse est.

PROPOSITIO XXIV.

81. **S**I a vertice A axis AD demittatur linea AC, occurrens parabolæ in C, ex quo ad axem ordinatim applicetur CD; ducatur autem & CE normalis ad AC, occurrens axi in E; Dico, rectam DE æquari lateri recto ejusdem axis.

Demonstratio. Quoniam angulus ACE rectus est, & CD normalis ad axem AD, erunt continue proportionales AD, CD, DE; hinc quadrato CD æquatur rectangulum sub AD & DE. Atqui eidem quadrato CD æquale est rectangulum sub eadem abscissa AD, & latere recto; Ergo ED, & latus rectum æquantur. Quod erat &c.



Scholion.

82. **I**Nvento latere recto, seu parametro axis, statim determinatur parabolæ focus ex definitione.

PRO.

PROPOSITIO XXV.

83. **S**I parabolam ABC, cujus axis AD, tangat in B quævis recta BE, occurrens axi producto in E; ducaturque ordinata BD, & BF normalis ad tangentem, occurrens axi in F; Dico, rectam, seu subnormalem DF æquari dimidio lateris recti, seu parametri ejusdem axis.

Demonstratio. Sumatur AG æqualis lateri recto. Quoniam BD ordinata ponitur ad axem, quadratum BD æquale est rectangulo sub DA & AG. Quia vero angulus EBF rectus est, erit idem quadratum BD æquale rectangulo sub ED & DF; Ergo rectangula $ED \times DF$, & $DA \times AG$ sunt inter se æqualia; Quare erit $ED : DA :: AG : DF$. Est autem ED dupla ipsius AD, cum EB sit tangens (n. 47.); Igitur & AG parameter, dupla est rectæ DF; atque adeo DF æqualis dimidio lateris recti. Quod erat &c.




PROPOSITIO XXVI.

84. **S**I parabolam ABC, cujus axis AD, tangat recta BE, concurrens cum axe in puncto E; ponaturque BD ad tangentem EB in puncto B contactus normaliter; ac denique dividatur ED bifariam in F; Dico, FA quartam partem esse lateris recti.

Demonstratio. Ponatur BG ordinata ad axem. Quoniam ED est bifariam secta in F, & EG in A, propter tangentem EB (n. 47.), erit ED ad EF,

EF, sicut ablata EG ad ablatam EA; Ergo & reliqua GD ad reliquam AF est, ut tota ad totam, nempe, ut ED ad EF, hoc est, dupla. Quamobrem AF dimidium est ipsius GD, ac proinde quarta pars lateris recti; cum GD lateris recti dimidium sit ex præced. Quod erat &c.



Corollarium.


85. **H**inc inventio foci immediate consequitur; cum focus distet a vertice parabolæ quarta parte lateris recti. Præterea, cum præcedentes Propositiones exhibeant varias methodos inveniendi lateris recti, facile focum cujuscunque parabolæ determinabimus.

PROPOSITIO XXVII.

86. **S**I in parabola ABC, cujus axis AD, fiat angulus EBF ad contactum, æqualis angulo BEF tangentis cum axe, habebitur focus in F.

Et reciproce, si babeatur focus in F, recta FB a foco ad contactum, æqualis est rectæ FE, interceptæ inter focum, & concursum tangentis cum axe; ac proinde anguli EBF, BEF erunt inter se æquales.


Demonstratur I. pars. Ponatur ordinata BG, & BD normalis ad tangentem EB in puncto contactus B. Quoniam anguli EBF, BEF,



per

64 SECTIONUM CON. PARS I.

per hyp., sunt æquales, erunt & FB, FE lineæ quoque æquales; unde, cum etiam angulus EBD sit rectus, si a centro F, intervallo FE, circulus describatur, transibit is per B & D, ex Elem. Quare EF, FD erunt lineæ æquales; ac proinde, per præced., FA æquabitur quartæ parti lateris recti; Ergo in puncto F habebitur focus, per def. Quod erat primum.



Demonstratur II. pars. Cum angulus EBD ponatur rectus, & BG ordinatim applicata ad axem AD; erit DG æqualis dimidio lateris recti (n. 83.), adeoque dupla ipsius AF;

Quare $EA:EG::AF:GD$;
& permutando, $EA:AF::EG:GD$;
& componendo, $EA + AF:AF::EG + GD:GD$;
hoc est, $EF:AF::ED:GD$;
& iterum permutando, $EF:ED::AF:GD$.

Quare ED dupla est ipsius EF; & circulus centro F, intervallo FE descriptus, transibit per B & D; eruntque lineæ FB, FE, & anguli FBE, FEB inter se æquales. Quod erat secundum.

PROPOSITIO XXVIII.


87. **S**I parabolam ABC, cujus axis AX, tangat in C linea quævis CE, concurrens cum axe in E; seceturque bifariam CE in puncto F, ex quo excitesur FD normalis ad tangentem, occurrens axi in D; Dico, lineam AD esse quartam partem lateris recti, & punctum D esse focum.

Demonstratio. Jungatur CD. Quoniam FD normalis

quartæ parti lateris recti, & punctum H est focus.
Quod erat primum.

Demon/t. II. pars.

Quoniam linea AH est quarta pars lateris recti, angulus HBE æqualis erit angulo AEB (*n.* 86.), hoc est, angulo FBG , cum rectæ FB , ED æquidistant. Quod erat alterum.



PROPOSITIO XXX.

89. **D**atæ parabolæ focus exhibere.

Datæ parabolæ ABC axis sit BD , cui quotvis parallelæ ponantur AE , CF . Agatur autem per C tangens GH ; ductâque ex C rectâ CD , fiat angulus HCD æqualis angulo FCG . Perspicuum est ex præcedenti Propositione, punctum D esse focum parabolæ, & BD quartam partem lateris recti. Quoniam vero CF repræsentat lineam quamcunque axi parallelam, si in reliquis omnibus parallelis fiat angulus incidentiæ æqualis angulo reflexionis, radii reflexi omnes convenient in puncto D , quod quartam partem lateris recti designat, ac proinde focum datæ parabolæ.



Corollarium I.

90. **H**inc omnes radii, axi paralleli, in superficiem parabolicam, & reflexivam incurrentes, reflectuntur in focus.

Hæc est celebris illa parabolæ proprietas, propter quam plerique parabolæ doctrinam plane necessariam, & frugiferam censuerunt.

Postulo itaque, dari corpus parabolicum, reflexionis capax; si nempe intelligatur parabola circa immotum axem circumvolvi, & superficiem parabolicam hoc motu describere, & ad hujus formam conflatum esse ex materia solida vas aliquod, intus lævigatum; Dico, omnem radium luminis, axi parallelum, necessario in focus reflecti.

Postulo II. Radios solares ex singulis punctis solis ad nos perductos, & in superficiem parabolicam incidentes, assumi posse, propter immensam distantiam, tanquam physice parallelos axi parabolæ; quemadmodum Statici eadem de causa in ponderibus deorsum tendentibus ad commune centrum terræ, eundem parallelismum assumunt; non quòd reipsa solares radii a sole emissi, sint paralleli; sed quòd ob immensum, nos inter, & solem, spatium, radii in speculum incidant, ac si vere paralleli essent; ita ut nulla ad invicem inflexio perceptibilis sit. Quod ut clarius assequaris, finge tibi, e plano speculi duas lineas versus solem educas, quantumvis minimo angulo ad invicem inclinatas: convenient illæ multo ante, quam ad solarem discum pervenire possint. Finge vicissim, ex solis centro, sub angulo physico, quantumvis minimo ad sensum, duos radios educi: non cadent illi in superficiem speculi, sed immenso utrinque intervallo a speculo decident. Ratio utriusque est immensa solis a terra distantia. Radii igitur solares

in speculum incidentes, ut vere paralleli assumuntur.

Postulo III. Omnem reflexionem fieri ad angulos æquales incidentiæ, & reflexionis; quæ notissima lucis proprietas est; ac præterea angulos ad superficies curvas, sumi penes tangentes, uti jam monui.

His animadversis, facile intelliges, qua de causa radii reflexi a superficie parabolica, præcise in foco coeunt, intensissimum calorem producant: Quia vero parabolæ focus latitudinem nullam admittit (quod aliter circulo, reliquisque sectionibus conicis usuvenit), fit, ut forma parabolica, omnium sit aptissima radiis solis recipiendis, & reflectendis, multoque vehementiores, quam reliquæ figuræ, causet effectus. Sed de his alio tempore, & loco, si Deus vitam dederit.

Corollarium II.

COrpus luminosum, positum in puncto foci, radios reflexos remittit ad magnam distantiam. Cum enim radii paralleli axi, incidentes in speculum, reflectantur in focum; sic vice versa radii emissi ex puncto foci in speculum, reflectuntur paralleli eidem axi. Sed de his plura in Catoptrica.

Scholion.

CUm autem complures in Catoptrica demonstrationes pendeant a foci proprietatibus, præcipuas seligam, quas hoc loco demonstrarem; ne quidpiam huic operi desit, quod multo facilius conducere Tironibus possit ad reliquas naturalis scientiæ partes discendas.

PROPOSITIO XXXI.

91. **S**I ab axis vertice A ducatur tangens AX, quæ conveniat cum alia quavis tangente MX in puncto

puncto X mutui occurfus; Dico, rectam GX, ductam ex foco G ad punctum X, perpendiculararem esse tangenti MX.


Demonstratio. Tangens MX producat, donec conveniat cum axe in puncto T; & ex contactu M demittatur ad axem ordinata MN. Erit itaque NT: AT::MN:AX. Est autem NT dupla ipsius AT (n. 47.); Quare etiam MN dupla erit ipsius AX; & propterea MN quadratum, quadruplum erit quadrati, quod fit ex AX.

Quoniam vero AG quadrans est parametri AD, erit rectangulum DA×AN quadruplum quoque rectanguli GA×AN, sive GA×AT; Ergo \overline{MN}^2 : \overline{AX}^2 ::DA×AN:GA×AT. Atqui ex natura parabolæ, \overline{MN}^2 =DA×AN. Ergo \overline{AX}^2 =GA×AT; ac proinde ex Elementis, angulus TXG erit rectus.

PROPOSITIO XXXII.

92. **I**isdem stantibus, recta GM conjungens punctum contactus M cum foco G, æqualis est axis portioni GT, quæ inter focum, & tangentem existit.

Demonstratio. Cum enim recta MT tangat parabolam, & ex puncto contactus M ducta sit ad axem ordinata MN, erit AT=AN. Sed AT:AN::TX:MX; Ergo TX=MX. Hinc duo triangula TGX, MGX habebunt duo latera TX, GX æqualia duobus lateribus MX, GX, alterum alte-



ri. *Æquales quoque sunt anguli sub iis lateribus contenti, quoniam uterque est rectus per præced.; Ergo eorundem bases GT, GM pariter æquales erunt.*

Corollarium.

HInc, si per punctum contactus M ducatur MH, parallela axi AB, rursum ostenditur, æquales fore angulos, quos rectæ GM, MH constituunt cum tangente. Nam, propter parallelas, angulus HMZ æquatur angulo T, hoc est, angulo GMT, in triangulo isoscele TGM.

PROPOSITIO XXXIII.


93. **I**isdem stantibus, a puncto contactus M excitetur perpendicularis MO , occurrens axi in O ; ducaturque MH parallela axi;

Dico I., perpendicularē MO dividere bifariam
angulum GMH, contentum sub rectis GM, MH;

Dico II., duas axis portiones TG, OG esse inter se equales.

Demonstratur I. pars. Nam (n. 88.) rectæ GM, MH constituunt cum tangente MT angulos æquales. Sed æquales quoque sunt anguli, quos cum eadem tangente efficit perpendicularis MO; Ergo angulus GMO æqualis angulo HMO. Quod erat &c.

Demonstratur II. pars.
Nam portio NO semissem
adæquat parametri AD
(*n.* 83.); ac proinde du-
pla est portio AG. Rur-
sum (*n.* 47.) portio NT



dupla est ipsius AT ; Ergo tota TO dupla totius TG ; & consequenter $TG = OG$. Quod erat &c.

PROPOSITIO XXXIV.

94. **I**isdem stantibus, si ex puncto O demittatur super rectam GM perpendicularis OR ; Dico, abscissam portionem MR æqualem fore dimidio parametri AD , qui refertur ad axem.


Demonstratio. Nam, per præced., $TG = OG$. Est autem ex dictis $TG = GM$; Ergo $OG = GM$; & consequenter anguli GMO , GOM inter se æquales. Hinc duo triangula rectangula OMR , ONM æquiangula erunt; & propterea $MO:MR::MO:NO$; hinc $MR = NO$. Sed NO semissis est parametri AD (n. 83.); Ergo MR semissis erit ejusdem AD . Quod erat &c.

PROPOSITIO XXXV.

95. **S**i per focus G ducatur recta PQ , utrinque ad parabolam terminata; Dico, rectam PQ æqualem esse parametro illius diametri, quæ eandem, velut suam ordinatam, agnoscit.

Sit enim EF diameter, ad quam PQ , tanquam ordinata, refertur; sitque EH parameter istius diametri; ostendendum est, duas PQ , EH æquales esse inter se.

Demonstratio. Super D axe AB demittatur perpendicularis EL . Constat n. 68., parametrum EH diametri, EF , æqualem esse parametro AD axis AB , una cum qua-



E 4

druplo


Corollarium.

98. **I**N omni parabola, si ex foco F ad quodvis punctum M , sumptum in perimetro parabole, ducatur recta FM ; Dico, banc fore æqualem portioni axis producti PE , & intercepti ab eadem ordinata MP , & directrici BEC . Nam per def. directricis, est $AF=AE$. Est autem per Lemma, $FM=AP+AF$; Ergo $FM=AP+AE=EP$.

PROPOSITIO XXXVI.

99. **D**atis axe AP , & foco F , parabolam in plano describere, ope directricis BC .

Constructio. Axis AP producatul ultra verticem A , donec $AE=AF$; & per punctum E ducatur perpendicularis, seu directrix BEC . Assumatur norma quævis GDO , cujus latus unum GD directrici aptetur, & normaliter insistat; & sumpto filo FMO , æqualis prorsus longitudinis cum altero la-



tere

tere DO ejusdem normæ, alligentur extrema ejusdem fili punctis F & O. Feratur postea norma GDO supra directricem BED, ea quidem lege, ut latus GD directrici semper adhæreat; eodemque tempore, ope stili, una cum norma, feratur etiam filum; sed ita tamen, ut portiones ejus maneat continuo tensæ, ejusque pars MO, dum successive filum evolvitur, semper adhærescat lateri OD ejusdem normæ; Dico, curvam AMX, quæ per stylum M hoc motu describitur, esse portionem parabolæ.

Si vero ad alteram partem puncti fixi, seu foci F, vertatur norma, describetur eadem methodo portio altera AMZ ejusdem parabolæ; ita ut curva XAZ sit parabola quæsitæ.

Demonstratio. Nam ex ipsa curvæ descriptione patet, ejus naturam hanc esse, ut si ex aliquo ejus puncto M demittatur ad axem AP perpendicularis MP, duæ MF, MD ex constructione sint æquales, hoc est, MF æquetur ipsi EP. Atqui $EP = AP + AF$; Ergo $MF = AP + AF$; ac proinde per Lemma, curva sic descripta, erit parabola.

Corollarium I.

100. **P**erspiciuum est autem, parabolam eo motu descriptam, necessario transire per punctum A, verticem axis AP; eoque majorem parabolæ portionem exposita methodo describi, quod longius assumatur latus DO normæ, ac longius filum.

Corollarium II.

Hinc, datis axe AP, cujus punctum A sit vertex, & parametro p axis, describitur parabola XAZ. Nam super axe AP, utrinque a puncto A, sumptis partibus AF, AE, quarum singulæ æquent quadrans-


drantem suæ parametris p , ductaque per punctum E perpendiculari indefinita BC super FE ; tum latus inferius normæ applicetur rectæ BC , quæ vicem directricis obibit; ac reliqua peragantur, ut in constructione Problematis.

Corollarium III.

Quoniam per Lemma, & constr. Probl., $MF = AP + AF$, ac præterea $p = 4 AF$; hinc rursus per regressum ostendi potest, curvæ sic descriptæ convenire primariam parabolæ proprietatem, definitione nominis assumptam; nimirum,

I. Quadratum cujuscvis ordinatæ MP ad axem AP , æquari rectangulo parametris p in abscissam AP axis, sumptam inter ejus originem A , & occursum P ordinatæ.

Ut autem calculo litterali multò compendiosius demonstratio conficiatur, voco AF , m ; indeterminatas AP , x , PM , y . Itaque $MF = AP + AF = m + x$; & $PF = x - m$, vel $m - x$; prout pun-



ctum

Etum P reperietur supra, vel infra focum F. Itaque triangulum rectangulum MPF in utroque casu exhibet hanc æquationem, $\overline{MF}^2 (mm + 2mx + xx) = \overline{MP}^2 (yy) + \overline{PF}^2 (mm - 2mx + xx)$; hinc facta reductione æquationis, elicitur $4mx = yy$. Cum autem $4m = 4AF = p$; si ipsi $4m$ substituatur p , habebitur $yy = px$.


II. Si ducantur due ordinate quæcunque MP, NQ ad axem AP, earum quadrata erunt inter se, uti abscissæ AP, AQ.

Nam $\overline{PM}^2 : \overline{QN}^2 :: p \times AP : p \times AQ :: AP : AQ$.

PROPOSITIO XXXVII.

101. **S**I a quovis parabolæ puncto M ducatur tangens MS, conveniens cum axe AP in puncto S, & ex puncto contactus M demittatur ad eundem axem ordinata MO; Dico, portionem axis interceptam a foco G, & puncto O occurfus, æquari portioni ejusdem axis producti, quæ intercipitur a tangente, & directrice VTI; hoc est, $GO = TS$.

Demonstratio. Ducatur a foco G ordinata GE, & a puncto E tangens ET, quæ conveniet cum axe in puncto T ejusdem directricis; nam (n. 47.) $AT = AG$. Similiter, quoniam recta MS tangit parabolam, & ex puncto contactus M ducta est ad axem ordinata MO, erit $SA = AO$. Ergo etiam differentia duarum $SA - AT$ æquabitur differentia duarum $AO - AG$; hoc est, $GO = TS$. Quod erat &c.



PRO-

PROPOSITIO XXXIX.

104. **S**I a foco G ad punctum contactus M, & ad punctum K, ubi tangens interfecat directricem, ducantur rectæ GK, GM, rectus erit angulus KGM, qui sub iis continetur.


Demonstratio. Cum enim ostensum sit $MO \times TK = TG \times GO$, erit $TG:TK::MO:GO$. Quare duo triangula rectangula GKT, MOG habebunt circa angulos rectos latera proportionalia; & consequenter æquiangula erunt. Angulus igitur TKG æqualis erit angulo GMO; unde appposito communi angulo OGM, erunt anguli $TGK + OGM = GMO + OGM$. Sed hi duo anguli simul sumpti unum rectum adæquant; Ergo etiam uni recto æquales sunt priores duo $TGK + OGM$; Ergo angulus KGM pariter rectus erit. Quod &c.

PROPOSITIO XL.

105. **S**I per focum G ducatur recta MN, utrinque ad parabolam terminata, & in punctis M & N contingant parabolam rectæ MS, NK; Dico, tangentes istas super directrice TV sibi mutuo occurrere in puncto K.

Demonstratio. Si enim fieri potest, secent tangentes illæ directricem in punctis diversis; nimirum, tangens quidem MS in puncto K; tangens vero alia NI in puncto I; tum jungantur rectæ GK, GI.

Quoniam recta MK tangit parabolam, eaque occurrit directrici in puncto K; erit per præced., angulus KGM rectus; ac



pro-

veniens cum directrice in puncto K; jungantur denique puncta N & K per rectam NK; Dico, hanc fore tangentem quæsitam.

Demonstratio. Si enim fieri potest, contingat parabolam in puncto N recta quævis alia NI, quæ conveniat cum directrice in puncto I; ducaturque recta GI. Angulus IGN erit rectus (n. 104.). Sed ex constructione rectus pariter est angulus KGN; Quare duo anguli IGN, KGN æquales inter se erunt; quod fieri non potest.

De Quadratura Parabolæ.

SYNOPSIS.

DAtæ parabolæ terminatæ maximum inscribere triangulum, quod majus est dimidio parabolæ, cui inscribitur, & quadruplum est triangulorum, quæ residuis parabolæ segmentis inscribuntur. Tota triangulorum maximorum series residuis segmentis in infinitum inscripta, æqualis est parabolæ; hæc ad triangulum maximum inscriptum, habet eam proportionem, quam 4 ad 3. Triangulum maximum triplum est residuorum segmentorum. Dato segmento parabolico triangulum æquale construere. Parabolæ terminatæ eam inter se sortiuntur rationem, quam triangula maxima, illis inscripta. Triangulum mixtum concavum parabolicum, duplum est convexi. Spatia parabolica invicem comparata.

L E M M A.

108. **S**I in parabola CAD ad quamlibet diametrum AB applicetur ordinata CBD, sitque alia quæcunque diameter EF terminata eadem lineâ CD; Dico, EF minorem esse, quàm AB.


Demonstratio. Per punctum A ducatur GA, parallela ordinatim applicatæ CD; hæc erit tangens (n. 56.), & cadet extra parabolam; Ergo linea EF ad eam non pertingit; & consequenter EF minor est, quàm BA.

P R O P O S I T I O XLIII.

109. **D**Atæ parabole CAD terminatæ maximum inscribere triangulum.

Parabolam CAD subtendat quævis CD, qua divisa bifariam in B, ponatur diameter AB, cui parallela ducatur EF; ducanturque rectæ a punctis A & E, nimirum, AC, AD, & EC, ED; Dico, triangulum CAD esse majus triangulo CED, & quovis alio, quod in eadem parabola terminata inscribi possit.

Demonstratio. Si enim ex punctis A & E ducantur ad CD perpendiculares AH, EI, fient triangula æquiangula FEI, BAH; & cum EF minor sit, quàm AB per Lem., etiam EI minor erit, quàm AH. Quare triangulum CAD majus est triangulo CED, cum habeat eandem basim, & majorem altitudinem. Quod erat &c.



PRO-

PROPOSITIO XLIV.


110. **P**arabolæ terminatæ maximum triangulum CAD inscriptum, majus est dimidio parabolæ.

Demonstr. Perficiatur parallelogrammum CGKD, quod majus est parabola CEAD. Igitur & CAD triangulum, dimidium scilicet parallelogrammi, majus erit dimidio parabolæ: Quod erat &c.

PROPOSITIO XLV.

111. **S**i ad parabolæ ABC diametrum AD applicetur ordinata CD, ducaturque AC, quæ dividatur bifariam in F, ductaque rursus diametro BF, jungantur rectæ AB, CB; Dico, triangulum CAD quadruplum esse trianguli ABC.

Demonstratio. Agatur per A tangens AE, occurrens in E diametro BF, quæ producta secet DC in G. Quoniam AE, CD sunt parallelæ (n. 56.), erit $CF:FA::GF:FE$. Atqui, per hyp., $CF=FA$; Ergo $GF=FE$; ac proinde triangulum EAF æquale triangulo CFG. Atqui triangulum EAF æquatur triangulo CBA, quia EB, BF lineæ æquales sunt (n. 56.); Igitur triangulum CFG æquale est triangulo ABC. Est autem triangulum CAD quadruplum trianguli CFG; quia AD dupla est rectæ FG, & CD pariter dupla rectæ CG; Ergo triangulum CAD erit pariter quadruplum trianguli ABC. Quod erat &c.



PROPOSITIO XLVI.


112. **S**I parabola AEBFC inscribatur triangulum maximum ABC, & inscribantur præterea residuis segmentis triangula maxima, atque ita porro semper fiat; Dico, toti triangulorum seriei æqualem esse parabolam AEBFC.

Demonstratio. Nam triangula sine fine inscripta, desinunt in parabolam; ac proinde ultimæ rationes sunt rationes æqualitatis; uti fusius ostendi in dissertatione de methodo geometrica, ad calcem tom. II. Geom. Solid.

Aliter, juxta methodum exhaustionum ab antiquis Geometris adhibitam, Euclide, Apollonio, & Archimede; uti exposui in eadem dissertatione pag. 196.

Si enim parabola AEBFC æqualis non sit toti triangulorum seriei; major igitur est, vel minor.

Sit primum parabola major totâ triangulorum seriei; & excessus ponatur quantitas G. Quoniam triangulum ABC maximum est illorum, quæ parabola inscribi possunt, majus quoque erit dimidio parabola, cui inscriptum est (n. 110.). Similiter triangula duo AEB, BFC majora sunt dimidiis segmentorum, quibus inscribuntur. Quod, cum sine termino continuari possit, relinquetur ex parabola quantitas quavis datâ minor; ergo & minor quantitate G; & consequenter illa non est excessus, quo



para-

parabola triangulorum seriem excedit; ergo parabola major non est tota triangulorum serie.

Sed neque minor esse potest, cum triangulorum series, per hyp., semper intra parabolam continuetur; ac proinde series illa, quantumcunque aucta plurium triangulorum additione, semper tamen pars maneat parabolæ. Quare, cum nec major, nec minor sit parabola triangulorum serie, æqualis ut sit, necesse est. Quod erat &c.

L E M M A .

113. **S**I detur series infinita quantitatum decrescens in ratione quadrupla, erit aggregatum omnium ad primum terminum, ut quatuor ad tria.

Demonstrationem habes in meis Commentariis Arith. univers. Parte III. de progressionibus Geometricis infinitis Prop. 34. n. 236.

Nam, si progressio quæcunque geometrica descendendo in infinitum continuetur, erit, ut denominator unitate multiplicatus, ad unitatem; ita primus, seu maximus terminus ad reliquam infinitorum terminorum summam; quare, si series decrescat in ratione quadrupla, primus, seu maximus terminus est triplus summæ reliquorum infinitorum; Ergo aggregatum omnium ad primum terminum est, ut quatuor ad tria.

P R O P O S I T I O XLVII.

114. **P**arabola AEBFC ad triangulum maximum ABC eam habet proportionem, quam 4 ad 3, seu est sesquiertia trianguli maximi, in ipsa inscripti.

Demonstratio. Triangulum maximum inscriptum

F 3

ABC

ABC quadruplum est triangulorum maximorum AEB, BFC, quæ residuis inscribuntur segmentis; & illa rursus simul sumpta, quadrupla triangulorum residuis segmentis inscriptorum; atque ita sine termino (n. 111.). Ergo tota triangulorum series, idest, parabola (n. 112.), est ad triangulum ABC, primum seriei terminum, ut quatuor ad tria, per Lemma. Quod erat &c.


Corollaria.

115. **S**equitur I., *triangulum maximum ABC triplum esse residuorum segmentorum AEB, BFC.* Cum enim tota parabola ad triangulum maximum inscriptum sit, ut quatuor ad tria, patet, ipsum triangulum tres quintas continere parabolæ; adeoque & residuorum esse triplum.

Sequitur II., *segmenta AEB, BFC esse inter se æqualia.* Nam triangula ABD, BDC, singula singulorum tripla sunt, & inter se æqualia.

III. *Si a vertice B diametri BD ducatur NBO, parallela basi AC, ac perficiatur parallelogrammum, triangulum ABC erit semissis parallelogrammi circumscripti ANOC.* Quare parabola ad circumscriptum parallelogrammum erit, ut 4 ad 6, seu, ut 2 ad 3; ac proinde æqualis erit $\frac{2}{3}$ ejusdem parallelogrammi; & semiparabola AEBD æquabitur $\frac{2}{3}$ rectanguli ANBD.

IV. *Si ab extremitate C ordinatæ CD, quæ terminat semiparabolam DBC, ducatur*



tur tangens CR, eadem semiparabola DBC æquabitur $\frac{2}{3}$ trianguli DRC. Nam hoc triangulum æquatur rectangulo DBOC; cum DB sit semiffis totius DR (n. 47.); & semiparabola sit æqualis $\frac{2}{3}$ hujus rectanguli DBOC.


Habes hinc varias methodos metiendi parabolam terminatam, semiparabolam, & segmentum parabolicum.

PROPOSITIO XLVIII.

116. **D**ato segmento parabolico triangulum æquale construere.


Sit ABC segmentum parabolæ datum, subtensâ AC comprehensum; ductaque diametro AD, applicetur ordinata CD; agaturque per A, ordinatæ CD parallela AE, occurrens in E rectæ CE, erectæ ex puncto C, & parallelæ diametro AD; tum EC ita dividatur in F, ut FC sit quarta pars ejusdem; denique ducatur ex A per F recta AG, occurrens ipsi DC in G; Dico, GAC triangulum æquale esse dato segmento ABC.

Demonstratio. Quoniam AE, CG sunt parallelæ, erit CF:FE::GC:EA. Atqui CF est tertia pars rectæ FE; Ergo & GC est tertia pars ipsius EA=CD; Quare GAC triangulum tertia pars est trianguli CAD. Est autem ABCA segmentum parabolicum æquale tertiæ parti trianguli CAD ex Coroll. præced.; Ergo & GAC triangulo est æquale segmentum ABCA. Dato igitur segmento parabolico æquale triangulum exhibuimus. Quod erat &c.



Corollarium.

117. **H**inc patet, triangulum GAD æquale esse parabolæ $ABCD$, adeoque eadem praxi solvi Problema, quo petitur, datæ parabolæ triangulum æquale exhiberi.



PROPOSITIO XLIX.

118. **P**arabolæ terminatæ eam inter se sortiuntur rationem, quam triangu-
la maxima illis in-
scripta.

Demonstratio. Sint parabolis terminatis triangu-
la maxima inscripta: Dico, parabolas eam inter se
rationem habere, quam triangu-
la maxima. Nam
triangulum quodvis ad suam respectivè parabolam,
cui inscribitur, eandem habet rationem, nempe,
ut 3 ad 4 (*n.* 114.); Ergo permutando, ut trian-
gulum ad triangulum, sic parabola ad parabolam.
Quod erat &c.

Corollarium.

119. **H**inc, si duæ parabolæ habeant eandem,
vel æqualem subtensam, erunt illæ inter
se, ut altitudines. Et, si altitudines fuerint æqua-
les, erunt inter se, ut bases.


PRO-

PROPOSITIO L.

120. **T** *Riangelum mixtum concavum parabolicum, duplum est convexi.*

Parabolam BAC tangat in B recta EB , conveniens cum diametro quacumque AE in E ; jungaturque AB ; Dico, figuram concavam $BFAEB$ duplam esse convexæ $BFAGB$.


Demonstratio. Ex puncto B ducatur ordinata BC ad diametrum AD . Quoniam BE tangens est, erit $AD = AE$; hinc ABD , ABE triangula æqualia. Est autem ABD triangulum, triplum segmenti $BFAGB$. (n. 115.) Igitur & triangulum ABE triplum est ejusdem segmenti. Quamobrem residua figura concava $BFAEB$ dupla est convexæ $BFAGB$. Quod erat &c.



PROPOSITIO LI.


121. **S** *I parabolam ABC , cujus diameter AD , secant utcunque rectæ AB , AC , ducanturque ordinatæ BE , CD ; Dico, spatium parabolicum $EBCD$ quadruplum esse spatii $CABC$, lineis AB , AC , & parabolicè BC contenti.*

Demonstratio. Quoniam parabola $DABC$ quadrupla est segmenti ABC , &



para-


parabola EAB quadrupla segmenti AB (n. 115.), erit parabola DABC ad segmentum ABC, uti parabola EAB ad segmentum AB. Ergo, cum parabola DABC ad ABC, hoc est, totum ad totum, sit, ut EAB ablatum ad AB ablatum; erit reliquum EBCD ad reliquum ACBA, ut totum DABC ad totum ABC; Quare figura EBCD quadrupla est figuræ, lineis AC, AB, & parabolica BC contentæ. Quod erat &c.



PROPOSITIO LII.

122. **S**I parabolam ABC tangat linea quæcumque AD, conveniens cum diametris quibuscumque DC, FE, in punctis D & E, junganturque AF, AC; Dico, concavum EDCGF duplum esse partis convexæ AFGC, lineis AF, AC contentæ.

Demonst. Concavum ABCDA duplum est parabolæ ABC (n. 120.); & similiter concavum ABFEA duplum est segmenti parabolici ABF; Igitur residuum EDCGF duplum est residui AFGCA. Quod erat &c.



De Proportionalitate Rectarum, & Rectangulorum in Parabola.


SYNOPSIS.

QUa certa lege ordinatæ in parabola possint esse continue proportionales. Recta quævis duabus diametris occurrens, vel ab iisdem terminata, dividi potest in partes continue proportionales. Hinc rectangulorum æqualitas. Rectarum inter se cum rectangulis proportio. Qua ratione diametri subtensas omnes in parabola ita secant, ut rectangula omnia sub segmentis sint invicem æqualia. Diametrorum inter se cum rectangulis proportio. Rectangulorum proportio. Recta quævis duas subtensas parallelas utcumque secans, efficit rectangula sub segmentis subtensarum, proportionalia rectangulis sub segmentis ejusdem rectæ secantis. Similiter latera trianguli inscripti, a duabus parallelis secta, aliam rectangulorum proportionem determinant. Rectangulorum ratio triplicata rationis ordinarum. Parallelogramma continue proportionalia.

PROPOSITIO LIII.

123. **S**I in parabola ABC diameter AF intelligatur divisa in punctis H, D, F, hac lege, ut AH, AD, AF sint continue proportionales; Dico, ab iisdem punctis ordinaras HG, DB, FC esse in continua analogia.

Demonstratio patet ex Elem.; cum abscissæ AH, AD, AF & sint continue proportionales, & duplicatam habeant rationem rectarum HG, DB, FC.




PRO-

PROPOSITIO LIV.

124. **S**i parabolam ACB secent duæ quævis diametri AF, BD, junctisque diametrorum verticibus AB, ponatur ad diametrum BD ordinatim applicata ex quovis puncto C, recta CD, occurrens rectis AB, AF in punctis E & F; Dico, rectas FD, CD, ED esse continue proportionales.

Demonstratio. Ex A ducatur ordinata AG: erit $BD:BG::ED:AG$, seu FD.

Atqui, ex natura parabolæ, BD ad BG duplicatam habet rationem ejus, quam habet DC ad AG, sive FD; Ergo ratio quoque ED ad FD, duplicata est rationis DC ad FD; Ergo rectæ ED, DC, FD sunt continue proportionales. Quod erat &c.

*Corollarium.*

Iisdem positis, quæ supra, sequitur, rectangulum $FD \times CE = FC \times CD$. Cum enim $FD:CD::CD:ED$, erit $FD:CD::FD-CD:CD-ED::FC:CE$; Ergo $FD \times CE = FC \times CD$.

PROPOSITIO LV.


125. **I**isdem positis, quæ supra. Dico, rectangulum $CF \times FG = DF \times FE$ rectangulo.

PROPOSITIO LVI.

126. **I**N parabola ABC sint iterum due quævis diametri AF, BD; & ad diametrum BD applicentur quidem ordinatæ GC, KI, occurrentes diametro FA in F & H, sive extra parabolam, sive intra parabolam; Dico, in utroque casu ita esse AH ad AF, uti IHK rectangulum ad rectangulum CFG.

Demonstratio.

Ducta recta AB secet rectas FC, HI in punctis E & L. Erit itaque per præcedentem,



$$LH \times HM = KH \times HI,$$

$$\& \quad EF \times FD = GF \times FC;$$

$$\text{unde } KH \times HI : GF \times FC :: LH \times HM : EF \times FD.$$

$$\text{Atqui } LH \times HM : EF \times FD :: LH : EF;$$

$$\text{nam } HM = FD;$$

$$\text{est autem } LH : EF :: AH : AF;$$

$$\text{Ergo } KH \times HI : GF \times FC :: AH : AF.$$

Quod erat &c.

Corollarium.


127. **H**inc sequitur quoque, $AH : AH :: IH \times HK : IH \times HK$. Nam $AH : AH :: HL : HL :: LH \times HM : LH \times HM$. Atqui, per præced., rectangulis $LH \times HM$ æqualia ostensa sunt rectangula $IH \times HK$; Ergo $AH : AH :: IH \times HK : IH \times HK$.

LEM.

L E M M A.

128. **S**I in parabola ABC æquidistant rectæ AC, EF, & ex punctis A & C ducantur diametri AG, HC, occurrentes rectæ EF in G & H; Dico, segmenta EG, FH esse inter se æqualia.


Demonstratio. Ducatur ID diameter rectarum AC, EF; quæ, cum sint ordinatim applicatæ ad eandem diametrum ID, erunt bifariam sectæ in D & I. Atqui etiam GH est bifariam secta in D; nam $GH = AC$; Ergo reliquæ EG, HF sunt inter se æquales.



P R O P O S I T I O L V I I.

129. **P**arabolam ABC secant in A & D diametri due æquales AE, DF; & ex punctis E & F quævis ducantur parallelæ EC, FG, occurrentes perimetro parabolæ in punctis B, C, H, G; Dico, reſtanguſa $BE \times EC$, $HF \times FG$ eſſe inter ſe æqualia.

Demonſtratio. Ex punctis D & A ducantur rectæ DL, AK, parallelæ ipſi FG; & AK quidem occurrat diametro DF in I; & DL occurrat in N



dia-

96 SECTIONUM CON. PARS I.

diametro KN, demissa ex puncto K; recta vero AE producta secet DL in M.

Per Coroll. præced. $DF:DI::HF \times FG:AI \times IK$;
& $AE:AM::BE \times EC:DM \times ML$.

Atqui $AE=DF$, & $DI=MA$;


Ergo $HF \times FG:AI \times IK::BE \times EC:DM \times ML$.

& perm. $HF \times FG:BE \times EC::AI \times IK:DM \times ML$.

Jam vero per Lem. $DM \times ML=MD \times DN=AI \times IK$;


Ergo $HF \times FG=BE \times EC$.

Quod erat &c.



PROPOSITIO LVIII.

130. **P**arabolam ABC
secent duæ qua-
vis diametri BD, EF,
quas in D & F secent
quæcunque parallele AC,
GH; Dico,



$$BD:EF::AD \times DC:GF \times FH.$$

Demonstratio. Secetur recta EF, vel producatur in K; & fiat $EK=BD$; & per K ponatur LM, parallela ipsi GH. Itaque (n. 126.)

$$EK:EF::LK \times KM:GF \times FH.$$


Quia vero $EK=BD$, erit per præced.,

$$LK \times KM=AD \times DC;$$

Quare $BD:EF::AD \times DC:GF \times FH$. Quod &c.
PRO.

PROPOSITIO LIX.

131. **S**int iterum in parabola ABC duæ quævis diametri BD, EF, quas in F & D fecer recta quævis AC; Dico, $AD \times DC : AF \times FC :: BD : EF$.



Demonstratio. Fiat $EF = BG$; & per G ducatur IH, parallela ipsi AC. Erit igitur (n. 126.)

$$BG : BD :: IG \times GH : AD \times DC.$$


Atqui (n. 129.) $IG \times GH = AF \times FC$;

$$\text{Ergo } EF : BD :: AF \times FC : AD \times DC.$$

Quod erat &c.

PROPOSITIO LX.

132. **P**arabolam ABC secent duæ quævis parallelæ AB, CD, quas utcumque in G & H dividat linea FE; Dico,



$$AG \times GB : DH \times HC :: FG \times GE : FH \times HE.$$

Demonstratio. Ex punctis H & G excitentur diametri HK, GI. Erit igitur (n. 130.)

$$GI : HK :: AG \times GB : DH \times HC.$$

Atqui (n. 131.) $GI : HK :: FG \times GE : FH \times HE$;

$$\text{Ergo } AG \times GB : DH \times HC :: FG \times GE : FH \times HE.$$

Quod erat &c.

G

PRO.


PROPOSITIO LXI.

133. **P**arabolæ ABC inscriptum sit triangulum ABC, cujus duo latera AB, CB secantur in H & I utcumque a duabus quibuscumque FG, FG, parallelis ipsi AC; Dico,

$$FH \times HG : FH \times HG :: FI \times IG : FI \times IG.$$

Demonstratio. Nam per præced., rectangulum FHG ad rectangulum FHG est, ut AHB rectangulum ad rectangulum AHB. Et similiter rectangulum FIG est ad rectangulum FIG, ut rectangulum CIB ad rectangulum CIB. Est autem

$AH \times HB : AH \times HB :: CI \times IB : CI \times IB;$
quia ex iisdem rationibus componuntur;
Ergo $FH \times HG : FH \times HG :: FI \times IG : FI \times IG.$
Quod erat &c.




PROPOSITIO LXII.

134. **E**sto parabolæ ABC diameter AD, quam in E & D secant ordinatæ BE, FD; ducaturque ex A recta AC, secans ordinatas, utcumque in G & H; Dico, rectangulum BE \times EG ad rectangulum FD \times DH triplicatam habere rationem ejus, quam habet BE ad FD.

Demonstratio. Rectangulum BE \times EG ad rectangulum FD \times DH rationem habet compositam
ex

ex BE ad FD, & EG ad DH, idest, AE ad AD. Sed ratio AE ad AD duplicata est rationis BE ad FD, ex natura parabolæ; Ergo rectangulum $BE \times EG$ ad rectangulum $FD \times DH$ triplicatam habet rationem ejus, quam habet BE ad FD. Quod erat &c.




PROPOSITIO LXIII.

135. **P**arabolam ABC, cujus diameter AD, & ordinata CD, tangat in A recta AE, quam in E secet diameter CE; & ex quovis perimetri puncto B ducatur ordinata FG, utrinque occurrens in F & G rectis AD, EC; denique per B ducatur diameter HI, occurrens ordinatæ, & tangenti in I & H; Dico, parallelogramma AB, AG, AI, AC in continua esse analogia.

Demonstratio. Quoniam AE, FG sunt parallelæ, parallelogrammum AB ad parallelogrammum AG est, ut FB ad FG, idest, CD. Est autem parallelogrammum AB ad parallelogrammum AI, ut recta AF ad rectam AD, hoc est, ex natura parabolæ, in duplicata ratione FB ad DC; Ergo parallelogrammum AB ad parallelogrammum AI duplicatam habet rationem ejus, quam habet parallelogrammum AB ad parallelogrammum AG; parallelogramma igitur AB, AG, AI sunt continue proportionalia.

Rursum parallelogrammum AI est ad parallelogrammum AC, ut recta DI ad rectam DC, hoc est, ut parallelogrammum AB ad parallelogrammum AG; Ergo parallelogramma AB, AG, AI, AC &c.



*De Parabolæ Segmentis, & Figuris maximis
eidem inscriptis.*

SYNOPSIS.


AUferre segmentum parabolæ, dato æquale, vel ad datum segmentum in data ratione parametri ad parametrum. Segmentum parabolæ construere, æquale segmento dato alterius. Ab eadem parabola auferre tria segmenta æqualia; vel auferre segmenta, quæ sint in triplicata ratione subtensarum; & similiter segmenta continue proportionalia. Datæ parabolæ terminatæ maximum inscribere parallelogrammum, vel polygonum regulare maximum, quod dato laterum numero constet.

LEMMA.

136. **S**I parabolam ABC interfecent duæ quævis parallele AB, DC, junctisque BC, AD, inscribatur segmento CB triangulum maximum BEC, uti docuimus n. 109., ducaturque EF parallela ipsi AB, & jungantur AF, FD; Dico, triangulum AFD maximum esse illorum, quæ segmento AFD inscribi possint.

Et reciproce, si triangula AFD, BEC fuerint maxima; Dico, rectam EF parallelam fore ipsi AB.

Demonst. Quoniam AB, FE, DC sunt invicem parallelæ, erit $FI = KE$ (n. 61.); ac proinde duo triangula FAI, FID æqualia sunt duobus triangulis KBE, KEC, singula singulis. Itaque, si triangulum AFD non sit omnium maximum, esto, si fieri possit, aliud AGD majus triangulo AFD; positæque GH, parallela ipsi AB, jungantur rectæ BH, HC. Demonstretur, ut prius,



trian-

triangulum BHC æquari triangulo AGD . Sed AGD majus est triangulo $AFD = BEC$, ut ostensum est; Triangulum igitur BHC majus quoque est triangulo BEC : quod est contra hypothesim. Quamobrem triangulum AGD maximum non est; sed omnium maximum est triangulum AFD . Quod erat primum.

Et reciproce, si triangula AFD , BEC fuerint maxima; Dico, junctam rectam FE esse parallelam rectæ AB . Esto enim, si fieri possit, quævis alia FH parallela ipsi AB , junganturque BH , HC . Triangulum igitur BHC maximum est eorum, quæ segmento BEC inscribi possunt, adeoque majus triangulo BEC ; quod est absurdum; Ergo FH non est parallela rectæ AB ; sed FE æquidistat eidem AB . Quod erat alterum.

Quod si AB contingat parabolam, eadem inferri possunt, quæ prius, eademque est demonstratio.

PROPOSITIO LXIV.

137. **S**I parabolam ABC secent parallela quævis duæ AB , DC , ducanturque rectæ AD , BC ; Dico, ab hisce rectis segmenta auferri æqualia.

Demonstratio. Segmentis AD , BC triangula inscribantur maxima AFD , BEC (n. 109.); quæ æqualia sunt inter se, propter parallelas AB , CD , per Lemma; Ergo etiam segmenta æquantur (n. 118.).

PROPOSITIO LXV.


138. **E**X dato in perimetro parabola puncto B rectam ducere, quæ segmentum auferat æquale dato AD .

Resolutio & Demonstratio. Jungatur AB ; ducaturque CD , parallela ipsi AB . Ex præcedente jam constat, rectam BC , ex dato puncto eductam, segmentum auferre æquale dato AD .

PROPOSITIO LXVI.

139. **A**D axem BD parabolæ ABC, cujus parameter sit BI, esto ordinatim applicata AC; sit autem & altera parabola EFG, cujus axis FH, & parameter FK. Oporteat ex hac parabola EFG segmentum auferre, quod ad segmentum ABC rationem habeat datam parametri BI ad parametrum FK.


Resolutio & Demonstratio. Fiat, ut IB ad FK, ita reciproce FH ad BD; & per H applicetur ordinata EG: Dico factum. Cum enim sit $IB:FK::FH:BD$, erit $IB \times BD = FK \times FH$. Est autem $IB \times BD = \overline{AD}^2$, & $FK \times FH = \overline{EH}^2$; Quare $AD = EH$; hoc est, $AC = EG$; Ergo triangulum maximum segmenti EFG, ad triangulum maximum segmenti ABC est, ut FH ad BD, idest, per constr., ut BI ad FK; Quare (n. 118.) etiam segmentum EFG ad segmentum ABC, ut BI ad FK. Abtulimus igitur ex parabola EFG segmentum, quod ad segmentum ABC datam habet rationem parametri BI ad parametrum FK. Quod erat &c.



PROPOSITIO LXVII.


140. **A**D parabolæ ABC diametrum BE esto ordinatim applicata AC; ductaque AD normali ad diametrum ex C demissam, fiat $BE = FG$; & per AGD parabola describatur, cujus axis GF; Dico, segmentum AGD æquari segmento ABC.

Demonstratio. Quoniam $BE = GF$, triangula BCE, GDF, item BAE, GAF, ac propterea triangula ABC, AGD inter se sunt æqualia. Sed etiam maxima sunt illorum, quæ segmentis ABC, AGD inscribi possunt (n. 109.); Ergo segmenta ABC, AGD sunt æqualia (n. 118.). Quod erat &c.




PROPOSITIO LXVIII.

141. **S**I parabolæ segmento ABC intelligantur inscripta duo triangula, ita quidem, ut triangulum ABC sit maximum illorum, quæ segmento inscribi possunt, alterum vero AEC quodcunque; Dico, segmenta parabolæ AE, EC simul sumpta, majora esse segmentis AB, BC simul sumptis.



104 SECTIONUM CON. PARS I.


Demonstratio. Cum enim triangulum AEC minus sit triangulo ABC, residua segmenta AE, EC majora sunt residuis segmentis AB, BC. Eodem etenim excessu triangulum ABC superat triangulum AEC, quo excessu segmenta super lineis AE, EC superant segmenta super AB, BC. Quod &c.



PROPOSITIO LXIX.

142. **P**arabolam ABC subtendat recta AC, quæ divisa in quorvis partes æquales in punctis D & E, erigantur diametri DB, EF; junganturque AB, BF, FC; Dico, segmenta AB, BF, FC esse æqualia.

Demonstratio. Ducantur AF, BC, quæ diametris occurrant in G & H. Jam vero, propter parallelas, AD:DE::AG:GF. Est autem per hyp., AD=DE; Ergo AG=GF. Quare (n. 109.) triangulum ABF maximum est eorum, quæ segmento ABF inscribi possint; & segmenta AB, BF sunt æqualia (n. 115.). Similiter ostenduntur æqualia segmenta BF, FC; Segmenta igitur AB, BF, FC sunt æqualia. Quod erat &c.




PROPOSITIO LXX.

143. **P**arabolam ABC, cujus diameter AD, contingat in A tangens AE, quæ dividatur in partes æquales, punctis E, F, G; demittanturque diametri

metri EC, FH, GB, occurrentes parabolæ in B, H, C; & jungantur AB, BH, HC; Dico, segmenta AB, BH, HC esse inter se æqualia.

Demonstratio. Ducantur similiter subtensæ AH, BC, occurrentes diametris in K & I. Quoniam IG, FH æquidistant, & AG, GF ponuntur æquales, rectæ AI, IH inter se quoque æquales erunt; Quare AH est ordinata ad diametrum IB; & triangulum ABH est maximum eorum, quæ segmento ABH inscribi possint (n. 109.); adeoque & segmenta AB, BH æqualia sunt (n. 115.).

Eodem modo ostenduntur segmenta BH, HC inter se æquari; Ergo &c.




Corollarium.

144. **P**ROPOSITIO quoque vera est, si ex A ducta secans AN dividatur in partes æquales punctis L & M; ex quibus in parabolam demittantur rectæ LB, MH, NC, parallelæ diametro AD. Demonstratio patet ex præced.

PROPOSITIO LXXI.


145. **P**ARABOLAM ABC secant duæ quævis parallelæ AC, DE; Dico, segmentum ABC ad segmentum DBE esse in triplicata ratione rectæ AC ad rectam DE.

Demonst. Ponatur diameter BF, ad quam ordinatim positæ sint AC, DE. Para-



bola


bola ABC ad parabolam DBE, eam habet rationem, quam triangulum sub AC & BF, ad triangulum sub DE & BG (n. 118.). Atqui ratio primi trianguli ad secundum, est triplicata rationis AC ad DE; quippe quæ composita est ex ratione AC ad DE, & BF ad BG; est autem ex natura parabolæ, ratio BF ad BG duplicata rationis AC ad DE; Ergo parabola ABC ad parabolam DBE est in triplicata ratione rectæ AC ad rectam DE. Quod erat &c.



PROPOSITIO LXXII.

146. **P**arabolæ ABC diameter esto AD, divisa in punctis E, F, G, hac lege, ut abscissæ AE, AF, AG, AD sint continue proportionales; positisque ordinatis EB, FH, GI, CD, jungantur subtensæ AB, AH, AI, AC; Dico, segmenta AB, ABH, ABI, ABC esse continue proportionalia.

Demonstratio. Ratio segmenti AB ad segmentum AH triplicata est ejus, quam habet ordinata BE ad ordinatam HF, per præced. Rursum ABH segmentum ad segmentum ABI triplicatam habet rationem ejusdem HF ad IG; & sic de cæteris. Atqui BE, HF, IG, CD sunt continue proportionales (n. 123.); quoniam AE, AF, AG, AD in continua ponuntur analogia; Igitur & segmenta AB, ABH, ABI, ABC sunt in ratione continuata. Quod erat &c.




PRO-

PROPOSITIO LXXIII.

147. **S**I ad parabolæ ABC diametrum AD applicetur ordinata DC, seceturque AD in E, ita ut ED dupla sit ipsius AE; tum ex E ducatur ordinata EB, & ex B demittatur diameter BF, occurrens rectæ DC in F; Dico, parallelogrammum DEBF maximum esse illorum, quæ in angulo EBF parabolæ ABCD terminatæ inscribi possint.

Demonstratio. Inscribatur enim quodcunque aliud parallelogrammum IGH D, habens angulum IGH æqualem angulo EBF; agaturque per B tangens LK, occurrens diametro AD in L, & ordinatæ DC in K; rectæ vero HG occurrens in M, ex quo ducatur recta MN, parallela ipsi GI.

Quoniam BL tangens est, & BE ordinata, erit $LE = AE$; adeoque tota LE æqualis ipsi ED, quæ dupla ponitur rectæ AE; Quare LK in B quoque bifariam est divisa. Ergo ex Elementis, parallelogrammum DB majus est parallelogrammo DM, quod majus est parallelogrammo DG; quia punctum M cadit extra parabolam; hinc parallelogrammum DB multo majus est parallelogrammo DG. Idem demonstratur de quovis alio; Parallelogrammum igitur DB maximum est eorum &c.




PRO-

PROPOSITIO LXXIV.

148. **D**atæ parabolæ ABC , terminatæ basi AC , maximum inscribere parallelogrammum.

Resolutio & Demonstratio. Excitetur ex puncto medio D basis diameter BD , quæ dividatur in E , hac lege, ut ED dupla sit reliquæ EB ; tum ducatur per E ordinata FG ; & ex F & G diametri demittantur FH , GI , occurrentes ordinatæ AC in H & I . Manifestum est ex præced., parallelogrammum $HFGI$ esse id, quod quæritur.




DEFINITIO.

149. **P**olygonum regulare voco, cujus singula latera auferunt segmenta æqualia, præter subtenfam.

PROPOSITIO LXXV.

150. **D**atæ parabolæ terminatæ ABC , quam sub-tendat AC , polygonum regulare inscribere, quod dato laterum numero constet, puta, quatuor.

Resolutio & Demonstratio. Secetur AC in D & H trifariam; & ex D & H excitentur diametri DF , HG ; junganturque AF , FG , GC ; Dico, polygonum $AFGC$ satisfacere Problemati. Cum enim rectæ AD , DH , HC



sint

sint æquales, segmenta quoque AF , FG , GC æqualia sunt; ut demonstratum est. Polygonum igitur regulare, est quadrilaterum, quod inscripsimus datæ parabolæ.

PROPOSITIO LXXVI.

151. **I**dem positis, Dico, quadrilaterum $AFGC$ esse maximum illorum, quæ parabolæ ABC terminatæ inscribi possunt.

Demonstratio. Inscribatur enim aliud quodvis quadrilaterum $ABGC$, quod quidem latus CG commune habeat cum quadrilatero $AFGC$. Quoniam igitur segmenta AF , FG sunt æqualia, minora illa sunt segmentis AB , BG simul sumptis (n. 141.). Residua igitur figura rectilinea $AFGC$ major est figurâ rectilineâ $ABGC$.

Similiter ostenditur, quadrilaterum quodvis aliud minus esse quadrilatero $AFGC$; Maximum igitur hoc est eorum, quæ ABC parabolæ terminatæ inscribi possunt.

Corollarium I.

152. **Q**uæ de quadrilatero regulari dixi, eadem de quotvis laterum polygono regulari intelligenda sunt; eademque omnibus constructio, & demonstratio convenit.

Corollarium II.

153. **A**tque hinc, ut datæ parabolæ terminatæ polygonum inscribatur maximum eorum, quæ dato numero laterum inscribi possunt, satis erit polygonum regulare inscribere.

Descriptiones variæ, & Geneser Parabolæ.


SYNOPSIS.

Dato parametro, exhibere illius parabolam. Datis rectâ lineâ pro diametro futuræ parabolæ, ejusque vertice, & angulo, quem applicatæ efficere debeant, & parametro, parabolam per plura puncta describere. Circa datam parallelogrammi diametrum parabolam describere, cujus vertex sit in dato angulo. Dato vertice parabolæ, vel diametro, vel axe, ejusque parametro, aliter atque aliter parabolam construere, & in infinitum producere. Circa datum triangulum parabolam, quæ transeat per datum punctum, aliasque in infinitum parabolas describere. Datis rectis se mutuo decussantibus, invenire parabolam, cujus una ex diametris sit alterutra rectarum. Datis tribus punctis, non in directum positis, parabolam describere, quæ transeat per eadem tria data puncta.

PROPOSITIO LXXVII.

154. **S**I recta AB secetur utcumque in C, eidemque AB applicentur rectæ quocumque BD, BD &c., hac lege, ut rectangulis $CA \times AB$ æqualia sint quadrata BD; Dico, puncta A, D, D esse ad parabolam, cujus parameter, seu latus rectum est AC.

Demonstratio. Ut abscissa AB ad alteram abscissam AB, ita rectangulum $CA \times AB$ ad rectangulum $CA \times AB$, ex Elementis, propter communem altitudinem CA. Atqui rectangulis singulis



$CA \times AB$, æqualia ponuntur quadrata singula BD ; Igitur quadratum BD est ad quadratum BD , ut abscissa AB ad alteram abscissam AB . Quamobrem ex def. parabolæ, puncta A, D, D sunt ad parabolam, cujus latus rectum est AC . Quod &c. Hinc


Problema. Dato parametro, exhibere illius parabolam.

PROPOSITIO LXXVIII.

155. **S**ub angulo quocunque ABC , sumatur in latere BC quodvis punctum E ; ac fiant proportionales EB, BA, AD , ita ut rectæ singulæ AD æquidistant lateri BC ; Dico, puncta B, D, D esse ad parabolam, cujus latus rectum est BE .

Demonstratio. Ducantur DC, DC , parallelæ rectis AB &c. Quoniam $CD = AB$, erunt rectæ EB, CD, BC in continua analogia; ac proinde rectangulis $EB \times BC$ æqualia quadrata CD ; Ergo per præced., puncta B, D, D sunt ad parabolam, cujus latus rectum est BE . Hinc

Problema. A vertice dati anguli, intra ejusdem latera parabolam describere.



PROPOSITIO LXXIX.


156. **S**it iterum angulus quicunque ABC ; & latere BC quocunque intelligantur eductæ parallelæ AD , hac lege, ut AB quadratum ad AB quadratum sit, ut recta AD ad rectam alteram AD ; Dico, B, D, D esse ad parabolam.

De-

112 SECTIONUM CON. PARS I.

Demonstratio. Ponantur iterum DC parallelæ
 ipsis AB. Erit igitur DC quadratum ad quadratum
 DC, ut recta AD ad rectam AD, hoc est, ut BC
 ad BC; Quare per præced.,
 puncta B, D, D sunt ad
 parabolam. Hinc


Problema. Datis rectâ
 lineâ pro diametro futurâ pa-
 rabolæ, ejusque vertice, &
 angulo, quem applicatæ effi-
 cere debeant, & parametro,
 discimus parabolam per plura
 puncta describere; uti etiam
 constabit ex sequentibus.



PROPOSITIO LXXX.

157. **E**Sto ABCD parallelogrammi diameter BD,
 quam in G secens lineæ quoscunque EF,
 parallelæ lateri AB, hac lege, ut FE, HE, GE
 sint continue proportionales; Dico, B, H, H puncta
 esse ad parabolam.

Demonstratio. Quoniam omnes rectæ FE æqua-
 les sunt, erit rectangulum $FE \times EG$ ad alterum
 $FE \times EG$, ut recta GE
 ad alteram GE, sive, ut
 BE ad BE. Atqui rectan-
 gulis singulis $FE \times EG$ æ-
 qualia ponuntur quadrata
 HE; Ergo quadratum HE
 ad quadratum alterum HE
 est, ut abscissa EB ad ab-
 scissam EB; Quare puncta
 B, H, H sunt ad parabola-
 lam, ex def. Quod erat &c.



Pro-


Problema. Circa datam parallelogrammi diametrum parabolam describere, cujus vertex sit in dato angulo.

PROPOSITIO LXXXI.

158. **E**Sto ABC triangulum rectangulum; ductisque ex puncto A lineis quocunque AD , a punctis D excitentur rectæ DE , DF ; hac quidem lege, ut rectæ DE sint normales ad rectam AD , occurrentes lateri AB producto, in E ; & rectæ DF normales sint ad latus alterum CB ; occurrant autem lineis DF in F , rectæ EF , parallelæ lateri CB ; Dico, B , F , F esse ad parabolam, cujus latus rectum est AB .

Demonstratio. Cum enim anguli ADE ponantur recti, & DB recta normalis ad A , rectangulis $AB \times BE$ æqualia sunt quadrata DB , hoc est, FE . Atqui rectangula $AB \times BE$ illam inter se servant proportionem, quam rectæ BE ; Igitur, ut BE ad BE , sic quadratum EF ad quadratum EF . Igitur (*n.* 35.) puncta B , F , F sunt ad parabolam, cujus latus rectum AB . Quod erat &c.

Problema. Dato vertice B parabolæ, ejusque parametro AB , parabolam describere.




PROPOSITIO LXXXII.

159. **S**I ad rectam AB describantur quocunque circuli, sese contingentes in eodem puncto A, & quorum diametri sint AB, AK, AL, AM &c., ducaturque ex B recta BC, quæ tangat circulum minimum in B, reliquosque secet in punctis D, E, F, G, H, I; fiant autem lineis BD, BE, BF, BG &c. æquales rectæ KQ, LR, MS, NT &c., quæ circulos tangant in K, L, M, N &c.; Dico, puncta B, Q, R, S &c. esse ad parabolam, cujus parameter est AB.

Demonstratio. Quoniam BD normalis est ad communem diametrum, erit ex Elem., $\overline{BD} : \overline{BE} :: AB \times BK : AB \times BL :: BK : BL$. Est autem per constr., $BD = KQ$; & $BE = LR$;

Itaque $\overline{KQ} : \overline{LR} :: BK : BL$; atque ita porro de reliquis. Puncta igitur B, Q, R, S &c. sunt ad parabolam. Constans vero recta AB est ejusdem parameter; cum semper quadrata ordinarum æqualia sint rectangulis KB \times BA, LB \times BA &c. Quod erat &c.

Problema. Datâ rectâ lineâ BP pro axe futuræ parabolæ, dataque parametro AB, parabolam describere.



Corollarium I.

160. **P**arabolam continuare, & in infinitum producere. Cum enim in infinitum multiplicari possint circuli illi tangentes, & normalis BC protendi utique in infinitum, poterit similiter continuari praxis, qua nuper parabolam produximus.

Corollarium II.


161. **S**i fiat $DQ:ER::\overline{BD}^2:\overline{BE}^2$, puncta Q & R pertinebunt ad parabolam. Nam $DQ=BK$, & $ER=BL$; $BD=KQ$, & $BE=LR$.

Scholion.

In constructione Theorematis, quo plures, & crebriores erunt circuli, eo exactius describetur parabola.

PROPOSITIO LXXXIII.


162. **E**sto ABC trianguli latus BC, uscumque divisum in punctis D, E, F, G; junctisque



116 SECTIONUM CON. PARS I.

AD, AE, AF, AG, dividatur similiter latus alterum AB in totidem partes, prioribus proportionales, in punctis H, I, K, L; ex quibus demittantur rectæ HM, IN, KO, LP, parallelæ lateri BC, quæ occurrant rectis AD, AE, AF, AG in M, N, O, P; Dico, puncta A, M, N, O, P, C esse ad parabolam.

Demonstratio. Recta HM occurrat lineis AD, AE, AF, AG in punctis Q, R, S, T. Quoniam ex hyp., $AH:AI::BD:BE$; sit autem $BD:BE::HM:HQ::AH:AI::HQ:IN$; Ergo continue proportionales sunt HM, HQ, IN. Similiter ostenduntur continue proportionales HM, HR, KO; item HM, HS, LP; ac denique HM, HT, BC. Ergo rectangula $HM \times IN$, $HM \times KO$, $HM \times LP$ &c. illam inter se proportionem habent, quam \overline{HQ}^2 , \overline{HR}^2 , \overline{HS}^2 . Atqui $\overline{HQ}^2:\overline{HR}^2::\overline{BE}^2:\overline{BF}^2$; hoc est, per hyp., $::\overline{AI}^2:\overline{AK}^2$; & $\overline{HR}^2:\overline{HS}^2::\overline{BF}^2:\overline{BG}^2::\overline{AK}^2:\overline{AL}^2$; Ergo $HM \times IN:HN \times KO:HM \times LP::\overline{AI}^2:\overline{AK}^2:\overline{AL}^2$. Atqui eadem rectangula sunt, ut



rectæ IN, KO, LP; Igitur $\overline{AI}^2 : \overline{AK}^2 : \overline{AL}^2 :: IN, KO, LP$; Quare A, M, N, O, P sunt ad parabolam. Quod erat &c.


Problema. Circa propositum triangulum ABC parabolam describere, cujus vertex sit A, & transeat per C.

PROPOSITIO LXXXIV.

163. **D**atæ parabolæ AB diameter esto AD, & ordinatim ad illam applicatæ DB; fiat autem, $DB : DB :: DE : DE$: Dico, puncta A, E, E esse ad parabolam.


Demonstratio. Est enim per hyp., $\overline{DE}^2 : \overline{DE}^2 :: \overline{DB}^2 : \overline{DB}^2$, hoc est, ut abscissa AD ad abscissam AD; Quare puncta E, E sunt ad parabolam. Quod erat &c.

Problema. Circa datam parabolam ab eodem vertice alias in infinitum describere.



PROPOSITIO LXXXV.

164. **D**atæ parabolæ ABC diameter esto AD, divisa in partes æquales, in punctis E, F, G, D; ductisque ordinatim lineis EB, FB, GB, DC, demittantur ex punctis B diametri BH, BI, BK, concurrentes cum ordinatis in H, I, K; Dico, puncta E, H, I, K esse ad parabolam.



H 3 .

De-

Demonstratio. Quoniam diametri partes AE, EF, FG &c. ponuntur æquales, erit


$$EF:EG::AE:AF::\overline{EB}^2:\overline{FB}^2::\overline{FH}^2:\overline{GI}^2;$$

Ergo $EF:EG::\overline{FH}^2:\overline{GI}^2$.

Eodem modo demonstratur,


$$EG:ED::\overline{GI}^2:\overline{DK}^2;$$

Puncta igitur E, H, I, K sunt ad parabolam. Quod erat &c.



PROPOSITIO LXXXVI.

165. **D** Atque parabolæ ABC diameter esto AD, divisa in punctis E, F, G, H, D, hac lege, ut AE, EF, FG, GH &c. sint continue proportionales; ducantur autem ordinatim applicatæ EB, FB, GB &c.; & ex punctis B demittantur diametri convenientes cum ordinatis; Dico, puncta occursum E, I, K &c. esse ad eandem parabolam.



Demonstratio. Quoniam AE, EF, FG &c. sunt continue proportionales, erit

$$EF:EG::AE:AF::\overline{EB}^2:\overline{FB}^2::\overline{FI}^2:\overline{GK}^2;$$

Ergo $EF:EG::\overline{FI}^2:\overline{GK}^2$.

Similiter ostenditur, $\overline{FI}^2:\overline{HL}^2::EF:EH$;

Puncta igitur &c.


PRO-

PROPOSITIO LXXXVII.

166. **D**atis rectis AB , CD , se mutuo decussantibus, invenire parabolam, cujus diameter sit data CD .

Divisa AB bifariam in E , ducatur EF parallela datæ CD ; fiatque, ut rectangulum AEB ad rectangulum ACB , sic recta EF ad rectam DC ; Dico, puncta A , F , D , B esse ad parabolam quæsitam, cujus diameter est DC .


Demonstratio patet ex conversa Prop. LVIII. n. 131.



PROPOSITIO LXXXVIII.

167. **D**atis tribus punctis A , B , C , non in directum positis, & recta BD , quæ per aliquod ex datis punctis transeat, parabolam describere per puncta A , B , C , cujus aliqua diameter sit BD .

Jungatur AC , quæ secetur bifariam in E ; ponaturque EF parallela ipsi BD , & BF parallela rectæ AC ; fiat autem, ut quadratum AE ad quadratum BF , sic recta EG ad rectam FG ; describaturque per B , G , C parabola, cujus diameter sit BD . Constat ex definitione parabolæ, illam quoque transire per A ; Datis itaque tribus punctis &c.



De Parabolis similibus, parallelis, æqualibus, asymptoticis, & superiorum generum.

SYNOPSIS.

DAtà parabolà, describere parabolam alteram ipsi similem, super data basi. Omnes parabole sunt inter se similes; similesque figure rectilinee ipsis inscribi possunt. Similia pariter sunt duo parabolarum segmenta, quorum bases sint proportionales suis diametris interceptis. Parabole similes sunt inter se, uti quadrata suarum diametrorum, seu altitudinum, seu parametrorum, seu laterum homologorum figurarum, quæ parabolis sint inscriptæ. Datà parabolà, construere super æqualem basem parabolam alteram, quæ sit in data ratione. Parabole, quarum bases, & altitudines sunt inæquales, habent rationem compositam basium, & altitudinum; & parabole æquales, quarum bases, & altitudines sunt inæquales, bases habent in ratione reciproca altitudinum. Quid sint parabole parallele, & asymptoticæ. Parabole æquales, in quibus parametri axium sunt æquales. Parabole æquales, seu asymptoti, in infinitum productæ, magis semper ad invicem accedunt; nusquam tamen concurrunt. Datæ parabolæ alteram æqualem describere. Quid sint parabole superiorum generum. Describere parabolam secundi generis, tertii &c. Invenire parametrum parabolarum superiorum generum.

De Similitudine Parabolarum.

DEFINITIO.


Superficies duæ curvilineæ dicuntur similes, quando similes figuræ rectilineæ in infinitum illis inscribi possunt. Itaque duæ parabolæ erunt similes, si ducta basi in utraque, figuræ rectilineæ eodem numero laterum ipsis inscriptæ, reperiantur similes.

PROPOSITIO LXXXIX.

168. **D**atà parabolà ABC , super data pariter basi ac , describere parabolam alteram, ipsi similem.


Basis ac secetur bifariam in d ; tum fiat, uti DC ad dc , ita axis DB ad quartam proportionalem db ; quam assumes pro altitudine parabolæ abc construendæ; hanc Dico fore similem parabolæ datæ ABC .

Demonstratio. Utriusque parabolæ parameter esto BH , bb . Itaque ex natura parabolæ, $\overline{DC}^2 = DB \times BH$; & $\overline{dc}^2 = db \times bb$. Atqui \overline{DC} ad \overline{dc} est in duplicata ratione ipsius DC ad dc ; Ergo $DB \times BH$ ad $db \times bb$ est in ratione duplicata ejusdem DC ad



dc. Jam vero $DB \times BH$, $db \times bb$ sunt in ratione composita ex rationibus DB ad db , & BH ad bb ; Ratio autem DB ad db est æqualis rationi DC ad dc , per constr.; Ergo ratio BH ad bb æqualis esse debet rationi DC ad dc ; nam duæ hujuscemodi componentes rationes efficere debent rationem duplicatam ipsius DC ad dc ; Ergo parameter BH est ad parametrum $bb::DC:dc::DB:db$.

His præjactis, si dividantur axes DB , db in eundem numerum partium æqualium, puta, trifariam, ducanturque ordinatæ EG , FM , eg , fm , & chordæ BG , GM , MC , bg , gm , mc , reperietur pariter $EG:eg::EB:eb$, ac proinde triangula BEG , beg esse similia; & eadem de causa trapezoidem $EFGM$ fore similem trapezoidi $efgm$, & trapezoidem $FMDC$ similem trapezoidi $fmdc$, atque inde figuram inscriptam $BGMCD$ similem figuræ inscriptæ $bgmcd$. Idem demonstrabis in altera parte utriusque parabolæ. Quamobrem ex def., duæ parabolæ erunt similes. Quod erat &c.



Corollarium I.

169. **O**Mnes parabolæ sunt inter se similes. Nam semper determinari poterunt earum bases proportionales suis altitudinibus. Ergo &c.

Co-

Corollarium II.

170. **S**I in parabola ABC inscripta fuerit figura quævis rectilinea BGMCD, etiam in altera simili parabola abc inscribi semper poterit figura similis bgmcd. Nam ab omnibus angulis ejusdem figuræ ductis ad axem ordinatis EG, FM, DC, nihil supererit aliud, quam dividere alterum axem in eadem proportionem abscissarum BE, BF, BD, & ordinatas ducere eg, fm, dc, & chordas bg, gm, mc.

Corollarium III.

171. **S**imilia quoque sunt duo parabolæ segmenta, quorum bases sint proportionales suis diametris, interceptis inter earum verticem, & basim. Nam hisce segmentis inscribi quoque poterunt figuræ similes; quemadmodum in Coroll. II.

Corollarium IV.


172. **P**arabolæ similes sunt inter se, uti quadrata suarum basium, seu altitudinum, seu parametrarum, seu laterum homologorum figurarum, quæ ipsis parabolis sint inscriptæ. Omnes enim istiusmodi lineæ eandem servant inter se rationem. Idemque dicendum de segmentis similibus.

PROPOSITIO XC.

173. **D** Atà parabolà ABC , super æqualem basem ac construere parabolam alteram, quæ sit in data ratione.

Parabola quæsitâ ad datam esse debeat, ut 3 ad 2. Ex puncto medio d basis ac excitetur perpendicularis db ; divisoque bifariam axe DB , hujus semissis ter transferatur ex d in b ; ac demum duabus rectis dc , db quæratûr tertia proportionalis, quæ parameter erit quæsitæ parabolæ; quam facile construes ex præcedentibus.

Demonstratio. Parabola ABC æquatur duobus trientibus rectanguli circumscripti, uti & parabola abc (n. 115.). Atqui hæc duo rectangula circumscripta, cum habeant eandem basem, sunt inter se, uti altitudines, nimirum, ut 2 ad 3; Ergo parabolæ sunt pariter inter se, ut 2 ad 3. Quod erat &c.



Corollarium.


174. **Q**Uoniam parabolæ sunt inter se, uti rectangula circumscripta; hinc Parabolæ, quæ bases æquales habent, sunt inter se, uti earum altitudines; & illæ, quarum altitudines sunt æquales, se habent, ut bases; illæ vero, quarum bases, & alti-

altitudines sunt inæquales, habent inter se rationem compositam basium, & altitudinum; denique illæ, quæ, quamvis habeant bases, & altitudines inæquales, nibilo tamen minus sunt æquales, bases habent in ratione reciproca altitudinum.

PROPOSITIO XCI.

175. **S**uper basi ac parabolam construere, quæ sit ad datam parabolam ABC , uti recta GK ad rectam IL .

Fiat, ut basis ac ad basim AC , ita reciproce altitudo DB ad quartam proportionalem db ; quam assumes pro altitudine parabolæ abc ; quæ, cum fuerit constructa, æquabitur datæ parabolæ ABC . Fiat subinde recta IL ad rectam GK , uti altitudo db ad quartam proportionalem dE ; quam assumes pro altitudine parabolæ aEc ; quæ, cum descripta fuerit, erit ad parabolam abc , sive ad parabolam ABC , uti GK ad IL . Nam hujusmodi duæ parabolæ, cum habeant basim communem ac , sunt inter se, uti earum altitudines db , dE .



De Parabolis parallelis, & asymptoticis.

DEFINITIO.

176. **P**arabolas parallelas voco, quæ ad eundem axem constitutæ, diversos quidem habent apices, sed æquales parametros, & concavas perimetros versus eandem partem.

Parabolæ æquales sunt, in quibus parametri axium sunt æquales.


PROPOSITIO XCII.

177. **P**arabolæ ABC axis esto AD; ejusque portioni AD, pro libito assumptæ, demittantur æquales diametri BE, BE; Dico, puncta D, E, E esse ad parabolam, æqualem parabolæ ABC.

Demonstratio. Duëtis ordinatis BF, BF, ponantur parallelæ EG, EG. Quoniam $AD = BE = FG$, dempta, vel addita communi FD, fiet $AF = DG$;

Quare $DG : DG :: AF : AF :: FB^2 : FB^2 :: GE^2 : GE^2$; Puncta igitur D, E, E sunt ad parabolam.

Quia vero tam abscissæ AF, DG, quam ordinatæ FB, GE inter se æquales sunt, adeoque $FB^2 = GE^2$, erunt quoque æquales parametri axium; Unde, per def., parabolæ dicuntur æquales. Quod erat &c.



PRO-

PROPOSITIO XCIII.

178. **I**isdem positis, Dico, parabolas illas nusquam concurrere.


Demonstratio. In parabola DEE ad axem DG ponatur ordinata GE, occurrens alteri parabolæ ABC in puncto C. Quoniam latera recta utriusque parabolæ sunt æqualia, & abscissa DG a vertice D, minor est abscissa AG a vertice A; rectangulum quoque sub DG, & latere illius recto, minus est rectangulo sub AG, & latere recto; Ergo & EG quadratum minus est quadrato CG; & punctum C est in perimetro parabolæ ABC. Idem cum de omnibus punctis ejusdem parabolæ ostendi possit, patet, sectiones illas nusquam convenire. Quod &c.

DEFINITIO.

Parabolas asymptoticas, seu asymptotos voco, quæ in infinitum productæ, magis semper ad invicem accedunt, nusquam tamen occurrunt.

PROPOSITIO XCIV.


179. **E**sto parabolæ ABC axis FG, & ordinatim applicata HGI, cui parallele ducantur CA, CA; & quadrato HG æqualia fiant rectangula CEA, CDA; Dico, puncta E, G, D esse ad parabola, æqualem parabolæ ABC.



De

128 SECTIONUM CON. PARS I.


Demonstratio. Erigantur ex D & E diametri EB, DB. Quoniam quadrato HG, sive rectangulo HGI æqualia sunt rectangula CEA, vel CDA, diametri quoque FG, BE, BD æquales sunt (n. 131.); Quare (n. 177.) puncta E, G, D sunt ad parabolam, æqualem parabolæ, ABC. Quod erat &c.



PROPOSITIO XCV.

180. **I**isdem positis, Dico, parabolas illas in infinitum productas, magis semper in infinitum accedere, nusquam tamen concurrere.

Demonstratio. Cum enim, per præcedentem, æquales sint parabolæ ABC, DEF, parametri quoque illarum æquales erunt (n. 176.); Ergo in infinitum productæ, nusquam concurrent (n. 178.). Quod vero magis semper ad invicem accedant, sic demonstro. In parabola ABC, diametro BG applicentur ordinatæ HK, LN; & LN remotior quidem a vertice B, quàm HK. Igitur æqualia sunt rectangula HDK, LMN, per hyp.; Quare $HD:LM::MN:DK$. Atqui $MN > DK$; quia LN, utpote remo-



tior

tior a vertice B, major est HK; Recta igitur HD quoque major est ipsa LM. Similiter, si remotior quævis a vertice B parallela assumatur, ostendetur LM majorem esse quavis sibi æquidistante, infra se positâ; Magis igitur semper ad invicem accedunt parabolæ ABC, DEF; Quare asymptoticæ sunt ex def. n. 178.

PROPOSITIO XCVI.

181. **D**atæ parabolæ ABC parallelam, seu asymptoticam describere.

Resol. Ducatur diameter BE, cui ordinatim applicetur AEC; ductæque eidem AEC parallelæ HK ita secentur in D & F, ut rectangula HDK, HFK sint æqualia quadrato AE. Constat ex nuper demonstratis, puncta D, E, F esse ad parabolam parallelam, sive asymptoticam parabolæ ABC.

De Parabolis superiorum generum.

HActenus proprietates parabolæ persecuti fuimus, quam alii vocant *quadraticam*, ex proportionem, quam obtinent ordinatarum quadrata ad abscissas; alii eandem vocant *conicam*; quippe ad coni sectionem refertur; alii denique parabolam *primi generis* vocant, ut eandem discriminent ab aliis parabolæ specieb, quæ solent appellari secundi generis, tertii, quarti, atque ita porro in infinitum.

Parabolæ *secundi generis* dicuntur illæ, in quibus cubi ordinatarum sunt, uti respondentes abscissæ.

Parabolæ *tertii generis* sunt illæ, in quibus quadrato-quadrata ordinarum se habent, uti abscissæ. Hæc eadem progressio ad altiorum graduum potestates traduci potest sine ullo limite.


Scholion.

Quamvis istiusmodi parabolæ nihil ferme ad proximæ conferant, tamen propter connexionem, quam habent cum analysi, & arithmetica infinitorum, earum genesim breviter perstringam.

PROPOSITIO XCVII.

182. **D**escribere parabolam secundi generis, *tertii &c.*

Resol. Si describenda sit parabola cubica, ducatur recta AB, quæ bifariam secetur in C, ex quo excitetur perpendicularis indefinita CN; tum semisus CB dividatur in partes æquales CD, DE, EF &c. in punctis D, E, F &c.; & excitentur perpendiculares DH, EI, FK, GL &c., quæ inter se habeant eandem proportionem, quam habent cubi 1, 8, 27, 64, 125 &c. numerorum naturalium 1, 2, 3, 4 &c.; de-



nique

nique per extremitates H; I, K, L describatur curva CHIKLM; eademque constructio traducatur ad alteram partem CA; Dico, hanc curvam fore parabolam secundi generis, seu cubicam.

Demonstratio. Nam ductæ ordinatæ Hx , Ia , Kb , Lc , MN inter se erunt, ut rectæ CD, CE, CF &c., hoc est, ut numeri 1, 2, 3, 4; abscissæ autem Cx , Ca , Cb , Cc erunt, ut cubi eorundem numerorum; quippe quæ æquantur rectis DH, EI, FK &c.; singulæ singulis, propter parallelas; Ergo cubi ordinarum erunt, ut abscissæ; & proinde &c.

Simili methodo operaberis, si describere velis parabolam tertii generis, quarti &c.

PROPOSITIO XCVIII.

183. *Invenire parametrum parabolarum secundi generis, tertii &c.*

Resolutio. In vertice C fiat angulus RCS graduum 45; & per S, ubi latus CS secat parabolam, ducatur SR parallela axi, & ordinata SY. Perspicuum est, figuram SRCY esse quadratum perfectum; Ergo cubus SY æquatur cubo CY.

Jam vero in parabola Apolloniana quadratum ordinatæ æquatur rectangulo suæ abscissæ in suam parametrum. Similiter in parabola cubica cubus ordinatæ SY æqualis esse debet solido suæ abscissæ in suam parametrum, quam esse oportet planum; hoc autem solidum æquari necesse est cubo SY, uti ostensum est; Ergo hoc solidum nequit esse aliud, quam productum ipsius CY in suum quadratum \overline{CY}^2 ; & consequenter \overline{CY}^2 erit parameter parabolæ cubicæ.

SECTIONUM
CONICARUM

PARS II.

DE ELLIPSI.





SECTIONUM CONICARUM

PARS II.

De Ellipsi absolute considerata.

SYNOPSIS.



DEFINITIO ellipseos, nullo habito ad conum respectu. Quid intersit circulum inter \odot ellipsim; hinc in ellipsi axis unus altero major. Ratio ordinarum in ellipsi ad ordinatas in circulo, circa eundem axem descripto; ac proinde tota ellipsis ad circulum descriptum circa majorem axem, vel circa minorem axem, est, in primo casu, ut minor axis ad majorem, in secundo casu, ut major axis ad minorem. Ordinatae æqualiter a verticibus axis diffusæ, sunt æquales. Super data quavis re-

Est, vel super datis duabus rectis inæqualibus ellipsim per plura puncta describere.

Quemadmodum nuper parabolam, sic jam ellipsim, suo charactere insignitam, ac primaria proprietate distinctam, liceat suo cono eximere, atque absolute quidem, & universaliter contemplari, perinde ac si nullam omnino ad conum relationem haberet; uti nec circulus (quæ quidem una est species ellipseos) censeri solet habere.

DEFINITIO.

184. **E**llipsim igitur appello eam sive lineam curvam in plano descriptam, sive figuram planam, ejusmodi curvâ terminatam, cujus ordinatim applicatarum ad axem quadrata eandem rationem habent, ac rectangula sub segmentis axis contenta.

Axem, segmenta axis, ordinatim applicatas ad axem, abscissas, eodem sensu hic accipio, quo supra iisdem vocibus usus sum.

Proportio autem rectangulorum, quæ a segmentis axis ellipseos constituuntur, ad quadrata ordinarum ad eundem axem, est illa quidem proprietas primaria ellipseos; uti jam demonstratum est in sectione con. Verum, quia hæc proportio ita ellipsi inest, ut etiam circulo, quocum affinitatem maximam habet, suo modo conveniat; operæ pretium me facturum existimavi, si, *quid intersit circulum inter & ellipsim*, paucis exponerem.


185. Esto circuli $ADFB$ diameter AB , & ordinatim applicata CD ; quæ necessario debet esse normalis ad diametrum circuli; neque enim in circulo, quæ perpendicularis non est, potest esse ordinatim applicata; quia nempe utrinque producta non potest

potest bifariam dividi, nisi quæ perpendicularis est ipsi diametro. Certum est autem ex Elementis, normalem CD esse mediam proportionalem inter segmenta diametri, AC & CB; atque adeo quadratum ordinatæ CD æquari rectangulo $AC \times CB$. Pariter quadratum ordinatæ EF æquatur rectangulo $AE \times EB$; atque ita de reliquis omnibus ordinatis ad diametrum circuli. Quamobrem *quadrata ordinatarum inter se in circulo, erunt, uti eadem rectangula.*

186. Esto jam ellipseos AGHB, vel AKIB diameter eadem AB, tanquam axis, sive major, sive minor, cui intelligantur ordinatim applicatæ CG, vel CK; & EH, vel EI. Volo igitur, ut in ellipsi quadrata ordinatarum proportionalia quidem sint rectangulis sub segmentis axis, sed illis non sint æqualia, verum aut majora, aut minora; puta, si quadratum CG sit ad quadratum EH, uti rectangulum $AC \times CB$ ad rectangulum $AE \times EB$; ita tamen, ut quadrata non sint æqualia rectangulis, singula singulis; hanc figuram voco *Ellipsim*.

Quare in circulo proportio rectangulorum sub segmentis diametri ad quadrata ordinatarum, est proportio æqualitatis; in ellipsi vero est proportio inæqualitatis.

Ut autem ellipsim definirem, tanquam diversam a circulo, apposui in definitione: *ordinatim applicatarum ad axem quadrata* &c. Quia, ut suo loco demonstrabitur, contingit in ellipsi, ut certæ duæ diametri, quas conjugatas vocant, sint æquales; & in hoc casu quadrata ordina-



tarum

138 SECTIONUM CON. PARS II.
tarum sunt æqualia suis respective reſtangularis; ſed
illæ diametri obliquæ ſunt ad invicem.

Corollarium I.

187. **E**X quo ſequitur, *in ellipſi axem unum altero
majorem eſſe.* Nam, ſi in ellipſi axes eſſent
æquales, jam non differret ellipſis a circulo; & re-
ſtangula ſub ſegmentis axis æqualia eſſent quadratis
ordinatarum.

Corollarium II.

188. **I**N ellipſi ordinatim applicatæ ad axem, habent
eamdem rationem ad ordinatim applicatas ad
diametrum circuli, circa eundem axem deſcripti, ſibi
reſpondentes.

Nam per def., $\overline{CG}^2 : \overline{EH}^2 :: AC \times CB : AE \times EB$.

Sed ex nat. circuli, $AC \times CB = \overline{CD}^2$;

& $AE \times EB = \overline{EF}^2$;

Ergo $\overline{CG}^2 : \overline{EH}^2 :: \overline{CD}^2 : \overline{EF}^2$;

& alternando, $\overline{CG}^2 : \overline{CD}^2 :: \overline{EH}^2 : \overline{EF}^2$;
atque hinc $CG : CD :: EH : EF$.

Corollarium III.

Perſpicuum eſt, ita eſſe $CG : GD :: EH : HF$,
dividendo ſcilicet.

Corollarium IV.

189. **I**Ta eſt tota ellipſis ad circulum deſcriptum cir-
ca majorem axem, ut minor axis ad majorem.
Nam


Nam per methodum indivisibilium, seu evanescentium, seu infinite parvorum, quam fufe exposui in fine Tomi II. Geom. elem., ductis omnibus ordinatis ad axem majorem, cum sit $CG:CD::EH:EF::ON:OM=OA$; ita erunt omnes ordinatæ ellipsos, seu ipsa ellipsis, ad omnes ordinatas circuli, seu ad circulum, ut ON ad OM , seu OA ; hoc est, ut dupla LN ad duplam AB , seu minor axis LN ad majorem AB .

Eodem modo, si describatur circulus circa minorem axem, ita erit ellipsis ad eum circulum, ut major axis ad minorem.

Corollarium V.

190. **O**rdinatæ CG , EH , vel CK , EI , æqualiter a verticibus diffusæ, æquales sunt.


Nam, si $AC=BE$, erunt rectangula $AC \times CB$, $BE \times EA$ æqualia inter se; ac proinde quadrata CG , EH , vel CK , EI , quæ eodem modo se habent, ac eadem rectangula, etiam ipsa erunt inter se æqualia; Ergo ordinatæ CG , EH , vel CK , EI æquales sunt.



PROPOSITIO I.

191. *Super data quavis recta AB, tanquam axe, vel majore, vel minore, ellipsim per plura puncta describere.*

Resol. Esto enim ellipsis describendæ axis AB, super quo describatur semicirculus AKEB; tum divisâ AB in quocunque partes, siue æquales, siue inæquales, in C & D &c., excitentur perpendiculares DE, CK, quæ similiter dividantur in punctis F & G; hoc est, DF:DE::CG:CK; Dico, puncta A, G, F, B pertinere ad eamdem ellipsim.



Dem. Nam ex nat. circuli, $\overline{DE}^2 = AD \times DB$;

& $\overline{CK}^2 = AC \times CB$.

Est autem per hyp., $DF : DE :: CG : CK$;

& consequenter $\overline{DF}^2 : \overline{DE}^2 :: \overline{CG}^2 : \overline{CK}^2$;

Ergo $\overline{DF}^2 : AD \times DB :: \overline{CG}^2 : AC \times CB$;

& permutando, quadrata ordinarum DF, CG sunt, ut rectangula sub segmentis axis consenta; Itaque ex definitione ellipsis, puncta A, G, F, B in eadem ellipsi erunt. Quod erat &c.

PROPOSITIO II.

192. *Super datis duabus rectis inæqualibus AB, CD, tanquam axibus, ellipsim per plura puncta describere.*


Resolutio. Accipiantur duæ rectæ inæquales AB, CD, quæ se mutuo bifariam, & perpendiculariter secant in O, a quo, tanquam centro, & intervallo OA, vel OB, describatur circulus AFBE; & diametro

metro AB ducantur perpendiculares SR, MN &c.

Quærat^{ur} insuper quarta proportionalis semidia-
metro OE, rectæ OC, & ordinatæ PR; ac trans-
feratur hæc quarta proportionalis a puncto P ad X;
Dico, punctum X fore ad ellipsim.

Quærat^{ur} rursus quarta proportionalis tribus
rectis OE, OC, VN; & transferatur ab V in T;
Dico, punctum T esse ad ellipsim.

Similiter quærantur semper totidem quartæ pro-
portionales duabus re-
ctis OE, OC, & cui-
libet ex ordinatis se-
micirculo AEB; &
per extremitates ha-
rum proportionalium
trajiciatur curva AC
XTB; Dico, hanc cur-
vam fore semiellipsen.
Et, si idem præstetur
respectu alterius se-
micirculi, Dico, inte-
gram ellipsim descri-
ptum iri.



Dem. Quoniam per constr., $PX:PR::OC:OE$;
& $VT:VN::OC:OE$;
erit $PX:PR::VT:VN$;
& permutando, $PX:VT::PR:VN$;
Ergo $\overline{PX}^2:\overline{VT}^2::\overline{PR}^2:\overline{VN}^2$.

Atqui ex nat. circuli, $\overline{PR}^2=AP\times BP$;

& $\overline{VN}^2=AV\times VB$;

Quare $\overline{PX}^2:\overline{VT}^2=AP\times BP:AV\times VB$;
& proinde quadrata ordinarum PX, VT sunt inter
se, uti rectangula sub segmentis axis AB; atque hinc
per def., curva ACBD erit ellipsis. Quod erat &c.

De

De utroque Axe Ellipseos.

SYNOPSIS.

QUadrata ordinarum ad majorem axem, ad rectangula sub segmentis hujus axis ita se habent, vel, ut quadratum minoris axis ad quadratum majoris, vel, ut parameter majoris axis ad eundem axem. Quadratum cujuslibet ordinatæ ad majorem axem minus est rectangulo abscissæ in parametrum ejusdem axis; hinc origo nominis hujus curvæ. Quadratum semisseos minoris axis æquatur rectangulo sub segmentis majoris axis, secti ab alterutro focorum. Quadrata ordinarum ad minorem axem quomodo se habeant ad rectangula sub segmentis ejusdem axis. Hinc utrique axi conjugato convenit eadem primaria proprietas; ac proinde, more analytico, deducitur æquatio generalis, quæ naturam ellipseos perfecte exprimat respectu suorum axium. Omnis ordinata axi, occurrit ellipsi in duobus punctis; quodve magis a centro distat, eo magis decrescit, donec evanescat in vertice axis. Hinc vertex oppositi utriusque axis, tangentes in extremitatibus axium; atque inde deducitur, ellipsim ex earum curvarum numero esse, quæ in se recurrunt, & ab alterutro axe bifariam dividuntur, & quadrifariam a duobus axibus conjugatis.

DEFINITIO.

193. **R**ECTA AB vocatur axis major; recta CD axis minor; & axes conjugati dicuntur due hujusmodi rectæ, simul comparatæ.

Parameter majoris axis est tertia proportionalis majori axi, & minori.


Parameter minoris axis est tertia proportionalis minori axi, & majori.

Centrum ellipseos est punctum O, quod axem bifariam dividit.

Re-

Recta, quæ transit per centrum, & utrinque a curva terminatur, dicitur diameter.

Denique, si ab extremitate C minoris axis, tanquam centro, & intervallo semisseos majoris axis, describatur arcus circuli, qui secet majorem axem in duobus punctis G & L; hæc puncta G & L vocantur foci ellipseos.



PROPOSITIO III.

194. **Q**uadratum ordinatæ PX ad majorem axem, se habet ad rectangulum respectivum AP × PB, uti quadratum minoris axis CD est ad quadratum majoris AB.

Dem. Per def., $\overline{PX}^2 : \overline{OC}^2 :: AP \times PB : AO \times OB$.

Atqui $AO \times OB = \overline{AO}^2$;

Ergo $\overline{PX}^2 : \overline{OC}^2 :: AP \times PB : \overline{AO}^2$;

& permutando, $\overline{PX}^2 : AP \times PB :: \overline{OC}^2 : \overline{AO}^2$.

Sed $\overline{CD}^2 : \overline{AB}^2 :: \overline{OC}^2 : \overline{AO}^2$;


Ergo $\overline{PX}^2 : AP \times PB :: \overline{CD}^2 : \overline{AB}^2$.

Quod erat &c.

PRO-

PROPOSITIO IV.


195. **Q**uadratum ordinatæ PX ad majorem axem, ita se habet ad suum respectivum rectangulum sub segmentis AP > PB, uti parameter BZ majoris axis, est ad eundem axem.



Dem. Per præced., $\overline{PX}^2 : AP \times PB :: \overline{CD}^2 : \overline{AB}^2$.
 Atqui per def. parametri, $AB \cdot CD \cdot BZ$;
 Ergo $\overline{CD}^2 : \overline{AB}^2 :: BZ : AB$;
 & consequenter $\overline{PX}^2 : AP \times PB :: BZ : AB$.

PROPOSITIO V.

196. **Q**uadratum ordinatæ PX ad majorem axem, minus est rectangulo abscissæ PB in parametrum BZ ejusdem axis.



Demonst. Per præced., $\overline{PX}^2 : AP \times BB :: BZ : AB$.
 Atqui propter triangula similia ABZ, APR, habetur
 $BZ : AB :: PR : AP$;
 Ergo $\overline{PX}^2 : AP \times BP :: PR : AP$;
 du-

ductisque duobus ultimis terminis ejusdem proportionis in eandem abscissam PB, erit

$$\overline{PX}^2 : AP \times PB :: PR \times PB : AP \times PB.$$

Cum autem duo consequentia sint æqualia, duo quoque antecedentia \overline{PX}^2 , $PR \times PB$ æqualia erunt. Atqui rectangulum $PR \times PB$, seu rectangulum PR SB minus est rectangulo PTZB parametri in abscissam PB; ejusque defectus est parvum rectangulum RTSZ; Ergo $\overline{PX}^2 < PTZB$, defectu totius rectanguli RTSZ.

Monitum.

197. **P**orro latus rectum, seu parameter eo ab Antiquis consilio inuenta est, ut esset mensura, juxta quam comparari possent potentiae linearum, ordinatim ad diametrum positarum; atque hinc certam aliquam, & constantem regulam haberent, per quam reliquas harum curvarum proprietates intelligere, ac notas sibi reddere facilius possent. Ut autem in singulis diversae sunt, ita & parametri diversas in singulis obtinent affectiones; & rectangula, parametris, & abscissis diametrorum consenta, longe diversam in singulis ad quadrata ordinarum habent proportionem.

In ellipsi quidem quadrata illa deficiunt figura, quæ similis est illi, quæ sub abscissa, & parametro continetur; uti nuper demonstratum est; in parabola iisdem rectangulis æquantur; in hyperbola vero excedunt figura simili. Unde & nomenclaturam singulæ suam sortitæ sunt; nam parabola significat æqualitatem, ellipsis defectum, & hyperbola excessum.

Cæterum, uti quadrata ordinarum ad diversas diametros, diversa quoque sunt; ita & diametris singulis propria, & unica parameter assignatur; uti deinceps demonstrabitur.

K

PRO-

PROPOSITIO VI.

198. **Q**uadratum OC semissecus minoris axis CD, æquatur rectangulo AL × LB partium inæqualium majoris axis, secti ab alterutro focorum L.

Dem. In triangulo rectangulo COL, ex Elem.,

$$\overline{CO}^2 = \overline{CL}^2 - \overline{LO}^2.$$

Atqui (n. 193.) $\overline{CL} = \overline{OB}$;

Ergo $\overline{CO}^2 = \overline{OB}^2 - \overline{OL}^2.$

Cum autem axis sit divisus æqualiter in O, & inæqualiter in L, erit ex Elem. Geom. planæ n. 513.,


$$AL \times LB = \overline{OB}^2 - \overline{OL}^2;$$

Ergo $\overline{OC}^2 = AL \times LB.$

Quod erat &c.

Corollarium.

199. **E**rgo quadratum PX ordinatæ ad majorem axem, est ad rectangulum AP × PB; uti rectangulum AL × LB = \overline{OC}^2 , est ad quadratum \overline{OB}^2 (n. 194.).



PROPOSITIO VII.

200. **Q**uadratum ordinatæ VN ad minorem axem CD, est ad rectangulum CN × ND, partium,

tium, quas secat hæc ordinata; uti quadratum majoris axis est ad quadratum minoris.

Demonstratio. Ductâ ordinatim applicatâ VM majori axi, habetur $\overline{AO}^2 : \overline{CO}^2 :: AM \times MB : \overline{VM}^2$.

Est autem $AM \times MB = \overline{AO}^2 - \overline{MO}^2$;

Ergo $\overline{AO}^2 : \overline{CO}^2 :: \overline{AO}^2 - \overline{MO}^2 : \overline{VM}^2$;

& permutando, $\overline{AO}^2 : \overline{AO}^2 - \overline{MO}^2 :: \overline{CO}^2 : \overline{VM}^2$;

& divid., $\overline{AO}^2 : \overline{AO}^2 - \overline{AO}^2 + \overline{MO}^2 :: \overline{CO}^2 : \overline{CO}^2 - \overline{VM}^2$.

In hac ultima analogia notabis, ex regulis analysis affici signo + quadratum \overline{MO}^2 . Ratio est, quia, dum dividendo jubemur subducere \overline{AO}^2 , plus justo tollitur; subducere enim oporteret non integrum \overline{AO}^2 , sed $\overline{AO}^2 - \overline{MO}^2$; hac de causa signo + restituitur \overline{MO}^2 , quod plus justo sublatum fuerat.

Cum autem $\overline{AO}^2 - \overline{AO}^2$ sese invicem destruant, fiet $\overline{AO}^2 : \overline{MO}^2 :: \overline{CO}^2 : \overline{CO}^2 - \overline{VM}^2$.

Jam vero propter parallelas, $\overline{MO}^2 = \overline{VN}^2$;

& eadem de causa $\overline{CO}^2 - \overline{VM}^2 = \overline{CO}^2 - \overline{NO}^2$;

atque insuper ex Elem., $\overline{CO}^2 - \overline{NO}^2 = CN \times ND$;

Ergo, si in ultima analogia substituantur hujusmodi valores, fiet $\overline{AO}^2 : \overline{VN}^2 :: \overline{CO}^2 : CN \times ND$;

sive $\overline{VN}^2 : CN \times ND :: \overline{AO}^2 : \overline{CO}^2 :: \overline{AB}^2 : \overline{CD}^2$.

Quod erat &c.


Corollarium I.

201. **E**Rgo quadrata ordinarum ad minorem axem, sunt inter se, uti rectangula, quæ singulis respondent. Atque hinc jam constat, utrique axi conjugato eandem proprietatem convenire.

Corollarium II.

202. **E**X Prop. III., & VII., & ex def. parametri utriusque axis, deduci potest, more analytico, æquatio generalis, quæ naturam ellipseos perfecte exprimat respectu suorum axium.

Alteruter duorum axium, puta, AB, vocetur $2t$; ejusque conjugatus axis CD, vocetur $2c$; ordinata quælibet XP, y ; portio quævis axis, intercepta a centro O, & occurfu ordinatæ, nimirum, OP, appelletur x : institui semper poterit hæc analogia.



$$\overline{XP}^2 : BP \times PA :: \overline{CD}^2 : \overline{AB}^2 :: p : AB$$

$$yy : tt - xx :: 4cc : 4tt :: p : 2t$$

Nam juxta definitionem parametri,

$$AB(2t) : CD(2c) :: CD(2c) : p\left(\frac{4cc}{2t}\right).$$

Itaque multiplicatis extremis, & mediis utriusque proportionis, nimirum, primæ

& alterius $yy:tt - xx::4cc:4tt$,
 $yy:tt - xx::p:2t$,
 deducitur duplex æquatio: $yy = cc - \frac{ccxx}{tt}$,

& $yy = \frac{1}{2}pt - \frac{pxx}{2t}$.

Cum autem hæc proprietas semper conveniat omnibus punctis ellipsis, atque eadem determinet eorum positionem respectu duorum axium conjugatorum AB, CD; hinc *utraq; æquatio perfecte exprimet naturam ellipsis, respectu suorum axium.*

Scholion.

SI plerique ex Tironibus calculo litterali nundum assueverint, poterunt hæc Corollaria omittere, & ad geometricas demonstrationes progredi.

Corollarium III.

203. **S**I a quovis puncto V alterutrius axis conjugati, puta, AB, ducatur parallela TI alteri axi CD, hæc occurret ellipsi in duobus punctis T & I, æque utrinque semper distantibus a puncto V. Nam, ut puncta T & I pertineant ad ellipsim, necesse est, ut quadrata ordinatarum, utrinque ab axe sumpta, singula æqualia sint eidem quantitati $cc - \frac{ccxx}{tt}$.

Corollarium IV.


204. **A**B eadem æquatione $yy = cc - \frac{ccxx}{tt}$ deducitur, quo magis OP (x), utrinque a centro sumpta,

pta, augetur, eo magis decrefcere ordinatam quamlibet $XP (y)$, utrinque fumptam ab uno, vel altero axe; ita ut, fi $OP (x)$ æqualis evadat ipfi OB , vel $OA (t)$, etiam ordinata $XP (y)$ evanefcat. Contra vero, quo plus $OP (x)$ decrefcit, eo magis ordinata quælibet $XP (y)$, utrinque fumpta ab axe AB , augetur; ita ut, evanefcente $OP (x)$, quælibet ordinata $XP (y)$, quæ in hoc cafu erit OC , vel $OD (c)$, futura fit ordinatarum omnium maxima. Unde patet,

I. Quemlibet ellipfeos axem in binis punctis perimetro occurrere, ac binos habere vertices, quos *vertices oppofitos* appellamus.

II. Si per extremitates alterutrius axis ducatur parallela alteri axi conjugato, hæc erit tangens in iisdem punctis.

III. Sed & inde liquet, ellipfim ex earum curvarum numero effe, quæ in fe recurrunt, adeoque figuram comprehendunt.



Corollarium V.

205. **A**B eadem æquatione confequitur proprietas altera, quod, fi in alterutro axe, hinc atque inde a centro, accipiantur puncta ab eodem æque diffita, ordinatæ ab iisdem ductæ, erunt æquales. Atque hinc, fi recta quæcunque MM , terminata ab ellipfi,

ellipsi, secta sit bifariam ab altero axe Bb in puncto K , quod aliud a centro sit, facile ostenditur, eandem fore parallelam alteri axi Aa . Nam ductis MP , MP parallelis axi Bb , recta PP divisa erit bifariam in C , quoniam MM ponitur bifariam divisa in K ; ac proinde ordinatæ PM , PM erunt æquales; Ergo recta MM parallela erit axi Aa .



Corollarium VI.

206. **H**inc ellipsis ab alterutro axe bifariam dividitur, & quadrifariam a duobus axibus conjugatis.

De Focis Ellipseos.

CUm ea, quæ de focis ellipseos, ac de communibus diametrorum cum axibus proprietate demonstranda sint, a theoria tangentium facili nexu deducantur; placuit hinc, ut facilitati methodi consulerem, præcipuam tangentis, respectu utriusque axis, proprietatem paucis præmittere, quam ad reliquas diametros conjugatas infra traducam. Focorum itaque proprietates enucleatius hoc loco evolvam, tum propter insignem utilitatem in theoria conicorum, & praxi; tum vero maxime, ut, quæ ab antiquis Geometris ingeniose tradita, & inventa sunt, ne omittantur; & recentiorum Geometrarum methodus cum antiqua conferri possit.

SYNOPSIS.

A Dato puncto tangentem ducere. In utroque axe, utrinque productio ad occursum tangentis, tres continue proportionales, aliæque proportionum, & æquationum species. Apollonii methodus in inventione focorum, quos Puncta vocat ex comparatione. Recentiorum methodus. Rectangulum partium inæqualium majoris axis, secti ab alterutro focorum, æquatur quadrato semisseos minoris axis; hinc inventio foci. Rectangulum sub duabus tangentibus, ab utraque extremitate axis ductis, & ab altera quavis tangente interceptis, æquatur rectangulo sub ordinata a puncto contactus, & sub semiaxe conjugato, ad eandem tangentem productio, & consequenter quadrato dimidii axis minoris. A punctis occursum harum trium tangentium, rectæ ad focos ductæ, angulos utrinque rectos efficiunt. A puncto intersectionis harum rectarum, linea ad punctum contactus ducta, normalis est tangenti. A focis ad contactum ductæ rectæ efficiunt æquales cum tangente angulos. Hinc, si corpus luminosum statuatur in uno foco speculi elliptici, reflexio fiet in aliam focum. Determinare rectam æqualem semiaxi majori. Duæ rectæ a focis ellipseos convenientes in quovis perimetri puncto, simul sumptæ æquantur axi majori. Hinc methodus describendæ ellipseos per motum continuum. In ellipsi determinare maximum triangulorum isoperimetrorum. Aliter tangentem ducere, & æqualitatem angulorum incidentiæ, & reflexionis ostendere. A focis ellipseos ad idem punctum perimetri inclinare duas rectas, quæ datam habeant rationem.

PRO-

PROPOSITIO VIII.

207. **E**X dato in ellipsis perimetro puncto P tangentem ducere HPR.

A puncto dato P ducatur ordinata PG ad axem majorem; dein duabus rectis OG, OA accipiaturs tertia proportionalis, quæ statuatur ab O in R; jungaturque PR, quæ erit tangens quæsitæ.

Demonstratio. I. Circa axem majorem describatur circulus AFB; producaturque ordinata PG, donec occurrat circulo in puncto F, a quo ducatur recta FR, quæ erit tangens circuli. Cum enim sit $OF = OA$, erit per constructionem $OG : OF :: OF : OR$; Ergo triangulum RFO est rectangulum in F; quippe quod est simile triangulo OGF, quod est rectangulum per constr. Itaque RF perpendicularis radio OF, tangit circulum.

II. Super linea RPH accipiaturs aliud punctum H, a quo ducatur ordinata HV ad axem majorem, ulterius producta, donec occurrat tangenti circuli in I. Triangula similia RGF, RVI dabunt

$$GF : VI :: RG : RV.$$


Rursum triangula similia RGP, RVH dabunt

$$GP : HV :: RG : RV;$$

Ergo


$$GF : VI :: GP : HV.$$

Atqui



Atqui ordinatæ GF, VM ad circulum, ita se habent, uti ordinatæ PG, NV ad majorem axem ellipsis (*n.* 188.); & VM minor est rectâ VI, propter tangentem RI circuli in solo puncto F; Ergo NV minor quoque esse debet, quam HV; & proinde punctum H extra circulum.

Idemque demonstrabitur de reliquis punctis omnibus, quæ sumantur super rectâ HR, excepto puncto P; Quamobrem HR tangit ellipsim in hoc solo puncto. Quod erat &c.



PROPOSITIO IX.

208. *SI a puncto P contactus ducatur ordinata PX ad minorem axem, producaturque tangens, donec occurrat minori axi producto in Z, erunt in continua proportione :: OX.OC.OZ.*

Demonstratio. Tres rectæ OG, OA, OR cum sint per præced. continue proportionales, erit ex Elementis,

$$\overline{OG}^2, \text{ five } \overline{PX}^2 : \overline{OA}^2 :: OG : OR.$$

Est autem ex def. ellipsis,

$$\overline{PX}^2 : \overline{OA}^2 :: CX \times XD : CO \times OD;$$

five ex Elementis, $:: \overline{CO}^2 - \overline{XO}^2 : \overline{CO}^2;$

præ-

præterea propter similitudinem triangulorum ZXP ,
 ZOR ,

$$PX, \text{ sive } OG:OR::ZX:ZO;$$

Ergo $ZX:ZO::\overline{CO}^2-\overline{XO}^2:\overline{CO}^2$;

& invertendo, ac dividendo,

$$ZO:ZO-ZX::\overline{CO}^2:\overline{CO}^2-\overline{CO}^2+\overline{XO}^2;$$

hoc est, $ZO:XO::\overline{CO}^2:\overline{XO}^2$.

Itaque ZO , CO , XO sunt in continua proportionē.
 Quod erat &c.

Corollarium.

209. **H**inc, si a puncto contactus ducatur ordinata quævis ad alterutrum axem, erit quadrato semiaxis æquale rectangulum sub distantia ordinatæ a centro, & sub semiaxe producto ad concurrsum tangentis.

PROPOSITIO X.

210. **S**I recta RP ellipsim tangat in puncto P , a quo ducatur ordinata PG ad majorem axem, erit
 $BG:GA::BR:RA$.

Demonstr. Ex ostensa proprietate tangentis PR ,
 $OR:OA::OA:OG$;

& dividendo,

$$OR:OR-OA, \text{ sive } RA::OA:OA-OG, \text{ sive } AG;$$

& duplicatis antecedentibus,

$$BR+RA:RA::BA:AG;$$

& rursus dividendo,

$$BR+RA-RA:RA::BA-AG:AG;$$


$$\text{sive } BR:RA::BG:GA.$$

Quod erat &c.

Mo-

Monitum.

211. **A** Pollonius, ut in axe ellipseos focos exhibeat; hac utitur constructione, Prop. VI. & XLV. Quartæ, inquit, parti figuræ æquale rectangulum comparatur ex utraque parte; hoc est, ellipsis axis AC ita secetur in duobus punctis G & H, ut tam $AG \times GC$, quam $CH \times HA$ rectangulum, æquale sit quartæ parti figuræ. Quo posito, ulterius ostendis G & H focos esse ellipseos; quos puncta vocat ex comparatione facta, videlicet, ex comparatione rectangulorum sub segmentis axeos, cum quarta parte figuræ. Figuram porro hic vocat Apollonius rectangulum, quod fit sub axe majore, ejusque parametro; atque illud cum quarta sui parte ad usus traducit eximios, videlicet, inventionem focorum &c. Singulari autem præ ceteris rectangulis appellatione figuram vocavit antiquitas rectangulum sub axe majore, & parametro; quod, ex definitione parametri, æquale est quadrato axeos minoris. Sed quarta pars quadrati minoris axis est quadratum dimidii axis minoris; Ergo quadratum dimidii axis minoris æquale est quartæ parti figuræ. Unde, cum voce illa utar veterum Geometrarum, intelligi volo quadratum semisseos axis minoris.



Nos vero ad focorum inventionem, & proprietates investigandas expeditius ita procedimus. Descriptæ ellipsi Prop. I. & II., utrumque focum ita definivimus, & determinavimus n. 193.

Si ab extremitate C minoris axis, tanquam centro, & intervallo semisseos axis majoris, describatur

batur arcus circuli, qui secet majorem axem in duobus punctis G & L; hæc puncta vocantur *Foci* ellipseos.

Quibus præjactis,


PROPOSITIO XI.

212. **R**ectangulum $AL \times LB$ partium inequalium majoris axis, secti ab alterutro focorum, æquatur quadrato OC semisseos minoris axis CD , hoc est, quartæ parti figuræ.

Propositio demonstrata est n. 198.

Corollarium.

213. **E**X definitione foci, & ex æqualitate triangulorum COG , COL , patet, rectas AG , BL esse æquales, & GL bifariam esse divisam in O ; hinc distantia focorum a centro utrinque æqualis est.




PRO-

PROPOSITIO XII.

214. **S**I super axe majore AB, tanquam diametro, describatur circulus AEB, & per extremitatem D minoris axis CD, ducatur tangens, quæ eidem circulo occurrat in puncto E, a quo ducatur EF, perpendicularis axi majori in puncto F; Dico, rectangulum $AF \times FB$ æquale esse quartæ parti figuræ.

Demonstratio. Rectangulum

$AF \times FB = FE^2$; hoc est, quadrato semiaxis minoris CD, si-
ve quartæ parti figuræ. Quod &c.



Scholion.

HAc constructione invenitur focus methodo Apolloniana, seu punctum ex comparatione, quod ita dividit axem majorem, ut rectangulum sub segmentis æquale sit quartæ parti figuræ (n. 212.).

PROPOSITIO XIII.

215. **R**ectangulum sub duabus tangentibus ab utraque extremitate axis ductis, & ab altera quavis tangente interceptis, æquatur rectangulo sub ordinata a puncto contactus ejusdem, & sub semiaxe conjugato, ad eandem tangentem producto.

Ellipsim ABC (Fig. n. 216.), cujus axes conjugati AC, DE, contingant in A & C, & alio puncto quovis B tres rectæ AF, CG, FG; ita quidem, ut FG occurrat rectis AF, CG in punctis F & G, & præterea pro-

productæ semidiametro DE occurrat in I; tum ex puncto contactus B demittatur BH, ordinata ad diametrum AC; Dico, $AF \times CG = BH \times ID$.

Demonstratio. Producatur GF, donec cum axe conveniat in L. Quoniam DH, DA, DL sunt in continua proportionem (n. 207.), erit

$$DL : DA :: DL - DA : DA - DH;$$

sive $DL : DA$, seu $DC :: LA : AH$;

& invertendo, & deinde componendo, fiet

$$CL : DL :: HL : AL.$$

Est autem $CL : DL :: CG : DI$;

& $HL : AL :: HB : AF$;

Ergo $CG : DI :: HB : FA$;


ac proinde $CG \times FA = DI \times HB$.

Quod erat &c.

Corollarium.

216. **H**inc rursus sequitur, *rectangulum* $AF \times CG$, vel $HB \times ID$ *æquale esse quartæ parti figure, seu quadrato dimidii axis minoris.*

Ducatur enim BK parallela axi AC. Quoniam DK, DE, DI sunt in continua proportionem (n. 208.), erit $DK \times DI = DE^2$; Ergo $AF \times CG = DE^2$, sive quartæ parti figuræ.



PRO-

PROPOSITIO XIV.

217. **S**I ellipsim, cujus axis AC, tangant in A & C, & alio quovis puncto B rectæ AD, CF, & DE, quæ utrinque conveniat cum duabus reliquis in D & F, tum ex focis G & H ducantur lineæ GD, GF, & HD, HF; Dico, angulos DGF, DHF esse rectos.

Demonstratio. Per Coroll. præced., rectangulum $DA \times CF$ æquatur quartæ parti figuræ, hoc est, rectangulo $AG \times GC$ (n. 212.); Ergo $AG:AD::FC:CG$. Sunt autem anguli DAG, FCG recti; Ergo triangula DAG, FCG sunt similia ex Elem.; & angulus ADG æqualis angulo CGF. Est etiam angulus ADG una cum angulo AGD, æqualis uni recto, cum tertius DAG sit rectus ex hyp.; Quare & angulus CGF una cum angulo AGD, æquabitur uni recto; Ergo reliquus DGF est rectus. Eodem modo ostendam angulum DHF esse rectum. Quod erat &c.

PROPOSITIO XV.

218. **I**isdem stantibus, si ex puncto intersectionis L ad contactum B ducatur recta LB; Dico, hanc normalem esse ad tangentem DF.


Demonstratio. Ponatur non ducta tangens DF; & super LD, LF, quæ non jacent in directum, describantur circuli: hi se secabunt in duobus punctis. Sint hæc puncta L & B; tum ducantur rectæ DB, FB. Cum anguli LBD, LBF sint recti ex Elem., lineæ DB, FB in directum jacent; Ergo coincidunt cum priore tangente DF; cui proinde normalis est LB in puncto contactus B. Quod &c.

PRO.

PROPOSITIO XVI.

219. **I**isdem stantibus, si a focus ad contactum ducantur rectæ GB, HB, hæc cum tangente æquales angulos comprehendent DBG, FBH.

Demonstratio. Quoniam anguli DGL, FHL recti sunt (n. 217.), transibunt per H & G circuli descripti Prop. præcedenti. Transit autem uterque circulorum etiam per B; quia anguli DBL, FBL sunt recti per præced.; Ergo tam anguli DBG, DLG, quam anguli FBH, FLH sunt æquales inter se; quippe qui ambo insistant eidem arcui sui circuli. Atqui angulus DLG æquatur angulo FLH opposito ad verticem; Ergo & angulus DBG æquatur angulo FBH. Quod erat &c.




Scholion.

Cum punctum B, in peripheria assumptum, sit quodcunque, sequitur, lineas omnes ex H in peripheriam ellipsis ductas, reflectendas in G; & vicissim. Quare hæc puncta H & G poli, seu foci nominantur; quæ ab Apollonio puncta ex comparatione facta dicuntur. Porro hæc in ellipticis mirabiles habent proprietates; quarum aliquas attingam.

Corollarium.


220. **S**I corpus luminosum statuatur in uno foco C speculi elliptici, reflexio fiet ad alium focum A.

Sit itaque speculum ellipticum; sitque radius quilibet CB, procedens ab uno foco C, & incidens in superficiem ellipticam; Dico, radium reflexum, illi respondentem, transire per punctum A. Cum enim in omni curva superficie angulos metiamur penes tangentem, si per B intelligatur duci tangens EBF, anguli CBF, ABE erunt æquales; cum autem anguli incidentiæ, & reflexionis tales esse debeant, radius CB reflectetur in A.



PROPOSITIO XVII.

221. **S**I ellipsim ABC, cujus axis AC, & foci D & E, tangent in punctis A, C, B rectæ AF, CG, FG, quæ concurrant in punctis F & G, deinde ex foco E erigatur linea EH, perpendicularis tangenti FG, junganturque puncta AH, CH; Dico, angulum AHC rectum esse.



De-

Demonstratio. Ductis rectis FE, EG, describantur super FE, EG, tanquam diametris, circuli FHE, HGC. Ac circulus quidem FHE, cum anguli EHF, EAF sint recti, transibit per puncta H, F, A; circulus vero HGC, cum anguli GHE, ECG sint pariter recti, transibit per H & C. Erunt igitur anguli AHF, AEF inter se æquales; quia insistant eidem arcui AF; & pariter inter se æquales anguli EHC, EGC, insistentes eidem arcui EC.


Jam vero angulus CGE æqualis est angulo FEA; uti constat in demonstratione Prop. XIV. n. 217.; Ergo angulus CHE æquatur angulo AHF; Quare, si utrisque æqualibus addatur communis angulus AHE, fiet angulo FHE recto per hyp., æqualis angulus AHC; qui proinde & ipse rectus erit. Quod erat &c.

PROPOSITIO XVIII.

222. **S**I ellipsim ABC, cujus axis AC, poli F & G, tangent in punctis A, B, C rectæ AD, CE, DE, concurrentes in punctis D & E, ductæque ex polo F recta FB ad punctum contactus, ducatur præterea ex centro H recta HI, parallela rectæ FB, occurrens tangenti DE in I; Dico, lineam HI æqualem esse semiaxi HC.

Et reciproce, si HI, occurrens tangenti ED, sit æqualis semiaxi HC; Dico, rectam HI parallelam esse ipsi FB.

Demonstratio. Fiat BI = IK; junganturque BG, GK, & rectæ AI, IC. Quoniam BI = IK, erit $BI : IK :: FH : HG$; ac proinde rectæ BF, KG sunt parallelæ; & angulus




Etæ DB, secans rectam EB in H. Quoniam BD, FG sunt parallelæ, erit angulus $FGB = DBI = EBG$ (n. 218.); Ergo $HB = HG$. Rursum, cum sit $DE:FE::BE:HE$, sitque DE dupla ipsius FE, erit & EB dupla rectæ $BH = HG$. Est autem etiam BD dupla rectæ FH; cum sit $DE:FE::DB:FH$; Ergo $EB + BD$ simul sumptæ, duplæ sunt ipsius FG, hoc est, semiaxis FC per præced., ac proinde æquales axi AC. Quod erat &c.

Corollarium I.

224. **H**Uic Propositioni innititur vulgaris methodus describendæ ellipsis per motum continuum, ope funiculi.


Proponatur filum FMf pro futura longitudine axis majoris Aa ellipses describendæ. Itaque in plano defigantur duæ extremitates funiculi FMf in duobus punctis F, f, quorum distantia Ff sit minor longitudine ejusdem; ac stylo M filum hoc continuè tensum ita gyretur circa hæc duo puncta, ut eodem redeat, unde discessit; hoc motu continuo stylus M describet ellipsim.

Duo puncta fixa F, f, erunt *Foci*. Recta Aa, quæ per focos transit, & utrinque terminatur a perimetro ellipsis, est *Axis major*; atque ita *Axis minor* Bb, *Centrum* C, *Ordinatæ* MP, vel MK.



Corollarium II.

225. **S**I duo foci F & f ita mutuo accedant, ut coalescant in ipso centro C , palam est, ellipsim in hoc casu definire in circulum, cujus radius erit recta æqualis semissi funiculi affixi in duabus extremitatibus eidem puncto C , quod erit centrum. Itaque, ut initio monuimus, considerari poterit *circulus*, tanquam *species particularis ellipsoeos*, in qua distantia focorum nulla sit.




Corollarium III.

226. **I**N ellipsi triangulorum isoperimetrorum maximum est isosceles.

Describatur ellipsis quæcunque ABC , cujus axes AC , FB , poli D & E ; junganturque puncta DB , BE ; tum super ED , tanquam basi, triangula constituentur quæcunque DGE , quorum vertices G sint in peripheria.

Constat I. ex præced., triangula DBE , DGE &c. esse isoperimetra.

Constat II., illorum maximum esse triangulum DBE . Agatur enim per B tangens, quæ, cum in uno tantum puncto B ellipsi occurrat, & reliquâ sui parte tota cadat



extra,

extra, patet DGE triangula, quæ terminantur in ellipsi, minorem habere altitudinem triangulo DBE, adeoque illo esse minora.

Constat III., triangulum DBE esse isosceles.

Corollarium IV.

227. **E**X eadem proprietate focorum consequitur modus alter ducendi tangentem SPR ex dato quovis puncto P in ellipsis perimetro.


A focus G & L ducantur rectæ GP, LP; & producat GP, donec fiat $PM = PL$; tum jungatur ML, quæ bifariam secetur in R; ducaturque PR, quæ erit tangens quæsitæ.

Sumatur enim super tangente RP quodvis aliud punctum S, a quo ad focos ducantur rectæ SG, SL; ducaturque pariter recta SM. Quoniam triangulum LPM est isosceles, & PR secatur bifariam ejusdem basim, erit quoque isosceles triangulum LSM; Ergo $SL = SM$. Jam vero $GS + SM$ majores sunt ipsa GM, seu $GP + PL$; Ergo $GS + SL$ majores sunt ipsis $GP + PL$, hoc est, axe AB; Ergo punctum S est extra ellipsim (n. 223.).

Corollarium V.

228. **S**I a focus G & L ad contactum P ducantur rectæ LP, GP, ostenditur rursus æqualitas angulorum GPS, LPR, incidentiæ, & reflexionis.

Nam angulus GPS æquatur angulo MPR opposito ad verticem. Atqui angulus MPR æquatur angulo LPR; triangulum quippe isosceles LPM, per Coroll. præced., dividitur in duo triangula æqualia a recta PR perpendiculari in suam basim; Ergo &c.




PROPOSITIO XX.

229. **E** Focis ellipseos D & E duas rectas inclinare ad idem punctum perimetri, quæ datam contineant rationem H ad K.

Debet autem data ratio major esse ratione AD ad DC, minor verò ratione AE ad EC.

Resol. & Dem. Secetur axis AC in G, secundum datam rationem H ad K; quæ, cum ponatur major ratione AD ad DC, & minor ratione AE ad EC, manifestum est, rectam AG majorem esse rectâ AD, minorem verò rectâ AE, ac proinde punctum G cadere inter polos D & E. Erigatur itaque ex polo D ad peripheriam linea DB = AG; junganturque puncta BE; Dico, factum esse, quod petebatur.

Cum enim DB + BE = AC, & per constr., DB = AG, erit reliqua BE = GC; Ergo DB : BE :: AG : GC :: H : K. Quod &c.

*De Diametris.*

Definitio ellipsis ferebat, ut quadrata applicatarum ad axem, ita se haberent, uti rectangula sub segmentis axis; poterat tamen dubitari, an hanc proprietatem haberent omnes ordinatæ ad alias quascunque diametros; quod jam demonstrare aggredimur.

SYNOPSIS.

Triangula a tangentibus, & axe comprehensa, demonstrantur equalia triangulis terminatis ab iisdem tangentibus, & diametro. Hinc quaecunque diameter bifariam secatur a centro ellipseos. Similiter, si intra ellipsim parallelae tangentibus ducantur, aequationes aliae triangulorum, & quadrilaterorum demonstrantur, respectu axis, & diametri cujuscvis; ac casus omnes referuntur. Hinc omnis recta, quae intra ellipsim ducitur, parallela tangenti alicujus diametri, bifariam secatur ab eadem diametro, cui proinde ordinata est. Definitio diametrorum conjugatarum, & parametri, respectu cujuscvis ex diametris conjugatis. In omni ellipsi quadrata ordinarum omnium ad quamlibet diametrum, sunt inter se, uti rectangula sub segmentis diametri. Hinc omnia, quae ex primaria ellipseos proprietate deducuntur theoremata, respectu duorum axium, aequè traducuntur ad duas quascunque diametros. Datae ellipseos diametrum invenire, vel centrum, vel diametrum, quae per datum punctum transeat, vel datae diametri diametrum conjugatam, vel ordinatim applicatas. Ordinatæ, quae ad duas quascunque diametros ab alternis earum verticibus ducuntur, dividunt ipsas diametros in eadem ratione. Hinc rursus in qualibet ellipsi positio ordinarum cujuscunque diametri definitur.

PRO-

PROPOSITIO XXI.

230. **D** *Atis majore axe AB, & diametro EF, & utriusque tangentibus FL, BH, quæ se se invicem secant, ac terminentur, altera ab axe, & altera a diametro, ulterius productis; Dico, triangulum BOL, factum a duabus tangentibus, & axe, æquari triangulo FOH, facto a duabus tangentibus, & diametro.*

Demonstratio. Ducta FR ordinata ad axem, & BP parallela tangenti diametri, habebitur (n. 208.),
 $:: XR.XB.XL.$

Triangula vero familia XBP, XLF exhibent

$$XP:XF::XB:XL.$$

Est autem $XB:XL::XR:XB$;

Ergo $XP:XF::XR:XB;$


ac proinde rectæ PR , FB sunt parallelæ.

Pariter triangula familia XRF, XBH dant

$$XF:XH::XR:XB.$$

Atqui $XR:XB::XP:XF;$

Ergo $\mathbf{X F : X H :: X P : X F :: X B : X L .}$



Re-

Rectæ itaque FB, HL sunt pariter parallelæ; Ergo triangu-
la FBL, FBH sunt æqualia; sublatoque
utrinque communi triangulo FOB, remanet trian-
gulum BOL æquale triangulo FOH. Quod erat &c.

Corollarium I.

231. **E**odem modo demonstrabitur, *triangulum*
XLF = *triangulo* XHB. Nam, si trian-
gulis æqualibus BOL, FOH, addatur quadrilate-
rum commune BZFO, fiet quadrilaterum FZBL
= quadrilatero FZBH. Si autem primo quadrilate-
ro adjiciatur triangulum PZF, & secundo triangu-
lum RZB = PZF, habebitur quadrilaterum PFB L
= quadrilatero RFHB. Quod si fiat permutatio,
& substitutio, hinc atque inde, triangulorum æqua-
lium PZF, RZB, constructur triangulum RFL
æquale triangulo PBH. Addatur primo triangulum
PRF, & secundo triangulum PRB = PRF; fiet
PFLR = PHBR; denique utrinque adjecto com-
muni triangulo XPR, habebitur triangulum XLF
= triangulo XHB.

Corollarium II.

232. **S**i ab altera extremitate A axis, & E dia-
metri fiat eadem constructio, eadem utrin-
que æqualitates demonstrari poterunt; puta, trian-
gulum TEX erit æquale, & simile triangulo XFL
&c. Quod facile potest demonstrari. Cum autem XE
æquetur rectæ XF, hinc sequitur, *quamcunque dia-*
metrum bisariam secari a centro X ellipseos.


Corollarium III.

233. **S**i producat tangens utraque NA & FL,
usque ad occursum in S, *triangulum* FSN
erit æquale triangulo SAL. Cum enim triangu-
la ANX,

172 SECTIONUM CON. PARS II.
 ANX, XFL sint æqualia, addito quadrilatero
 communi ASFX, erit FSN = SAL.

Corollarium IV.

234. **H**inc triangulum PBH æquatur quadrilatero
 FPBL. Nam, si triangulis æqualibus
 BOL, FOH utrinque addatur quadrilaterum com-
 mune FRBO, fiet triangulum FRL = quadrilate-
 ro FRBH; sublatoque quadrilatero FRBO, & ad-
 jecto quadrilatero PBOF utrinque, constructur tri-
 angulum PBH = quadrilatero FPBL.




PROPOSITIO XXII.

235. **D**atis axe AB, & diametro MN, & utrius-
 que tangentibus BF, MG, quæ se se in-
 vicem secant, ac terminentur, altera ab axe, & alte-
 ra a diametro, utrinque productis, si a puncto H, sum-
 pto in perimetro ellipseos, ducantur duæ rectæ SR,
 LY, parallelæ tangentibus; Dico, triangulum HSY, fa-
 ctum

Sum ab hisce parallelis, & axe, æquari quadrilatero SRFB, factò a tangente ejusdem axis, eique parallela, interceptà ab axe, & diametro.


Demonstratio. Ducatur MX ordinata ad axem. Triangula MXG, HSY cum sint similia, erunt inter se, uti quadrata suarum basium MX, HS. Hæc autem quadrata sunt, uti rectangula AX \times XB, AS \times SB, sive, uti quadratum $\overline{OB}^2 - \overline{OX}^2$ est ad quadratum $\overline{OB}^2 - \overline{OS}^2$; Ergo triangulum MXG:HSY :: $\overline{OB}^2 - \overline{OX}^2$: $\overline{OB}^2 - \overline{OS}^2$; sive MXG: $\overline{OB}^2 - \overline{OX}^2$:: HSY: $\overline{OB}^2 - \overline{OS}^2$.

Jam vero quadrata \overline{OB}^2 , \overline{OX}^2 , \overline{OS}^2 sunt inter se, uti triangula similia OBF, OXM, OSR, quorum latera sunt bases; Ergo triangulum MXG est ad triangulum OBF—OXM, hoc est, ad quadrilaterum XBFM, uti triangulum HSY est ad triangulum OBF—OSR, hoc est, ad quadrilaterum SBFR. Atqui triangulum MXG æquatur quadrilatero XBFM per Coroll. præced.; Ergo triangulum HSY æquatur quadrilatero SBFR. Quod erat &c.



Casus II.


236. **S**I punctum I, ex quo ducuntur parallele tangentibus, sit ultra axem, respectu diametri; triangula MXG, SIV, cum sint similia, sunt inter se, uti quadrata suarum basium MX, SI. Quia vero hæ bases sunt ordinatæ ad axem, earum quadrata erunt, ut rectangula respondentia. Quare eodem modo demonstrabitur, triangulum SIV, factum a duabus parallelis, & axe, æquari quadrilatero SBFR, facto ab axis tangente, ejusque parallelâ, interceptâ inter axem, & diametrum.



Casus III.


237. **S**I punctum I ita sit positione datum, ut parallela tangenti axis secet axem in puncto S, ultra centrum, respectu hujus tangenti, sitque IS ultra axem, respectu puncti M diametri; in hoc casu, ductis tangentibus ad alteram extremitatem A & N, axis & diametri, facile demonstrabitur, triangulum ISR æquari quadrilatero TSAQ. Nam ductâ ordi-

dinatà NV ad axem, triangula NVG, ISR erunt,
uti quadrata suarum basium NV, IS &c.



Casus IV.


238. **S**I punctum C, unde discedunt parallelæ, re-
periatur ultra diametrum, respectu axis, idem-
que positione datum sit in extremitate C minoris axis;



trian-

176 SECTIONUM CON. PARS II.

triangulum COX, factum a duobus parallelis, & axe, erit æquale triangulo OBF, facto a tangente axis, & diametro. Nam triacula COX, MIG, cum sint inter se, uti quadrata \overline{CO}^2 , \overline{MI}^2 , seu, uti rectangula $AO \times OB$, idest, \overline{OB}^2 , & $AI \times IB$, erunt quoque, ut supra, uti triangulum OBF ad quadrilaterum IBFM. Cum autem triangulum MIG sit æquale huic quadrilatero, triangulum quoque COX erit æquale triangulo OBF. Ratio est, quia CO, parallela tangenti axis, occurrit axi, & diametro in uno eodemque puncto; ac proinde evanescit ejus pars intercepta ab axe, & diametro; & quadrilaterum definit in triangulum.




PROPOSITIO XXIII.

241. **S**Tantibus iisdem, ut supra, nimirum, axe, diametro, tangentibus, & parallelis; Dico, triangulum ZHR, factum a duabus parallelis, & diametro, æquari quadrilatero ZMGY, facto a tangente bujus diametri, ejusque parallelâ, interceptâ ab axe, & diametro.

Casus I.

S*it punctum H, unde discedunt parallelae, inter axem, & diametrum. Triangulum OFB æquatur triangulo OMG; ac dempto utrinque communi quadrilatero OZHS, remanent ex una parte triangulum ZHR + quadrilaterum SRFB, simul sumpta, æqualia triangulo SHY + quadrilatero ZYGM, simul sumptis ex alia parte. Atqui per præced., quadrilaterum SRFB = triangulo SHY; Ergo triangulum ZHR æquatur pariter quadrilatero ZMGY.*



Casus II.


242. **S**i punctum H, unde discedunt parallelae, sit ultra minorem axem, respectu diametri, ut in Fig.

Casus IV.

244. **S**I punctum L sit inter minorem axem, & diametrum; triangulum $L\alpha Y$ est æquale quadrilatero αEFB , per præced.; sublatoque hinc triangulo SHY , & inde quadrilatero $SBFR$, æquali huic triangulo, habebitur quadrilaterum $L\alpha SH =$ quadrilatero $E\alpha SR$; ac dempta figura communi $\alpha EZHS$, supererit triangulum $LEZ =$ triangulo ZRH , & consequenter quadrilatero $ZMGY$, quod est æquale eidem triangulo ZRH .

Casus V.


245. **S**I punctum I sit ultra maiorem axem, respectu diametri; triangulum SIV est æquale quadrilatero $SBFR$, per præced. Addatur utrinque figura $VER S$, fiet triangulum $IER =$ quadrilatero $VEFB$.



Casus VI.


246. **S**I punctum I sit inter axem, minoremque diametrum, ac præterea parallela IH secet axem versus A ; a puncto N ducatur tangens QP , donec occurrat axi, suæque tangenti in punctis Q & P ; habet-

habebitur triangulum NFP æquale triangulo BQP (n. 235.). Dematur utrinque figura XIVBPN, supererunt ex una parte triangulum XIZ + quadrilaterum ZVBF, simul sumpta, æqualia triangulo IHV + quadrilatero HXNQ, simul sumptis ex alia; sublatoque hinc quadrilatero ZVBF, & inde triangulo IHV, æquali huic quadrilatero, residuum erit triangulum IXZ = quadrilatero HXNQ.



Casus VII.

247. **S**I punctum D sit in extremitate minoris axis; triangulum ODX æquatur triangulo OAK, seu triangulo ONH, per Coroll. præced.; sublatoque utrinque triangulo communi XLO, supererit triangulum DOL = quadrilatero XLNH.

M₃


Ca-

Corollarium.

250. **O**mnis recta linea, quæ intra ellipsim ducitur, parallela tangenti MG diametri MN , bisariam secatur ab eadem diametro, cui proinde ordinata est.


Nam l . recta, quæ tranſit per centrum O , ſecatur biſariam; cum hæc ipſa ſit diameter (*n. 232.*).

II. Omnes rectæ, quæ inter centrum O , & tangentem MG comprehenduntur, puta, IR , erunt pariter sectæ bifariam. Cum enim triangulum IXZ fit æquale quadrilatero $ZVGM$ per præced., æquatur proinde triangulo $ZRP =$ huic quadrilatero. Atqui hæc tria sunt similia; Ergo $IZ = ZR$.



Similiter, cum triangulum $H V Z$ sit æquale quadrilatero $Z I G M$, erit proinde æquale quadrilatero

ZIBF. Quia vero parvum triangulum Ibr æquatur correspondenti quadrilatero; hinc sequitur, triangulum $HVZ =$ triangulo KZr , & propter similitudinem horum triangulorum, erit $HZ = Zr$.



MS, SN, uti quadratum diametri conjugatæ PQ est ad quadratum diametri MN; nimirum,

$$\overline{SH}^2 : MS \times SN :: \overline{QP}^2 : \overline{MN}^2.$$

Demonstratio. Ductis QT, HI perpendicularibus ad axem, triangulum OQT æquatur triangulo OFB, five OMG. Nam triangulum OQX = quadrilatero XTFB (n. 235.); & triangulum SHI = quadrilatero SRMG, per præced. Atqui quadratum ordinatæ SH est ad quadratum ordinatæ OQ, uti triangulum SHI ad triangulum simile OQT; Ergo hæc duo quadrata sunt inter se, uti quadrilaterum SRMG, & triangulum MOG.

Jam vero $SRMG : MOG :: MS \times SN : \overline{MO}^2;$

Ergo $\overline{SH}^2 : \overline{QO}^2 :: MS \times SN : \overline{MO}^2;$

& permut., $\overline{SH}^2 : MS \times SN :: \overline{QO}^2 : \overline{MO}^2;$

ac loco quadratorum QO, MO, substitutis quadratis QP, MN, quæ sunt in eadem ratione, erit

$$\overline{SH}^2 : MS \times SN :: \overline{QP}^2 : \overline{MN}^2. \text{ Quod \&c.}$$

Scholion.

QUod autem quadrilaterum SRMG fit ad triangulum MOG, uti rectangulum $MS \times SN$ ad quadratum MO, sic facile ostenditur ex Elementis.

Nam duo triangula similia MOG, SOR ita se habent, uti quadrata laterum homologorum MO, SO; & dividendo,

$$MOG - SOR : SOR :: \overline{MO}^2 - \overline{SO}^2 : \overline{SO}^2;$$

five $SRMG : SOR :: MS \times SN : \overline{SO}^2;$

& componendo,


$$SRMG : SOR + SRMG :: MS \times SN : \overline{SO}^2 + MS \times SN;$$

hoc est, $SRMG : MOG :: MS \times SN : \overline{MO}^2.$

Co-

Corollarium I.

253. Q Uoniam quadrata ordinarum omnium diametri MN ita se habent singula ad respectiva rectangula, uti quadratum diametri conjugatæ PQ ad quadratum diametri MN; hinc sequitur, *in ellipsi quadrata applicatarum ad quicumque diametrum, esse inter se, uti rectangula sub segmentis diametri.*



Corollarium II.

254. **C**onstat jam, quòd *diameter ellipsis sit recta quælibet ducta per centrum, & utrinque ad eam terminata*. Ut enim talis esse possit, duo requiruntur; I. ut bisecet omnes rectas parallelas tangenti a vertice ejusdem ductæ, & utrinque ad ellip-
sim terminatas; II. ut quadrata ex semissibus istarum rectarum sint, ut rectangula, quæ sub segmentis dia-
metri continentur. Utrumque demonstratum est n. 250. & 253.

Corollarium III.

255. **P**Ræter eas rectas, quæ transeunt per centrum ellipsis, nulla alia recta linea potest esse ejus diameter.

Co-

Corollarium IV.

256. **O**Mnia, quæ ex Prop. III. n. 194., & ex primaria ellipseos proprietate, respectu duorum axium, deduximus Corollaria, ac Theoremata; ope hujus Propositionis, ejusque Coroll., æque traducuntur ad duas quascunque diametros conjugatas. Nam demonstrationes illæ perinde subsistunt, siue angulus, quem efficiunt axes in centro, sit rectus, siue non sit, & si loco duorum axium substituantur duæ diametri quæcunque conjugatæ. Itaque

I. *Quadratum ordinatæ HS diametro MN, est ad rectangulum partium, quas ipsa secat, $MS \times SN$, ut parameter ejusdem est ad ipsam diametrum MN.* Demonstratur eodem modo, quo n. 195., si loco axium substituantur diametri.

II. *Quadratum ordinatim applicatæ ad diametrum quamcunque, minus est rectangulo suæ abscissæ in parameterum.* Nam demonstratio, respectu axis, n. 196. æque subsistit traducta ad quamlibet diametrum.

III. *Proprietas fundamentalis demonstrata n. 252. & 253., convenit utrique diametro conjugatæ; hinc, quæ n. 202. 203. 204. 205. & 206. deduximus Corollaria, respectu duorum axium, traducuntur ex eodem principio ad diametros conjugatas.*

IV. *Omnis recta, quæ ab extremitate diametri cujuslibet ducitur parallela suæ diametro conjugatæ, vel suæ ordinatæ, ellipsim in illo puncto contingit. Et reciproce.*

V. *Hinc a dato puncto in ellipsis perimetro tangens unica duci potest.*

Omnia constant ex n. 204.

Corollarium V.

257. **Q**uemadmodum de parabola, ita & de ellipsi lubet congerere aliquot Corollaria, quæ vel satis in præcedentibus demonstrantur, vel inde saltem facile demonstrari poterunt.

I. Quodlibet perimetri ellipseos punctum, alicujus diametri verticem esse; ac proinde in qualibet ellipsi infinitos esse vertices, atque diametros infinitas.

II. Quamlibet in eodem plano rectam per aliquod intra ellipsim punctum ductam, alicui diametro ordinatim applicatam esse.


III. Diameter una non potest esse parallela ordinatis alterius conjugatæ, nisi & ista vicissim sit parallela ordinatis illius.

PROPOSITIO XXV.

258. **Q**uælibet diameter ellipsis non alias rectas, utrinque ad curvam terminatas, dividit bifariam, quàm quæ vel transeunt per centrum, vel ordinatim ad ipsam diametrum applicantur.

Sit enim ellipsis AMB diameter quævis AB , cujus tangens sit AD , cui omnes ejus diametri ordinatæ sunt parallelæ (n. 256.). Ducatur in ellipsi recta PP , quæ utrinque ad curvam terminata, nec transeat per centrum C , nec sit ordinata diametro AB ; Dico, eandem ab ipsa diametro AB non posse secari bifariam.

Demonstratio. Si enim fieri potest, secetur recta PP a diametro AB bifariam in S . Quo-



niam

niam hæc non est parallela ordinatis diametri AB, duci poterit per verticem A recta alia, quæ ipsi PP parallela, ellipsim secabit in alio puncto. Ducatur itaque recta ista, & sit AM, quæ secetur bifariam in puncto O; jungaturque OC, quæ utrinque occurrat ellipsi in punctis E & F.

Quia igitur recta EF transit per centrum, ac proinde diameter est (n. 254.), & præterea bifecat in O subtenfam AM, secabit quoque bifariam in V rectam PP, parallelam ipsi AM. Atqui ex hypothesi recta PP secatur bifariam in S; Ergo eadem PP bisecta erit tam in puncto S, quam in puncto V; quod est absurdum. Constat itaque propositum.

Corollarium I.

259. **I**Taque, si aliqua ellipsis diameter bifecet rectam aliquam non transeuntem per centrum, & utrinque terminatam ad ellipsim; hæc erit ordinata ejusdem diametri.

Corollarium II.

260. **S**I recta aliqua bifariam secet duas parallelas, utrinque ad ellipsim terminatas; illa erit diameter ejusdem ellipsis. Si enim non sit, ducatur per punctum bisectionis unius parallelæ, & centrum recta alia; hæc, velut diameter, bifecaret quoque rectam aliam parallelam. Quod fieri non potest.

Corollarium III.

261. **E**llipseos diametrum invenire. Quæ enim duas quaslibet inscriptas parallelas bifecat, est diameter.

Co.

Corollarium IV.

262. **E**llipseos centrum invenire. Nempe in duarum quarumlibet diametrorum concursu.

Corollarium V.

263. **E**llipseos diametrum invenire, quæ per datum punctum transeat. Recta nempe, quæ datum punctum, & centrum conjungit.

Corollarium VI.

264. **D**ata in ellipsi diametro qualibet, diametrum conjugatam invenire. Vel universaliter, Data inscripta qualibet, diametrum invenire, cui illa sit ordinata. Si data inscripta sit diameter, invenitur recta, quæ datam inscriptam, aliamque ipsi parallelam bifecet. Si data inscripta, non sit diameter, inveniat recta, quæ inscriptæ punctum medium, & ellipseos centrum conjungat.

Corollarium VII.

265. **D**atæ ellipseos ordinatim applicatas positione invenire, quæ datæ ipsius diametro conveniunt. Inventa nempe, per præced., diametro conjugata, rectæ, quæ huic sunt parallelæ, erunt ordinatim positæ diametro datæ.

PROPOSITIO XXVI.


266. **S**i diameter aliqua EF bifecet in O subtensam A, ductam a vertice A diametri alterius AB, ad

PROPOSITIO XXVII.

267. **O**rdinatae, quæ ad duas quascunque diametros ab alternis earum verticibus ducuntur, dividunt ipsas diametros in eadem ratione.

Sint AB, EF duæ quævis diametri ellipsis AMB. Ex vertice E ducatur ordinata EG ad diametrum AB, & ex vertice A ordinata AO ad diametrum EF; Dico, fore $BG:AG::FO:EO$.

Demonstr. Producatur ordinata una AO, donec occurrat ellipsi in M; agaturque per punctum O recta OL, ipsi EG parallela. Quoniam diameter EF bisecat in O subtenfam AM, ductam a vertice A diametri alterius, erit per præced.,



Atqui

Ergo

& invertendo,

& per conversionem rationis,

& sumendo antecedentium dupla, erit etiam

& dividendo,

Quod erat &c.

$$CL:CG::CG:CA.$$

$$CL:CG::CO:CE;$$

$$CG:CA::CO:CE;$$

$$CA:CG::CE:CO;$$

$$CA:AG::CE:EO;$$

$$AB:AG::EF:EO;$$

$$BG:AG::FO:EO.$$

PROPOSITIO XXVIII.

268. **I**N qualibet ellipsi positionem ordinarum cujuscunque diametri definire.

Esto diameter AB, cujus ordinatæ quæruntur. Ducatur intra ellipsim recta quævis PP, quæ non tran-

transeat per centrum; seceturque bifariam in V; jungaturque CV, quæ extendatur in E & F; dein ex vertice A agatur recta AM, ipsi PP parallela, quæ diametro EF occurrat in O; demum diameter AB ita secetur in G, ut $BG:AG::FO:EO$; Dico, EG fore ordinatam unam ipsius AB.

Demonstratio. Si enim EG non sit ordinata ipsius AB, esto, si fieri potest, ejus ordinata EH. Et quoniam ad diametros AB, EF, ex alternis earum verticibus ductæ sunt ordinatæ EH, AO, erit per præcedentem, $BH:AH::FO:EO$; & per constr., $FO:EO::BG:AG$; Ergo $BG:AG::BH:AH$; & componendo, $AB:AG::AB:AH$; Ergo $AG=AH$; quod fieri non potest.

De mutua Diametrorum inter se, & cum Axibus comparatione.

SYNOPSIS.

Circulorum super utroque axe descriptorum ratio ad ellipsim. Diametri ellipsis intra ejus quadrantem sunt omnes inæquales. Et omnium minima est axis minor; maxima vero est axis major. Reliquæ eò majores sunt axe minore, quò magis ab eodem recedunt; & æqualiter ab axibus remotæ, æquales. Conjugatæ diametri dividuntur in eadem ratione per ordinatas super iis ductas a verticibus aliarum. Summa quadratorum axium æqualis est summæ quadratorum cujuscunque conjugationis diametrorum. Dum diametri minuuntur in recessu ab axe majore, vicissim conjugatæ ipsarum augentur. Axis major ad minorem habet majorem rationem, quàm diameter quævis alia ad suam conjugatam. Diameter axi propinquior, majorem habet rationem ad suam


conjugatam, quàm diameter remotior ad conjugatam suam. Locus geometricus omnium diametrorum ellipsis exhibetur. Comparantur inter se rectangula, & summæ ex binis ellipseos diametris conjugatis; & decernitur casus vel rectanguli maximi, vel summæ omnium maximæ. In qualibet ellipsi ostenditur, binas diametros conjugatas æquales esse inter se.

PROPOSITIO XXIX.

269. **S**I super axe minore CD, tanquam diametro, describatur circulus CEDT, ellipsis tota erit extra hunc circulum, quem tanget in extremitatibus C & D ejusdem diametri.

Demonstratio. Ductis ordinatis HK, IL &c., earum quadrata erunt inter se, uti rectangula CK \times KD, CL \times LD &c. Atqui quadrata ordinarum SK, RL ad circulum, æquantur singula hisce rectangulis; Ergo quadrata ipsarum HK, IL sunt inter se, uti quadrata SK, RL &c.

Hinc facile deducitur, quadrata HK, IL esse ad quadrata SK, RL, uti quadratum semiaxis BF ad quadratum semidiametri EF; ac proinde ordinatæ HK, IL ad ordinatas SK, RL erunt, ut axis BA ad diametrum ET, hoc est, ad axem CD. Atqui axis BA major est axe CD, sive diametro ET; Ergo omnes ordinatæ HK, IL &c. sunt majores ordinarum ad circulum; & consequenter ellipsis tota est extra circulum, quem tanget &c.



Corollarium.


270. **S**I circa majorem axem AB describatur circulus BNAM, ut in Fig. sequenti, & alius CEDF circa minorem axem CD, ellipsis tota erit inter duas circumferentias.

PROPOSITIO XXX.

271. **I**isdem stantibus, si a centro O describantur aliæ circumferentiæ concentricæ, transeuntes per rectam BE, quæ est differentia duorum axium; Dico, quamlibet circumferentiam secare ellipsim in quatuor punctis, utrinque æque distitis ab extremitatibus B, A, C, D duorum axium.

Demonstratio. Si per punctum I, ubi circumferentia LRZXI incipit secare ellipsim, ducatur IL, parallela minori axi, hæc erit dupla ordinata ad axem majorem, a quo secta erit bifariam. Jam vero portio Oa hujus axis, cum sit radius circuli LRZXI, ac secet rectam IL bifariam, necesse est, ut recta IL sit chorda ejusdem circuli, ac proinde secet etiam ellipsim in puncto L. Atqui puncta I & L sunt æque distita a puncto B, uti pariter ab A, & similiter a C & D; Ergo &c.

Idem demonstrabitur de punctis X & Z.




Corollarium I.

272. **H**inc intra quadrantem ellipsis diametri omnes sunt inæquales. Nam CO , TO , IO sunt radii circulorum continuo crescentium.

Diameter omnium minima est axis minor; & omnium maxima est axis major.

Reliquæ ed majores sunt axe minore, quod magis ab eodem recedunt.

Diametri æqualiter ab axibus remotæ, æquales sunt.



Corollarium II.

273. **E**llipsis igitur diametri in recessu ab axe majore minores evadunt, maximamque patiuntur diminutionem, cum maxime distant ab axe majore, hoc est, cum ad axem minorem perveniunt; ac, dum hæ minuuntur, augentur ipsarum conjugatæ; uti mox demonstrabitur.

PROPOSITIO XXXI.

274. **C**onjugatæ diametri per ordinatas super iis ductas ex verticibus aliarum, dividuntur in eadem ratione.

Ellipsis $AKBL$ sint duæ quævis conjugatæ diametri AB , KL ; ad quas demittantur ordinatæ EG , PQ ,

PQ, ex verticibus duarum quarumvis aliarum similiter conjugatarum diametrorum EF, PR; Dico, fore $BG:AG::LQ:KQ$,

Demonstratio. Ducatur ad diametrum EF ordinata AO; tum per punctum O agatur recta OS, parallela ipsi EG.

Jam vero CK ad CQ rationem habet compositam ex CK ad CP, & ex CP ad CQ.

Atqui $CK:CP::KL:PR::EG:AO$;
& rursum $CP:CQ::AO:OS$;

Ergo CK ad CQ rationem habet compositam ex EG ad AO, & ex AO ad OS. Et quoniam duæ istæ rationes componunt pariter rationem, quam habet EG ad OS, sive etiam CE ad CO;

Ergo $CK:CQ::CE:CO$;

& convertendo, $CK:KQ::CE:EO$;

& sumptis antecedentium duplis, fiet


$$KL:KQ::EF:EO;$$

& dividendo, $LQ:KQ::FO:EO$.

Est autem $FO:EO::BG:AG$ (n. 267.);

Quamobrem $BG:AG::LQ:KQ$.

Quod erat &c.




DEFINITIO.

275. **C**omparatio unius diametri ad suam conjugatam, vocatur Conjugatio diametrorum.

PROPOSITIO XXXII.

276. **I**N ellipsi ALBK sint
duæ quævis diametro-
rum conjugationes, nimirum,
 AB, LK, & EF, PR; du-
canturque ex E & P rectæ EG,
 PQ, ordinatim applicatæ ad
 diametros AB, LK; Dico,
quadratum ordinatæ EG æqua-
le esse rectangulo KQL, &
quadratum ordinatæ PQ æqua-
le esse rectangulo AGB.



Demonstratio. Ex Lemmate præcedenti,

$$BG : AG :: LQ : KQ;$$

$$\& \text{ componendo, } AB : AG :: KL : KQ;$$

$$\& \text{ permutando, } AB : KL :: AG : KQ;$$

$$\& \text{ rursum } AB : KL :: BG : LQ;$$

& compositis utriusque analogiz rationibus, erit

$$\overline{AB}^2 : \overline{KL}^2 :: AG \times GB : KQ \times QL.$$

Jam vero ex natura ellipsis (n. 252.),

$$\overline{AB}^2 : \overline{KL}^2 :: AG \times GB : \overline{EG}^2 :: \overline{PQ}^2 : KQ \times QL;$$

$$\text{Ergo } AG \times GB : KQ \times QL :: AG \times GB : \overline{EG}^2;$$

$$\& \text{ consequenter } \overline{EG}^2 = KQ \times QL.$$

Quod erat primum.

Rursum ex superiori analogia,

$$AG \times GB : KQ \times QL :: \overline{PQ}^2 : KQ \times QL;$$

$$\text{Ergo } \overline{PQ}^2 = AG \times GB.$$

Quod erat alterum.

PRO-

PROPOSITIO XXXIII.

277. **A**xiom quadrata simul sumpta, æqualia sunt quadratis cujuscunque conjugationis diametrorum, simul sumptis.

Referant AB, KL axes ipsius ellipsis; & ordinatæ EG, PQ rectos cum iis angulos constituent; Dico, quadrata, quæ fiunt ex axibus AB, KL, æqualia esse quadratis, quæ fiunt ex aliis quibuscunque conjugatis diametris EF, PR.

$$\text{Demonstratio. } \overline{CA}^2 = AG \times GB + \overline{CG}^2;$$

& $\overline{CK}^2 = KQ \times QL + \overline{CQ}^2$, ex Elem.;
Ergo duo quadrata ex CA & CK æqualia erunt duobus rectangulis AGB, KQL, unâ cum duobus quadratis ex CG & CQ.

$$\text{Atqui per præced.}, \overline{PQ}^2 = AG \times GB;$$

$$\& \overline{EG}^2 = KQ \times QL;$$

Itaque his substitutis, erunt

$$\overline{CA}^2 + \overline{CK}^2 = \overline{PQ}^2 + \overline{CG}^2 + \overline{EG}^2 + \overline{CQ}^2.$$

$$\text{Est autem } \overline{PQ}^2 + \overline{CQ}^2 = \overline{CP}^2;$$

$$\& \overline{EG}^2 + \overline{CG}^2 = \overline{CE}^2, \text{ ex Elem.};$$

$$\text{Ergo } \overline{CA}^2 + \overline{CK}^2 = \overline{CP}^2 + \overline{CE}^2;$$


& consequenter quadrata ex totis AB, KL æqualia erunt pariter iis, quæ fiunt ex totis EF, PR. Quod erat &c.

PROPOSITIO XXXIV.

278. **I**isdem stantibus, dum diametri minuuntur in recessu ab axe majore, vicissim conjugatæ ipsarum augentur.

Sit AB axis major ellipsis, & KL axis minor, & EF diameter quævis, cujus conjugata diameter sit PR; Dico, non posse diametrum EF fieri minorem, nisi ipsius conjugata PR vicissim augeatur.

Demonstr. $\overline{AB}^2 + \overline{KL}^2 = \overline{EF}^2 + \overline{PR}^2$, per præced.; Quamobrem excessus, quo AB quadratum superat EF quadratum, erit semper æqualis excessui, quo vicissim PR quadratum superat quadratum KL; hinc nequit excessus ille augeri, nisi iste pariter augeatur. Itaque, quando per recessum ab axe majore AB, minor evadit diameter EF, tunc augetur excessus, quo quadratum ipsius AB superat quadratum EF; Ergo in hoc ipso recessu necesse est, ut augeatur etiam excessus, quo quadratum ipsius PR superat quadratum KL; & propterea diameter PR major evadet. Constat itaque propositum.



Corollarium I.

279. **A**Xis major AB ad axem minorem KL habet majorem rationem, quàm diameter quavis alia EF ad suam conjugatam PR.

Cum enim AB major sit, quàm EF, habebit AB ad KL majorem rationem, quàm EF ad KL. Sed KL minor est, quàm PR; ac proinde EF majorem habet rationem ad KL, quàm ad PR; Ergo ratio, quam habet AB ad KL, multo major erit ratione, quam habet EF ad PR.

Corollarium II.

280. **D**Iameter quælibet EF, axi majori propinquior, majorem habet rationem ad suam conjugatam PR, quàm diameter DH, ab eodem illo axe remotior, ad conjugatam suam QS.

Cum enim EF major sit, quàm DH, habebit EF ad PR majorem rationem, quàm DH ad PR. Sed PR minor est, quàm QS; hinc DH majorem habet rationem ad PR, quàm ad QS; Ergo ratio, quam habet EF ad PR, multo major erit ratione, quam habet DH ad QS.

DEFINITIO.

281. **L**Ocus Geometricus vocatur series illa punctorum, lineam curvam, vel rectam efficiens, quibus alicui Problemati geometrico, indeterminate proposito, satisfieri potest.

nis ellipseos diametris conjugatis, simul sumpta, æqualia esse quadratis axium AC, BC. Sed, inclinatis ad punctum quodvis E ejusdem portionis circuli CED, rectis AE, BE, quadrata istarum, ex Elem., adæquant quadrata ipsarum AC, BC; Ergo, si AE referat diametrum aliquam, erit BE ejus conjugata. Quod erat &c.

PROPOSITIO XXXVI.

283. **R**ectangulum ex binis ellipseos diametris conjugatis eò majus evadit, quò magis ipsæ diametri ad æqualitatem accedunt; & maximum est, ubi omnino inter se sunt æquales.

Sicuti rectæ AC, BC referunt axes ellipsis, sic rectæ AE, BE repræsentent binas ejus diametros conjugatas; Dico, rectangulum $AE \times EB$ eò majus esse rectangulo $AC \times CB$, quò minus a se mutuo differunt duæ AE, EB; & maximum fieri, cum eadem AE, BE inter se sunt æquales.

Demonstratio. Demittantur super AB perpendiculares CF, EG. Itaque ex natura circuli,

$$\overline{CF}^2 : \overline{EG}^2 :: AF \times FB : AG \times GB.$$

Atqui hujusmodi rectangula sunt in ratione composita ex AF ad AG, & ex BF ad BG; Ergo in hac eadem composita ratione erit pariter quadratum CF ad quadratum EG.

Jam, assumpta communi altitudine AB, erit

$$AF : AG :: BA \times AF : BA \times AG;$$

sive, ex Elem., $:: \overline{AC}^2 : \overline{AE}^2.$

Et similiter, assumpta communi altitudine AB, erit

$$BF : BG :: AB \times BF : AB \times BG;$$

hoc est, ex Elem., $:: \overline{BC}^2 : \overline{BE}^2.$


Ergo

Ergo quadratum CF ad quadratum EG habebit rationem compositam ex $\overline{AC}:\overline{AE}$, & ex $\overline{BC}:\overline{BE}$; hinc, capiendo latera omnium horum quadratorum, habebit quoque CF ad EG rationem compositam ex AC ad AE, & ex BC ad BE. Atqui duæ istæ rationes componunt pariter rationem, quam habet rectangulum $AC \times CB$ ad rectangulum $AE \times EB$; Itaque $CF:EG::AC \times CB:AE \times EB$. Ex quo facile constat propositi Theorematis veritas.

PROPOSITIO XXXVII.

284. **I**isdem manentibus, summa ex binis diametris conjugatis AE, BE, ed major evadit, respectu summae axium AC, BC, quod magis ipsæ diametri ad æqualitatem accedunt; & maxima est, ubi omnino inter se sunt æquales.

Demonstratio. Ex præced. Theor. rectangulum $AE \times EB$, respectu rectanguli $AC \times CB$, hac quidem lege augetur; Ergo etiam duplum illius rectanguli eadem lege augebitur, relate ad duplum istius;



& utrin-

& utrinque addendo commune quadratum ex AB, eadem pariter erit lex incrementi quadrati ex AB
 $+ 2 AE \times EB$, relate ad idem quadratum ex AB
 $+ 2 AC \times CB$.


Quoniam autem $\overline{AB}^2 = \overline{AE}^2 + \overline{BE}^2$, erit ex Elem., AB quadratum, unà cum duplo rectangulo $AE \times EB$, æquale quadrato, quod fit ex summa ipsarum AE, BE. Et similiter, quia $\overline{AB}^2 = \overline{AC}^2 + \overline{BC}^2$, erit AB quadratum, unà cum duplo rectangulo $AC \times CB$, æquale quadrato, quod fit ex summa ipsarum AC, BC.

Quamobrem necesse est, ut eadem illa lege augetur quoque quadratum, quod fit ex summa ipsarum $AE + BE$, relate ad quadratum, quod fit ex ipsis $AC + BC$. Ergo eadem erit pariter lex, qua summa ex conjugatis diametris AE, BE augetur, relate ad summam axium AC, BC. Constat itaque propositum.

PROPOSITIO XXXVIII.

285. **I**N qualibet ellipsi I. dantur binæ diametri conjugatæ, æquales inter se; II. ad quas, quod magis accedunt binæ aliæ conjugatæ, eò minus a se mutuo differunt.

Ellipsis AKBL sit AB axis major, & KL axis minor. Jungantur subtenstæ AK, AL; quibus bisectis in punctis O & V, agantur per hæc puncta diametri EF, PR. Dico I., has diametros æquales esse inter se.



De


206 SECTIONUM CON. PARS II.

Demonstratio. Axis major AB secatur ordinatas suas, non modo bifariam, verum etiam ad angulos rectos; Ergo idem axis dividet ellipsum in duas partes AKB, ALB, ita ut, una alteri superimposita, mutuo congruant. Sed congruent etiam, tum subtensæ AK, AL, tum diametri EF, PR; Itaque binæ istæ diametri EF, PR æquales erunt inter se. Quod erat primum.

Quòd autem earundem diametrorum EF, PR, altera alterius conjugata sit, facile ostenditur. Jungatur enim subtensa alia BL. Quoniam axes AB, KL bisecti sunt in centro C, duæ subtensæ AK, BL parallelæ erunt inter se. Est autem AV:VL::AC:CB; Quare eadem BL parallela est quoque ipsi PR; hinc PR & AK parallelæ sunt inter se; & consequenter PR conjugata erit ipsius EF.

Dico II., binas alias conjugatas diametros DH, QS, tantò minus a se mutuo differre, quò magis accedunt ad ipsas EF, PR.

Nam ex demonstratis, si una DH minuatur in accessu ad EF, altera QS augebitur, accedendo ad PR. Et vicissim, si illa augeatur, hanc minui oportebit. Quod erat alterum.



*De Parametris Diametrorum Ellipsis inter se
mutuo comparatis.*

SYNOPSIS.

QUa ratione duæ ellipsis diametri conjugatæ, continue proportionales sint cum suis parametris. Duæ conjugatæ diametri æquales habent parametros, & inter se, & diametris suis æquales. Et vicissim, diametri inæquales, habent parametros similiter inæquales. Ex diametris conjugatis illa, quæ major est, habet parametrum minorem diametro altera, ejusque parametro; illa, quæ minor est, parametrum habet majorem diametro altera, ejusque parametro. Si inæquales fuerint diametri, summa parametrorum major semper est summa diametrorum. Eadem Theoremata de parametris demonstrantur, etiamsi diametri non fuerint conjugatæ. Omnium parametrorum minima quidem est illa, quæ refertur ad axem majorem, maxima verò illa, quæ refertur ad axem minorem. Hinc diametri cujusvis parameter in recessu ab axe majore, & in accessu ad minorem continuè augetur; maximumque incrementum subit in ipso axe minore. Hinc rursus ostenditur, parametrum minorem esse diametro, ad quam refertur, ab axe majore usque ad eum locum, in quo æqualitatis diameter reperitur; esse verò majorem ab eo loco usque ad axem minorem. Definitur locus, ad quem terminantur parametri omnium diametrorum ellipsis. Atque hinc demonstrantur Theoremata, quæ in comparatione parametrorum ellipsis locum habent.

PROPOSITIO XXXIX.

286. **D**Uæ ellipsis diametri conjugatæ, continue proportionales sunt cum suis parametrīs, ubi inverso ordine inter illas collocentur.

Ellipsis AKBL sint AB, KL binæ ejus diametri conjugatæ; sit autem AD parameter unius diametri AB, & KI parameter alterius KL. Dico, diametros AB, KL, inverso ordine positas inter suas parametrōs AD, KI, continuam cum eis proportionem constituere, hoc est,

$$\therefore AD.KL.AB.KI.$$


Demonstratio. Quoniam KL est conjugata ipsius AB, erit ex definitione parametri, $AD:KL::KL:AB$. Et similiter, quoniam AB est conjugata ipsius KL, erit $KL:AB::AB:KI$. Ergo quatuor AD, KL, AB, KI continue proportionales erunt. Quod erat &c.

Corollarium.

287. **H**inc I., si duæ conjugatæ diametri AB, KL inter se sint æquales, etiam parametrī AD, KI debent esse æquales, tam inter se, quam cum diametrīs suis.

II. Et vicissim, si duæ conjugatæ diametri AB, KL sint inæquales, necesse est, parametrōs quoque AD, KI esse inæquales, tam inter se, quam cum qualibet earum diametrorum.

III. Ex diametrīs con-



jugatis AB, KL, illa, quæ major est, habet parametrum minorem diametro altera, ejusque parametro; illa vero, quæ minor est, parametrum habet majorem diametro altera, ejusque parametro.

IV. Si inæquales fuerint diametri AB, KL, & proinde inæquales ipsarum parametri AD, KI; summa parametrorum major est semper summa diametrorum.

Monitum.

288. **Q**UOD si diametri non fuerint conjugatæ, poterit etiam de parametris ipsarum ferri judicium, præmissa hoc Lemmate.

PROPOSITIO XL.

289. **I**N ellipsi quadratum diametri cujuslibet, unâ cum ejus figura, quæ inde oritur, eandem ubique summam constituit.

Nimirum, si ad quadratum diametri cujusvis AB apponatur figura ejus, quæ constituitur per rectangulum DAB, quod vocavimus figuram diametri; Dico, summam inde confectam, fore semper eandem; quocunque in loco capiatur diameter AB.

Demonstratio. Si ad quadratum diametri AB adjiciatur quadratum, quod fit ex ejus conjugata KL, eadem ubique summa conficitur (n. 277.). Atqui quadratum ex KL est æquale rectangulo DAB (n. 193.); Ergo, si eidem AB quadrato apponatur rectangulum DAB, summa inde orta, pariter eadem ubique erit. Quod erat &c.

PROPOSITIO XLI.

290. **D**Uæ qualibet ellipsis diametri sunt reciproce proportionales summis laterum suarum figurarum.

Diametri AB parameter esto AD; & cuiusvis alterius diametri EF parameter sit EH; Dico,
 $AB:EF::EF+EH:AB+AD$.

Demonstratio. Per Lemma, eadem summa oritur, tam si ad AB quadratum adjiciatur rectangulum DAB, quam si ad EF quadratum apponatur rectangulum HEF;

$$\text{Ergo } \overline{AB}^2 + DA \times AB = \overline{EF}^2 + HE \times EF.$$

$$\text{Atqui } \overline{AB}^2 + DA \times AB = AB \times \overline{AB+AD};$$

$$\& \quad \overline{EF}^2 + HE \times EF = EF \times \overline{EF+EH};$$

Quare, cum æqualia inter se sint duo hæc rectangula, erit

$$AB : EF :: EF + EH : AB + AD.$$


Quod erat &c.

PROPOSITIO XLII.

291. **I**isdem manentibus, ex duabus quibuscvis diametris ellipsis, illa, quæ minor est, majorem parametrum habet.

Esto diameter AB major diametro EF; Dico, parametrum AD diametri majoris, esse vicissim minorem parametro EH diametri minoris.

Demonstratio. Ex præced., diameter AB est ad diametrum EF, uti sum-



ma

ma ipsarum $EF + EH$, ad summam ex ipsis $AB + AD$; Quare, sicuti AB major est, quàm EF , per hyp.; ita duæ $EF + EH$ majores erunt duabus $AB + AD$. Parameter igitur EH , adsciscens suam diametrum EF , majorem summam constituit, quàm parameter AD , assumens diametrum suam AB . Atqui EF , per hyp., minor est, quàm AB ; Ergo EH multo major erit, quàm AD . Quod erat &c.

Corollarium I.

292. **Q**uemadmodum, uti demonstratum jam est, omnium diametrorum ellipsis maxima est axis major, minima vero axis minor; ita vicissim, *omnium parametrorum minima quidem est illa, quæ refertur ad axem majorem, maxima vero ea, quæ refertur ad axem minorem.*

Corollarium II.

293. **S**imiliter, sicuti diameter in recessu ab axe majore, & in accessu ad minorem continuo minuitur, maximamque patitur diminutionem, cum in ipsum axem minorem desinit; ita, versa vice, *diametri parameter continuo augetur, maximumque incrementum subit in ipso axe minore.*

Corollarium III.

294. **C**um autem ostensum sit n. 287., parametrum illius diametri, quæ conjugatam habet æqualem, adæquare diametrum suam; hinc denique infertur, *parametrum minorem esse diametro, ad quam refertur, ab axe majore usque ad eum locum, in quo æqualitatis diameter reperitur; esse vero majorem, ab eo loco usque ad axem minorem.*


PROPOSITIO XLIII.

295. **D**efiniri potest locus, ad quem terminantur parametri omnium diametrorum ellipsis.

Quemadmodum locum geometricum omnium diametrorum ellipsis exhibuimus per dati cujusdam circuli portionem; sic locus omnium parametrarum est portio rectæ lineæ, quæ ejus circuli circumferentiam in dato quodam puncto contingit.

Constructio. Rectæ AC, BC referant, ut prius, axes ellipsis, hoc est, AC axem majorem, & BC axem minorem; quibus junctis ad angulum rectum, describatur super AB semicirculus ACB; & ducatur per punctum C recta CD, ipsi AB parallela. Demonstravimus supra, portionem CED fore locum omnium diametrorum ellipsis.

Jam, si ex puncto B erigatur super AB perpendicularis BH , cum qua conveniat tum axis major AC in puncto H , tum axis minor AD in puncto I ; recta BH tanget circumferentiam circuli in puncto B .



His

His animadversis, sicuti circumferentiæ portio CED est locus omnium diametrorum ellipsis, quia quælibet ellipsis diameter exhiberi potest per rectam, quæ ducitur ex puncto A ad eam portionem circuli; ita tangentis portio HI est locus, ad quem terminantur parametri omnium diametrorum ellipsis; ita ut, si AE fuerit diameter quævis, eademque protrahatur ad occursum tangentis in K, Dico, EK fore parametrum ipsius diametri AE.

Demonstratur Problema, tam relate ad ipsos axes AC, AD, quam respectu cujuscvis diametri AE; dummodo retineatur, quod jam demonstratum est n. 282., nimirum, conjugatam diametri AE, esse rectam alteram BE, ductam ad idem punctum E, ex termino altero B. Itaque

I. Triangulum ABH est rectangulum in B. Quare, cum ex angulo recto demissa sit super hypotenusam AH perpendicularis BC; erit $AC:BC::BC:CH$. Atqui parameter axis majoris est tertia proportionalis post ipsum axem majorem, & axem alterum minorem; Ergo CH est parameter axis majoris AC. Quod erat primum.

II. Eadem ratione, quoniam triangulum ABI habet angulum rectum in B, & ex angulo recto demissa est super hypotenusam AI perpendicularis BD; erit $AD:BD::BD:DI$. Atqui parameter axis minoris est tertia proportionalis post ipsum axem minorem, & axem alterum majorem; Ergo DI est parameter axis minoris AD. Quod erat secundum.

III. Denique, quia triangulum ABK est rectangulum in B, & ex angulo recto demissa est super hypotenusam AK perpendicularis BE; erit $AE:BE::BE:EK$. Sed parameter diametri AE est tertia proportionalis post ipsam diametrum AE, & ejus conjugatam; Itaque, cum BE sit conjugata diame-


214 SECTIONUM CON. PARS II.
tri AE, erit EK parameter ejusdem diametri AE.
Quod erat tertium.

Corollaria.

296. **H**inc veritas eorum, quæ in comparatione parametrorum ellipsis locum habent, rursum demonstratur.

I. Protractis siquidem ad tangentem usque BH, rectis omnibus, quæ ducuntur ex puncto A ad circumferentiam CED; perspicuum est, ex portionibus ipsarum, quæ tangente, & circulo intercipiuntur, minimam quidem esse CH, maximam vero DI. Quare parametrorum omnium ellipsis, minima quidem erit illa, quæ refertur ad axem majorem AC, maxima vero ea, quæ refertur ad axem minorem AD.

II. Constat pariter, easdem illas portiones eò magis augeri, quò magis a puncto B removentur; atque adeo, quò minores sunt rectæ, cum quibus jacent in directum. Itaque similiter parametræ ellipsis tantò quidem majores erunt, quantò minores sunt diametri, ad quas illæ referuntur.



III.

III. Si duæ conjugatæ diametri AE, BE fuerint inter se mutuo æquales; utrique ipsarum æqualis quoque erit ipsa EK. Hinc rursus liquet, *parametrum ejus diametri, quæ conjugatam habet æqualem, longitudine sua, tum ipsam diametrum, ad quam refertur, tum ejus conjugatam, adæquare.*

IV. Quoniam tres rectæ AE, BE, EK sunt continue proportionales; erit parameter EK minor, quàm AE, quoties diameter AE superat diametrum BE; erit vero major, cum vicissim BE superat AE. Hinc rursus ostenditur, *ab axe majore usque ad diametrum, quæ conjugatam habet æqualem, esse parametros minores suis diametris; esse vero majores ab ea diametro usque ad axem minorem.*

V. Hinc etiam facile consequitur veritas alterius Theorematis, quòd *duæ quævis ellipseos diametri sint reciproce proportionales summis laterum suarum figurarum.* Si enim AE referat ellipseos diametrum aliquam, hac protracta usque ad tangentem BH, fiet EK parameter ipsius; unde AK erit summa laterum suæ figuræ, juxta notionem traditam n. 211. Atqui $AK:AB::AB:AE$; Ergo rectangulum, quod fit ex diametro AE in AK summam laterum suæ figuræ, æquale erit quadrato ipsius AB. Simili ratione demonstrabitur, eidem quadrato AB æquale esse rectangulum, quod fit ex quavis alia diametro in summam laterum suæ figuræ; Ergo æqualia erunt inter se rectangula, quæ fiunt ex duabus quibuscumque diametris in summas laterum suarum figurarum; & propterea summis istis reciproce proportionales erunt ipsæ diametri.


VI. Hinc etiam facili ratiocinio connectitur Theorema alterum de summa, & differentia laterum figuræ diametri. Nam quamvis ex hoc Theoremate jam constet, summam laterum figuræ diametri eò ef-

se minorem, quò magis ipsa diameter accedit ad axem majorem; *differentia tamen eorundem laterum, eò minor evadit, quò magis diameter accedit ad eam, quæ & parametrum, & conjugatam habet æqualem.*

Est enim AE diameter illa, cui æqualis est tum parameter EK, tum conjugata BE. Jamque ex demonstratis perspicuum est, parametros esse minores suis diametris, ab axe majore usque ad AE; & vice versa, esse majores ab AE usque ad axem minorem.

Quia verò in accessu ab axe majore ad ipsam AE, parametri quidem augentur, diametri vero minuuntur; hinc necesse est, ut in accessu isto decrescat differentia laterum figuræ. Sed decrescet quoque in accessu ab axe minore ad eandem AE; quia vicissim diametri augentur, parametri vero diminuuntur.

Denique ob æquales AE, EK, liquet, differentiam laterum figuræ diametri, tum ab axe majore accedendo ad ipsam AE, tum ab axe minore accedendo ad eandem AE, ita decrescere, ut evanescat.



*De Tangentibus Ellipseos, cuicunque Diametro,
& sibi mutuo occurrentibus.*

Ellipseos proprietates omnes, quæ ad axes, focos, diametros, ac parametros pertinent, satis explicatas arbitror superioribus Elementis. Sequitur, ut theoriam tangentium hoc loco aggrediamur; non eam quidem ad duos axes restrictam, sive ad occursum axium, uti præstitimus n. 207. & 208., quantum satis tunc erat ad progrediendum; sed universalem, ad omne genus diametrorum extensam; quæque magno usui solet esse in curvarum natura penitus exploranda. Hinc omnes illæ æqualitates triangulorum, & trapeziorum, quas n. 230. & sequentibus, ex mutuo tangentium occurso deduximus, respectu axis, seu, ut vocant, diametri principalis, ad quaslibet diametros erunt traducendæ. Quod clarius Tironi constet universalitas doctrinæ, & mirifica, atque elegans diametrorum omnium cum axibus consensio.

SYNOPSIS.

IN quavis diametro producta ad occursum datæ tangentis, tres continue proportionales invenire. Et reciproce. Hinc ea Theoremata, respectu axis, & diametri, quæ n. 230. & sequentibus demonstrantur, locum habent quoque in duabus diametris; sive comparerentur triangula a tangentibus, & diametris comprehensa, sive triangula, & quadrilatera constructa a lineis, quæ parallelæ sint tangentibus, ductæ a punctis perimetri ellipseos. Aliter tangentem ducere. Duæ tangentés sibi mutuo occurrentes, & a diametris oppositis terminatæ, secantur in eadem ratione. Duæ tangentés terminatæ in puncto occursum, eandem cum suis ordinatis rationem habent..

PRO-

PROPOSITIO XLIV.


297. **S**I a vertice C diametri CD ducatur tangens CG, quæ conveniat cum diametro altera AB in puncto G, & ab alternis diametrorum verticibus ducantur ordinatæ CH, AR; Dico, esse in proportionē continua,

$$QG:QA::QA:QH.$$

Dem. Est enim (n. 274.) $BH:HA::DR:RC$;
 & componendo, $BA:HA::DC:RC$;
 sumptisque anteced. dimidiis, $QA:HA::QC:RC$;
 & convertendo, $QA:QH::QC:QR$.
 Atqui propter parallelas, $QC:QR::QG:QA$;
 Ergo ex æquo $QG:QA::QA:QH$.
 Quod erat &c.

PROPOSITIO XLV.

298. **E**T reciproce, si a quovis puncto C, sumpto in perimetro ellipseos, ducatur ordinata CH ad diametrum AB, dein duabus rectis QH, QA accipiatur tertia proportionalis QG, jungaturque CG; Dico, rectam CG tangentem esse ellipseos in puncto C.



Dem. Est enim (n. 274.) $BH:HA::DR:RC$;
 & componendo, $BA:HA::DC:RC$;
 sumptisque anteced. dimidiis, $QA:HA::QC:RC$;
 & convertendo, $QA:QH::QC:QR$.
 Sed per hyp., $QH:QA::QA:QG$;
 five $QA:QH::QG:QA$;
 Ergo $QG:QA::QC:QR$.

Quare

Quare CG, parallela ipsi ordinatæ AR, tangens erit ellipsis in puncto C (n. 256.). Quod erat &c.

Corollarium I.

299. **D**Atis duabus diametris AB, CD, earumque tangentibus AF, CG, quæ se interfecent, ac vicissim terminentur ab opposita diametro, ductisque a punctis contactuum ordinatis AR, CH; Dico, fore in proportionem continua :: QH. QA.QG, & :: QR.QC.QF.

Corollarium II.

300. **H**Inc omnia ea, quæ complexi fuimus n. 230., 231., 232., 233., 234., 235. & 241., respectu diametri, & axis, locum habent in duobus diametris; & eodem modo demonstrantur, siue comparentur triangula AOG, COF, siue triangula QGC, QAF, siue triangula, & quadrilatera constructa a lineis, quæ parallelæ sunt tangentibus, ductæ a punctis perimetri ellipseos.

PROPOSITIO XLVI.


301. **S**I a vertice C diametri CD ducatur tangens CG, quæ occurrat in puncto G diametro AB, & ordinata CH; Dico, rectangulum AH×HB = QH×HG; siue AH:QH::HG:HB.

Et reciproce, si AH:QH::HG:HB; Dico, rectam CG tangere ellipsim in puncto C.

Demonstratur I. pars. Quoniam per præced., QG:QA::QA:QH, erit quadratum ex QA æquale rectangulo QG×QH. Atqui quadratum ex QA est æquale rectangulo AH×HB + quadrato ex HQ; & rectangulum QG×QH æquatur rectangulo GH×HQ + quadrato ex HQ; Ergo, dempto

dempto utrinque communi quadrato ex HQ , remanet rectangulum $AH \times HB = GH \times HQ$; hoc est, $AH:QH::HG:HB$. Quod erat primum.

Demonstratur II. pars. Quoniam per hyp., $AH \times HB = QH \times HG$, addito utrinque communi quadrato ex HQ , fiet quadratum ex $QA = QG \times QH$; ac proinde $QH:QA::QA:QG$; & consequenter per præced., CG erit tangens. Quod erat alterum.



PROPOSITIO XLVII.

302. *SI ad duo quælibet ellipsis puncta A & C ducantur duæ tangentes AF, CG, quæ sibi mutuo occurrant in O, ac terminentur a diametris oppositis; Dico, eas tangentes in eadem ratione se se mutuo secare in puncto O; hoc est,*

$$AO:OF::CO:OG.$$

Demonstratio. Ducantur ab alternis diametro-
rum verticibus ordinatæ CH , AR . Erit (n. 274.).

$$QH:QA::QR:QC.$$

Jam vero propter tangentem CG , habebitur

$$QH:QA::QA:QG;$$

& rursus propter tangentem AF , erit

$$QR:QC::QC:QF;$$

Ergo

$$QA:QG::QC:QF;$$

ac propterea, cum duo triangula AQF , GQC habeant circa angulum communem Q latera reciproce proportionalia, erunt inter se æqualia; hinc, dempto

pto communi trapezio AQCO, erit quoque triangulum AOG æquale triangulo COF; unde, cum duo ista triangula habeant etiam angulum in O utrinque æqualem, habebunt latera circa æquales angulos reciproce proportionalia; hoc est,

$$AO:OF::CO:OG.$$

Quod erat &c.

PROPOSITIO XLVIII.

303. **I**isdem stantibus, ut in præcedenti constructione, Dico, tangentes duas AO, CO eandem cum ordinatis CH, AR rationem habere; hoc est,

$$AO:CO::CH:AR.$$

Demonstratio. Est enim $QR:QC::QH:QA$.

Sed propter triangula æquiangula QRA, QCG,

$$QR:QC::RA:CG;$$

pariterque propter triangula æquiangula QHC, QAF,

$$QH:QA::HC:AF;$$

Ergo

$$HC:AF::RA:CG;$$

hoc est

$$HC:RA::AF:CG.$$

Ostendimus autem supra,

$$AO:OF::CO:OG;$$

& addendo antecedentes ipsis consequentibus, fiet

$$AO:AF::CO:CG;$$

hoc est,

$$AO:CO::AF:CG.$$

Quamobrem, cum in eadem ratione rectarum AF, CG sit tam AO, CO, quàm HC, RA, erit quoque

$$AO:CO::CH:AR.$$

Quod erat &c.

*De Axibus, Diametris, ac Parametris
Ellipseos inveniendis.*

SYNOPSIS.


Data ellipsi, invenire suos axes, suos focos, & parametros axium. Et, datis axibus, invenire duas diametros conjugatas, quæ datam habeant rationem inter se, vel, quæ datum rectangulum contineant, vel, quæ datam summam conficiant. Et rursus, datis axibus, invenire diametrum, quæ datam habeat parametrum, vel, quæ ad suam parametrum habeat datam rationem.

PROPOSITIO XLIX.

304. **D**ata ellipsi ACBD, invenire suos axes, suos focos, & parametros axium.

Constructio, & Demonstratio. In data ellipsi ducantur duæ, aut plures lineæ parallelæ HI, LA &c., quarum quælibet dividatur bifariam; & per hæc puncta divisionum transeat recta FP, quæ proinde erit diameter; tum FP dividatur bifariam in O, quod erit centrum ellipsis.

Si centro O, & intervallo OF, vel OP, descriptus circulus tangit ellipsim, quin secet, diameter FP erit axis major. Nam circulus circumscriptus ellipsi, habet pro diametro axem majorem (n. 270.).




Sin

Sin autem idem circulus secet ellipsim, secabit utique in quatuor punctis F, R, P, S (n. 271.), æque distitis a summitate axium. Itaque, si jungantur hæc puncta per rectas FR, RP, PS, SF, ac singulæ bifariam dividantur, rectæ AB, CD, quæ per eadem divisionum puncta transeunt, erunt duo axes; quibus inventis, facile ex dictis invenientur duo foci, & parametri axium.

PROPOSITIO L.

305. **D**atis axibus ellipsis, invenire duas diametros conjugatas, quæ datam habeant rationem inter se.

Constructio, & Demonstratio. Quoniam diametros omnes ellipsis in dati cujusdam circuli portione reperiri demonstravimus n. 282.; hinc in eodem schemate referantur duæ rectæ AC, BC axes ellipsis, & AC axem majorem, & BC axem minorem. Jungantur ad angulum rectum ACB; tum super AB describatur semicirculus ACB; ducaturque recta CD, parallela ipsi AB. Perspicuum est ex dictis



esse diametros conjugatas ejus ellipsis, cujus axes sunt rectæ AC, BC. Et quoniam ob triangula æquiangula AEB, ACR, est $AE:BE::AC:CR$, nimirum, in data ratione; patet, diametros conjugatas AE, BE satisfacere conditionibus Problematis.

PROPOSITIO LI.

306. **D**atis axibus, invenire duas diametros conjugatas, quæ datum rectangulum contineant.

Duæ rectæ AC, BC referant axes ellipseos; & iisdem, ut supra, peractis, sit circumferentiæ portio CED locus omnium diametrorum ellipsis. Et quoniam (n. 283.) rectangulum sub binis ellipseos diametris conjugatis eò majus evadit, quò magis ipsæ diametri accedunt ad eas, quæ inter se sunt æquales; hinc datum rectangulum, nec minus esse debet eo, quod sub axibus continetur, nec majus illo, quod conjugatæ æquales comprehendunt.

Demonstratio. Demissa super AB, perpendiculari CF, rectangulum sub axibus $AC \times BC = AB \times CF$. Nam triangula ABC, BCF sunt similia; adeoque $AB:AC::BC:CF$. Rursus, quia diametri conjugatæ æquales sub eo circumferentiæ puncto reperiuntur, quod bisariam dividit portionem CED ejusdem circumferentiæ; hinc rectangulum sub ipsis contentum, ob eandem rationem, erit æquale rectangulo, quod fit ex AB in EG radius circuli. Ergo datum rectangulum, nec minus esse debet eo, quod fit ex $AB \times CF$, nec majus illo, quod fit ex AB in sui semissem. Hinc, si datum rectangulum æquale ponatur ei, quod fit ex AB in rectam XZ; erit recta ista XZ major, quàm CF, & minor semisse ipsius AB. Quamobrem, si ex puncto A erigatur super AB perpendicularis AP = XZ, & per punctum

P

P du-

pariter datam summam duplum rectanguli, quod sub ipsis diametris continetur; Quare datum quoque erit hoc rectangulum; & propterea propositum Problema eò reducetur, ut, *datis axibus ellipsis, inveniatur binæ diametri conjugatæ, quæ datum rectangulum contineant.*

Notabis autem, conditioni hujus Problematis eosdem limites oportere constitui, quos in præcedenti exposui. Nam, quemadmodum, cum quærentur binæ diametri conjugatæ, quæ datum rectangulum comprehendant, oportet, ut rectangulum datum, nec sit minus eo, quod continetur sub axibus, nec majus illo, quod sit ex diametris conjugatis æqualibus; ita quoque, cum inveniendæ sunt duæ diametri conjugatæ, *quæ simul datam rectam adæquent*, necesse est, ex demonstratis, *ut recta data, nec summâ axium sit minor, nec major summâ conjugatarum æqualium.*

PROPOSITIO LIII.

308. **D***Atis axibus ellipsis, invenire diametrum, quæ datam habeat parametrum.*

Manentibus omnibus, ut supra, erigatur super AB perpendicularis BQ, quæ semissem datæ parametri adæquet; tum junctâ AQ, describatur centro Q, & intervallo QB, circuli circumferentia, cui ipsa AQ occurrat in punctis T & V; denique in angulo ABH applicetur recta AK = AV; Dico, rectam AE esse diametrum quæsitam.

Demonstratio. Nam quadrato AB tangentis æquatur, ex Elem., rectangulum VA × TA, sub tota secante, & ejus parte exteriori comprehensum. Rursus eidem quadrato AB æquatur aliud rectangulum EA × AK; nam triângula ABE, ABK sunt similia.

ne. Erecta subinde perpendiculari GE, ad circumferentiam usque, fiet AE diameter quaesita. Est enim $AE:EK::AG:GB$. Quod erat &c.

Datae autem rationi limites sunt constituendi, ut Problema resolvi possit. Cum enim diametrorum omnium ellipsis, maxima quidem sit axis major, minima vero axis minor; parametrorum autem minima sit illa, quæ refertur ad axem majorem, maxima vero illa, quæ pertinet ad axem minorem; hinc evidenter consequitur, rationem cujusvis diametri ad suam parametrum, tum minorem esse illà, quam habet axis major ad parametrum suam, tum majorem esse debere illà, quam habet axis minor ad parametrum suam; unde data ratio hisce terminis contineatur oportet.

De Secantibus Ellipseos.

EXpositis tangentium proprietatibus præcipuis, reliquum est, ut eas persequamur, quæ pertinent ad secantes ellipseos; ac demonstremus, quam rationem habeant inter se rectangula contenta sub segmentis duarum rectarum, quæ sibi mutuò occurrunt, & utrinque ad ellipsim terminantur. Hic enim vero varii casus sunt distinguendi, pro diversa qualitate rectarum occurrentium.

SYNOPSIS.

Quam rationem habeant rectangula sub segmentis;

I. Cum secantes sunt diametri ellipsis;

II. Cum ex secantibus una quidem est diameter, & altera est ejus ordinata;

III. Cum duæ secantes sunt ordinatæ, quæ ad duas diametros conjugatas referuntur;

P 3

IV.

IV. Cum duarum secantium una est diameter, & alia ordinata alterius diametri;

V. Cum secantes sunt ordinatæ duarum quarumvis diametrorum.

PROPOSITIO LV.

310. **S**I rectæ sibi mutuo occurrentes, sint binæ diametri ellipsis; Dico, rectangulum sub segmentis unius, ad rectangulum sub segmentis alterius, esse in duplicata ratione ipsarum diametrorum.


Sint enim AB, KL duæ quævis ellipsis diametri, quæ sibi mutuo occurrunt in ipso centro C;

Dico, $AC \times BC : KC \times LC :: AB^2 : KL^2$.

Demonstratio. Nam, cum utraq; diameter sit secta bifariam in centro, erit

$$AB : KL :: AC : KC :: BC : LC.$$

Sed rectangulum $AC \times CB$ ad rectangulum $KC \times CL$ est in ratione composita ex AC ad KC, & ex BC ad LC; Quare ratio eorundem rectangulorum duplicata erit diametrorum AB, KL. Quod erat &c.



PROPOSITIO LVI.

311. **S**I ex rectis sibi mutuo occurrentibus, una quidem sit diameter, & altera sit ejus ordinata; Dico, rectangulum sub segmentis prioris rectæ, ad re-
ctan-

Rectangulum sub segmentis alterius rectæ, esse in duplicata ratione ejus, quam habet diameter ad suam conjugatam.

Sit enim AB diameter aliqua ellipsis, cujus KL sit conjugata; sitque etiam MO una ex ordinatis ad eandem, cui occurrens in puncto N, utrinque ad ellipsum terminetur; Dico,

$$AN \times NB : MN \times NO :: \overline{AB}^2 : \overline{KL}^2.$$

Demonstratio. Nam recta MO bifariam secta est in puncto N; quare erit MN quadratum = MN \times NO; ac propterea erit, ut rectangulum AN \times NB ad rectangulum MN \times NO; ita idem rectangulum AN \times NB ad quadratum ex MN. Atqui (n. 252.) rectangulum AN \times NB est ad MN quadratum, uti AB quadratum ad KL; Ergo

$$AN \times NB : MN \times NO :: \overline{AB}^2 : \overline{KL}^2.$$

Quod erat &c.


PROPOSITIO LVII.

312. *SI rectæ sibi mutuò occurrentes, sint ordinatæ, quæ ad duas diametros conjugatas referantur; Dico, rectangulum sub segmentis unius, ad rectangulum sub segmentis alterius, esse in ratione duplicata reciproca ipsarum diametrorum.*

Sint namque AB, KL duæ ellipsis diametri conjugatæ; sitque etiam MO ordinata diametri AB, & EF ordinata diametri KL; quæ utrinque ad ellipsum terminatæ, sibi mutuò occurrant in puncto H; Dico, MH \times HO : EH \times HF :: $\overline{KL}^2 : \overline{AB}^2$.

Demonstratio. Ex puncto E ducatur ad diametrum AB ordinata EG. Quoniam (n. 252.) KL quadratum, est ad AB quadratum, uti MN qua-


dratum ad rectangulum $AN \times NB$; & æque, uti EG quadratum, ad rectangulum $AG \times GB$; erit quoque, ut KL quadratum ad AB quadratum; ita differentia quadratorum MN, EG, ad differentiam rectangulorum $AN \times NB$, $AG \times GB$. Cum autem $EG = NH$, erit ex Elem., differentia quadratorum MN, EG, æqualis rectangulo $MH \times HO$. Pariter, cum rectangulum $AN \times NB$ æquale sit differentiæ quadratorum CA, CN, & rectangulum $AG \times GB$ æquale differentiæ quadratorum CA, CG; hinc differentia rectangulorum $AN \times NB$, $AG \times GB$, æqualis erit differentiæ quadratorum CG, CN; quæ tantundem valet, ac rectangulum $EH \times HF$. Ergo $\overline{KL}^2 : \overline{AB}^2 :: MH \times HO : EH \times HF$. Quod erat &c.



PROPOSITIO LVIII.

313. **S**I ex duabus rectis sibi invicem occurrentibus, una sit diameter, & alia sit ordinata alterius diametri; Dico, rectangulum sub segmentis illius, ad rectangulum sub segmentis hujus, esse, ut quadratum prioris diametri ad quadratum conjugatæ alterius diametri.

Est enim AB aliqua ellipsis diameter, cujus conjugata sit KL, & MO sit una



ex

ex ejus ordinatis, utrinque ad ellipsim terminata;
sit præterea EF diameter alia, quæ secet ordinatam
prioris MO in puncto H; Dico,

$$EH \times HF : MH \times HO :: EF^2 : KL^2.$$

Demonstratio. Ex punctis E, H, M ducantur
rectæ EG, HI, MR, parallelæ ipsi AB, quæ con-
veniant cum KL in punctis G, I, R.

Ob triangula æquiangula CEG, CHI, erit

$$\overline{CG}^2 : \overline{CI}^2 :: \overline{EG}^2 : \overline{HI}^2 = \overline{MR}^2.$$

Atqui $\overline{EG}^2 : \overline{MR}^2 :: KG \times GL : KR \times RL;$

Ergo $\overline{CG}^2 : \overline{CI}^2 :: KG \times GL : KR \times RL.$

Hinc conjungendo terminos prioris rationis cum ter-
minis secundæ, erit quoque

$$\overline{CG}^2 : \overline{CI}^2 :: \overline{KC}^2 : KR \times RL + \overline{CI}^2.$$

Atqui $\overline{CG}^2 : \overline{CI}^2 :: \overline{CE}^2 : \overline{CH}^2;$

Ergo $\overline{CE}^2 : \overline{CH}^2 :: \overline{KC}^2 : KR \times RL + \overline{CI}^2.$

Atque hinc per conversionem rationis, erit ulterius

$$\overline{CE}^2 : \overline{CE}^2 - \overline{CH}^2 :: \overline{CK}^2 : \overline{CK}^2 - KR \times RL - \overline{CI}^2.$$

Hoc autem secundum consequens tantundem valet ex

Elem., ac $\overline{CR}^2 - \overline{CI}^2$; & proinde

$$\overline{CE}^2 : \overline{CE}^2 - \overline{CH}^2 :: \overline{CK}^2 : \overline{CR}^2 - \overline{CI}^2.$$

Sed $\overline{CE}^2 - \overline{CH}^2 = EH \times HF;$

& $\overline{CR}^2 - \overline{CI}^2 = \overline{MN}^2 - \overline{HN}^2 = MH \times HO;$

Ergo $\overline{CE}^2 : EH \times HF :: \overline{CK}^2 : MH \times HO;$

& perm., $\overline{CE}^2 : \overline{CK}^2,$

sive $\overline{EF}^2 : \overline{KL}^2 :: EH \times HF : MH \times HO.$

Quod erat &c.


PRO-

PROPOSITIO LIX.

314. **S**I duæ rectæ sibi mutuo occurrentes, sint ordinatæ duarum diametrorum, quæ inter se nequaquam sint conjugatæ; Dico, rectangula contenta sub segmentis ipsarum, esse, ut quadrata, quæ fiunt ex conjugatis earum diametrorum.

Sint enim AB, RS duæ quævis ellipsis diametri; sitque MO una ex ordinatis diametri AB, & PQ una ex ordinatis diametri RS; convenient autem inter se duæ istæ ordinatæ in puncto H; Dico, $MH \times HO : PH \times HQ ::$ quadratum, quod fit ex conjugata diametri AB : quadratum, quod fit ex conjugata diametri RS.

Demonstratio. Ducatur per punctum H diameter tertia EF. Et quoniam EF secat MO, ordinatam diametri AB, in puncto H; erit (n. 311.) rectangulum $EH \times HF$ ad rectangulum $MH \times HO$, uti quadratum ipsius EF ad quadratum conjugatæ alterius diametri AB. Rursum, cum eadem diameter EF secet similiter PQ, ordinatam diametri RS, in puncto H; erit quoque, ut rectangulum $EH \times HF$ ad rectangulum $PH \times HQ$; ita quadratum EF ad quadratum conjugatæ diametri RS. Ergo, ut rectangulum $MH \times HO$ ad rectangulum $PH \times HQ$; ita quadratum ex conjugata diametri AB, ad quadratum ex conjugata diametri RS. Quod erat &c.



De

De Sectoribus, & Segmentis Ellipseos.

SYNOPSIS.


IN omni segmento maximum triangulum habet verticem in diametro dividente bifariam basim illius. Hinc tam segmentum, quam triangulum bifariam ab eadem diametro dividitur; & proinde a quavis diametro ellipsis bifariam dividitur. Definire lineas, quæ abscindunt segmenta æqualia, vel, quæ conjungunt segmenta æqualia. Si recta linea sectores æquales, hinc inde a diametro sumptos, jungat, est tangenti parallela. Ex dato puncto auferre segmentum æquale dato segmento. Omnes diametri conjugatæ ellipsim quadrifariam dividunt; & reciproce, diametri ellipsim quadrifariam dividentes, sunt conjugatæ. Sectores ad verticem oppositi, sunt æquales. Diametri proportionaliter secantur a lineis auferentibus segmenta æqualia.

PROPOSITIO LX.

315. **S**I duas parallelas in ellipsi jungant duæ rectæ, quas secet alia parallela; hujus sagittæ æquales erunt.


Parallelas AB, CD jungant duæ lineæ AC, BD, quas secet alia parallela EF; Dico, rectas EG, HF, quas voco sagittas, fore æquales.

Demonstratio. Divisis re-



ctis

Etis AB, CD bifariam in I & L, ducatur diameter IL, quæ omnes ordinatas, ipsamque EF bifariam dividet; Ergo $KE = KF$; ablatisque æqualibus KG, KH, supererit $EG = HF$. Quod erat &c.




PROPOSITIO LXI.

316. **I**N omni segmento maximum triangulum habet verticem in diametro dividente bifariam basim illius. Et tam segmentum, quam triangulum bifariam ab eadem diametro dividitur.

Eslo segmentum ABC, cujus basis AC bifariam dividatur in E a diametro BE; Dico, triangulum ABC esse maximum, quod intra tale segmentum inscribi possit.

Demonstratio. Ducatur tangens BD. I. Cum omnia alia triangula non attingant tangentem BD, quæ est parallela lineæ AC, minora erunt triangulo ABC. Quod erat primum.

II. Certum est, omnes lineas, basi AC parallelas, dividi bifariam a diametro; certum est pariter, sagittas LF, IH æquales esse; quod de aliis omnibus ostendi potest; Ergo & segmenta ALB, BHC, & triangula AEB, CEB sunt æqualia. Quod erat alterum.



PRO-

PROPOSITIO LXII.

317. **I**N Ellipsi lineæ conjungentes parallelas, abscindunt segmenta æqualia.


Et vicissim, si segmenta fuerint æqualia, rectæ, quæ hisce lineis conjunguntur, sunt parallelæ.

Casus I.

Proponantur lineæ AB, CD, conjungentes parallelas AC, BD; Dico, segmenta ALB, CKD esse æqualia.

Demonstratio. Divisis rectis AC, BD bifariam in F & E, ducatur EF, quæ erit diameter, dividetque totam ellipsim bifariam. Pariter segmenta AGC, BHD dividuntur bifariam; nam, si ducerentur quotlibet applicatæ in segmento AGC, vel BHD, singulæ bifariam a diametro dividerentur; Ergo & totum segmentum, juxta methodum indivisibilem, vel evanescentium. Similiter triangula BEF, FED, super æqualibus basibus BF, FD, sunt æqualia; uti & triangula ABE, EDC. Quibus omnibus, hinc atque inde, sublati, restant segmenta ALB, CKD æqualia. Quod erat &c.

Aliter, & brevius. Per Lemma, sagittæ LO, IK, & aliæ quæcunque, sunt æquales; Ergo & segmenta AB, CD, quæ in hujusmodi sagittas resolvi possunt, erunt æqualia.




Ca-

Casus II.

Lineæ AB, AC jungant lineas BC, AD parallelas; hoc est, tangens AD parallela sit lineæ BC; Dico, segmenta AB, AC esse æqualia.


Demonstratio. Nam, si dividatur recta BC bifariam in E, linea AE erit diameter (n. 250.), dividetque bifariam ellipsim, segmentum BFC, & triangulum BAC; quibus, hinc atque inde, sublatis, restant segmenta æqualia AB, AC. Quod erat &c.



Casus III.

Denique lineæ AB, CD jungant parallelas AC, BD, ea ratione, quæ exhibetur in figura; Dico, segmenta ACB, DAC esse æqualia.

Demonstratio. Dividatur BD bifariam in E, ducaturque EF. Ostendam facile, parallelam alteram AC dividi bifariam in O. Nam propter similitudinem triangulorum, $AO:BE::OF:FE$; & $CO:ED::OF:FE$. Cum verò $BE=ED$; etiam $CO=AO$. Quamobrem OE erit diameter, dividens ellipsim æqualiter, sicut & segmentum BGD, & triangulum BFD; quibus sublatis, restant DFH, BFH æqualia;



& utrin-

& utrinque additis segmentis æqualibus CFH, AFH, fiunt segmenta CAD, ACB æqualia. Quod erat &c.


Propositiones conversæ hujus Theorematis, nempe, si *segmenta fuerint æqualia, rectas, quæ bis lineis conjunguntur, fore parallelas*, facile probari possunt in omni casu. Nam, si parallelæ non essent, ductis parallelis, fierent alia segmenta æqualia; & pars, & totum æqualia essent.

PROPOSITIO LXIII.

318. **R**ecta linea, sectores æquales, hinc inde a diametro sumptos, conjungens, est tangenti parallela.

Sint sectores æquales ABC, ABD; Dico, lineam CD esse tangenti AF parallelam.


Demonstratio. Si enim non esset parallela tangenti, seu, quod eodem recidit, non esset ordinatim applicata, esto alia quævis HEG. Segmenta itaque GAE, HAE essent æqualia; omnes enim parallelæ ipsi ordinatæ HEG, dividerentur bifariam. Pariter triangula HBE, BEG, habentia eundem verticem, & bases æquales, essent æqualia, contra suppositionem.



PROPOSITIO LXIV.

319. **D**ato segmento ABC, datoque in peripheria quovis puncto D, oporteat ex D rectam ducere DE, quæ auferat segmentum DEF, æquale segmento ABC.

Resolutio. Jungatur BD; & ex A ducatur AE, parallela ipsi BD. Patet ex n. 317., segmentum DEF æquale esse segmento ABC. Quod erat &c.




PROPOSITIO LXV.

320. **D**iametri duæ conjugatæ ellipsim quadrifariam dividunt.

Et reciproce, diametri ellipsim quadrifariam dividentes, sunt inter se conjugatæ.

Sint in ellipsi ABC diametri duæ conjugatæ AB, CD; Dico I., illas ellipsim quadrifariam dividere.

Demonstratio. Quoniam AB, CD diametri sunt conjugatæ, erit AB ordinatim applicata ad diametrum DC; unde tam AEC, CEB, quàm AED, BED sectores sunt æquales; omnes enim parallelæ ipsi ordinatæ AB, dividuntur bifariam. Sunt autem & AEC, AED sectores ob eandem rationem æ-



quales;

quales; Sēctores igitur quatuor sunt æquales; Itaque &c. Quod erat primum.

Si vero diametri AB, CD ellipsim quadrifariam dividant; Dico II., illas esse conjugatas.


Demonstratio. Nam, si non essent, ducatur ipsi CD conjugata diameter FG. Igitur sēctor FEC quadrans esset ellipseos, per primam partem hujus; quod fieri nequit, cum sēctor AEC, ex hypothese, sit quarta pars ellipseos. Itaque &c. Quod erat alterum.

PROPOSITIO LXVI.

321. **S**ēctores ad verticem oppositi, sunt æquales.

Ellipsim ABC secant diametri quæcunque AC, BD; Dico, sēctores ad verticem oppositos, inter se æquales esse.

Demonstratio. Ex centro E ducantur diametri duæ EF, EG; & EF quidem conjugata sit ipsi EB; EG vero conjugata ipsi AE. Quoniam igitur sēctores BEF, AEG æquales sunt, per præced.; hinc, dempta communi parte AEF, erit sēctor AEB æqualis sēctori FEG. Rursum, cum sēctores FED, GEC sint æquales, dempta communi parte DEG, erit sēctor DEC = FEG = AEB sēctori ad verticem opposito. Eodem modo ostenduntur AED, BEC sēctores æquales. Igitur &c.



PROPOSITIO LXVII.

322. **D**iametri proportionaliter secantur a lineis auferentibus segmenta æqualia.

Q

El-

De Ellipsis similibus, eorumque Segmentis.

SYNOPSIS.


DEscribere ellipsim, alteri datæ similem, & super data recta. Non omnes ellipses inter se similes. Duo segmenta proportionalia abscindere. Duo segmenta proportionalia, quorum bases sint æquales, se habent, uti altitudines; & si eorum altitudines fuerint æquales, se habent, uti bases; & si altitudines fuerint basibus reciprocae, segmenta erunt æqualia.

PROPOSITIO LXVIII.

323. **S**uper data recta ab ellipsim describere, similem alteri datæ ACBD.

Axi majori AB, & minori CD, & datæ rectæ ab inveniatur quarta proportionalis cd; tum pro axe majore quaesitæ ellipseos accipiat *ab*, & *cd* pro minore; describaturque ellipsis, uti docuimus n. 191. & 192.; Dico, hanc fore similem datæ.

Demonstratio. Dividatur axis AB in quotvis partes, in punctis R, T &c.; ductisque ordinatis FE, HG &c., inscribatur figura rectilinea AEC




244 SECTIONUM CON. PARS II.

GBHDF; tum dividatur rursus axis ab in totidem partes proportionales partibus axis AB , in punctis r, t &c.; ductisque ordinatis fe, bg &c., inscribatur figura rectilinea $aecgbbdf$; quæ erit similis figuræ inscriptæ AECGBHDF.

Nam triangula AFE, afe exhibent $AR:ar::FE:fe$. Ratio est, quia $FE:fe::CD:cd$; & $CD:cd::AB:ab::AR:ar$; Ergo hæc duo triangula erunt similia.

Eodem modo demonstrabitur, similes esse trapezoides FECD, $fecd$, & DCGH, $drgb$, & triangula HGB, bgb . Quare duæ ellipses, figuris hisce similibus compositæ, inter se quoque erunt similes. Quod erat &c.



Corollarium.

324. **C**Um necesse non sit, ut in qualibet ellipsi ratio minoris axis ad majorem sit semper eadem; hinc sequitur, non omnes ellipses esse inter se similes; & ut tales efficiantur, opus est, ut minores axes proportionales sint majoribus. Nam hac conditione semel posita, omnes reliquæ lineæ, uti distantia focorum, parametri &c., evadunt proportionales.


PRO-

PROPOSITIO LXIX.

325. **S**I duæ diametri AB, CD secantur proportionaliter in punctis X, Q, hac lege, ut XB:XA::CQ:QD; Dico, segmenta EBF, GCH esse proportionalia.

Demonst. Quoniam BX:XA::CQ:QD,
erit quoque BX:BA::CQ:CD,
& XA:BA::QD:CD;
& multiplicatis utrinque terminis harum duarum proportionum, fiet $BX \times XA : \overline{BA}^2 :: CQ \times QD : \overline{CD}^2$;
sive $BX \times XA : CQ \times QD :: \overline{BA}^2 : \overline{CD}^2$.

Concipiatur jam diametri portio XB divisa in plures partes æquales, & similiter CQ divisa in parem numerum partium æqualium, quæ proinde erunt proportionales partibus ipsius XB. Itaque habebitur pa-



riter $BZ \times ZA : CV \times VD :: \overline{BA}^2 : \overline{CD}^2$;
Ergo $BX \times AX : CQ \times QD :: BZ \times ZA : CV \times VD$;
sive $BX \times AX : BZ \times ZA :: CQ \times QD : CV \times VD$.
Si vero rectangulis substituantur quadrata ordinatarum, quæ sunt in eadem ratione, fiet

$$\overline{EX}^2 : \overline{TZ}^2 :: \overline{QH}^2 : \overline{VP}^2;$$

$$EX : TZ :: QH : VP.$$

Ergo
Cum autem hæc analogia conveniat ordinatis omnibus, quæ utrinque eodem modo ducantur; hinc constat, proportionalia esse segmenta GCH, FEB.
Quod &c.


246 SECTIONUM CON. PARS II.
PROPOSITIO LXX.

326. **S**I duorum segmentorum proportionalium bases FE, GH fuerint æquales, segmenta erunt inter se, uti eorum altitudines BX, CQ.

Demonstratio. Dividantur altitudines BX, CQ in eundem numerum infinite parvarum partium æqualium, & proportionalium, quarum distantia inter se sit datà quavis minor; ducanturque ordinatæ; & in earum extremitate excitentur minimæ lineolæ, efficientes in utroque segmento parallelogramma circumscripta infinite parva; quæ, cum habeant bases æquales, singula singulis, erunt inter se, uti eorum altitudines, & consequenter, uti BX ad CQ; Ergo omnium summa in uno segmento, ad omnium summam in altero, erit, ut BX ad CQ; Ergo etiam segmenta ellipseos erunt inter se, uti eorum altitudines BX, CQ. Quod erat &c.

Corollarium I.

327. **S**I duorum proportionalium segmentorum altitudines sint æquales, erunt hæc segmenta, uti eorum bases. Nam parallelogramma, singula singulis, erunt, ut bases; Ergo summa omnium in uno segmento, ad summam omnium in altero, idest, segmenta ellipseos, erunt, ut bases FE, GH.



Corollarium II.

328. **S**I altitudines sint basibus reciproæ, segmenta erunt æqualia. Nam in hoc casu parallelogramma, singula singulis, erunt æqualia; Ergo &c.
De

De mensura Ellipseos, ejusque Segmentorum.

SYNOPSIS.

Ellipsim metiri. Circulus æqualis ellipsi. Ellipsis media proportionalis inter duos circulos, super ejusdem axibus descriptos. Metiri segmentum, vel sectorem ellipseos. Per ipsam diametrum datam invenire segmentum æquale dato.


PROPOSITIO LXXI.

329. **E**llipsim metiri.

Circa majorem axem AB describatur circulus $AEBF$, qui mensuretur, uti docuimus Tom. I. Elem.; tum fiat: ut axis major AB , ad minorem CD , ita circulus ad ellipsim; Quartus terminus proportionalis dabit quæsitam superficiem ellipsim.

Demonstr. Nam ex natura hujus curvæ, quodlibet elementum circuli est ad suum respondens elementum ellipseos, uti diameter EF , seu major axis, ad minorem CD ; Ergo summa elementorum circuli, seu circulus ipse, est ad summam elementorum ellipsis, seu ad ellipsim, uti EF , sive AB , ad CD . Quod erat &c.

Aliter. Inter EF & CD accipiat media proportionalis, quam voco X ; super qua, tanquam diametro, describatur circu-




Q 4

lus;

lus; Dico, hunc circulum fore æqualem ellipsi.

Demonstratio. Nam :: EF . X . CD ; Ergo $\overline{EF}^2 : \overline{X}^2 ::$
EF : CD . Atqui circuli sunt inter se ,
uti quadrata suarum
diametrorum ; Ergo
circulus diametri EF ,
erit ad circulum dia-
metri X , uti EF ad
CD , seu , uti circulus
diametri EF , est
ad ellipsim ; & conse-
quenter circulus dia-
metri X , æquabitur
ellipsi . Quod erat &c.



Corollarium.

330. **E**llipsis est media proportionalis inter duos circulos, super ejusdem axibus descriptos.

Cum enim diametri EF, X, CD sint in proportionē continua, eorum quoque circuli erunt similiter proportionales; Ergo circulus diametri X, hoc est, ellipsis, est media proportionalis &c.

DEFINITIO.

Circulus super axe majore, dicitur circumscriptus
ellipsi, & super axe minore dicitur inscriptus.

Covollarium.

331. **I**Taque metiri possumus ellipsim ope circuli inscripti, si fiat, uti minor axis ad majorem, ita circulus inscriptus ad ellipsim; vel, si inter minorem axem, & majorem accipiatur media proportionalis, super qua, tanquam diametro, describatur circulus.


PRO-

PROPOSITIO LXXII.

332. **M***etiri segmentum ellipseos.* Si basis TI segmenti, sit ipsa ordinata ad axem majorem, ut in Figura præcedenti; metire prius segmentum correspondens NBM circuli circumscripti; tum fiat: uti major axis ad minorem, ita segmentum NBM ad segmentum TBI.

Si basis IV segmenti, sit ordinata ad minorem axem; metire pariter segmentum correspondens RCu circuli inscripti; ac similiter fiat: uti minor axis ad majorem, ita segmentum RCu ad segmentum ICV.

Hi duo casus facile demonstrantur ex dictis.




PROPOSITIO LXXIII.

333. **M***etiri sectorem ellipseos.* Si sector OTBI est super axem majorem, ut in Fig. pag. præced.; metire sectorem correspondentem ONBM circuli circumscripti; tum fiat: ut axis major ad minorem, ita sector ONBM ad sectorem OTBI. Nam hi duo sectores componuntur singuli ex segmento, & triangulo. Jam vero segmentum NBM est ad segmentum TBI, uti major axis ad minorem. Rursum triangulum ONM est ad triangulum OTI, uti basis NM ad basim TI, propter

250 SECTIONUM CON. PARS II.
 pter æqualitatem altitudinum, five, uti major axis ad
 minorem. Ergo &c.

Si sector FICV ellipsis sit super minorem
 axem; metire sectorem cor-
 respondentem FRCu cir-
 culi inscripti; ac rursus
 per regulam proportionum
 fiat: ut axis minor ad ma-
 jorem, ita sector FRCu
 circuli inscripti, ad sectorem
 FICV ellipsis. Ratio est
 eadem, quam nuper attu-
 limus.



SECTIONUM
CONICARUM

PARS III.

DE HYPERBOLA.



SECTIONUM CONICARUM

PARS III.

De Hyperbola absolute considerata.

DEFINITIO.

334.



YPERBOLAM voco, *sive lineam curvam in plano descriptam, sive figuram planam, ejusmodi curvâ terminatam, in qua quadrata ordinarum se habent ad invicem, sicut rectangula sub sagittis, & lineâ compositâ*
ex sagitta, & axe.

De

De Axibus Conjugatis.

SYNOPSIS.

Hyperbolam describere. Definiuntur axis primus, axis secundus, axes conjugati, parameter, centrum, diameter, abscissæ, & foci hyperbolarum oppositarum. Quadratum semisseos secundi axis æquatur rectangulo sub abscissa, & composita ex primo axe, & eadem abscissa. Præmissa tribus Lemmatis constructione geometrica, determinatur quodvis punctum hyperbolæ. Hinc quadratum cujusvis ordinatæ primo axi, est ad rectangulum correspondens, uti quadratum secundi axis ad quadratum primi. Quadratum semisseos secundi axis est medium proportionale inter quadratum ordinatæ ad focum, & quadratum semisseos primi axis. Determinare ordinatam æqualem semissi secundi axis. Formula generalis analytica, quæ naturam hyperbolæ perfecte exprimat, & quæ perinde conveniat omnibus punctis hyperbolarum oppositarum, & eorum positionem determinet, respectu duorum axium. Atque hinc consequitur, ordinatim applicatas, a vertice incipiendo, perpetuo crescere; & hyperbolæ axem transversum, nonnisi in unico verticis puncto, eidem occurrere. Tangentem per verticem ducere. Quadratum ordinatæ ad axem primum, majus est rectangulo parametri ejusdem axis in abscissam. Quadratum ordinatæ ad axem secundum, ita se habet ad summam quadratorum abscissæ a centro, & semisseos secundi axis, uti quadratum primi axis ad quadratum secundi. Atque hinc deducitur formula generalis, quæ conveniat æque omnibus punctis hyperbolarum oppositarum, etiam respectu axis secundi.

PRO-


PROPOSITIO I.

335. **D** *Atis duabus rectis, hyperbolam describere.*

Constructio. Datae sint duae rectae AB, CD, siue æquales, siue inæquales inter se, quæ se invicem bifariam, & ad angulos rectos secent.

Producatur utrinque AB indefinite; & a termino B, super ejusdem parte producta, accipiantur portiones æquales BE, EF, FG &c.; tum ab extremitate B excitetur perpendicularis indefinita BR; & facto centro in O, describantur plures circuli, quorum radii sint OE, OF, OG &c.; ac denique tribus rectis AB, CD, BP inveniatur quarta proportionalis EH, quæ perpendiculariter collocetur in E; & similiter tribus rectis AB, CD, BQ, quarta proportionalis FI perpendiculariter insit in puncto F; atque ita porro de reliquis; tum per extremitates B, H, I, L harum proportionalium, ducatur curva linea; Spatium GBHIL erit semihyperbola; eademque constructione peracta ex alia parte, habebitur hyperbola integra XBL, quæ augeri poterit in infinitum.

Perspicuum est autem, ab altero



ter-

256 SECTIONUM CON. PARS III.

termino A describi posse aliam curvam ZAN, quæ perfecte æqualis erit curvæ XBL.

Demonstratio. Ex natura circuli, quadratum ex BP æquatur rectangulo EB×BS. Quia vero SA=EB; hinc BS=AE; ac proinde
 $EB \times BS = EB \times AE.$

Eadem de causa $\overline{BQ}^2 = BF \times AF;$

&c. $\overline{BR}^2 = BG \times AG.$

Jam vero, per constr., $EH:BP::CD:AB;$

&c. $FI:BQ::CD:AB;$

Ergo $EH:BP::FI:BQ;$

sive $EH:FI::BP:BQ;$

Ergo $\overline{EH}^2:\overline{FI}^2::\overline{BP}^2:\overline{BQ}^2.$

Quod si duobus postremis quadratis substituantur rectangula æqualia, fiet

$\overline{EH}^2:\overline{FI}^2::EB \times AE$

$:FB \times AF;$ & conse-

quenter curva BHIL

erit hyperbola. Nam

quadrata ordinatarum

sunt inter se, uti re-


ctangula sub abscissis,

& axe producto ad

extremitatem earum

abscissarum. Quod

erat &c.



DE-

DEFINITIONES.

336. **R**ecta AB vocatur Axis primus, seu Axis transversus; linea CD, Axis secundus; & ambo simul dicuntur Axes conjugati.

Hyperbolæ XBL, ZAN, Hyperbolæ oppositæ dici solent.

Parameter primi axis est tertia proportionalis axi primo, & secundo; & Parameter secundi axis est tertia proportionalis axi secundo, & primo.

Punctum O dicitur Centrum hyperbolæ.

Omnis recta, quæ a puncto O ducta, hyperbolam secat, dicitur Diameter.

Si distantia BD, vel BC transferatur utrinque ab O in E, & ab O in S, puncta E & S erunt Foci hyperbolarum oppositarum.

Denique Abscissæ, seu Sagittæ vocantur in axe producto rectæ BE, EF &c., a vertice, & qualibet ordinata interceptæ.

PROPOSITIO II.

337. **Q**uadratum ex CO semisseos secundi axis, æquatur rectangulo ex abscissa BE, interceptâ ab alteriusve focorum E, & vertice B, in rectam AE, compositam ex primo axe, & eâdem abscissâ; hoc est,

$$\overline{CO}^2 = BE \times AE.$$

Demonstratio. Propter triangulum rectangulum OCB, erit $\overline{CO}^2 = \overline{CB}^2 - \overline{OB}^2$. Atqui $\overline{CB}^2 = \overline{OE}^2$, per def. foci; Ergo $\overline{CO}^2 = \overline{OE}^2 - \overline{OB}^2$. Quia vero axis AB dividitur bifariam in O, eique adjecta est abscissa BE, erit ex Elem., $\overline{OE}^2 - \overline{OB}^2 = BE \times AE$; Ergo $\overline{CO}^2 = BE \times AE$. Quod erat &c.


R

LEM.

LEMMA I.

338. **I**N omni triangulo rectangulo ABC, factum ex summa hypotenuse AC, & lateris AB per differentiam eorundem, æquatur quadrato alterius lateris BC.


Dem. Centro A, intervallo AB, describatur circulus BDE; producaturque hypotenusa in E. Secans CE erit summa hypotenuse, & lateris AB; ejusque exterior pars CD erit eorum differentia. Atqui ex Elem., $CD \times CE = BC^2$; siquidem BC est tangens; Ergo &c.



LEMMA II.

339. **S**I ab alterutro focorum S, intervallo SP, majori, quàm SB, describatur arcus, & ab altero foco E, intervallo EP = SP - AB, describatur alter arcus, qui priorem secet in puncto P, a quo ducatur PV, perpendicularis axi AB producto; Dico, OB: AV :: AE: SV + SP.

Centro P, intervallo PE, describatur circulus QREN; producaturque SP in Q; tum secetur SN bifariam in T. Per-



spicuum est, TP fore semissem ipsius SQ; & OV semissem ipsius SR. Nam propter normalem PV, est $EV = VR$ ex Elem.; & per constr., $SN = AB$; & ST, five TN = OB. His positis,

Demonstratio. Propter secantes SQ, SR, habetur ex Elem., $SN : SE :: SR : SQ$;
& sumptis semissibus,

ST, five OB : OE :: OV : TP;
& comp., OB : OB + OE :: OV : OV + TP;
& perm., OB : OV :: OB + OE : OV + TP;
& comp., OB : OB + OV :: OB + OE : OB + OE + OV + TP;
five OB : AV :: AE : OB + OE + OV + TP.
Atqui OE + OV = SV; & OB + TP = SP;
Ergo OB : AV :: AE : SV + SP.
Quod erat &c.

Corollarium.

HUjus analogiæ terminus ultimus SV + SP æquatur summæ & hypotenusæ SP, & lateris SV trianguli rectanguli SVP.

L E M M A III.

340. **I**isdem stantibus, Dico,
OB : BV :: BE : SP - SV.

Demonstratio. Nam per præced.,

OB : OE :: OV : TP;
& div., OB : OE - OB :: OV : TP - OV;
& perm., OB : OV :: OE - OB : TP - OV;
& div., OB : OV - OB :: OE - OB : TP - OV - OE + OB;
five OB : BV :: BE : TP - OV - OE + OB.
Atqui TP + OB = SP; & -OV - OE = -SV;
Ergo OB : BV :: BE : SP - SV.
Quod erat &c.

Corollarium.

HUjus analogiæ terminus ultimus SP—SV æquatur differentiæ hypotenusæ SP, & lateris SV trianguli rectanguli SVP.

PROPOSITIO III.

341. **M**anente eadem constructione Lemmatis II.,
Dico, punctum B fore ad hyperbolam.

Demonstratio. SP—SV vocetur d ; & ultimus terminus prioris analogiæ SP+SV vocetur s . Multiplicentur termini unius analogiæ per terminos alterius; hoc est, $OB : BV :: BE : d$,
& $OB : AV :: AE : s$;

fiet $\overline{OB}^2 : BV \times AV :: BE \times AE : d \times s$.

Sed $BE \times AE = \overline{OD}^2$ (n. 337.);

& per Lem. I., $d \times s = \overline{PV}^2$;

Ergo $\overline{OB}^2 : BV \times AV :: \overline{OD}^2 : \overline{PV}^2$;

sive $\overline{PV}^2 : BV \times AV :: \overline{OD}^2 : \overline{OB}^2$.

Accipiantur jam duæ aliæ lineæ SX, XE, quæ sint vel minores, vel majores duabus SP, PE; sed ea lege, ut SX major sit, quàm SB; & $XE = SX - AB$. Inveniemus simili methodo

$$\overline{XZ}^2 : ZB \times AZ :: \overline{OD}^2 : \overline{OB}^2$$

Ergo $\overline{PV}^2 : BV \times AV :: \overline{XZ}^2 : ZB \times AZ$;

sive $\overline{PV}^2 : \overline{XZ}^2 :: BV \times AV : ZB \times AZ$.
Qua-

Quamobrem rectæ PV , XZ erunt ordinatæ ad axem; nam earum quadrata sunt, uti rectangula sub suis abscissis, & lineâ compositâ ex abscissa, & axe; & consequenter puncta P & X erunt ad hyperbolam. Quod erat &c.


Corollarium I.

342. **E**X præcedenti analogia

$$\overline{XZ}^2 : ZB \times AZ ::$$

$$\overline{OD}^2 : \overline{OB}^2, \text{ infertur,}$$

quadratum cujusvis ordinatim applicatæ primo axi, esse ad rectangulum correspondens, uti quadratum semisseos secundi axis, ad quadratum semisseos primi, sive, ut quadratum secundi ad quadratum primi.



Corollarium II.

343. **Q**uadratum semisseos secundi axis est medium proportionale inter quadratum ordinatæ ad focum, & quadratum semisseos primi axis.

Nam per Corollarium præcedens,

R 3

\overline{EH}^2

$$\overline{EH}^2 : EB \times AE :: \overline{OD}^2 : \overline{OB}^2.$$


$$\text{Atqui} \quad EB \times AE = \overline{OD}^2 \text{ (n. 337.)};$$

$$\text{Ergo} \quad :: \overline{EH}^2 : \overline{OD}^2 : \overline{OB}^2.$$

PROPOSITIO IV.

344. **S**i semiffis OB primi axis transferatur super semiffem secundi axis, producti, ubi opus fuerit, ab O in Y, & distantia BY transferatur super axem primum ab O in X, ducaturque ordinata PX; Dico, eandem ordinatam fore æqualem semiffi secundi axis; hoc est, $PX = OD$.

Demonstr. Ducatur alia ordinata HE.



$$\text{Erit} \quad EB \times AE : \overline{HE}^2 :: XB \times AX : \overline{PX}^2.$$

Atqui $XB \times AX = \overline{OX}^2 - \overline{OB}^2$, ex Elem.; & $OX = BY$ per constr.; & in triangulo rectangulo BOY, $\overline{BY}^2 = \overline{OB}^2 + \overline{OY}^2 = 2 \overline{OB}^2$; nam $OB = OY$ per constr.;

$$\text{Ergo} \quad XB \times AX = 2 \overline{OB}^2 - \overline{OB}^2 = \overline{OB}^2.$$

$$\text{Quamobrem} \quad EB \times AE : \overline{HE}^2 :: \overline{OB}^2 : \overline{PX}^2.$$

$$\text{Est autem} \quad EB \times AE : \overline{HE}^2 :: \overline{OB}^2 : \overline{OD}^2 \text{ (n. 342.)};$$

$$\text{Ergo} \quad \overline{PX}^2 = \overline{OD}^2; \text{ \& } PX = OD. \text{ Quod erat \&c.}$$

PRO-

PROPOSITIO V.

345. **S**I quadratum \overline{CO}^2 semissecos secundi axis, ducatur in quadratum \overline{OX}^2 abscissæ cujuslibet, sumptæ a centro O, & productum dividatur per quadratum \overline{OB}^2 semissecos primi axis, & a quoto subducatur quadratum \overline{CO}^2 semissecos secundi axis; Dico, huic differentiæ æquari quadratum \overline{PX}^2 ordinatæ ad primum axem.

Demonstratio. $\overline{OB}^2 : \overline{CO}^2 :: \overline{OX}^2 - \overline{OB}^2 : \overline{PX}^2$;
Ergo, si factum mediorum dividatur per primum terminum, fiet $\frac{\overline{CO}^2 \times \overline{OX}^2 - \overline{CO}^2 \times \overline{OB}^2}{\overline{OB}^2} = \overline{PX}^2$.

Atqui $\frac{-\overline{CO}^2 \times \overline{OB}^2}{\overline{OB}^2} = -\overline{CO}^2$;

Ergo $\overline{PX}^2 = \frac{\overline{CO}^2 \times \overline{OX}^2}{\overline{OB}^2} - \overline{CO}^2$.

Quod erat &c.

Monitum.

346. **N**Otabis, reſtanguſis omnibus ſub abſciſſa, & lineâ compoſitâ ex abſciſſa, & axe, hoc eſt, $AX \times BX$, ſubſtitui ſemper poſſe differentiam quadratorum $\overline{OX}^2 - \overline{OB}^2$, & viciffim; uti perſpicuum eſt ex Elem. Quod deinceps ſemper erit obſervandum.

Corollarium III.

349. **A**B eadem æquatione $yy = \frac{ccxx}{tt} - cc$ consequitur proprietas altera; nimirum, quò magis OX, vel OT (x), utrinque a centro sumpta, augetur; eò magis ordinata quælibet PX, vel TS (y), utrinque ab axe primo, augetur, & quidem in infinitum. Contra vero, decrescente OX (x), decrescit quoque PX (y); ita ut, si OX (x) fiat æqualis ipsi OB (t), ordinata PX evanescet; nam æquatio superior in hanc transformabitur, $yy = \frac{ccxx}{tt} - cc = 0$.

Hinc I. constat, *hyperbolam ex earum curvarum numero esse, quæ figuram non claudunt*. Cum ordinatim applicatæ, a vertice inchoando, perpetuo crescant; & proinde crescat curvæ divaricatio, quæ idcirco nunquam erit deinceps coitura.

II. *Hyperbolæ axem transversum, seu primum non nisi in unico verticis puncto eidem hyperbolæ occurrere*. Nam crescentibus continuo ordinatim applicatis, curva ab axe magis magisque in infinitum divergit. Vertices autem oppositi, quamquam in eodem axe, non tamen sunt in eadem hyperbola, sed in oppositis.

III. *Si per utramque primi axis extremitatem ducantur parallelæ axi secundo; illæ erunt in iisdem punctis tangentæ*.

PROPOSITIO VI.

350. **Q**uadratum ordinatæ ST ad axem primum, majus est rectangulo parametri RA ejusdem axis, in abscissam AT.

Duobus axibus AB, CD quærat^rur tertia proportionalis AR, nimirum, parameter; quæ a vertice

tiplicatis extremis, & mediis, erit $\overline{NM}^2 \times \overline{OB}^2 = \overline{OM}^2 \times \overline{OC}^2 - \overline{OB}^2 \times \overline{OC}^2$; & utrinque addendo $+\overline{OB}^2 \times \overline{OC}^2$, fiet $\overline{NM}^2 \times \overline{OB}^2 + \overline{OB}^2 \times \overline{OC}^2 = \overline{OM}^2 \times \overline{OC}^2$. Atqui $NM = ZO$; & $OM = NZ$; Ergo $\overline{ZO}^2 \times \overline{OB}^2 + \overline{OB}^2 \times \overline{OC}^2 = \overline{NZ}^2 \times \overline{OC}^2$. Jam vero radices primi producti sunt $\overline{ZO}^2 + \overline{OC}^2$ & \overline{OB}^2 ; nam inter se multiplicatæ, exhibent primum productum. Et radices secundi producti sunt \overline{NZ}^2 & \overline{OC}^2 . Quamobrem, si duæ istæ quantitates ordinentur in extremis alicujus proportionis, & reliquæ duæ pro mediis, habebitur $\overline{NZ}^2 : \overline{ZO}^2 + \overline{OC}^2 :: \overline{OB}^2 : \overline{OC}^2$. Quod erat &c.

Corollarium I.

352. **A**Tque hinc consequitur,

$$NZ = \frac{\overline{ZO}^2 \times \overline{OB}^2 + \overline{OC}^2 \times \overline{OB}^2}{\overline{OC}^2} = \frac{\overline{ZO}^2 \times \overline{OB}^2}{\overline{OC}^2} + \overline{OB}^2.$$

Habes jam differentiam quadrati ordinatæ ad primum axem, a quadrato ordinatæ ad secundum; ac proinde, etiam respectu axis secundi, generalem æquationem, quæ conveniat æque omnibus punctis hyperbolarum oppositarum, eorumque positionem determinet, respectu duorum axium.

Sit enim axis secundus $CD = 2t$, & $CO = t$; axis conjugatus $AB = 2c$, & $OB = c$; $NZ = y$, & quælibet abscissa, sumpta a centro, & occurſu ordinatæ, nimirum, $ZO = x$. Erit itaque

$$yy = \frac{xx \times cc}{tt} + cc.$$

De Diametris.

SYNOPSIS.

Omnis recta, per centrum ducta, & utrinque ad hyperbolas oppositas terminata, bifariam in eodem centro dividitur. In axe producto tres rectas à centro in proportionem continua definire. In hyperbola triangula construere, trapeziis equalia. Hinc, posita eadem constructione, quadrata ordinarum cuiusvis diametro, sunt inter se, uti rectangula sub sagittis, & lineà composità ex sagitta, & axe. Omnis recta, ducta per centrum, & utrinque ad hyperbolas oppositas terminata, est diameter. Itaque omnes illæ proprietates, quæ hyperbolæ competunt, respectu axis, ex eodem Theoremate traducuntur ad aliam quamvis diametrum. Cujuslibet datæ hyperbolæ sive centrum, sive diametrum aliquam reperire. In omni hyperbola existit diameter, quæ rectos cum suis ordinatis angulos constituit, ac proinde axis vocatur. Omnes aliæ diametri cum suis ordinatis, saltem ad unam partem, non alios angulos continent, quam quos continent rectæ, quæ ex verticibus axis ad ipsa hyperbolæ puncta ducuntur.

355. **Q**uemadmodum in parabola, & in ellipsi, ita etiam in hyperbola omnes aliæ diametri transeunt per illud punctum, quod bifariam dividit axem primum, & dicitur *Centrum*, ea de causa, quia omnis recta per ipsum ducta, & utrinque ad hyperbolas oppositas terminata, bifariam in eo dividitur; uti mox demonstrabitur.

& æquales angulos sub iis lateribus contentos, omnia alia pariter æqualia habebunt. Dux igitur CE, CF æquales erunt inter se. Sed eædem, ob æquales angulos ECG, FCH, jacent quoque in directum; Ergo recta CE, producta versus centrum, conveniet cum hyperbola opposita in F; totaque EF bifariam secabitur in ipso centro. Quod erat &c.

PROPOSITIO IX.

357. **S**I recta EF, per centrum ducta, & utrinque ad hyperbolas oppositas terminata, bisecet in O subtensam AM, pertinentem ad verticem A, demissaque ad axem AB ordinata EG, huic per punctum O parallela ducatur OL; Dico, esse in proportionem continuam :: CL:CG:CA.

Demonstratio. Sicuti AM dupla est ipsius AO; ita, si ducatur ad axem ordinata alia MN, erit AN dupla quoque ipsius AL; Quare, cum sit etiam axis AB duplus ipsius AC, erit tota NB dupla pariter totius LC; & propterea rectangulum AN × NB erit quadruplum rectanguli AL × LC.

Rursus, quoniam MN dupla est etiam ipsius OL; erit MN quadratum, quadruplum quadrati, quod fit ex OL; Ergo $\overline{MN}^2 : \overline{OL}^2 :: AN \times NB : AL \times LC$;
five $\overline{MN}^2 : AN \times NB :: \overline{OL}^2 : AL \times LC$.

Sed propter hyperbolam,

$$\overline{MN}^2 : AN \times NB :: \overline{EG}^2 : AG \times GB;$$

$$\text{Ergo } \overline{OL}^2 : AL \times LC :: \overline{EG}^2 : AG \times GB;$$

$$\text{five } \overline{OL}^2 : \overline{EG}^2 :: AL \times LC : AG \times GB.$$

Hinc, cum, ob triangula æquiangulara, sit quadratum

subtense AM, quarum prior AK conveniat cum EF in puncto K, & altera EI cum AB in puncto I; Dico, triangulum EGI æquale esse trapezio AGEK.

Demonstratio. Per præced., $CL:CG::CG:CA$.

Sed $CL:CG::CO:CE::CA:CI$;

Quare $CG:CA::CA:CI$;

Itaque $CG:CI::\overline{CG}^2:\overline{CA}^2$.

Jam propter communem altitudinem triangulorum CEG, CEI, erit $CG:CI::$ triangulum CEG: triangulum CEI; & pariter, ob similia triangula CEG, CKA, quadratum CG est ad quadratum CA, ut triangulum CEG ad triangulum CKA; Ergo, ut triangulum CEG ad triangulum CEI; ita idem triangulum CEG ad triangulum CKA.

Hinc æquantur inter se duo triangula CEI, CKA; & dempto communi trapezio CKXI, supererit triangulum XAI, æquale triangulo XEK. Ad-datur utrique commune trapezium AGEX: fiet trapezium AGEK æquale triangulo EGI. Quod &c.

PROPOSITIO XI.

359. **P**osita eadem constructione, Dico, triangulum AOK æquale esse trapezio EOAI.

Demonstr. Est enim $CL:CG::CG:CA$ (n. 357.).

Sed $CL:CG::CO:CE$;

itemque $CG:CA::CE:CK$;

Ergo $CO:CE::CE:CK$;

& propterea, cum tres rectæ CO, CE, CK sint continue proportionales, erit quoque

$$CO:CK::\overline{CO}^2:\overline{CE}^2.$$

Cùm vero triangula CAO, CAK habeant communem altitudinem, erit $CO:CK::$ triang. CAO: triang. CAK. Rursus, ob similia triangula CAO,

S

CIE,


CIE, erit quadratum CO ad quadratum CE, uti triangulum CAO ad triang. CIE. Quamobrem erit rursus, ut triangulum CAO ad triangulum CAK; ita idem triangulum CAO ad triangulum CIE.

Itaque duo triangula CAK, CIE æqualia erunt inter se; a quibus dempto CKXI, supererit triangulum XAI = XKE. Addatur utrique commune trapezium AOEX: fiet trapezium EOAI = triangulo AOK. Quod erat &c.

PROPOSITIO XII.

360. **S**I in perimetro hyperbolæ capiatur punctum quodvis aliud P, ex quo ducentur ad diametrum AB duæ aliæ rectæ PS, PQ, parallelæ ipsis EI, EG; Dico, triangulum PQS æquale esse correspondenti trapezio AQRK.

Demonstratio. Quoniam triangula CAK, CGE sunt similia, erit, ut CA quadratum ad CG quadratum; ita triangulum CAK ad triangulum CGE;



quare,

quare, subtrahendo antecedentes ex consequentibus, erit etiam, ut CA quadratum ad rectangulum $AG \times GB$; ita triangulum CAK ad trapezium $AGEK$.

Eadem ratione, cum similia sint triangula CAK , CQR , erit, ut CA quadratum ad CQ quadratum; ita triangulum CAK ad triangulum CQR ; & subtrahendo antecedentes ex consequentibus, erit quoque, ut CA quadratum ad rectangulum $AQ \times QB$; ita triangulum CAK ad trapezium $AQRK$.

Quamobrem per æqualitatem rationis ordinatam, erit pariter, ut $AG \times GB$ ad $AQ \times QB$; ita trapezium $AGEK$ ad trapezium $AQRK$. Est autem ex natura hyperbolæ, respectu axis, $AG \times GB : AQ \times QB :: EG^2 : PQ^2$; Ergo ex æquo, ut EG quadratum ad PQ quadratum; ita trapezium $AGEK$ ad trapezium $AQRK$.

Et quoniam ex constructione, parallelæ sunt inter se tam duæ EG , PQ , quàm duæ EI , PS ; triangula duo EGI , PQS similia erunt; hinc, ut EG quadratum ad PQ quadratum; ita triangulum EGI ad triangulum PQS ; Ergo rursus ex æquo, ut triangulum EGI ad triangulum PQS ; ita trapezium $AGEK$ ad trapezium $AQRK$. Sed triangulum EGI æquale est trapezio $AGEK$; uti demonstratum est n. 358.; Ergo triangulum PQS erit quoque æquale trapezio $AQRK$. Quod erat &c.

Monitum.

SI punctum P sumatur in hyperbola opposita, quæ transit per verticem alterum B ; tunc loco trapezii $AQRK$ capienda eris differentia triangulorum CAK , CQR , quæ in omni casu semper æquabitur eidem trapezio. Est demonstratio adhuc est eadem.

erit trapezium ASVK æquale trapezio EVSI; Quare etiam triangulum PVR æquabitur trapezio EVSI. Quod erat &c.


Monitum.

SI punctum P capiatur in hyperbola opposita; in hoc casu, loco trapezii EVSI, sumenda erit differentia triangulorum CEI, CVS, quæ in omni casu trapezium illud adæquat. Demonstratio est eadem.

PROPOSITIO XIV.

362. **S**I recta quævis EF, ducta per centrum C, & ad hyperbolas oppositas terminata, & ulterius producta, bisecet in O subtenfam AM, ductam a vertice A axis; Dico, eandem EF secare quoque bisariam in V quamvis aliam rectam PP, quæ ipsi AM parallela, utrinque ad unam hyperbolarum terminetur.

Demonstratio. Positis enim omnibus, ut supra, erit per præced., utrumque triangulorum PVR,



PVR æquale eidem trapezio EVSI; Ergo æqualia erunt inter se eadem duo triangula PVR, PVR; quæ, cum similia etiam sint, ita se habent, ut quadrata laterum homologorum PV, PV; Quamobrem latera isthæc homologa PV, PV erunt pariter æqualia; & proinde tota PP bifariam secta erit in V. Quod erat &c.

PROPOSITIO XV.

363. **M**Anentibus omnibus, ut supra, Dico, quadrata ordinarum AO, PV esse inter se, uti rectangula correspondentia $EO \times OF$, $EV \times VF$.

Demonstratio. Cum enim triangula CEI, COA sint similia, erit, ut CE quadratum ad CO quadratum; ita triangulum CEI ad triangulum COA; hinc, subtrahendo antecedentes ex consequentibus, erit etiam, ut CE quadratum ad rectangulum $EO \times OF$; ita triangulum CEI ad trapezium EOAI.

Similiter, cum triangula CEI, CVS sint similia, erit, ut CE quadratum ad CV quadratum; ita triangulum CEI ad triangulum CVS; & rursus subtrahendo antecedentes ex consequentibus, erit quoque, ut CE quadratum ad rectangulum $EV \times VF$; ita triangulum CEI ad trapezium EVSI.

Ergo ex æquo erit pariter, ut rectangulum EOF ad rectangulum $EV \times VF$; ita trapezium EOAI ad trapezium EVSI; ac proinde, cum hæc trapezia sint æqualia triangulis AOK, PVR (n. 359. & 360.); erit ex æquo, ut triangulum AOK ad triangulum PVR, ita rectangulum $EO \times OF$; ad rectangulum $EV \times VF$.

Quoniam vero ex constructione, parallelæ sunt inter se tam duæ AK, PR, quàm duæ AO, PV; triangula duo AOK, PVR similia erunt; Quare,

cum sit AO quadratum ad PV quadratum, ut triangulum AOK ad triangulum PVR ; erit rursus ex æquo, $\overline{AO}^2 : \overline{PV}^2 :: EO \times OF : EV \times VF$. Quod &c.

Scolion.


Quia vero dubitari posset, an quævis recta PP , parallela subtensæ AM , utrinque ad hyperbolam terminetur; quod in præcedenti Theoremate assumptum est, demonstrandum aggredior.

PROPOSITIO XVI.

364. **O**mnis recta, quæ intra unam hyperbolarum ducitur, parallela subtensæ AM , ductæ a vertice axis, utrinque ad eandem hyperbolam terminatur.

Res patet de rectis, quæ ducuntur intra segmentum hyperbolicum AEM .

Ducatur itaque extra illud segmentum recta quæ-



vis PV, ipsi AM parallela; &, si fieri potest, occurrat hyperbolæ tantum ex una parte in P. Extendatur eadem ad partem alteram versus V; & fiat $VP = PV$; Dico, hoc aliud punctum P esse in hyperbola.

Demonstratio. Ponantur omnia, ut supra. Quoniam duæ rectæ PV, VP inter se sunt æquales, erit triangulum PVR ex una parte, æquale triangulo PVR ex altera. Sed illud, propter hyperbolam (n. 361.), est æquale trapezio EVSI, sive etiam ASVK; Ergo eidem trapezio ASVK hoc etiam æquale erit; & propterea utrumque triangulorum PQS erit æquale correspondenti trapezio AQRK; hinc, ut triangulum PQS ad triangulum PQS; ita trapezium AQRK ad trapezium AQRK.

Jam vero, propter triangula similia PQS, PQS, erunt hæc inter se, uti quadratum PQ ad quadratum PQ. Itemque, ob diametrum AB, bisectam in centro C, trapezium AQRK est ad trapezium AQRK, ut rectangulum AQB ad rectangulum AQB. Ergo ex æquo, $\overline{PQ}^2 : \overline{PQ}^2 :: AQ \times QB : AQ \times QB$; & propterea, sicuti punctum unum P est in hyperbola; sic etiam ad hyperbolam pertinebit punctum aliud P. Quod erat &c.

Monitum.

QUamvis recta PV ducta fuerit intra eandem illam hyperbolam, in qua reperitur subtensa AM; tamen facile eadem demonstratio ad eas etiam rectas transferri poterit, quæ intra hyperbolam oppositam parallele ducuntur eidem AM; dummodo in hoc casu, loco trapezii AQRK, capiatur differentia triangulorum CAK, CQR; & loco trapezii EVSI, differentia triangulorum CEI, CVS.

Corollarium I.


365. **H**inc omnis recta EF, ducta per centrum C, & utrinque ad hyperbolas oppositas terminata, est diameter ipsarum. Nam & bifariam dividit rectas omnes, parallelas subtensæ AM, & utrinque ad unam ex ipsis hyperbolis terminatas; & quadrata ex semissibus istarum rectarum habent inter se eandem proportionem, quam habent rectangula, sub correspondentibus portionibus ipsius EF contenta.

Corollarium II.

366. **H**inc omnes illæ proprietates, quæ hyperbolæ competunt, respectu axis, ex eodem Theoremate traducuntur ad aliam quamvis diametrum ejusdem hyperbolæ. Est enim AB axis hyperbolæ, centrum C, & alia quævis diameter EF.

I. Sicuti axis AB suas habet ordinatas; ita & diameter alia EF. Sunt autem hujus ordinatæ, omnes rectæ parallelæ subtensæ AM, quæ a diametro EF bifariam dividitur in puncto O.

II. Sicuti AD, ducta per verticem A axis AB, parallela suis ordinatis, tangit hyperbolam in solo puncto A; ita etiam recta EH, ducta per verticem E alterius cujuslibet diametri EF, similiter ordinatis suis parallela, tanget hyperbolam in solo puncto E.



Corollarium III.

367. **E**X hac communi axis, & diametrorum omnium proprietate Theorema illud fundamentale, quod n. 357. demonstravimus, respectu axis, simili ratione demonstrari poterit de quavis alia diametro EF.

Itaque, si per centrum hyperbolæ C ducatur recta aliqua AB, quæ bisecet in G subtenfam PE, pertinentem ad verticem E, & demittatur ad diametrum FE ordinata PV, cui per punctum G agatur parallela GR; Dico, fore $CV:CR::CR:CE$.

PROPOSITIO XVII.

368. **Q**ualibet diameter non alias rectas, utrinque ad unam hyperbolarum terminatas, dividit bifariam, quàm quæ ordinatim ad ipsam diametrum applicantur.

Esto enim diameter quævis AB; sitque etiam AD recta illa, cui omnes ejus diametri ordinatæ sunt parallelæ. Ducatur intra unam hyperbolarum recta PP, quæ utrinque terminata ad eandem hyperbolam, non sit ordinatim applicata diametro AB; Dico, eam ab ipsa diametro AB non posse secari bifariam.

Demonstratio. Si enim fieri potest, secetur recta PP a diametro AB bifariam in S. Et quoniam illa non est parallela ordinatis ipsius AB, duci poterit per verticem A recta alia, quæ ipsi PP parallela, secet in puncto alio hyperbolam, transeuntem per eundem verticem A. Ducatur itaque recta ista; & sit AM, quæ secetur bifariam in O; jungaturque CO, quæ producat, donec occurrat hyperbolis oppositis, in punctis E & F.

Quamobrem, quia recta EF transit per centrum C, &


PROPOSITIO XVIII.

372. **I**N omni hyperbola existit diameter, quæ rectos cum suis ordinatis angulos constituit; ac proinde axis vocatur.

Datæ hyperbolæ inveniatur diameter quævis EF (n. 371.); sitque EH recta illa, cui omnes ejusdem diametri ordinatæ debent esse parallelæ (n. 364.). Jam, si angulus FEH fuerit rectus, erit ipsa EF diameter quæsitæ. Quod si aliter contigerit, inveniatur sequenti ratione.


Super diametro EF, versus eam partem, in qua recta EH constituit cum eadem EF angulum acutum, describatur semicirculus EPF, qui necessario secabit hyperbolam, transeuntem per verticem E, in puncto aliquo P; jungatur deinde recta PE, quæ secetur bifariam in puncto G, per quod agatur diameter AB; Dico, hanc cum suis ordinatis rectos angulos constituere.

Demonstratio. Quia rectæ PE, EF bisectæ sunt in punctis G & C, erit GE:GP::CE:CF; itaque juncta recta PF erit parallela ipsi diametro AB; adeoque angulus CGE = angulo FPE. Sed angulus FPE in semicirculo est rectus; Ergo etiam angulus CGE rectus erit; & consequenter diameter AB cum suis ordinatis rectos angulos constituet. Quod erat &c.



Scolion.

373. **Q**uod autem semicirculus, descriptus super diametro EF, versus eam partem, in qua recta EH constituitur cum ipsa EF angulum acutum, secare debeat hyperbolam, transeuntem per verticem E, in puncto aliquo P, facile demonstratur in hunc modum. Cum enim angulus FEH non sit major omni angulo acuto rectilineo, poterit quidem ex puncto E duci recta alia, quæ constituat cum eadem EF angulum acutum, majorem angulo FEH. Sed recta ista secare debet tum hyperbolam, transeuntem per verticem E, tum ipsum semicirculum; Ergo etiam semicirculus, & hyperbola inter se mutuo convenient.



Corollarium.

374. **I**taque circulus super axe AB, tanquam diametro, descriptus, ut in Figura sequenti, medius cadit inter utramque hyperbolam; nec ulli ipsarum occurrere potest.

Cum enim axis AB rectos angulos constituat cum suis ordinatis, perpendiculares, quæ super ipso eriguntur ex punctis A & B, parallelæ ejus ordinatis, contingent hyperbolas dumtaxat in iisdem punctis. Sed eadem perpendiculares cadent etiam extra circulum; Quare mediæ erunt inter circulum, & hyperbolas, circulo adjacentes; & consequenter ipse circulus cum neutra hyperbolarum conveniet.

PRO-

PROPOSITIO XIX.


375. **O**Mnes aliæ diametri cum suis ordinatis, saltem ad unam partem, non alios angulos continent, quàm quos continent rectæ, quæ ex verticibus axis ad ipsa hyperbolæ puncta ducuntur.

Esto AB axis ipsius hyperbolæ; & ducta ex vertice ejus A subtenſa quavis AM, ſit EF diameter, quæ biſecet in O eamdem ſubtenſam, tanquam ſuam ordinatam; jungaturque BM; Dico, angulum AMB = AOC.

Demonſtratio. Quia AC:CB::AO:OM, erit BM parallela ipſi EF; & conſequenter angulus AMB = AOC angulo, quem diameter cum ordinata ad plagam unam conſtituit. Quod erat &c.

Corollarium.

NUllum vero horum angulorum rectum eſſe poſſe, ſed quemlibet acutum exiſtere, jam inde conſequitur, quod circulus, qui deſcribitur ſuper AB, tanquam diametro, ex dictis medius cadat inter ipſas hyperbolas, nec ulli earum occurrat. Eoſdem autem angulos minores ſemper, ac minores fieri, prout ipſarum vertices magis magisque ab ipſo axe recedunt, ac tandem prorsus evaneſcere, cum infinite diſtant ab eodem axe, facile conſtat ex iſdem principiis.



De

De Conjugatis Diametris.

Quemadmodum in ellipsi, ita & in hyperbola diameter quævis suam habet conjugatam. At hyperbola id habet peculiare, ut conjugatæ istæ diametri, etsi transeant per ejus centrum, & parallelæ sint ordinatis diametrorum, ad quas, velut conjugatæ, referuntur; tamen ad hyperbolas oppositas minime terminentur; sed extremitatibus suis binas alias hyperbolas constituent, quæ prioribus conjugatæ dicuntur; uti infra demonstrabitur.

SYNOPSIS.


Rectæ, quæ per centrum hyperbolarum oppositarum ducitur, parallela ordinatis alicujus diametri, nusquam iisdem hyperbolis potest occurrere; secaturque bifariam rectas omnes diametro parallelas, & ad utramque hyperbolam terminatas; ac vices diametri conjugatæ subibit, si limites, seu vertices eidem certa lege præscribantur. Quid intersit inter ordinatas diametro conjugatæ, quæ ad hyperbolas oppositas terminantur, ab ordinatis, quæ ad unam ex hyperbolis dumtaxat terminantur. Ordinatæ, quæ ad duas quascunque diametros ab alternis earum verticibus ducuntur, dividunt ipsas diametros in eadem ratione. Hinc ipsæ ordinatæ, quæ super diametris hyperbolarum oppositarum demittuntur ex alternis earum verticibus, sunt inter se, ut conjugatæ earundem diametrorum.

PROPOSITIO XX.

376. **R**ecta, quæ per centrum hyperbolarum oppositarum ducitur, parallela ordinatis alicujus diametri, nusquam iisdem hyperbolis potest occurrere.

Esto enim hyperbolarum oppositarum diameter aliqua AB; earumque centrum sit C; per quod ducatur recta KL, parallela ordinatis ipsius diametri AB; Dico, rectam istam KL cum nulla earumdem hyperbolarum posse convenire.

Demonstratio. Si per diametri vertices A & B ducantur duæ aliæ rectæ, iisdem ordinatis parallelæ; hæ tangent hyperbolas in iis dumtaxat punctis; & totæ cadent extra. Sed recta KL, binis illis rectis, quibus interjicitur, parallela, iisdem nusquam potest occurrere; Ergo recta KL cum neutra earum hyperbolarum poterit convenire. Quod erat &c.



Corollarium.


Idem dicendum de quavis alia recta, quæ, parallela iisdem ordinatis, transeat per quodvis aliud punctum intermedium ipsius AB.

PROPOSITIO XXI.

377. **R**ecta, quæ ducitur per centrum hyperbolarum oppositarum, parallela ordinatis alicujus diametri, bifariam secat rectas omnes, diametro parallelas, & ad utramque hyperbolam terminatas.

Iisdem manentibus, ut in superiori constructione, ducatur recta MP, parallela ipsi AB; eaque occurrat hyperbolis oppositis, in punctis M & P; Dico, rectam istam MP secari bifariam in V ab ipsa KL.

Demonstratio. Demittantur ex punctis M & P ordinatæ MN, PQ ad diametrum. Et quoniam istæ sunt inter se parallelæ, æquales quoque erunt inter se. Æqualia pariter erunt rectangula $AN \times NB$, $AQ \times QB$, quæ ordinatarum quadratis proportionalia sunt. Hæc rectangula addantur æqualibus quadratis CA, CB: erunt, ex Elem., æqualia quoque tota quadrata CN, CQ; & proinde etiam horum latera CN, CQ. Sed propter parallelogramma CM, CP, $CN = MV$; & $CQ = PV$; Ergo $MV = PV$; & propterea tota PM bisecta erit in V. Quod &c.



PRO-

PROPOSITIO XXII.

378. **R**ecta, quæ ducitur per centrum hyperbolarum oppositarum, parallela ordinatis aliqujus diametri, vices diametri conjugatæ subibit, si limites, seu vertices eidem præscribantur, ea lege, ut bisecta in ipso centro, media evadat proportionalis inter diametrum, ad quam refertur, & ejus parametrum.

Quemadmodum in ellipsi conjugata cujusque diametri est recta illa, quæ ducitur per centrum, ejus ordinatis parallela, quæque bifariam secta in eodem centro, media est proportionalis inter ipsam diametrum, & parametrum suam; ita & in hyperbola.

Itaque manentibus omnibus, ut supra, si duæ CK, CL sint æquales inter se, & tota KL media sit proportionalis inter diametrum AB, & ejus parametrum AD; Dico, rectam KL esse conjugatam diametrum ipsius AB.

Hac ratione quadratum cujusvis ordinatæ MN, ad rectangulum ei respondens AN \times NB, non modo erit, ut AD ad AB; verum etiam, uti quadratum diametri conjugatæ KL, ad quadratum diametri AB ejusdem ordinatæ.

DEFINITIO.

379. **P**ræscriptis verticibus conjugatæ diametro, ejus ordinatas voco semisses earum rectarum, quæ ad hyperbolas oppositas terminatæ, bifariam ab ipsa secantur.

Notabis autem, hujus diametri proprietatem plane diversam esse ab ea, quæ convenit diametro AB,

T 2

cujus

Sint enim AB, EF duæ quævis diametri hyperbolæ. Ducatur ex vertice E ordinata EG ad diametrum AB, & ex vertice A ordinata AO ad diametrum EF: Dico, fore $BG:AG::FO:EO$.

Demonstratio. Extendatur ordinata una AO , donec occurrat hyperbolæ ad partem alteram in M ; agaturque per punctum O recta OL , parallela ipsi EG . Et quoniam subtensa AM pertinet ad verticem A , eaque dividitur bifariam per rectam EF , erit
(*n.* 357.) $CL:CG::CG:CA$.

CL:CG::CO:CE;


Ergo $CG:CA::CO:CE$;

& invertendo, $CA:CG::CE:CO;$

& subducendo antecedentia ex consequentibus, erit
 $CA:AG::CE:EO;$

& sumendo antecedentium dupla, fiet
 $AB:AG::EF:EO;$

& demum componendo, erit $BG:AG::FO:EO$.
Quod erat &c.



PROPOSITIO XXV.

382. **I**dem stantibus, ipsæ ordinatæ EG, AO, quæ super diametris hyperbolarum oppositarum demittuntur ex alternis earum verticibus, sunt inter se, ut conjugatæ KL, PR earundem diametrorum; hoc est, $EG:AO::KL:PR$.

Dem. Quoniam per præced., $BG:AG::FO:EO$; erit dividendo, $AB:AG::FE:EO$; & in utraque analogia permutando, fiet

$$AB:FE::AG:EO::BG:FO;$$

& compositis ration., $\overline{AB}^2:\overline{FE}^2::AG \times GB:EO \times OF$;

& perm., $\overline{AB}:AG \times GB::\overline{FE}:EO \times OF$.

Quoniam vero propter hyperbolam,

$$\overline{KL}^2:\overline{AB}^2::\overline{EG}^2:AG \times GB;$$

erit permutando, $\overline{KL}^2:\overline{EG}^2::\overline{AB}:AG \times GB$.

Rursus propter hyp., $\overline{PR}^2:\overline{EF}^2::\overline{AO}^2:EO \times OF$;

hinc permutando, $\overline{PR}^2:\overline{AO}^2::\overline{EF}^2:EO \times OF$;


Ergo ex æquo

$$\overline{KL}^2:\overline{EG}^2::\overline{PR}^2:\overline{AO}^2.$$

Itaque latera horum quadratorum erunt pariter proportionalia; & consequenter

$$KL:EG::PR:AO;$$

& propterea permutando, ordinatæ duæ EG, AO erunt inter se, ut conjugatæ diametrorum KL, PR. Quod erat &c.



De

De Asymptotis.

SYNOPSIS.

Dagonales parallelogrammi, circa duos axes descripti, vocantur asymptoti; quæ in infinitum productæ, ita continuo ad hyperbolam accedunt, ut nunquam eidem possint occurrere. Omnis parallela alterutro axi, & cum utraque asymptoto conveniens, ita dividitur, ut rectangulum sub ejus segmentis, æquale sit semper quadrato semisseos axis paralleli. Hinc æquantur inter se omnia hujusmodi rectangula, facta vel a parallelis uni ex axibus, vel ab aliis quibuscvis, inter se parallelis, & ad utramque asymptotum pariter terminatis. Hæc parallelarum theoria traducitur ad quamcunque diametrum. Potentia hyperbolæ, ejusque quadratum æquale rectangulis singulis sub duabus parallelis utrique asymptoto, ab eodem puncto perimetri curvæ, & ad utramque asymptotum terminatis. Linearum omnium, quæ vel intra eandem hyperbolam, vel ab una ad oppositam ducuntur, partes interceptæ ab asymptotis, & curvâ, sunt semper inter se æquales. Tangens ab asymptotis terminata, bifariam secatur in puncto contactus. Et vicissim, recta ab asymptotis terminata, & bifariam secta in puncto, in quo hyperbolæ occurrit, tangens est hyperbolæ in eodem puncto. Tangens ad utramque asymptotum terminata, æquatur conjugatæ illius diametri, quæ transit per punctum contactus. Angulus contentus sub asymptotis, est rectus, vel obtusus, vel acutus, prout axis fuerit æqualis, vel minor, vel major axe suo conjugato. In hyperbola æquilatera angulus factus ab asymptotis, est rectus; ejusque ordinatæ quadratum æquatur rectangulo sub sagitta, & lineâ compositâ ex sagitta, & axe. Datis hyperbolæ asymptotis,

tis, tangentem ducere ad datum punctum. Duæ hyperbolæ tangentes, ad utramque asymptotum terminatæ, secantur in eadem ratione, in puncto, in quo sibi mutuo occurrunt. Asymptoti duarum hyperbolarum oppositarum, sunt pariter asymptoti duarum reliquarum, quæ vocantur conjugatæ. Hyperbolæ conjugatæ transeunt per extremitates secundarum diametrorum ex conjugatis duarum reliquarum. Et vicissim.

DEFINITIO.

383. **R**ecta AB referat axem hyperbolæ; sitque KL ejus axis conjugatus. Circa duos axes AB, KL describatur parallelogrammum EFGH: Diagonales EG, FH hujus parallelogrammi, transeunt per centrum C, voco Asymptotos.

Hujusmodi nomen diagonales istæ sortitæ sunt, quia productæ in infinitum, etsi continuo ad hyperbolam accedant, nunquam tamen cum ea conveniunt; quod demonstrandum aggredior.

PROPOSITIO XXVI.

384. **A**symptoti in infinitum productæ, hyperbolæ nunquam occurrunt.

Demonstratio. Ex quovis puncto M hyperbolæ ducatur ad axem or-

dinata MN: erit \overline{MN}^2 :

$\overline{AN} \times \overline{NB} :: \overline{CK}^2$, si-


ve $\overline{AE}^2 :: \overline{CA}^2$. Jam ve-

ro, si eadem ordina-

ta MN conveniat cum

CE in O, erit \overline{AE}^2 :

$\overline{CA}^2 :: \overline{NO}^2 :: \overline{CN}^2$; Er-



go $\overline{MN}^2 : AN \times NB :: \overline{NO}^2 : \overline{CN}^2$. Atqui $AN \times NB$ minus semper est quadrato CN ; Ergo quadratum MN minus quoque erit quadrato ipsius NO ; hinc punctum O erit semper ultra punctum M . Quod erat &c.

PROPOSITIO XXVII.

385. **A** *Symptoti continuo ad hyperbolam accedunt.*

Demonstratio. Producatur ordinata MN , donec conveniat cum asymptoto altera CH in puncto R . Et quoniam EH secta est bifariam in A ; ita quoque OR bisecta erit in N ; ac proinde, ex Elem.,

$$\overline{NO}^2 - \overline{MN}^2 = OM \times MR.$$

Rursum, quia $\overline{AE}^2 : \overline{CA}^2 :: \overline{MN}^2 : AN \times NB :: \overline{NO}^2 : \overline{CN}^2$; erit quoque $\overline{AE}^2 : \overline{CA}^2 :: \overline{NO}^2 - \overline{MN}^2 : \overline{CN}^2 - AN \times NB$,
 $:: OM \times MR : \overline{CA}^2$, ex Elem.;

Ergo $\overline{AE}^2 = OM \times MR$.

Quare, ubicunque capiatur ordinata MN , si ea producatur ad asymptotos in punctis O & R , erit re-ctangulum $OM \times MR$ ejusdem ubique magnitudinis; unde per recessum ipsius ordinatæ a vertice A , sicuti augetur latus unum MR ; ita necesse est, ut minuat-ur latus alterum MO ; & proinde asymptoti ad hy-perbolam continuo accedunt. Quod erat &c.


Corollarium.

Hinc hyperbola producta, ad asymptoton produ-ctam ita accedit, ut quovis intervallo dato di-stantia inter utramque minor semper sit futura.

PRO-

PROPOSITIO XXVIII.

386. **S**I per aliquod hyperbolæ punctum M ducatur
 recta OR,
 vel PQ, parallela
 alterutro axi KL, vel
 AB, quæ cum utra-
 que asymptoto conve-
 niat in punctis O &
 R, vel P & Q; Di-
 co, rectangulum sub
 ejus segmentis, æqua-
 le esse quadrato semis-
 seos axis paralleli.



Demonstratio. Nam I. $OM \times MR = \overline{AE}^2 = \overline{CK}^2$;
 uti nuper demonstratum est.

II. Rectangulum $PM \times MQ = \overline{CA}^2$. Nam re-
 ctangulum $OM \times MR$ ad $PM \times MQ$ est in ratio-
 ne composita ex MO ad MP, & ex MR ad MQ.
 Atqui $MO:MP::AE$, sive $CK:AC$;
 & rursus $MR:MQ::AH$, sive $CK:AC$;
 Ergo ratio rectanguli $OM \times MR$ ad rectangulum
 $PM \times MQ$, duplicata erit ejus rationis, quam ha-
 bet CK ad CA;

Itaque $\overline{CK}^2:\overline{CA}^2::OM \times MR:PM \times MQ$.

Est autem, ex demonstratis in Prop. præced.,

$$\overline{CK}^2 = OM \times MR;$$

$$\text{Ergo } \overline{CA}^2 = PM \times MQ.$$

Quod erat &c.

Corollarium I.

387. **R**ecta AL, vel AK, ducta ab extremitate primi axis ad extremitatem secundi, bifariam dividitur ab asymptoto in puncto X. Nam parallelogrammi rectanguli CAHL diagonales se mutuo bifariam secant in X; & rectæ AX, XL, CX, XH sunt inter se æquales.

Corollarium II.

388. **I**N triangulo rectangulo ACL, est $\overline{AL}^2 = \overline{CA}^2 + \overline{CL}^2$. Sed quadratum ex AX æquatur quartæ parti quadrati ex AL; Ergo $\overline{AX}^2 = \frac{1}{4} \overline{AL}^2 + \frac{1}{4} \overline{CL}^2$. Plerique Geometræ vocant quadratum ex AX potentiam hyperbolæ.

Corollarium III.

389. **Q**uoniam rectangula omnia OM × MR sunt singula æqualia quadrato semissecos axis paralleli; erunt quoque inter se æqualia.

PROPOSITIO XXIX.

390. **S**I MV ordinata ad axem AB, utrinque producat^{ur} ad asymptotos; pars exterior VR ex una parte, æquabitur parti exteriori MO ex altera parte.

Demonstr. Nam propter triangula similia, erit

$$AH:NR::CA:CN;$$

$$\& \quad AE:NO::CA:CN;$$

$$\text{Ergo} \quad AH:NR::AE:NO.$$

Atqui AH = AE; Ergo NR = NO. Jam vero NV = NM; & proinde residuum VR = MO. Quod erat &c.

PRO-

PROPOSITIO XXX.

391. **S**I intra asymptotos ducantur duæ, aut plures rectæ, inter se parallelæ, RS, TV, FE, quæ hyperbolam, aut hyperbolas oppositas secant; Rectangula $RH \times HS$, $TI \times IV$, $EG \times GF$ erunt inter se æqualia.

Demonstratio. Nam, si a punctis H, I, G ducantur parallelæ secundo axi; triangula similia RHP, TIM, HQS, INV dabunt

$$RH : PH :: TI : MI,$$

$$\& HS : HQ :: IV : IN;$$


& multiplicatis terminis unius proportionis per terminos alterius, fiet

$$RH \times HS : PH \times HQ :: TI \times IV : MI \times IN.$$

$$\text{Sed } PH \times HQ = MI \times IN \text{ (n. 389.)};$$

$$\text{Ergo } RH \times HS = TI \times IV.$$

Idemque demonstrabitur de rectangulo $GE \times GF$.
Quod erat &c.



PROPOSITIO XXXI.

392. **S**I a duobus punctis R & S, sumptis in perimetro curvæ, ut in Figura sequenti, ducantur duæ, aut plures rectæ, inter se parallelæ RH, SI, quæ asymptotum oppositam secant, & similiter parallelæ aliæ

aliæ RD, SQ, quæ alteram asymptotum pariter secant;
Rectangula $HR \times RD$, $IS \times SQ$ erunt inter se æqualia.

Demonstratio. Nam, si ab iisdem punctis R & S
 ducantur TV, PZ, parallelæ secundo axi; triangula
 similia dabunt $HR : RV :: IS : SZ$,

& $DR : RT :: QS : SP$;

& multiplicatis inter se terminis utriusque proportio-
 nis, $HR \times DR : RV \times RT :: IS \times QS : SZ \times SP$.


Atqui $RV \times RT = SZ \times SP$;

Ergo $HR \times DR = IS \times QS$. Quod &c.

Corollarium.

393. **S**I a duobus, aut pluribus punctis G, C, sum-
 ptis in perimetro curvæ, ducantur Gb, Ca,
 GM, CN, parallelæ duabus asymptotis; demonstra-
 bitur eodem modo, rectangula $Gb \times GM$, $Ca \times CN$
 esse æqualia inter se. Cum autem punctum A sit pariter
 punctum hyperbolæ; similiter demonstrabitur, quodlibet
 horum rectangulorum æquari rectangulo $OA \times AB$,
 sive quadrato AB; quia $OA = AB$. Hinc *rectangulum*
quodlibet æquabitur quadrato potentie hyperbolæ.

Rursus, quia in hoc casu $KN = aC$, & KM
 $= bG$; hinc *rectangula* $KN \times NC$, & $KM \times MG$
&c. sunt singula æqualia quadrato AB, seu BK.



PRO-

PROPOSITIO XXXII.

394. **S**I a duobus, aut pluribus punctis Q, P, V, sumptis in perimetro hyperbolæ, vel hyperbolarum oppositarum, ducantur inter hyperbolas rectæ VP, QT &c., parallelæ inter se; Rectangula $QR \times QM$, $PN \times PZ$, $VZ \times VN$ &c. erunt inter se æqualia.

Demonstratio. A punctis Q & V ducantur parallelæ axi secundo. Triangula similia QRE, VZF, & QGM, VMN dabunt.

$$QR:QE::VZ:VF,$$

$$\& \quad QM:QG::VN:VM;$$


ductisque inter se terminis utriusque proportionis, erit $QR \times QM:QE \times QG::VZ \times VN:VF \times VM$. Atqui consequentia $QE \times QG$, & $VF \times VM$ sunt inter se æqualia; Ergo æquantur pariter antecedentia $QR \times QM$, & $VZ \times VN$.

Eodem modo demonstrabitur, $PN \times PZ = VZ \times VN$; & proinde tria rectangula esse inter se æqualia. Quod erat &c.

Corollarium.

395. **H**inc rursus ostenditur, rectangulum quodlibet $VZ \times VN$,

$QR \times QM$ &c. æquari quadrato ex AO, semissecus axis paralleli. Nam, si recta VP concipiatur promoveri motu semper parallelo ipsi TQ, donec coincidat super AB; portio ZN, intercepta ab asymptotis, evane-



scet;

scet; & consequenter rectangulum $VZ \times VN$ transformabitur in $AO \times AO$, hoc est, in \overline{AO}^2 .

Idem demonstrabitur, si rectæ PV , QT essent parallelæ cuicunque diametro ab .

PROPOSITIO XXXIII.

396. **I**dem stantibus, pars VZ rectæ VP , æquatur parti NP .

Demonstratio. $VZ \times VN = NP \times PZ$.

Jam vero $VN = VP - NP$;

Ergo, si ducatur VZ in $VP - NP$, fiet

$$VZ \times VP - VZ \times NP = VZ \times VN.$$

Rursus $PZ = PV - VZ$;

Ergo $NP \times PV - VZ$,

hoc est, $NP \times PV - NP \times VZ = NP \times PZ$;

hinc $VZ \times VP - VZ \times NP = NP \times PV - NP \times VZ$.

Adjiciatur utrique $+ VZ \times NP$: fiet

$$VZ \times VP = NP \times VP;$$

& utrinque dividendo per VP , habebitur

$$VZ = NP. \text{ Quod \&c.}$$

Corollarium I.

397. **H**inc linearum omnium, quæ ab una hyperbola ad alteram ducuntur, partes VZ , NP , interceptæ ab asymptotis, & curvâ, sunt semper inter se æquales; & quæ duobus præcedentibus numeris nuper demonstravimus, extendi debent ad rectas, quæ sint parallelæ cuicunque diametro.

Corollarium II.

398. **H**inc sequitur etiam, rectangulum $VZ \times ZP = PN \times VN$. Quoniam loco ipsius VZ substitui potest NP &c. Similiter $QR \times RT = VZ \times ZP = PN \times NV$ &c.


PRO-

PROPOSITIO XXXIV.

399. **S**I ducatur utcumque recta CD , utrinque ad asymptotos terminata; Pars AC , intercepta ab una asymptoto, & hyperbolà, æquabitur alteri parti DB , interceptæ ab altera asymptoto, & hyperbolà.

Quod attinet ad lineas ductas ab una hyperbola ad alteram, demonstrata res est n. 396. Similiter idem Theorema ostensum est n. 390., respectu ordinarum ad primum axem. Reliquum jam est, ut eadem veritas demonstretur de lineis quibuscumque, quæ non sint ordinatæ ad eundem axem.

Demonstr. Si negas, fiat $DB = AC$: Dico, punctum D fore ad hyperbolam. A puncto C ducantur CF , CH , parallelæ duabus asymptotis; & a puncto D pariter DE , DG , iisdem parallelæ. In triangulo AOB , propter parallelas OB , GD , FC , erit $AC : AF :: DB : DE$, seu GO . Sed per constr., $AC = DB$; Ergo $AF = GO$; & consequenter $CH = FO$, seu AG . Jam vero $AF : FC :: AG : GD$; Ergo $GO : FC :: CH : GD$; Itaque $GO \times GD$, seu $GO \times OE = FC \times CH$, seu $FC \times FO$; Quamobrem, cum hæc duo rectangula sint æqualia, puncta C & D sunt utraque ad hyperbolam (n. 393.); omnesque lineæ, quæ hyperbolam secant; & ad asymptotos terminantur, habent partes interceptas AC , DB æquales. Quod erat &c.



PRO-

PROPOSITIO XXXV.

400. **S**i per quodvis punctum A ducatur tangens BC, quæ ad asymptotos terminetur; hæc bifariam secabitur in eodem puncto A.

Demonstratio. Si a centro O, per punctum A ducatur recta OM, hæc secabit hyperbolam. Nam BC tangens unica est, quæ per punctum A duci possit. Præterea eadem recta OM erit diameter, cujus ordinatæ sunt rectæ IS, TP, parallelæ tangenti; & hujusmodi ordinatæ, productæ ad asymptotos, dabunt $NG = NH$, & $MQ = MR$. Jam vero propter triangula similia OAC, OMQ, erit

$$AC : MQ :: OA : OM;$$

& propter triangula similia OAB, OMR, erit


$$AB : MR :: OA : OM;$$

Ergo $AC : MQ :: AB : MR$.

Est autem $MQ = MR$; Ergo $AC = AB$. Quod &c.

Corollarium 1.

401. **E**T reciproce, si recta BC, ad utramque asymptotum terminata, secetur bifariam in puncto A, in quo hyperbolæ occurrit; eadem recta BC tangens



306 SECTIONUM CON. PARS III.


gens erit ipsius hyperbolæ in solo puncto A. Occurrat enim, si fieri potest, eadem recta BC hyperbolæ etiam in alio puncto a. Itaque Ba=AC (n. 396.). Sed per hyp., BA=AC; quare Ba, BA æquales erunt inter se; quod est absurdum.

Corollarium II.

402. **I**isdem positis, ut in præced. Prop., *rectangula* $HI \times IG$, & $RT \times TQ$ *sunt singula æqualia quadrato AB, semisseos tangentis.* Nam, si concipiatur, quoddam recta RQ moveatur versus tangentem, sibi semper parallela; portiones RT, PQ, hinc atque inde interceptæ, continuo augentur; & pars intermedia TP continuo diminuitur, retento tamen eodem semper valore rectanguli $RT \times TQ$; Ergo, evanescente parte intermedia TP, rectangulum $RT \times TQ$ desinet in $BA \times AC$, hoc est, evadet quadratum semisseos tangentis.

Corollarium III.

403. **S**I per centrum O ducatur ZX, parallela tangenti, & a puncto A ducantur AZ, AX, parallela asymptotis; I. ZX æquabitur tangenti BC; II. Rectangula $HI \times IG$, $RT \times TQ$ &c. erunt singula æqualia quadrato ZO, semisseos ejusdem ZX. Quod ope folius schematis



facile

facile ostenditur. III. Perspicuum est etiam ex dictis, rectam ZX æqualem esse conjugatæ ipsius diametri LA , quæ transit per punctum contactus A .

Corollarium IV.


404. **H**inc asymptoti sunt diagonales, non modo ejus parallelogrammi, quod describitur circa axes conjugatos hyperbolæ, verum etiam cujuslibet alterius parallelogrammi, circa duas quascunque diagonales conjugatas descripti. Quare asymptoti hyperbolæ determinari possunt, adhibitis non solum axibus, verum etiam duabus quibuscvis aliis diametris conjugatis. Nam diagonales parallelogrammi descripti circa diagonales, sunt etiam diagonales parallelogrammi, quod describitur circa axes.

PROPOSITIO XXXVI.

405. **A**ngulus ECH , contentus sub asymptotis CE , CH , est rectus, vel obtusus, vel acutus; prout axis AB fuerit æqualis, vel minor, vel major axe suo conjugato KL .

Demonstratio. Sit I. axis $AB = KL$. Et quoniam recta EH , quæ tangit hyperbolam in puncto A , æqualis est ipsi KL , erit $AB = EH$; & consequenter $EA = AH = CA$; Ergo angulus ECH æqualis erit duobus angulis CEH , CHE ; atque adeo rectus erit.

II. Sit axis $AB < KL$. Quoniam




V 2

EH

308 SECTIONUM CON. PARS III.

$EH = KL$, erit $AB < EH$; & consequenter CA minor qualibet ipsarum AE , AH ; Ergo angulus ECH major erit duobus angulis CEH , CHE ; & propterea erit obtusus.

III. Sit axis $AB > KL$. Quia $EH = KL$, erit $AB > EH$; & consequenter CA major quoque qualibet ipsarum AE , AH ; Ergo angulus ECH minor erit duobus angulis CEH , CHE ; & proinde acutus. Quod erat &c.



DEFINITIO.


406. **S**i axis primus AB æquetur secundo CD , hyperbolam voco æquilateram.

Corollarium I.

407. **H**inc in hyperbola æquilatera angulus ROG , factus ab asymptotis, est rectus. Constat ex præcedenti.

Corollarium II.

408. **I**n hyperbola æquilatera quadratum ordinatæ EF æquatur suo rectangulo $EB \times EA$. Nam quadratum ordinatæ est ad suum rectangulum correspondens; uti quadratum secundi axis ad quadratum



pri-


primi. Atqui duo axes sunt æquales; Ergo & horum quadrata æqualia sunt; & consequenter &c.

PROPOSITIO XXXVII.

409. **D** *Atis hyperbolæ asymptotis OR, OQ, tangentem ducere ad datum punctum A.*


Ex puncto A ducatur recta AZ, parallela asymptoto OQ, & occurrens asymptoto alteri OB in E; tum super eadem asymptoto OB, capiatur portio BE = OE: Dico, rectam BC, ductam per datum punctum A, esse tangentem quæsitam.

Demonstr. Cum enim ex constructione, parallelæ sint rectæ AE, OC; erit $BE:OE::BA:AC$. Atqui $BE = OE$; Ergo $BA = AC$; ac proinde BC est tangens hyperbolæ (n. R. 401.). Quod erat &c.



PROPOSITIO XXXVIII.

410. **D** *Uæ hyperbolæ tangentæ PQ, EH, ad utramque asymptotum terminatæ, in eadem ratione secantur in puncto V, in quo sibi mutuo occurrunt; hoc est, $PV:QV::HV:EV$.*



310 SECTIONUM CON. PARS III.

Demonstratio. Ex puncto contactus T & A, ducantur rectæ TX, AZ, asymptoto CH parallelæ, quæ occurrant asymptoto alteri CE in punctis X & Z. Et quoniam ex demonstratis, $CX \times XT = CZ \times ZA$; erit $CX:CZ::AZ:TX$.

Quia vero tangentes PQ, EH bifariam secantur in punctis contactus T & A; rectæ CP, CE duplæ sunt ipsarum CX, CZ; atque hinc $CX:CZ::CP:CE$. Similiter, ob eandem rationem, rectæ CH, CQ duplæ sunt ipsarum AZ, TX; & consequenter $AZ:TX::CH:CQ$; Ergo ex æquo $CP:CE::CH:CQ$.

Quare triangula duo PCQ, ECH sunt inter se æqualia ex Elem.; & proinde, ablato communi trapezio CEVQ, erit triangulum $PEV = QHV$. Porro, cum hæc duo triangula habeant unum angulum uni angulo æqualem, habebunt quoque latera circa æquales istos angulos reciproce proportionalia; & propterea erit $PV:QV::HV:EV$. Quod &c.



DEFINITIO.

411. **S**I due hyperbolæ oppositæ C & D, ut in Figura sequenti, descriptæ fuerint super axe primo CD, & secundo AB, atque insuper describantur due aliæ hyperbolæ A & B, quarum axis primus sit AB, & secundus CD; due istiusmodi hyperbolæ A & B, vocantur conjugatæ duarum C & D.

PRO.

PROPOSITIO XXXIX.


412. **A** Symptoti MN, XK duarum hyperbolarum C & D, sunt pariter asymptoti duarum reliquarum A & B.

Demonstratio. Nam, si a puncto A ducantur rectæ AC, AD ad secundum diametrum hyperbolarum A & B, perspicuum est, AC bifariam dividi ab asymptoto XK, uti etiam AD ab asymptoto MN; & consequenter XK, MN sunt æqualiter asymptoti duarum reliquarum A & B; quemadmodum sunt asymptoti duarum C & D. Quod erat &c.

PROPOSITIO XL.


413. **S**I a puncto G unius ex duabus primis hyperbolis C & D, ducatur ad conjugatam proximam recta GH, quæ sit parallela uni asymptotorum; Dico, eandem GH bifariam dividi ab altera asymptoto.

Demonstratio. Rectangulum $GR \times RO = \overline{VD}^2$ (n. 393.); & rectangulum $HR \times RO = \overline{AV}^2$. Atqui quadrata ex VD, & ex AV sunt inter se æqualia; Ergo & rectangula; quæ, cum habeant eandem altitudinem, habebunt bases HR, RG æquales. Eodem modo demonstrabitur, rectam GE bifariam dividi in a; Constat itaque propositum.



Corollarium.

414. **S**I a duobus punctis G & H rectæ GH, parallelæ asymptoto XK, ducantur duæ diametri GZ, HE ad hyperbolas oppositas; manifestum est, GZ fore primam diametrum duarum oppositarum D & C, & HE secundam diametrum conjugatam; & vice versa GZ evadere secundam diametrum oppositarum A & B, & HE primam diametrum conjugatam. Hinc sequitur, quod hyperbolæ conjugatæ A & B transeant per extremitates secundarum diametrorum ex conjugatis C & D; & vicissim istæ per extremitates secundarum diametrorum ex conjugatis A & B.



De mutua Diametrorum inter se comparatione.

SYNOPSIS.

OMnium hyperbolæ diametrorum minima est illa, quæ axis vocatur, & cum suis ordinatis rectos angulos constituit; aliarum vero minor est illa, quæ minus distat ab axe. Conjugatæ diametri per ordinatas super iis ductas ex verticibus aliarum, dividuntur in eadem ratione. Quadrata diametrorum conjugatarum sunt inter se, uti rectangula sub abscissa, & composita ex abscissa, & diametro. Conjugatæ diametri per ordinatas super iis ductas ex verticibus aliarum, ita dividuntur, ut quadratum ordinatæ ad unam diametrum, æque-

jugatæ, jam demonstrabitur, præmissis sequenti Theoremate.

PROPOSITIO XLIII.

417. **C**onjugatæ diametri per ordinatas super iis duabus ex verticibus aliarum, dividuntur in eadem ratione.

Capiantur in hyperbola duæ quævis conjugatæ diametri AB, KL; ad quas demittantur ordinatæ EG, PQ ex verticibus duarum quarumvis aliarum similiter conjugatarum diametrorum EF, PR: Dico,
 $BG:AG::LQ:KQ.$

Demonstratio. Ad diametrum EF ducatur ordinata AO; & per punctum O agatur recta OS, parallela ipsi EG. Jam vero CK ad CQ rationem habet compositam ex CK ad CP, & ex CP ad CQ. Est autem (n. 382.) $CK:CP::KL:PR::EG:AO$; & rursum $CP:CQ::AO:OS$;

Ergo CK ad CQ rationem habet compositam ex EG ad AO, & ex AO ad OS. Et quoniam duæ istæ rationes componunt pariter rationem, quam habet EG ad OS, sive CE ad CO; erit ex æquo

$$CK:CQ::CE:CO;$$

& subducendo antecedentes ex consequentibus, erit

$$CK:KQ::CE:EO;$$

& sumptis antecedentium duplis,

$$KL:KQ::EF:EO;$$

& componendo,

$$LQ:KQ::FO:EO.$$

Cum autem

$$FO:EO::BG:AG \text{ (n. 381.)};$$

erit rursus

$$BG:AG::LQ:KQ.$$

Quod erat &c.

PROPOSITIO XLIV.

418. **Q**uadrata diametrorum conjugatarum sunt inter se, uti rectangula sub abscissa, & composita ex abscissa, & diametro; nimirum,

$$\overline{AB}^2 : \overline{KL}^2 :: AG \times GB : KQ \times QL.$$

Dem. Cum enim $BG : AG :: LQ : KQ$;
erit dividendo, $AB : AG :: KL : KQ$;
& permutando, $AB : KL :: AG : KQ :: BG : LQ$;
& compositis rationib., $\overline{AB}^2 : \overline{KL}^2 :: AG \times GB : KQ \times QL$.
Quod erat &c.

PROPOSITIO XLV.

419. **M**anente eadem Theorematis constructione, quadratum ordinatæ EG æquatur rectangulo $KQ \times QL$; & quadratum ordinatæ PQ æquatur rectangulo $AG \times GB$.

Demonstratio. Ex natura hyperbolæ,

$$\overline{AB}^2 : \overline{KL}^2 :: AG \times GB : \overline{EG}^2 :: \overline{PQ}^2 : KQ \times QL;$$

Ergo per præced.,

$$AG \times GB : KQ \times QL :: AG \times GB : \overline{EG}^2;$$

hinc $AG \times GB : KQ \times QL :: \overline{PQ}^2 : KQ \times QL$;
ac propterea rectangulo $KQ \times QL$ æquale erit quadratum EG; & rectangulo $AG \times GB$ æquale erit quadratum PQ. Quod erat &c.


PROPOSITIO XLVI.

420. **S**Tante superiori constructione, si AB, KL sint duo axes conjugati, quorum ordinatæ ad angulos rectos sint EG, PQ; sintque præterea EF, PR duo diametri conjugatæ; Dico, differentiam quadratorum EF, AB, æqualem esse differentiæ quadratorum PR, KL.

Demonstratio. Nam, uti nuper demonstravimus, excessus, quo quadratum CE superat quadratum CA, est $\overline{EG}^2 + AG \times GB$. Sed $AG \times GB = \overline{PQ}^2$, per præced.; Ergo excessus, quo quadratum CE superat quadratum CA, erit $\overline{EG}^2 + \overline{PQ}^2$.

Similiter excessus, quo quadratum CP superat quadratum CK, est $\overline{PQ}^2 + KQ \times QL$. Atqui $KQ \times QL = \overline{EG}^2$; Ergo excessus, quo quadratum CP superat quadratum CK, erit pariter eadem summa quadratorum $\overline{EG}^2 + \overline{PQ}^2$.

Quamobrem, cum ipsarum CE, CA, & CP, CK duplæ sint EF, AB, & PR, KL; hinc differentia quadratorum EF, AB, æqualis erit differentiæ quadratorum PR, KL. Quod erat &c.




PRO-

PROPOSITIO XLVII.

421. **C**rescentibus hyperbolæ diametris primariis, augentur etiam ipsarum conjugatæ.

Sit enim AB axis hyperbolæ, KL ejus conjugatus, EF diameter quævis primaria, & PR ipsius conjugata; Dico, diametrum EF non posse majorem fieri, nisi etiam augeatur ejus conjugata PR.

Demonstratio. Nam per præced., $\overline{EF}^2 - \overline{AB}^2 = \overline{PR}^2 - \overline{KL}^2$; quare, si prior excessus augetur, augeatur oportet etiam secundus. Jam vero, per recessum ab axe AB, major evadit diameter EF; augeturque excessus, quo quadratum EF superat quadratum AB; Ergo in eodem recessu necesse est, ut augeatur etiam excessus, quo quadratum PR superat quadratum KL; Itaque conjugata PR major quoque evadet. Quod erat &c.



PROPOSITIO XLVIII.

422. **D**iameter quævis EF æqualis est, vel major, vel minor conjugatæ ipsius diametro PR; prout axis AB est æqualis, vel major, vel minor conjugato ipsius axe KL.


Demonstratio. I. Ponatur axis $AB = KL$. Dico, diametrum EF adæquare conjugatam suam PR. Nam, si ma-

Nam $\overline{BE}^2 = \overline{BC}^2 + \overline{CE}^2 + 2BC \times CE$; Ergo excessus, quo quadratum BE superat quadratum BC, erit $\overline{CE}^2 + 2BC \times CE$. Sed hujusmodi est etiam excessus, quo quadratum AE superat quadratum AC; Quare differentia quadratorum BE, BC, æqualis erit differentia quadratorum AE, AC; & propterea, sicuti BC est axis conjugatus ipsius AC; sic BE erit conjugata diametri AE. Constat itaque propositum.

PROPOSITIO L.

424. **D**ifferentia quadratorum ex axibus conjugatis AC, BC, æqualis est differentia quadratorum ex aliis quibuscumque binis diametris conjugatis AE, BE.

Demonstratio. In triangulo rectangulo ABC, $\overline{AC}^2 = \overline{AB}^2 + \overline{BC}^2$; Ergo differentia quadratorum AC, BC, æquatur quadrato ipsius AB. Similiter in triangulo rectangulo ABE, $\overline{AE}^2 = \overline{AB}^2 + \overline{BE}^2$; Itaque differentia quadratorum AE, BE, est idem quadratum AB. Quod erat &c.



PROPOSITIO LI.

425. **S**i axis AC hyperbolæ major sit suo conjugato BC; Ratio ejusdem axis AC ad suum conjugatum BC, major est ratione, quam habet quævis alia diameter AE ad suam conjugatam BE; hoc est, $AC:BC > AE:BE$.

De-

Demonstratio. Per punctum E ducatur recta EF, parallela ipsi AC: erit $AC:BC::FE:BE$. Sed FE major est, quàm AE; Quare FE ad BE majorem rationem habet, quàm AE ad BE; Ergo etiam $AC:BC > AE:BE$. Quod erat &c.

Corollarium I.

426. **S**imili methodo demonstrabitur, quòd, si fuerit AG quævis alia hyperbolæ diameter, remotior ab axe AC; ratio, quam habet diameter AE, axi propinquior, ad suam conjugatam BE, major sit ratione, quam habet diameter AG, ab axe remotior, ad conjugatam suam BG.

Corollarium II.

427. **S**i axis hyperbolæ minor sit suo conjugato; ratio axis ad suum conjugatum, minor erit ratione, quam quævis alia diameter habet ad conjugatam suam. Nam, stante eadem constructione, erit $BC:AC::BE:FE$. Est autem $FE > AE$; atque adeo $BE:FE < BE:AE$; Quare $BC:AC < BE:AE$.

Corollarium III.

428. **H**inc similiter demonstratur, quòd, si fuerit quævis alia hyperbolæ diameter BG, remotior ab axe BC; ratio, quam habet diameter BE, axi propinquior, ad suam conjugatam AE, minor sit ratione, quam habet diameter BG, ab axe remotior, ad conjugatam suam AG.

conjugatas, ed minor evadit, quod magis ipse diametri ab axibus remouentur.


PROPOSITIO LIII.

432. **P**arallelogrammum, circa duas hyperbolæ diametros conjugatas EF, PR descriptum, ejusdem ubique magnitudinis est, nimirum, semper æquale rectangulo, quod sub ipsis axibus AB, KL continetur.

Per puncta E & F, & pariter P & R ducantur parallelæ, quæ circa diametros conjugatas EF, PR conficiant parallelogrammum QSTV: Dico, hoc æquari rectangulo, quod sub axibus AB, KL continetur.


Demonstratio. Ab alternis verticibus A & E, demittatur ad axem AB ordinata EG, & ad diametrum EF ordinata AO: erit (n. 382.) $EG:AO::KL:PR::CK:CP$. Demittantur rursus super CE, CP, perpendiculares AI, EP: erit $EG:AO$ in ratione composita ex $EG:AI$, & ex $AI:AO$. Sed $EG:AI::CE:CA$, propter triangula similia CGE, CIA; & $AI:AO::EP:CE$, propter triangula similia AIO, CEP; Ergo $EG:AO$ est in ratione composita ex $CE:CA$, & ex $EP:CE$; hoc est, $CK:CP$ rationem habet compositam ex $EP:CE$, & ex $CE:CA$. Sed duæ istæ rationes componunt pariter rationem, quam habet $EP:CA$; Quare $CK:CP::EP:CA$; & consequenter $CP \times EP = PCEQ = CA \times CK$. At-

X 2



qui

qui parallelogrammum QSTV
quadruplum est parallelogram-
mi PCEQ; & rectangulum
sub axibus AB, KL quadru-
plum est rectanguli CA \times
CK; Ergo parallelogrammum
QSTV æquale erit rectan-
gulo sub axibus AB, KL.
Quod erat &c.



*De Parametris Diametrorum, inter se mutuo
comparatis.*

S Y N O P S I S.

DEcernitur ratio parametrorum inter se, quæ ad
suas diametros conjugatas referuntur. Eadem
theoria traducitur ad parametros, quæ ad diametros
quaslibet non conjugatas pertineant. Differentia inter
quadratum alicujus diametri, & ejus figuram, ut vo-
cant, est semper eadem; quocunque in loco capiatur
diameter. Duæ quævis hyperbolæ diametri sunt reci-
proce proportionales differentiis laterum suarum figura-
rum. Ex binis quibusvis diametris illa, quæ major
est, majorem parametrum habet. Omnium parametro-
rum minima est illa, quæ refertur ad axem. Hæc ta-
men proprietas vera est in iis dumtaxat diametris,
quæ majores sunt suis parametris. Sin autem diame-
tri parametris suis minores fuerint, res longe aliter se
habet; & duo casus distinguuntur, ac demonstrantur.
Defi-

*Definiuntur itaque parametri diametrorum omnium;
 & locus geometricus exhibetur.*

PROPOSITIO LIV.

433. **D**Uæ quævis diametri conjugatæ, sunt continue proportionales cum suis parametris, ubi inverso ordine inter eas collocentur.

Sint enim AB, KL binæ quælibet diametri conjugatæ; sit autem AD parameter diametri AB, & KI parameter diametri KL; Dico, esse in proportionem continuam :: AD.KL.AB.KI.


Demonstratio. Quoniam KL est diameter conjugata ipsius AB, erit $AD:KL::KL:AB$. Et similiter, quoniam AB est conjugata ipsius KL, erit $KL:AB::AB:KI$. Ergo continue proportionales sunt AD, KL, AB, KI. Quod erat &c.

Corollaria.

434. I. **S**I duæ conjugatæ diametri AB, KL fuerint inter se æquales; etiam parametri AD, KI erunt inter se, & diametris suis æquales.

II. Si vicissim fuerint inæquales; parametri quoque erunt inæquales inter se, & cum quolibet earum diametrorum.

III. Ex diametris AB, KL, illa, quæ major est, habet parametrum minorem, tum parametrum, tum diametro altera; illa vero, quæ minor est, habet parametrum etiam majorem diametro altera.



X 3

IV. Si

326 SECTIONUM CON. PARS III.

IV. Si inæquales fuerint diametri AB, KL, & inæquales proinde ipsarum parametri AD, KI; summa parametrorum major est semper summâ diametrorum.

V. Si capiatur differentia, quam habent binæ diametri conjugatæ cum suis parametris; illa quidem differentia major est, quæ ad minorem diametrum, & majorem proinde parametrum refertur.


Scholion.

SI diametri non fuerint conjugatæ, sed ad easdem hyperbolas terminentur; poterit de earum parametris, invicem comparatis, theoria sanciri, præmissis sequenti Theoremate.

PROPOSITIO LV.

435. **I**N hyperbola differentia inter quadratum alicujus diametri AB, & ejus figuram, quæ constituitur per rectangulum DA \times AB, est semper eadem; quocunque in loco capiatur diameter AB.

Demonstratio. Nam differentia quadratorum ex diametris conjugatis AB, KL, est semper æqualis differentiæ quadratorum ex axibus (n. 424.). Sed quadratum ex KL est æquale rectangulo DA \times AB; Ergo eadem pariter ubique erit differentia inter AB quadratum, & rectangulum DA \times AB. Quod erat &c.



PRO-

PROPOSITIO LVI.

436. **D**Uæ quævis hyperbolæ diametri sunt reciproce proportionales differentiis laterum suarum figurarum.

Diametri AB esto parameter AD; & cujusvis alterius diametri EF parameter sit EH: Dico,

$$AB:EF::EF-EH:AB-AD.$$

Demonstratio. Nam, uti demonstratum est, differentia inter quadratum alicujus diametri, & ejus figuram, est eadem ubique; Ergo differentia inter quadratum AB, & rectangulum $DA \times AB$, æqualis erit differentiæ inter quadratum EF, & rectangulum $HE \times EF$. Atqui differentia inter quadratum AB, & rectangulum $DA \times AB$, tantundem valet, ac rectangulum ex AB in differentiam ipsarum $AB-AD$; & similiter differentia inter quadratum EF, & rectangulum $HE \times EF$, perinde est, ac rectangulum ex EF in differentiam ipsarum $EF-EH$; Quare, cum æqualia sint inter se duo ista rectangula, erit

$$AB:EF::EF-EH:AB-AD.$$

Quod erat &c.


PROPOSITIO LVII.

437. **I**isdem stantibus, ut supra, ex binis diametris, ad easdem hyperbolas terminatis, illa, quæ major est, majorem parametrum habet.

Esto diameter AB minor diametro EF: Dico, parametrum AD, quæ refertur ad diametrum minorem, esse etiam minorem parametro EH, quæ refertur ad diametrum majorem.

328 SECTIONUM CON. PARS III.

Demonstratio. Nam per præced., $AB:EF::EF - EH:AB - AD$; Quare, sicuti AB minor est, quàm EF ; ita $EF - EH$ minor erit, quàm $AB - AD$. Differentia igitur inter diametrum EF , & parametrum suam EH , est minor differentiâ, quæ est inter diametrum AB , & parametrum suam AD . Atqui EF major est, quàm AB , per hyp.; Ergo EH multo major erit, quàm AD . Quod erat &c.



Corollarium.

438. **S**icuti omnium diametrorum hyperbolæ minima est illa, quæ axis vocatur; sic omnium parametrorum minima est illa, quæ refertur ad axem. Et quemadmodum omnes aliæ diametri, in recessu ab axe, continuo augentur; sic & parametri earumdem, in eodem recessu, majores quoque semper evadunt.

Monitum.

439. **H**æc proprietas vera tantummodo est in iis diametris, quæ majores sunt suis parametris; nam allata demonstratio in illis dumtaxat locum obtinet. At vero res longe aliter se habet in diametris illis, quæ parametris suis sunt minores. Qua in re duo casus sunt distinguendi.

Primus casus est, cum quadratum axis non est minus

minus dimidio quadrati, quod fit ex suo conjugato. In hoc casu minima quidem parameter est illa, quæ refertur ad axem; aliarum vero illæ semper minores sunt, quæ ad diametros pariter minores referuntur; ita ut universaliter hic quoque verum sit, quodd, crescentibus diametris, augeantur etiam parametri ipsarum.

Alter casus est, cum quadratum axis minus est dimidio quadrati, quod fit ex suo conjugato. In hoc casu, inventa diametro, cujus quadratum adæquat semissem quadrati, quod fit ex ejus conjugata, erit parameter istius diametri omnium minima; & aliarum illæ semper minores erunt, quæ referuntur ad diametros, minus ab illa distantes.


Ut autem utriusque casus veritas demonstretur, præmisso sequens Theorema.

PROPOSITIO LVIII.

440. **D**efiniuntur parametri diametrorum.

In triangulo rectangulo ABC , latus BC referat axem hyperbolæ, & hypotenusæ AC ejus conjugatum axem. Ex demonstratis n. 423., si BE exhibeat aliam quamvis diametrum, exhibebit AE conjugatam illius; quare, si super ipsis AC , AE erigantur perpendiculares AI , AL , fiet CI parameter axis BC , & EL parameter axis BE .

Demonstratio. Cum enim in triangulo rectangulo



Corollarium II.

442. **Q**uare, si MAN sit positio anguli recti, in qua ipsius crura æqualia sunt; erit portio MN omnium minima; tum item aliarum illæ semper minores erunt, quæ ad ipsam MN magis accedunt.

Corollarium III.

443. **H**is præjactis, facile consequitur demonstratio prædictorum casuum, quæ huc tandem redit, ut demonstretur, *quadratum axis BC non minus esse dimidio quadrati, quod fit ex suo conjugato AC , quoties BC non minor est, quàm BM ; esse vero minus, quoties, vice versa, BC minor est, quàm BM .*

Nam, propter æquales AM , AN , sunt etiam æquales duæ AB , BM . Quare, quoties BC non minor est, quàm BM , nec etiam minor erit, quàm AB ; Ergo ejusdem quadratum nec pariter minus erit dimidio quadrati, quod fit ex AC .

Vicissim, cum BC minor est, quàm BM , erit BC minor quoque, quàm AB ; Ergo quadratum ipsius BC , minus erit dimidio quadrati, quod fit ex AC .

PROPOSITIO LIX.

444. **D**efiniuntur parametri diametrorum, quæ parametris suis sunt majores.

Quemadmodum, si erigantur super ipsis AC , AE , perpendiculares AI , AL , fiunt CI , EL parametri ipsarum BC , BE ; ita, si demittantur super iisdem AC , AE , perpendiculares BH , BK , fiunt portio-


portiones CH, EK parametri, quæ referuntur ad ipsas AC, AE.

Demonstratio. Quoniam in triangulo rectangulo ABC, ex angulo recto B demissa est ad hypotenusam AC perpendicularis BH, erit $AC:BC::BC:CH$. Atqui parameter axis AC, est tertia proportionalis post ipsum axem, & ejus conjugatum; Ergo, cum BC sit conjugatus axis ipsius AC, erit CH parameter ejusdem axis AC.

Similiter, quoniam in triangulo rectangulo ABE, ex angulo recto B demissa est ad hypotenusam AE perpendicularis BK, erit $AE:BE::BE:EK$. Sed parameter diametri AE, est tertia proportionalis post ipsam diametrum, & ejus conjugatam; Quare, cum BE sit conjugata diametri AE, erit EK ejusdem diametri parameter. Q. E. D. erat &c.

Corollarium I.

445. **H**inc definiri potest locus parametrorum, quæ referuntur ad diametros AC, AE. Nam, si super AB, tanquam diametro, semicirculus describatur; hic transibit per illa eadem puncta, in quæ cadunt perpendiculares BH, BK; quare suæ circumferentiæ portio AH considerari poterit, veluti locus parametrorum, quæ referuntur ad diametros AC, AE.



Corollarium II.

446. **H**inc rursus apparet, quòd, crescentibus hisce diametris, augeri quoque debeant parametri ipsarum.

*De Axibus, Focis, Diametris, Parametris,
Asymptotis, & Hyperbolis similibus
inveniendis, ac de mensura
Hyperbolæ.*


SYNOPSIS.

IN data hyperbola invenire duos axes, ejusque focum, & parametros axium, & asymptotos; & datis axibus, duas diametros conjugatas invenire, quæ datam habeant rationem, vel, quæ datum rectangulum contineant. Super axe primo dato describere hyperbolam, datæ similem. Dimensio hyperbolæ.

PROPOSITIO LX.

447. **I**N data hyperbola invenire duos axes, ejusque focum, & parametros axium, & asymptotos.


Resolutio. Ducantur duæ, aut plures lineæ AB, CD, parallelæ inter se; & per earum punctum medium trajiciatur recta IO, quæ proinde erit diameter. Similiter totidem aliæ parallelæ ducantur



DF, BH; & per earum medium traducatur recta altera MO, quæ pariter erit diameter; & punctum O, in quo se se intersecant ambæ diametri, erit centrum hyperbolæ.

Si alterutra harum diametrorum sit perpendicularis parallelis, quas bifariam secat; hæc erit etiam axis quæsitus.

Si vero neutra sit perpendicularis iisdem, facto centro in O, & intervallo alterutrius semidiametri OR, describatur arcus RS, qui secabit hyperbolam in alio puncto S. Cum enim OR non sit semiaxis, erit major semiaxe, qui minimus est omnium semidiametrorum; uti constat ex genesi hyperbolæ. Præterea recta OS erit etiam semidiameter; quippe quæ transit per centrum; contra quàm accadat tangentibus, ductis a puncto S hyperbolæ, quæ necessario secant axem inter centrum, & ejus verticem. Denique, cum diameter SO sit æqualis diametro RO, utraque distabit æqualiter a vertice hyperbolæ; quod pariter perspicuum est ex genesi hujus curvæ. Quamobrem, si arcus RS secetur bifariam in P, recta PO erit axis quæsitus.




Inventa semissi primi axis, a puncto O excutetur recta OY, perpendicularis, & æqualis eidem semiaxi; ducaturque BY; tum fiat $OX = BY$. Ordinata PX æqualis erit semiaxi secundo (n. 344.); atque adeo, si transferatur PX ab O in C, & ab O in D, recta CD erit secundus axis. Atque ita tertia porportionalis primo axi, & secundo, erit parameter

parameter primi; & tertia proportionalis secundo, & primo, erit parameter secundi. Distantia autem BD, traducta ab O in E, dabit focum in puncto E (n. 336.).

The diagram illustrates a parabola with vertex A and focus E. A horizontal line segment BD is shown, and its distance from the vertex is used to find the focus E. The diagram includes points m, S, T, R, and A.

Denique, ut habeantur asymptoti, rectæ BD , BC secantur singulæ bifariam; & a puncto O per puncta divisionum ducantur rectæ; quæ erunt asymptoti quæsitæ (*n. 387.*). Quod erat &c.




PROPOSITIO LXI.

448. **D** *Atis axibus hyperbolæ, invenire duas diametros conjugatas, quæ datam habeant rationem inter se.*

Resolutio. In triangulo rectangulo ABC, hypotenusa AC referat axem majorem, & latus BC axem minorem, ut in constructione n. 423.

Ex demonstratis
eodem n. 423., reso-
lutio Problematis eò
reducitur, ut, pro-




duet

ductà BC versus X, inveniatur in recta CX tale punctum E; ut AE ad BE sit in data illa ratione. Itaque, quia ductà CS, ipsi AE parallelà, fit $AE:BE::CS:BC$; erit CS ad BC similiter in data illa ratione. Unde solvetur propositum Problema, applicando intra angulum ABC rectam CS, quæ ad axem minorem BC habeat datam rationem, & ducendo per punctum A rectam AE, ipsi CS parallelam.

Monitum.

NOtabis, in resolutione propositi Problematis illud a nobis assumptum fuisse, ut ratio data sit majoris ad minus; unde, si fuerit minoris ad majus, necesse est, ut ea invertatur. Constet etiam, rationem datam, minorem esse debere illà, quam habet axis major ad axem minorem; quia aliter punctum E reperiretur in ipso axe minore BC; atque adeo Problema esset impossibile.




PROPOSITIO LXII.

449. **D**atis axibus hyperbolæ, invenire duas diametros conjugatas, quæ datum rectangulum contineant.

Resol. In triangulo rectangulo ABC, hypotenusa AC referat, ut ante, axem majorem, & latus BC axem minorem. Producatur CB versus T; ita ut $AB \times BT$.

$\times BT$ sit rectangulum datum; quod quidem majus esse debet rectangulo $AC \times CB$; tum secetur AB bifariam in S ; & junctà ST , extendatur AB versus V , ita ut $SV = ST$; & denique super AV describatur semicirculus AEV : Dico, rectas AE , BE esse diametros quæsitæ.

Demonstratio. $\overline{ST}^2 = \overline{SV}^2$. Sed $\overline{ST}^2 = \overline{BS}^2 + \overline{BT}^2$; & $\overline{SV}^2 = AV \times VB + \overline{BS}^2$; Ergo $\overline{BS}^2 + \overline{BT}^2 = AV \times VB + \overline{BS}^2$; & dempto communi quadrato \overline{BS}^2 , supererit $\overline{BT}^2 = AV \times VB$. Jungatur VE : erit $AV \times VB = \overline{VE}^2$; hinc $\overline{BT}^2 = \overline{VE}^2$. Quare, cum duæ VE , BT inter se sint æquales, erit $AB \times BT = AB \times VE$. Sed rectangulum $AB \times VE = AE \times EB$; quia $AB : AE :: BE : VE$; Ergo $AE \times EB = AB \times BT$; ac propterea duæ AE , BE erunt quæsitæ diametri. Quod erat &c.



PROPOSITIO LXIII.

450. **S**uper axe primo dato describere hyperbolam, datæ similem.

Resol. Fiat: ut axis primus hyperbolæ datæ ad secundum, ita axis datus ad secundum quæsitum; quo invento, describatur hyperbola: quæ erit datæ similis.

Demonstratio eadem est, quæ pro ellipsi.

Corollarium.

451. **I**Taque hyperbolæ non sunt omnes inter se similes. Ut autem tales efficiantur, opus est, ut duo axes sint proportionales.

Y

PRO.

PROPOSITIO LXIV.


452. **H**yperbolam metiri.

Hactenus inventus non est geometricus modus inveniendi aream hyperbolæ, ab ordinata BC terminatæ. Ad eandem tamen per approximationem possumus accedere; veluti de circuli area.

Resolutio. Quærantur axis, & asymptoti OD, OL; & a vertice A ducatur AR, parallela asymptoto DO; divisâque rectâ RL in partes æquales, sed, quoad fieri poterit, minores; ducantur parallelæ ST, HI, MN &c. Rectangula $OS \times ST$, $OH \times HI$, $OM \times MN$ &c., singula sunt æqualia quadrato AR (n. 393.); quare, si valor quadrati AR dividatur per OS, habebitur valor ipsius ST. Similiter, si dividatur valor quadrati AR per OH, habebitur valor HI &c.

Inventis itaque valoribus omnibus parallelarum ST, HI &c., spatiola ARST, TSHI &c. considerari poterunt, veluti totidem trapezoides; nam partes AT, TI, IN &c. ejusdem curvæ, cum sint minimæ, instar rectarum linearum considerari possunt. Quamobrem mensurentur trapezoides singulæ, quemadmodum docuimus in Elem.

Geom.; idest, accipiaturs semissis utriusque rectæ AR & TS; & harum semissium summa multiplicetur per altitudinem *ab*: productum erit va-



lor

lor trapezoidis ARST; idemque fiat de reliquis. Mensuretur præterea triangulum CGL, & triangulum ARO: horum omnium summa dabit valorem spatii OACL; quo duplicato, habebitur spatium DOLCAB. Denique mensuretur triangulum DOL; & ab ejus area auferatur valor inventus DOLCAB: residuum erit area hyperbolæ. Quod erat &c.


Aliter.

453. **H**Æc methodus maxime accedit ad justum valorem, qui quæritur. Quia vero multiplicem calculum postulat, variasque operationes, in quas proclive est errores irrepere, aliam simpliciorum methodum subjicio, & æque exactam.

Quærat parameter AR primi axis; & ab extremitate A excitetur perpendicularis AB; & ab altera extremitate B ducatur per R recta BV; tum secetur RV bifariam in T, per quod traducatur SG, parallela primo axi, & TX perpendicularis eidem. His positis,

Quadratum ordinatæ XQ æquatur abscissæ AX \times XT. Si vero XT, sive AS accipiat pro parametro parabolæ, cujus summitas sit in A; erit quoque XQ ordinata ad eandem parabolam; nam $\overline{XQ}^2 = AX \times AS$. Hyperbola itaque, & parabola sibi occurrunt in puncto Q.

Sin autem ordinata altera MN ducatur inter verticem, &



I N D E X.

P R O L E G O M E N A.

- Definitio I.* **G**enesis conii ex circumductu lineæ, a puncto in sublimi posito, in infinitum protensæ, circa perimetrum circularem, in plano diverso ab eodem puncto constitutam.
- Defin. II.* Quid sit conus rectus, scalenus, vertex, axis, basis, latus conii. num. 1.
- Scholion I.* Utrumque ad oppositas partes conum, ejusdem rectæ lineæ circumductu genitum, vocamus simpliciter conum. 2.
- Scholion II.* Qua de causa Antiqui circulo solo utantur in descriptione conii; licet pluribus aliis viis describi possit. 3.
- Scholion III.* Apolloniana genesis conii, Euclidæa multo universalior. 4.
- Coroll.* Sectio conii per verticem, & per axem. 10.
- Theor. I.* In quolibet cono, sive recto, sive scaleno, quævis sectio, basi parallela, erit circulus, cujus centrum in ipso occurfu axis cum eadem sectione. 12.
- Coroll.* Coni axis transit per centra omnium circularum, qui basi conii sunt paralleli, & conum secant. 13.
- Defin. III.* Quid sit sectio conii subcontraria. 15.
- Lemma.* Si in figura curvilinea perpendiculares ductæ ad aliquam rectam, ab eadem figura terminatam, ita eam dividant, ut quadrata perpendicularium æqualia sint reſtangulis segmentorum; hæc figura erit circulus. 16.
- Theor. II.* In cono scaleno alia quoque sectio, basi non parallela, quæ dicitur subcontraria, est circulus. 17.
- Theor. III.* Omnis linea, parallela rectæ perpendiculari ad basim trianguli per axem, occurrit ejus plano, ab eoque bifariam dividitur. 19.
- Theor. IV.* Si conus secetur per axem triangulo, & secetur præterea alio plano, cujus communis sectio cum base conii, perpendicularis sit ad basim trianguli; Dico, reſtam, a vertice hujus secundi plani ad basim ductam, hoc est, communem sectionem utriusque plani secantis, bifariam dividere lineas omnes, quæ in hoc secundo plano

plano ducuntur parallelæ eidem perpendiculari; in cono quidem recto bifariam, & perpendiculariter, in cono scaleno bifariam, sed non semper perpendiculariter. *num.* 20.
Defin. IV. Quid sit diameter, vertex, ordinata, axis, & abscissa.

Sectio, cujus diameter parallela est lateri trianguli per axem, dicitur parabola. 21.

Theor. V. In parabola quadrata ordinarum sunt interceptis diametris, seu abscissis proportionalia. 22.

Defin. V. Sectio, cujus diameter cum utroque latere trianguli per axem conveniat, & neque basi conici parallela sit, neque subcontrarie posita, ac proinde circulus non sit, vocabitur ellipsis. 24.

Theor. VI. In ellipsi quadrata ordinarum sunt inter se, uti rectangula, quæ sub correspondentibus diametri portionibus, ab utroque vertice sumptis, continentur. 25.

Defin. VI. Sectio, cujus diameter ita concurrat cum latere trianguli per axem, infra verticem conici, ut producta conveniat cum altero latere supra eundem verticem, dicitur hyperbola. 26.

Theor. VII. In hyperbola quadrata ordinarum sunt inter se, uti rectangula sub earum abscissis respective, & iisdem abscissis, auctis productione axis. 27.



PARS I.

DE PARABOLA.

De Axe Parabola.

Definitio I. Quid sit parabola. num. 28.

Defin. II. Quid sit latus rectum, seu parameter. 32.

Theor. I. In parabola, si habeatur tertia proportionalis cuicunque sagittæ, & ordinatæ ad axem; etiam reliquæ omnes ordinatæ, erunt mediæ proportionales inter suas sagittas, & eandem constantem rectam; hoc est, ordinatarum quadrata æqualia erunt rectangulis comprehensis sub sagittis, & eadem constanti linea; quæ proinde erit parameter axis. 35.

Coroll. I. Cum in omni parabola axis interceptus, ordinata, & parameter sint continue proportionalia; hinc, datis eorum duobus quibusvis, etiam reliquum magnitudine datur. 36.

Coroll. II. Ordinatum applicatæ, prout longius a vertice applicantur, semper augentur. 37.

Coroll. III. Omnis linea, parallela axi, in uno tantum puncto parabolam secat. 38.

Coroll. IV. Hinc litteralis expressio, & æquatio, quæ perfecte exprimit naturam parabolæ, relate ad axem. 39.

Coroll. V. Si a quovis puncto axis ducatur recta, reliquis ordinatis parallela; hæc occurret parabolæ in duobus punctis, utrinque æque distitis ab eodem axis puncto. 40.

Coroll. VI. Si per axis originem ducatur recta, ordinatis parallela; hæc erit tangens. Et vicissim. 41.

Coroll. VII. Omnes perpendiculares ad axem, utrinque terminatæ a parabola, bifariam secantur. 42.

Defin. III. Quid sint diameter, tangens, subtangens, normalis, & subnormalis curvæ parabolicæ. 43. & 44.

Theor. II. Linea abscindens in axe producto segmentum, sagittæ æquale, tangit parabolam. 45.

Theor. III. Et reciproce. 47.

De Diametris Parabolæ.

Diametrorum cum axe proprietates communes fanciuntur. num. 48. &c.

Theor. I. Si a quolibet puncto, sumpto in perimetro parabolæ, ducatur parallela axi, idest, diameter, quæ producta occurrat tangenti ductæ a vertice ejusdem axis, & rursum ab eodem puncto ducatur tangens altera, quæ occurrat axi producto; Dico, triangulum a duabus tangentibus, & axe comprehensum, æquari triangulo factò ab iisdem tangentibus, & diametro. 49.

Theor. II. Dato axe, & diametro, datisque eorum tangentibus, si a quovis puncto, sumpto in perimetro parabolæ, ducatur utrique tangenti parallela; Dico, triangulum factum ab hisce duabus parallelis, & axe, æquari rectangulo factò a tangente axis, ejusque parallelà, & intercepto ab axe, & diametro. 51.

Theor. III. Iisdem stantibus, Dico, triangulum alterum, factum a duabus tangenti cuilibet parallelis, & diametro, æquari parallelogrammo comprehenso ab una parallelarum, a diametro, ab axe, & a diametri tangente. 52.

Theor. IV. Si a puncto parabolæ ducatur recta, tangenti parallela; Dico,

I. eandem occurrere parabolæ in alio puncto;

II. Dico, eandem bifariam dividi a recta, quæ a puncto contactus ducatur, axi parallelà. 53.

Theor. V. Iisdem stantibus, quadrata ordinarum diametro, sunt inter se, uti abscissæ. 54.

Coroll. I. Hinc recta quælibet, axi parallela, quam vocavimus diametrum, easdem sibi vindicat affectiones, quas in definitione axis assumpsimus. 55.

Coroll. II. Hinc etiam omnia, quæ ex ordinarum proprietate, respectu axis, deducta sunt Theoremata, & Corollaria, traduci eadem possunt ad quamlibet diametrum. 56.

Theor. VI. A dato puncto in parabolæ perimetro, vel in ipsa diametro, ad datam diametrum ponere ordinatim applicatam.

Similiter datam lineam ad datam in parabola diametrum.

trum ordinatim ponere.

num. 57.

Coroll. Hinc per datum in parabolæ perimetro punctum tangens ducitur.

58.

Theor. VII. Omnium ordinatim applicatarum ad duas diametros, quarum altera est axis, illa ordinata minor est, quæ ad axem applicatur; modò distantia a puncto verticis, hoc est, sagittæ æquales fuerint.

59.

Theor. VIII. Si parabolam secent duæ quævis parallele, quarum diameter data sit; Dico, junctas rectas in eodem diametri puncto convenire. Et reciproce.

60.

Theor. IX. Si duas parallelas in parabola jungant duæ rectæ, quas secet altera parallela; Dico, hujus segmenta, a curva parabolica, & junctis lineis comprehensa, fore æqualia.

61.

De Parametro, seu Latere recto Parabolæ.

Probl. I. Latus rectum invenire, datæ in data parabola diametro conveniens.

62.

Theor. I. Latus rectum axis minimum est laterum rectorum, quæ ad reliquas diametros spectant.

63.

Theor. II. Si in data parabola sagitta sit æqualis lateri recto; etiam ejus ordinata æquabitur sagittæ. Et vicissim.

64.

Theor. III. Si ex vertice diametri cujuscvis agatur parallela ordinatis, ac proinde tangens parabolam, tum ducatur linea dividens bifariam angulum a tangente, & diametro comprehensum, occurrensque parabolæ in puncto, ex quo ordinata ad diametrum ponatur; Dico, abscissam æquari lateri recto.

65.

Lemma I. Si tangenti diametri a vertice axis ducatur parallela, quæ occurrat eidem diametro, & a puncto contactus applicetur ordinata ad axem; Dico, duas sagittas, axis, & diametri, esse inter se æquales.

66.

Lemma II. Si ex axis vertice ducatur quævis subtenfa, occurrens parabolæ in puncto, ex quo agatur ordinata ad eundem axem; Dico, quadratum subtenfæ æquari rectangulo, quod fit ex axis abscissa in summam ejusdem abscissæ, & parametri.

67.

Theor. IV. In omni parabola, cujuscunque diametri parameter

ter

ter superat parametrum axis quadrupla portione intercepta ab axis vertice, & ordinatim applicatà ab assumptæ diametri vertice. num. 68.

Coroll. I. Hinc rursus ostenditur, omnium parabolæ parametrorum minimam esse illam, quæ refertur ad axem. 69.

Coroll. II. Aliarum parametrorum illa semper minor est, quæ refertur ad diametrum axi propinquiorem. 70.

Coroll. III. Parametri earum diametrorum, quæ æqualiter hinc inde distant ab axe, sunt æquales. 71.

Theor. V. Differentia parametrorum, quæ ad duas qualvis diametros referuntur, æquatur portioni, quam ex diametro axi propinquiore, aufert perpendicularis, ad eam ducta ex vertice alterius remotioris. 72.

Theor. VI. Excelsus, quibus parametri diametrorum superant parametrum axis, sunt in duplicata ratione rectarum, quibus diametri distant ab axe. 73.

Probl. II. Datis axe parabolæ, ejusque parametro, invenire diametrum, quæ habeat parametrum datam. 74.

Probl. III. Datis diametro aliqua parabolæ, ejusque parametro, invenire diametrum aliam, quæ datam habeat parametrum. 75.

Probl. IV. Data parametro unius diametri, invenire parametrum cujusvis alterius diametri. 77.

Theor. VII. Si ab alternis verticibus duarum parabolæ diametrorum ducantur ad easdem ordinatæ; Dico, has ordinatas esse in subduplicata ratione suarum parametrorum. 79.

De Foco Parabolæ.

Defin. Quid sit focus parabolæ. 80.

Theor. I. Si a vertice axis demittatur subtensa, occurrens parabolæ in puncto, ex quo ducantur ad axem duæ rectæ, altera ad eundem ordinata, & altera normalis ad subtensam; Dico, portionem axis, ab hisce rectis interceptam, æquari lateri recto ejusdem axis. 81.

Theor. II. Si parabolam tangat recta quævis, occurrens axi producto, & ex puncto contactus ducantur ad axem duæ rectæ, quarum altera ad eundem sit ordinata, & altera normalis ad tangentem; Dico, subnormalem æquari dimidio lateris recti, seu parametri ejusdem axis. num. 83.

Theor.

Theor. III. Si parabolam tangat recta quævis, occurrens axi producto, & ex puncto contactus ducatur normalis ad tangentem, ac denique dividatur bifariam ea axis portio, quæ inter tangentem, & normalem existit; Dico, rectam, a puncto bisectionis, & parabolæ vertice interceptam, æqualem esse quartæ parti lateris recti. num. 84.

Coroll. Hinc inventio foci. 85.

Theor. IV. In eadem parabola, si fiat angulus ad contactum, æqualis angulo tangentis cum axe, determinatur focus. Et reciproce. 86.

Theor. V. In eadem parabola, si bifariam secetur ea tangentis portio, quæ inter punctum contactus, & axem existit, ac deinde a puncto bisectionis excitetur normalis, occurrens axi; Dico, lineam, a normali, & parabolæ vertice interceptam, æqualem esse quartæ parti lateris recti, & punctum occurfus ejusdem normalis cum axe, esse focus. 87.

Theor. VI. Si parabolam tangat recta quævis, demittaturque ex puncto contactus recta altera, parallela axi, quæ angulum cum tangente efficiat, cui æqualis fiat alter angulus ad contactum, per rectam occurrentem axi; Dico, hanc determinare in eodem axe quartam partem lateris recti, ac consequenter focus. Et reciproce. 88.

Probl. Datæ parabolæ focus exhibere. 89.

Coroll. I. Hinc omnes radii, axi paralleli, in superficiem parabolicam, & reflexivam incurrentes, reflectuntur in focus.

Coroll. II. Corpus luminosum, positum in puncto foci, radios reflexos remittit ad magnam distantiam. 90.

Theor. VII. Si ab axis vertice ducatur tangens, quæ conveniat cum alia cujuscvis diametri tangente; Dico, rectam, ductam ex foco ad punctum mutui occurfus harum tangentium, perpendicularem esse tangenti ejusdem diametri. 91.

Theor. VIII. Iisdem stantibus, recta conjungens punctum contactus cum foco, æqualis est axis portioni, quæ inter focus, & tangentem existit. 92.

Theor. IX. Iisdem stantibus, si a puncto contactus excitetur perpendicularis, occurrens axi, cui ducatur parallela ex eodem puncto; Dico

I. Per-

I. Perpendicularem dividere bifariam angulum contentum sub parallela, & rectâ, quæ conjungit punctum contactus cum foco.

II. Dico, rectam, a perpendiculari, & foco interceptam, æqualem esse portioni axis producti, quæ inter eundem focum, & tangentem existit. num. 93.

Theor. X. Iisdem stantibus, si a puncto occurfus perpendicularis cum axe, demittatur altera perpendicularis super rectam, quæ conjungit punctum contactus cum foco; Dico, abscissam portionem æqualem fore dimidio parametri, quæ refertur ad axem. 94.

Theor. XI. Si per focum ducatur recta, utrinque ad parabolam terminata; Dico, hanc æqualem esse parametro illius diametri, quæ eandem, velut suam ordinatam, agnoscit. 95.

De Directrice Parabola.

Defin. Quid sit directrix parabolæ. 96.

Lemma. In omni parabola, si ex puncto contactus demittatur ordinata ad axem, & ex foco ad idem punctum contactus ducatur recta; Dico, hanc æquari summæ, quæ componitur ex abscissa, & quarta parte lateris recti. 97.

Coroll. In omni parabola, si ex foco ad quodvis punctum, sumptum in perimetro, ducatur recta; Dico, hanc fore æqualem portioni axis producti, quæ intercipitur ab eadem ordinata, & directrice. 98.

Probl. I. Datis axe, & foco, parabolam in plano describere, ope directricis. 99.

Coroll. Hinc, datis axe, unâ cum vertice ejusdem, & parametro, describitur parabola. Atque hinc per regressum demonstrantur rursus primariæ affectiones parabolæ. 100.

Theor. I. Si a quovis parabolæ puncto ducatur tangens, conveniens cum axe, & ex puncto contactus demittatur ad eundem axem ordinata; Dico, portionem axis, interceptam a foco, & puncto occurfus ordinatæ, æquari portioni ejusdem axis producti, quæ intercipitur a tangente, & directrice. 101.

Theor. II. Iisdem manentibus, si eadem tangens occurrat directrici, & a puncto contactus erigatur perpendicularis,

- ris, conveniens cum axe; Dico, rectangulum, quod componitur ex ordinata in portionem directricis, ab axe, & tangente interceptam, æquari rectangulo subnormalis in rectam, quæ inter focum, & ordinatam existit. *num.* 102.
- Coroll.* Hinc etiam sequitur, rectangulum, quod fit ex ordinata in portionem directricis, ab axe, & tangente interceptam, æquari rectangulo, quod componitur ab illa producti axis portione, quæ intercipitur a directrice, & foco, in rectam, quæ inter eundem focum, & ordinatam existit. *103.*
- Theor. III.* Si a foco ducantur rectæ ad punctum contactus, & ad punctum alterum, ubi tangens intersecat directricem; rectus erit angulus, qui sub iis continetur. *104.*
- Theor. IV.* Si per focum ducatur recta, utrinque ad parabolam terminata, & in punctis occurfus contingant parabolam rectæ aliæ; Dico, tangentes istas super directrice sibi mutuo occurrere. *105.*
- Theor. V.* Si per focum ducatur recta, utrinque ad parabolam terminata, & actis tangentibus, sibi mutuo occurrentibus, jungatur punctum occurfus cum foco; Dico, junctam hanc esse perpendicularem rectæ illi, quæ ducta est per focum. *106.*
- Theor. VI.* Datis foco, & directrice, duci potest tangens ad quodlibet parabolæ datum punctum. *107.*

De Quadratura Parabolæ.

- Lemma I.* Si in parabola ad quamlibet diametrum applicetur ordinata, sitque alia quæcunque diameter terminata eadem lineâ; Dico, hanc illâ minorem esse. *108.*
- Probl. I.* Datæ parabolæ terminatæ maximum inscribere triangulum. *109.*
- Theor. I.* Parabolæ terminatæ maximum triangulum inscriptum, majus est dimidio ejusdem parabolæ. *110.*
- Theor. II.* Et quadruplum est triangulorum maximorum, quæ residuis parabolæ segmentis inscribuntur. *111.*
- Theor. III.* Tota triangulorum maximorum series, residuis segmentis in infinitum inscripta, æqualis est parabolæ. *112.*
- Lemma II.* Si detur series infinita quantitatum decrescen-
tium

- tium in ratione quadrupla; erit aggregatum omnium ad primum terminum, ut quatuor ad tria. *num.* 113.
- Theor. IV.* Parabola ad triangulum maximum inscriptum eam habet proportionem, quam 4. ad 3. 114.
- Coroll.* Hinc multiplex methodus eruitur, ac demonstratur metiendi parabolam terminatam, semiparabolam, & segmentum quodvis parabolicum. 115.
- Probl. II.* Dato segmento parabolico triangulum æquale construere. 116.
- Coroll.* Hinc patet, eadem praxi solvi Problema, quo petitur, datæ parabolæ triangulum æquale exhiberi. 117.
- Theor. V.* Parabolæ terminatæ eam inter se sortiuntur rationem, quam triangula maxima, illis inscripta. 118.
- Coroll.* Hinc, si duæ parabolæ habeant eandem, vel æqualem subtensam, erunt illæ inter se, ut altitudines. Et reciproce. 119.
- Theor. VI.* Triangulum mixtum, concavum parabolicum, duplum est convexi. 120.
- Theor. VII.* Si a duobus quibuscvis parabolæ punctis ducantur utcunque duæ rectæ, occurrentes sibi mutuo super diametro, ad quam agantur ordinatæ ex iisdem punctis; Dico, spatium parabolicum, ab hisce ordinatis comprehensum, quadruplum esse spatii, quod a reliquis lineis continetur. 121.
- Theor. VIII.* Si parabolam tangat linea quæcunque, conveniens cum duabus quibuscvis diametris, junganturque rectæ a puncto contactus ad punctum occursum diametro cum parabola; Dico, spatium concavum, a diametris, & tangente comprehensum, duplum esse convexi parabolici, quod ab iunctis lineis continetur. 122.

*De Proportionalitate Rectarum, & Rectangulorum
in Parabola.*

- Theor. I.* Si in parabola diameter intelligatur divisa ab ordinatis hac lege, ut abscissæ sint continue proportionales; Dico, easdem ordinatas esse in continua analogia. 123.
- Theor. II.* Si parabolam secent duæ quævis diametri, iunctisque diametrorum verticibus ponatur ad diametrum alter-

terutram ordinata, occurrens reliquæ diametro, & junctæ lineæ; Dico, eandem ordinatam secari in partes continue proportionales. num. 124.

Theor. III. Iisdem positis, quæ supra, Dico, rectangula sub segmentis ordinatæ, esse æqualia. 125.

Theor. IV. In parabola sint iterum duæ quævis diametri, & ad diametrum alterutram applicentur quidem ordinatæ, occurrentes reliquæ diametro, sive extra parabolam, sive intra; Dico, in utroque casu abscissas esse inter se, ut correspondentia rectangula sub segmentis ordinatarum. 126.

Lemma. Si in parabola æquidistant rectæ quævis, & ex punctis occurfus singularum cum eadem parabola, ducantur diametri ad rectas reliquas; Dico, harum rectarum partes, a diametris, & curvâ utrinque interceptas, esse æquales. 128.

Theor. V. Si parabolam secent diametri duæ æquales, & ex earum verticibus ducantur parallelæ, occurrentes utrinque perimetro parabolæ; Dico, rectangula sub harum segmentis, esse inter se æqualia. 129.

Theor. VI. Sint in parabola duæ quævis diametri, quas secent quæcunque parallelæ: Dico, abscissas esse inter se, ut correspondentia rectangula sub segmentis parallelarum. 130.

Theor. VII. Sint iterum in parabola duæ quævis diametri, quas secet recta quævis: Dico rursum, rectangula sub hujus segmentis, esse in eadem ratione diametrorum. 131.

Theor. VIII. Recta quævis, duas subtensas parallelas utcunque secans, efficit rectangula sub segmentis subtensarum, proportionalia rectangulis sub segmentis ejusdem rectæ secantis. 132.

Theor. IX. Parabolæ inscriptum sit triangulum, cujus duo latera secentur utcunque a duabus quibuscunque parallelis reliquo lateri: Dico, rectangula sub segmentis utriusque parallelæ, esse proportionalia. 133.

Theor. X. Si parabolæ diametrum secent ordinatæ quævis, ducaturque recta, easdem secans utcunque; Dico, rectangula sub segmentis, triplicatam habere rationem ordinatarum. 134.

Theor.

Theor. XI. Si parabolæ diametrum, tangat recta, quam secet diameter alia, ducta a puncto occurfus ordinatæ cuiusvis cum parabola, & ex quovis perimetri puncto ducatur altera ordinata, utrinque occurrens diametris, ad denique ducatur diameter, occurrens ordinatæ, & tangenti; Dico, parallelogramma descripta, esse continue proportionalia. num. 135.

*De Parabolæ Segmentis, & Figuris maximis,
eisdem inscriptis.*

Lemma. Si duas parallelas in parabola jungant duæ rectæ, & segmento alterutro inscribatur triangulum maximum, a cuius vertice ducatur altera parallela; Dico, hanc determinare similiter verticem trianguli maximi, quod segmento reliquo inscribi potest. Et reciproce. 136.

Probl. I. Auferre segmentum parabolæ, dato æquale. 137.

Probl. II. Ex dato in perimetro parabolæ puncto rectam ducere, quæ segmentum auferat æquale dato. 138.

Probl. III. Datis duabus parabolis, & utriusque axibus, & parametro, datoque unius segmento, auferre ex altera segmentum, quod ad datum segmentum sit in data ratione parametrorum. 139.

Probl. IV. Segmentum parabolæ construere, æquale segmento dato alterius. 140.

Theor. I. Si parabolæ segmento intelligantur inscripta duo triangula, ita quidem, ut triangulum unum sit maximum illorum, quæ eidem segmento inscribi possunt, alterum vero quodcunque; Dico, hujus residua segmenta simul sumpta, majora esse segmentis simul sumptis, trianguli maximi. 141.

Probl. V. & VI. Ab eadem parabola auferre tria segmenta æqualia. 142. & 143.

Probl. VII. A parabola auferre segmenta, quæ sint in triplicata ratione subtensarum. 145.

Probl. VIII. A parabola auferre segmenta, continue proportionalia. 146.

Probl. IX. & X. Datæ parabolæ terminatæ maximum inscribere parallelogrammum. 147. & 148.

Defin. Quid sit polygonum regulare. 149.

Probl.

Probl. XI. Datæ parabolæ terminatæ polygonum regulare inscribere, quod dato laterum numero constet, puta, quatuor. num. 150.

Theor. II. Iisdem positis, Dico, quadrilaterum illud esse maximum illorum, quæ parabolæ terminatæ inscribi possunt. 151.

Coroll. I. Quæ de quadrilatero regulari diximus, eadem de quotvis laterum polygono regulari intelligenda sunt. 152.

Coroll. II. Atque hinc, ut datæ parabolæ terminatæ polygonum inscribatur maximum eorum, quæ dato numero laterum inscribi possunt; satis erit polygonum regulare inscribere. 153.

Descriptiones variæ, & Geneses Parabola.

Probl. I. Dato parametro exhibere illius parabolam. 154.

Probl. II. A vertice dati anguli, intra ejusdem latera parabolam describere. 155.

Probl. III. Datis rectâ lineâ pro diametro futuræ parabolæ, ejusque vertice, & angulo, quem applicatæ efficere debeant, & parametro, parabolam per plura puncta describere. 156.

Probl. IV. Circa datam parallelogrammi diametrum parabolam describere, cujus vertex sit in dato angulo. 157.

Probl. V. Dato vertice parabolæ, ejusque parametro, parabolam describere. 158.

Probl. VI. Datâ rectâ lineâ pro axe futuræ parabolæ, dataque parametro, parabolam describere. 159.

Coroll. I. Parabolam continuare, & in infinitum producere. 160.

Coroll. II. Determinare puncta, quæ pertinent ad parabolam. 161.

Probl. VII. Circa propositum triangulum parabolam describere, quæ a dato vertice transeat per datum punctum. 162.

Probl. VIII. IX. & X. Circa datam parabolam alias in infinitum, diversa ratione describere. 163. &c.

Probl. XI. Datis rectis, se mutuo decussantibus, invenire parabolam, cujus diameter sit data. 166.

Z

Probl.

Probl. XII. Datis tribus punctis, non in directum positis, & rectâ, quæ per aliquod ex datis punctis transeat, parabolam describere per eadem puncta, cujus aliqua diameter sit data recta. num. 167.

De Parabolis similibus, parallelis, equalibus, asymptoticis, & superiorum generum.

Definitio I. Quid sint parabolæ similes. 167.

Probl. I. Datâ parabolâ, super data pariter basi quacunque describere parabolam alteram, datæ similem. 168.

Coroll. I. Omnes parabolæ sunt inter se similes. 169.

Coroll. II. Si in parabolâ inscripta fuerit figura quævis rectilinea; etiam in altera simili parabola inscribi semper poterit figura similis. 170.

Coroll. III. Similia quoque sunt duo parabolarum segmenta, quorum bases sint proportionales suis diametris interceptis. 171.

Coroll. IV. Parabolæ similes, sunt inter se, uti quadrata suarum basium, seu altitudinum, seu parametrarum, seu laterum homologorum figurarum, quæ ipsis parabolis sint inscriptæ. 172.

Probl. II. Datâ parabolâ, super æqualem basem construere parabolam alteram, quæ sit in data ratione. 173.

Coroll. Hinc parabolæ, quæ bases æquales habent, sunt inter se, uti earum altitudines; & reciproce; illæ vero, quarum bases, & altitudines sunt inæquales, habent inter se rationem compositam basium, & altitudinum; denique illæ, quæ, quamvis habeant bases, & altitudines inæquales, nihilo tamen minus sunt æquales, bases habent in ratione reciproca altitudinum. 174.

Probl. III. Super data basi parabolam construere, quæ sit ad datam parabolam in data ratione. 175.

Defin. II. Quid sint parabolæ parallelæ, & æquales. 176.

Theor. I. In data parabola, si demittantur æquales diametri; Dico, puncta extrema harum diametrorum esse ad parabolam alteram, datæ æqualem. 177.

Theor. II. Iisdem positis, Dico, parabolâ illâ nusquam concurrere.

Defin.

Defin. III. Quid sint parabolæ asymptoticæ. num. 178.

Theor. III. In data parabola applicetur ad axem ordinata, cui parallelæ quævis ducantur, ab eadem parabola terminatæ, quæ ita secantur, ut rectangula sub segmentis, æqualia sint quadrato ejusdem ordinatæ: Dico, puncta sectionum esse ad parabolam, datæ æqualem. 179.

Theor. IV. Iisdem positis, Dico, parabolæ illas, in infinitum productas, magis semper in infinitum accedere, nusquam tamen concurrere. 180.

Probl. IV. Datæ parabolæ parallelam, seu asymptoticam describere.

Defin. IV. Quid sint parabolæ secundi generis, tertii &c. 181.

Probl. V. Describere parabolam secundi generis, tertii &c. 182.

Probl. VI. Invenire parametrum parabolæ secundi generis, tertii &c. 183.



PARS II.

DE ELLIPSI.

Definitio. **Q**uid sit ellipsis. num. 184.
 Quid inter sit circulum inter, & ellip-
 sium. 185. & 186.

Coroll. I. Hinc in ellipsi axis unus altero major. 187.

Coroll. II. & III. In omni ellipsi ordinatim applicatæ ad axem, habent eandem rationem ad ordinatim applicatas ad diametrum circuli, circa eundem axem descripti, sibi respondentes. 188

Coroll. IV. Tota ellipsis ad circulum descriptum circa majorem axem, vel circa minorem, est, in primo casu, ut minor axis ad majorem, in secundo, ut major axis ad minorem. 189.

Coroll. V. Ordinatæ, æqualiter distitæ a verticibus axis, sunt æquales. 190.

Probl. I. Super data quavis recta, tanquam axe, ellipsim per plura puncta describere. 191.

Probl. II. Super datis duabus rectis inæqualibus, tanquam axibus, ellipsim per plura puncta describere. 192.

De utroque Axe Ellipseos.

Definitio. Quid sint axis major, & minor, & axes conjugati, & singulorum parameter, & foci ellipseos. 193.

Theor. I. Quadratum cujuslibet ordinatæ ad majorem axem, se habet ad rectangulum respectivum sub segmentis axis, uti quadratum minoris axis ad quadratum majoris; 194.

Theor. II. Vel, ut parameter majoris axis ad eundem axem. 195.

Theor. III. Quadratum ordinatæ ad majorem axem, minus est rectangulo abscissæ in parametrum ejusdem axis. 196.

Monitum. Quo fine ab antiquis Geometris inventa sit parameter. 197.

Theor. IV. Quadratum semisseos minoris axis æquatur rectangulo partium inæqualium majoris axis, secti ab alterutro focorum. 198.

Theor.

Theor. V. Quadratum cujuslibet ordinatæ ad minorem axem, se habet ad rectangulum sub segmentis, uti quadratum majoris axis est ad quadratum minoris. *num. 200.*

Coroll. I. Hinc quadrata ordinarum ad minorem axem, sunt inter se, uti rectangula sub segmentis; & utrique axi conjugato eadem primaria proprietas convenit. 201.

Coroll. II. Atque hinc æquatio generalis, more analytico deducta, quæ naturam ellipseos perfecte exprimat, respectu suorum axium. 202.

Coroll. III. Si intra ellipsim recta parallela uni axi, secet alterum axem in quovis puncto; hæc occurret ellipsi in duobus punctis, æque utrinque semper distantibus a puncto sectionis axis. 203.

Coroll. IV. Omnis ordinata axi, quæ magis a centro distat, eò magis decrescit, donec evanescat in vertice axis. 204.

Coroll. V. Ordinatæ, æqualiter a centro distatæ, sunt æquales. Hinc, si quævis recta, terminata ab ellipsi, secta sit bifariam ab uno axe, eadem parallela erit alteri axi. 205.

Coroll. VI. Ellipsis ab alterutro axe bifariam dividitur, & quadrifariam ab axibus conjugatis. 206.

De Focis Ellipseos.

Theor. I. Ex dato in ellipsis perimetro puncto tangentem ducere. 207.

Theor. II. In utroque axe, utrinque producto ad occursum tangentis, continue proportionales sunt distantia ordinatæ a centro, semiaxis, & distantia tangentis ab eodem centro. 208.

Coroll. Si a puncto contactus ducatur ordinata ad alterutrum axem; erit quadrato semiaxis æquale rectangulum sub distantia ordinatæ a centro, & sub semiaxe producto ad occursum tangentis. 209.

Theor. III. In axe majore, producto ad occursum tangentis; si a puncto contactus ducatur ad eundem ordinata; Dico, segmentum majus ejusdem axis esse ad segmentum minus, ut axis productus, ad portionem, quæ producitur. 210.

Monitum. Apollonii methodus in focis inveniendis.

Quid sit figura, & quarta pars ejusdem, in sensu Apollonii, & Veterum.

Recentiorum methodus in determinandis focis. n. 211.

Theor. IV. Rectangulum partium inæqualium majoris axis, secti ab alterutro focorum, æquatur quadrato semisseos minoris axis, hoc est, quartæ parti figuræ. 212.

Coroll. Distantia focorum a centro utrinque æqualis est. 213.

Theor. V. Si super axe majore, tanquam diametro, describatur circulus, & per extremitatem minoris axis ducatur tangens, quæ circulo occurrat in puncto, a quo demittatur perpendicularis in axem majorem; rectangulum sub hujus segmentis, æquale erit quartæ parti figuræ; atque hinc inventio foci. 214.

Theor. VI. Rectangulum sub duabus tangentibus, ab utraque extremitate axis ductis, & ab altera quavis tangente interceptis, æquatur rectangulo sub ordinata a puncto contactus ejusdem, & sub semiaxe conjugato, ad eandem tangentem producto. 215.

Coroll. Rectangulum sub duabus tangentibus, ab utraque extremitate axis ductis, æquatur quadrato dimidii axis minoris, seu quartæ parti figuræ. 216.

Theor. VII. Si ab extremitatibus axis ducantur duæ tangentes, & ab alio quovis puncto tangens altera utrinque conveniat cum duabus reliquis, tum ex focis ducantur rectæ ad puncta occursum; anguli in utroque foco erunt recti. 217.

Theor. VIII. Iisdem stantibus, si ex puncto intersectionis harum rectarum ad contactum ducatur recta; hæc erit tangenti normalis. 218.

Theor. IX. Iisdem stantibus, si a focis ad contactum ducantur rectæ; hæc cum tangente æquales angulos comprehendent. 219.

Coroll. Si corpus luminosum statuatur in uno foco speculi elliptici; reflexio fiet in alium focum. 220.

Theor. X. Stante, ut prius, eadem trium tangentium constructione, si ab alterutro foco erigatur linea, quæ normaliter tangenti occurrat, & a puncto hujus occursum ducantur rectæ ad utrumque axis verticem; hæc comprehendent angulum rectum. 221.

Theor. XI. Manente, ut supra, eadem constructione, si ex foco ad punctum contactus ducatur recta, cui parallela sit

- lit altera ex centro ducta, & a tangente terminata; hæc erit æqualis semiaxi majori. Et reciproce. *num.* 222.
- Theor. XII.* Si ex focus ellipseos inflectantur duæ rectæ, convenientes in quodam puncto perimetri; hæc simul sumptæ, æquantur axi majori. 223.
- Coroll. I.* Hinc vulgaris methodus describendæ ellipse per motum continuum. 224.
- Coroll. II.* Si duo foci ita mutuo accedant, ut coalescant in ipso centro; ellipsis desinet in circulum. 225.
- Coroll. III.* In ellipsi triangulorum isoperimetrorum maximum est isosceles. 226.
- Coroll. IV.* Aliter tangentem ducere ex dato quovis puncto in ellipse perimetro. 227.
- Coroll. V.* Atque hinc rursus ostenditur æqualitas angulorum incidentiæ, & reflexionis. 228.
- Probl.* A focus ellipseos duas rectas inclinare ad idem punctum perimetri, quæ datam contineant rationem. Debet autem data ratio intra certos limites constitui. 229.

De Diametris Ellipsis.

- Theor. I.* Datis majore axe, & diametro, & utriusque tangentibus, quæ se se invicem secant, & terminentur, altera ab axe, altera a diametro, ulterius productis; Dico, triangulum, factum a duabus tangentibus, & axe, æquari triangulo, factum a duabus tangentibus, & diametro. 230.
- Corollaria.* Hinc aliæ triangulorum, & trapeziorum æqualitates deducuntur. 231. 233. & 234.
- Hinc quæcunque diameter bifariam secatur a centro ellipseos. 232.
- Theor. II.* Stante eadem constructione, si a quovis puncto, sumpto in perimetro ellipseos, ducantur parallelæ tangentibus; Dico, triangulum, factum ab hisce parallelis, & axe, æquari quadrilatero, factum a tangente ejusdem axis, eique parallelâ, interceptâ ab axe, & diametro. 235.
- Multiplices hujus Theorematis casus recensentur, & demonstrantur. 236. &c.
- Theor. III.* Stantibus iisdem, ut supra, nimirum, axe, diametro, tangentibus, & parallelis; Dico, triangulum, factum

Etum a duabus parallelis, & diametro, æquari quadrilatero, facto a tangente hujus diametri, ejusque parallelâ, interceptâ ab axe, & diametro.

Casus Theorematis omnes exponuntur. *num. 241. &c.*

Coroll. Omnis recta linea, quæ intra ellipſim ducitur, parallela tangenti cujuſvis diametri, bifariam ſecatur ab eadem diametro, cui proinde ordinata eſt. 250.

Defin. Quid ſint diametri conjugatæ. 251.

Theor. IV. Quadratum ordinatim applicatæ ad diametrum quamlibet, eſt ad rectangulum ſub ſegmentis; uti quadratum alterius conjugatæ eſt ad quadratum primæ diametri. 252.

Coroll. I. In ellipſi quadrata applicatarum ad quancunque diametrum, ſunt inter ſe, uti rectangula ſub ſegmentis diametri. 253.

Coroll. II. Diameter ellipſis eſt recta quælibet, per centrum ducta, & utrinque ad ellipſim terminata. 254.

Coroll. III. Præter eas rectas, quæ tranſeunt per centrum, nulla alia recta linea poteſt eſſe ellipſis diameter. 255.

Coroll. IV. Omnia, quæ ex primaria ellipſeos proprietate, reſpectu axium, deducuntur Theoremata, traduci jam poſſunt ad duas quaſcunque diametros conjugatas. 256.

Coroll. V. Hinc ſequitur

I. Quodlibet perimetri punctum, alicujus diametri verticem eſſe;

II. Quamlibet rectam, per aliquod intra ellipſim punctum ductam, alicui diametro ordinatim applicatam eſſe;

III. Diametrum unam non poſſe parallelam eſſe ordinatis alterius conjugatæ, niſi & iſta viciffim ſit parallela ordinatis illius. 257.

Theor. V. Quælibet ellipſis diameter non alias rectas, utrinque ad curvam terminatas, dividit bifariam, quàm, quæ vel tranſeunt per centrum, vel ordinatim ad ipſam diametrum applicantur. 258.

Coroll. I. Si aliqua ellipſis diameter biſecet rectam, non tranſeuntem per centrum, & utrinque terminatam ad ellipſim; hæc erit ordinata ejusdem diametri. 259.

Coroll. II. Si recta biſariam ſecet duas parallelas, utrinque ad ellipſim terminatas; illa erit diameter. 260.

Coroll.

- Coroll. III.* Ellipseos diametrum invenire. *num.* 261.
Coroll. IV. Ellipseos centrum invenire. 262.
Coroll. V. Ellipseos diametrum invenire, quæ per datum punctum transeat. 263.
Coroll. VI. Data inscripta qualibet, diametrum invenire, cui illa sit ordinata. 264.
Coroll. VII. Datæ ellipseos ordinatim applicatas positione invenire, quæ datæ diametro conveniunt. 265.
Theor. VI. Si diameter aliqua bisecet subtenfam, ductam a vertice diametri alterius, ad quam demittatur ordinata ab alterno vertice, eique parallela per punctum bisectionis; erunt in proportionem continua semidiameter, distantia ordinatæ a centro, & distantia parallelæ ab eodem centro. 266.
Theor. VII. Ordinatæ, quæ ad duas quascunque diametros ab alternis earum verticibus ducuntur, dividunt ipsas diametros in eadem ratione. 267.
Probl. In qualibet ellipsi positionem ordinarum cujuscunque diametri definire. 268.

*De mutua Diametrorum Ellipseos inter se,
 & cum Axibus comparatione.*

- Theor. I.* Si super axe minore, tanquam diametro, describatur circulus; ellipsis tota erit extra hunc circulum, quem tanget in extremitatibus ejusdem axis. 269.
Coroll. Si circa utrumque axem describantur duo circuli; ellipsis tota erit inter duas circumferentias. 270.
Theor. II. Iisdem stantibus, si a centro ellipsis describantur aliæ circulorum circumferentiæ concentricæ, quæ transeant per differentiam duorum axium; Dico, quamlibet circumferentiam secare ellipsim in quatuor punctis, utrinque æque distitis ab extremitatibus duorum axium. 271.
Coroll. I. Intra quadrantem ellipsis diametri omnes sunt inæquales.
 II. Diameter omnium minima est axis minor; maxima est axis major.
 III. Reliquæ ed majores sunt axe minore, quod magis ab eodem recedunt.

IV.

- IV. Diametri, æqualiter ab axibus remotæ, sunt æquales. num. 272.
- Lemma.* Conjugatæ diametri per ordinatas super iis ductas ex verticibus aliarum, dividuntur in eadem ratione. 274.
- Defin. I.* Quid sit conjugatio diametrorum. 275.
- Theor. III.* Si a verticibus unius conjugationis diametrorum ducantur ordinatæ ad duas diametros alterius conjugationis; quadratum cujuslibet ordinatæ erit æquale rectangulo sub segmentis alterius conjugatæ. 276.
- Theor. IV.* Axium quadrata, simul sumpta, æqualia sunt quadratis cujuscunque conjugationis diametrorum, simul sumptis. 277.
- Theor. V.* Iisdem stantibus, dum diametri minuuntur in recessu ab axe majore, vicissim conjugatæ ipsarum augentur. 278.
- Coroll. I.* Axis major ad minorem habet majorem rationem, quàm diameter quævis alia ad suam conjugatam. 279.
- Coroll. II.* Diameter quælibet, axi majori propinquior, majorem habet rationem ad suam conjugatam, quàm diameter altera, ab eodem illo axe remotior, ad suam conjugatam. 280.
- Defin. II.* Quid sit locus geometricus. 281.
- Probl.* Locus omnium diametrorum ellipsis exhiberi potest per dati cujusdam circuli portionem. 282.
- Theor. VI.* Rectangulum ex binis ellipseos diametris conjugatis, ed majus evadit, quod magis ipsæ diametri ad æqualitatem accedunt; & maximum est, ubi omnino inter se sunt æquales. 283.
- Theor. VII.* Iisdem stantibus, summa ex binis diametris conjugatis, ed major evadit, quod magis ipsæ diametri ad æqualitatem accedunt; & maxima est, ubi omnino inter se sunt æquales. 284.
- Theor. VIII.* In qualibet ellipsi dantur binæ diametri conjugatæ, æquales inter se; ad quas, quod magis accedunt binæ aliæ conjugatæ, ed minus a se mutuo differunt. 285.

*De Parametris Diametrorum Ellipsis,
inter se mutuo comparatis.*

Theor. I. Duæ ellipsis diametri conjugatæ, continue proportionales sunt cum suis parametris, ubi inverso ordine inter illas collocentur. num. 286.

Coroll. Duæ conjugatæ diametri æquales, habent etiam parametros æquales, tam inter se, quam cum diametris suis. Et vicissim, si diametri sint inæquales. . . .

Si inæquales fuerint diametri conjugatæ; summa parametrorum major est summa diametrorum. 287.

Lemma. In ellipsi quadratum diametri cujuslibet, unà cum ejus figurà, quæ inde oritur, eandem ubique summam constituit. 289.

Theor. II. Duæ quælibet ellipsis diametri, etiam non conjugatæ, sunt reciproce proportionales summis laterum suarum figurarum. 290.

Theor. III. Iisdem manentibus, ex duabus quibusvis diametris ellipsis, illa, quæ minor est, majorem parametrum habet. 291.

Coroll. I. Omnium parametrorum minima est illa, quæ refertur ad axem majorem; maxima, quæ refertur ad axem minorem. 292.

Coroll. II. Diametri parameter continuo augetur, maximumque incrementum subit in ipso axe minore. 293.

Coroll. III. Parameter minor est diametro, ad quam refertur, ab axe majore usque ad eum locum, in quo parameter æquat diametrum suam; est verò major, ab eo loco usque ad axem minorem. 294.

Probl. Definire locum geometricum, ad quem terminantur parametri omnium diametrorum ellipsis. 295.

Coroll. Hinc rursus demonstrantur Theoremata omnia, quæ in comparatione parametrorum ellipsis locum habent. 296.

De Tangentibus Ellipseos.

Theor. I. Si a vertice cujusvis diametri ducatur tangens, quæ occurrat alteri diametro productæ, & ab eodem vertice ducatur ordinata; erunt in proportionem continuam secans, semidiameter, & distantia ordinatæ a centro. 297.

Theor. II. Et reciproce. num. 298.

Coroll. I. Hinc, datis duabus diametris, earumque tangentibus, quæ se interfecent, & vicissim terminentur ab opposita diametro, si ducantur a punctis contactuum ordinatæ; erunt utrinque in proportionem continuam secans, semidiameter, & distantia ordinatæ a centro. 299.

Coroll. II. Hinc omnes æqualitates figurarum, superius demonstratæ, respectu diametri, & axis, locum habent in duabus diametris. 300.

Theor. III. Si a vertice diametri ducatur tangens, quæ occurrat alteri diametro productæ, ad quam ducatur ordinata ab eodem puncto contactus; erit rectangulum sub segmentis hujus diametri, æquale rectangulo sub segmentis secantis, interceptæ a centro, & puncto occursus.

Et reciproce. 301.

Theor. IV. Dux tangentes, sibi mutuè occurrentes, & terminatæ a diametris oppositis, se se mutuè secant in eadem ratione. 302.

Theor. V. Iisdem stantibus, ut in præcedenti constructione; eædem tangentes eandem cum ordinatis rationem habent. 303.

De Axibus, Diametris, ac Parametris Ellipseos inveniendis.

Probl. I. Data ellipsi, invenire suos axes, suos focos, & parametros axium. 304.

Probl. II. Datis axibus, invenire duas diametros conjugatas, quæ datam habeant rationem inter se. 305.

Probl. III. Datis axibus, invenire duas diametros conjugatas, quæ datum rectangulum contineant. 306.

Probl. IV. Datis axibus, invenire duas diametros conjugatas, quæ datam summam conficiant. 307.

Probl.

Probl. V. Datis axibus, invenire diametrum, quæ datam habeat parametrum. num. 308.

Probl. VI. Datis axibus, invenire diametrum, quæ ad suam parametrum habeat datam rationem. 309.

De Secantibus Ellipseos.

Theor. I. Si rectæ, sibi mutuo occurrentes, sint binæ diametri; erit rectangulum sub segmentis unius, ad rectangulum sub segmentis alterius, in duplicata ratione ipsarum diametrorum. 310.

Theor. II. Si ex rectis, sibi mutuo occurrentibus, una quidem sit diameter, & altera sit ejus ordinata; rectangulum sub segmentis prioris rectæ, ad rectangulum sub segmentis alterius, erit in duplicata ratione ejus, quam habet diameter ad suam conjugatam. 311.

Theor. III. Si rectæ, sibi mutuo occurrentes, sint ordinatæ, quæ ad duas diametros conjugatas referantur; rectangulum sub segmentis unius, ad rectangulum sub segmentis alterius, erit in duplicata ratione reciproca suarum diametrorum. 312.

Theor. IV. Si ex duabus rectis, sibi mutuo occurrentibus, una sit diameter, & altera sit ordinata alterius diametri; rectangulum sub segmentis illius, ad rectangulum sub segmentis hujus, erit, ut quadratum prioris diametri, ad quadratum conjugatæ alterius diametri. 313.

Theor. V. Si duæ rectæ, sibi mutuo occurrentes, sint ordinatæ duarum diametrorum, quæ inter se nequaquam sint conjugatæ; rectangula contenta sub segmentis ipsarum, erunt, ut quadrata, quæ sunt ex conjugatis earum diametrorum. 314.

De Sectoribus, & Segmentis Ellipseos.

Lemma. Si duas parallelas in ellipsi jungant duæ rectæ, quas secet alia parallela; hujus sagittæ æquales erunt. 315.

Theor. I. In omni segmento maximum triangulum habet verticem in diametro dividente bifariam basim illius. Et tam segmentum, quam triangulum bifariam ab eadem diame-

diametro dividitur.

num. 316.

Theor. II. In ellipsi lineæ conjungentes parallelas, abscindunt segmenta æqualia. Et vicissim. 317.

Theor. III. Recta linea, sectores æquales, hinc inde a diametro sumptos, conjungens, est tangenti parallela. 318.

Probl. Ex dato puncto rectam ducere, quæ auferat segmentum æquale dato. 319.

Theor. IV. Diametri duæ conjugatæ ellipsim quadrifariam dividunt. Et reciproce. 320.

Theor. V. Sectores ad verticem oppositi, sunt æquales. 321.

Theor. VI. Diametri proportionaliter secantur a lineis auferentibus segmenta æqualia. 322.

De Ellipsis similibus, earumque Segmentis.

Probl. I. Super data recta ellipsim describere, similem alteri datæ. 323.

Coroll. Si minores axes sint proportionales majoribus, ellipses erunt similes. 324.

Theor. I. Si duæ diametri secantur proportionaliter; ordinatæ, per puncta sectionum ductæ, abscident segmenta proportionalia. 325.

Theor. II. Si duorum segmentorum proportionalium bases fuerint æquales; segmenta erunt inter se, uti eorum altitudines. 326.

Coroll. I. Si duorum proportionalium segmentorum altitudines sint æquales; erunt hæc segmenta, uti bases. 327.

Coroll. II. Et, si altitudines sint basibus reciproce; segmenta erunt æqualia. 328.

De Mensura Ellipseos.

Probl. I. Ellipsim metiri. 329.

Coroll. I. Ellipsis est media proportionalis inter duos circulos, super ejusdem axibus descriptos. 330.

Coroll. II. Ellipsim metiri, ope circuli inscripti. 331.

Probl. II. Metiri segmentum ellipseos. 332.

Probl. III. Metiri sectorem ellipseos. 333.

PARS

PARS III.

DE HYPERBOLA.

Definitio. **Q**uid sit hyperbola. num. 334.

De Axibus Conjugatis Hyperbolæ.

Probl. Datis duabus rectis, hyperbolam describere. 335.

Defin. Quid sint axis primus, & secundus, axes conjugati, parameter, centrum, diameter, abscissæ, & foci hyperbolarum oppositarum. 336.

Theor. I. Quadratum semisseos secundi axis, æquatur rectangulo sub abscissa, & lineâ compositâ ex primo axe, & eâdem abscissâ. 337.

Lemma I. In omni triangulo rectangulo factum ex summa hypotenusæ, & lateris cujusvis alterius per differentiam eorundem, æquatur quadrato reliqui lateris. 338.

Lemma II. Si ab alterutro focorum, intervallo majori, quàm sit distantia ejusdem foci a vertice hyperbolæ oppositæ, describatur arcus, & ab altero foco, intervallo eodem, minùs axe, describatur alter arcus, qui priorem secet in puncto, a quo ducatur ordinata ad axem productum; Dico, semiaxem esse ad lineam compositam ex abscissa, & axe, ut idem axis, productus ad focum, est ad distantiam, quæ inter ordinatam, & focum hyperbolæ oppositæ existit, unâ cum recta, quæ conjungit eundem focum cum puncto contactus ordinatæ. 339.

Lemma III. Iisdem stantibus, Dico, semiaxem esse ad abscissam, ut distantia verticis hyperbolæ a foco, est ad distantiam, quæ conjungit punctum contactus ordinatæ cum foco hyperbolæ oppositæ, dempto intervallo, quod inter ordinatam, & eundem focum existit. 340.

Theor. II. Manente eadem constructione Lemmatis II., determinatur quodvis punctum hyperbolæ. 341.

Coroll. I. Quadratum cujusvis ordinatim applicatæ primo axi, est ad rectangulum correspondens, uti quadratum secundi axis ad quadratum primi. 342.

Co-

Coroll. II. Quadratum semisseos secundi axis est medium proportionale inter quadratum ordinatæ ad focum, & quadratum semisseos primi axis. num. 343.

Theor. III. Determinare ordinatam, æqualem semissi secundi axis. 344.

Theor. IV. Si quadratum semisseos secundi axis, ducatur in quadratum abscissæ cujuslibet, a centro sumptæ, & productum dividatur per quadratum semisseos primi axis, & a quo subducatur quadratum semisseos secundi; Dico, huic differentiæ æquari quadratum ordinatæ ad primum axem. 345.

Coroll. I. Hinc formula generalis analytica, quæ naturam hyperbolæ perfecte exprimit, & æque convenit omnibus punctis hyperbolarum oppositarum, quorum positionem determinat, respectu duorum axium. 347.

Coroll. II. Si a quovis puncto primis axis, producti intra hyperbolam, ducatur parallela axi conjugato; hæc occurret hyperbolæ in duobus punctis, utrinque æque distantis ab eodem puncto primi axis. 348.

Coroll. III. Hinc etiam consequitur, ordinatim applicatas, a vertice inchoando, perpetuo crescere; & hyperbolæ axem transversum, nonnisi in unico verticis puncto, eidem hyperbolæ occurrere. Ac denique, si per utramque primi axis extremitatem ducantur parallela axi secundo, patet easdem fore tangentes in iisdem punctis. 349.

Theor. V. Quadratum ordinatæ ad axem primum, majus est rectangulo parametri ejusdem axis, in abscissam. 350.

Theor. VI. Quadratum ordinatæ ad axem secundum, ita se habet ad summam quadratorum abscissæ a centro, & semisseos secundi axis, uti quadratum primi axis ad quadratum secundi. 351.

Coroll. Atque hinc rursus deducitur formula generalis, quæ convenit æque omnibus punctis hyperbolarum oppositarum, etiam respectu axis secundi. 352. &c.

De Diametris Hyperbolæ.

Theor. I. Omnis recta, per centrum ducta, quæ uni hyperbolarum oppositarum occurrit, debet etiam cum altera convenire; Et utrinque ad hyperbolas oppositas terminata,

nata, bifariam in eodem centro dividitur. *num.* 356.

Theor. II. Si recta, per centrum ducta, & utrinque ad hyperbolas oppositas terminata, bifecet subtensam, pertinentem ad verticem axis, demissaque ad eundem axem ordinata, huic per punctum bisectionis parallela ducatur; continue proportionales erunt semiaxis, distantia ordinatæ a centro, & distantia parallelæ ab eodem centro.

357.

Theor. III. In perimetro hyperbolæ, si a verticibus duarum quarumvis diametrorum ducantur rectæ, earundem ordinatis parallelæ, & ab ipsis diametris terminatæ; Dico, triangulum, comprehensum a tangente unius diametri, & ordinatâ diametri alterius, ejusque parte interceptâ, æquale esse trapezio, quod componitur ex eadem ordinata, ejusque parallelâ, & partibus interceptis utriusque diametri.

358.

Theor. IV. Posita eadem constructione, Dico, triangulum, a tangente reliquæ diametri, & ordinatâ diametri alterius, ejusque parte interceptâ comprehensum, æquale itidem esse correspondenti trapezio, quod componitur ex eadem ordinata, ejusque parallelâ, & partibus interceptis utriusque diametri.

359.

Theor. V. Iisdem stantibus, si in perimetro hyperbolæ capiatur punctum quodvis aliud, ex quo ducantur ad alterutram diametrum duæ rectæ, utriusque diametri ordinatis parallelæ; Dico, triangulum, ab iisdem rectis, & parte intercepta diametri comprehensum, æquale esse correspondenti trapezio, quod fit ex tangente ejusdem diametri, ejusque parallelâ, & partibus interceptis utriusque diametri.

360.

Theor. VI. Iisdem stantibus, si eadem rectæ producantur ad diametrum alteram; Dico, similiter constructum iri triangulum, æquale correspondenti trapezio.

361.

Theor. VII. Si recta quævis, ducta per centrum, & ad hyperbolas oppositas terminata, & ulterius producta, bifecet subtensam, ductam a vertice axis; Dico, eandem secare quoque bifariam quamvis aliam rectam, quæ ipsi subtensæ parallela, utrinque ad unam hyperbolarum terminetur.

362.

A A

Theor.

Theor. VIII. Manentibus omnibus, ut supra, Dico, quadrata ordinarum esse inter se, uti rectangula correspondentia. num. 363.

Theor. IX. Omnis recta, quæ intra unam hyperbolarum ducitur, parallela subtensæ, ductæ a vertice axis, utrinque ad eandem hyperbolam terminatur. 364.

Coroll. I. Hinc omnis recta, ducta per centrum, & utrinque ad hyperbolas oppositas terminata, est diameter ipsarum. 365.

Coroll. II. Hinc omnes illæ proprietates, quæ hyperbolæ competunt, respectu axis, ex eodem Theoremate traducuntur ad aliam quamvis diametrum ejusdem hyperbolæ. 366.

Coroll. III. Hinc Theorema illud fundamentale, quod demonstratum est, respectu axis, simili ratione demonstratur de quavis alia diametro. 367.

Theor. X. Quælibet diameter non alias rectas, utrinque ad unam hyperbolarum terminatas, dividit bifariam, quàm, quæ ordinatim ad ipsam diametrum applicantur. 368.

Coroll. I. Si diameter bifariam secet rectam aliquam, utrinque terminatam ad unam hyperbolarum; hæc erit diametri illius ordinata. 369.

Coroll. II. Si recta aliqua bisecet alias duas parallelas, quarum quælibet utrinque ad unam hyperbolarum sit terminata; hæc erit diameter hyperbolæ; atque adeo transibit per ejus centrum. 370.

Coroll. III. Cujuslibet datæ hyperbolæ sive centrum, sive diametrum aliquam reperire. 371.

Theor. XI. In omni hyperbola existit diameter, quæ rectos cum suis ordinatis angulos constituit, ac proinde axis vocatur. 372.

Coroll. Itaque circulus, super axe, tanquam diametro, descriptus, medius cadit inter utramque hyperbolam; nec ulli ipsarum potest occurrere. 374.

Theor. XII. Omnes aliæ diametri cum suis ordinatis, saltem ad unam partem, non alios angulos continent, quàm, quos continent rectæ, quæ ex verticibus axis ad ipsa hyperbolæ puncta ducuntur. 375.

De Conjugatis Diametris Hyperbola.

- Theor. I.* Recta, quæ per centrum hyperbolarum oppositarum ducitur, parallela ordinatis alicujus diametri, nusquam iisdem hyperbolis potest occurrere. num. 376.
- Theor. II.* Eadem recta bifariam secat rectas omnes, diametro parallelas, & ad utramque hyperbolam terminatas. 377.
- Theor. III.* Eadem recta vices diametri conjugatæ subibit, si limites, seu vertices eidem præscribantur, ea lege, ut bisecta in ipso centro, media evadat proportionalis inter diametrum, ad quam refertur, & ejus parametrum. 378.
- Defin.* Quid sint ordinatæ diametro conjugatæ. 379.
- Theor. IV.* Quadratum cujuslibet ordinatæ ad conjugatam diametrum, est ad summam quadratorum abscissæ a centro, & semidiametri, uti quadratum alterius diametri, ad quadratum ejusdem conjugatæ. 380.
- Theor. V.* Ordinatæ, quæ ad duas quascunque diametros ab alternis earum verticibus ducuntur, dividunt ipsas diametros in eadem ratione. 381.
- Theor. VI.* Iisdem stantibus, ipsæ ordinatæ, quæ super diametris hyperbolarum oppositarum demittuntur ex alternis earum verticibus, sunt inter se, ut conjugatæ eardem diametrorum. 382.

De Asymptotis Hyperbola.

- Defin. I.* Quid sint asymptoti. 383.
- Theor. I.* Asymptoti, in infinitum productæ, hyperbolæ nunquam occurrunt. 384.
- Theor. II.* Asymptoti continuo ad hyperbolam accedunt. 385.
- Theor. III.* Si per aliquod hyperbolæ punctum ducatur recta, parallela alterutro axi, quæ cum utraque asymptoto conveniat; Dico, rectangulum sub ejus segmentis, æquale esse quadrato semisseos axis paralleli. 386.
- Coroll. I.* Recta, quæ conjungit extremitates utriusque axis, bifariam dividitur ab asymptoto. 387.
- Coroll. II.* Quadratum dimidii illius rectæ, quæ conjungit extremitates axium, æquale est quartæ parti quadratorum utriusque semiaxis. 388.

Coroll. III. Hinc æquantur inter se rectangula omnia, facta a parallelis uni ex axibus, quæ ad utramque asymptotum terminentur. num. 389.

Theor. IV. Si ordinata ad axem, utrinque producat ad asymptotos; partes interceptæ ab iisdem asymptotis, & curvâ, erunt æquales. 390.

Theor. V. Si intra asymptotos ducantur duæ, aut plures rectæ, inter se parallelæ, quæ hyperbolam, aut hyperbolas oppositas secant; rectangula sub segmentis erunt æqualia. 391.

Theor. VI. Rectangula omnia sub duabus parallelis, quæ ab eodem puncto perimetri curvæ ad utramque asymptotum ducuntur, sunt æqualia. 392.

Coroll. Hinc eadem rectangula sunt singula æqualia quadrato potentia hyperbolæ. 393.

Theor. VII. Si a duobus, aut pluribus punctis, sumptis in perimetro hyperbolæ, vel hyperbolarum oppositarum, ducantur inter eandem hyperbolas rectæ quævis, parallelæ inter se; rectangula sub segmentis erunt æqualia. 394.

Coroll. Hinc rursus ostenditur, rectangula eadem æquari quadrato semisseos axis paralleli. 395.

Theor. VIII. Iisdem stantibus, in qualibet earundem linearum partes utrinque interceptæ ab asymptotis, & hyperbolis oppositis, sunt æquales. 396. &c.

Theor. IX. Si ducatur utrunque recta, utrinque ad asymptotos terminata; pars intercepta ab una asymptoto, & hyperbolâ, æquabitur alteri parti, quæ intercipitur ab altera asymptoto, & hyperbolâ. 399.

Theor. X. Si per quodvis punctum ducatur tangens, quæ ad asymptotos terminetur; hæc bifariam secabitur in eodem puncto. 400.

Coroll. I. Et reciproce. 401.

Coroll. II. Iisdem positis, rectangula sub segmentis, sunt singula æqualia quadrato semisseos tangentis. 402.

Coroll. III. Tangens, ad utramque asymptotum terminata, æquatur conjugatæ illius diametri, quæ transit per punctum contactus. 403.

Coroll. IV. Hinc asymptoti hyperbolæ determinari possunt, adhibitis non solum axibus, verum etiam duabus quibuscumque

vis

vis aliis diametris conjugatis. num. 404.

Theor. XI. Angulus contentus sub asymptotis, est rectus, vel obtusus, vel acutus; prout axis fuerit æqualis, vel minor, vel major axe suo conjugato. 405.

Defin. II. Quid sit hyperbola æquilatera. 406.

Coroll. I. Hinc in hyperbola æquilatera angulus factus ab asymptotis, est rectus. 407.

Coroll. II. In hyperbola æquilatera quadratum ordinatæ æquatur rectangulo sub sagitta, & lineà composità ex sagitta, & axe. 408.

Probl. Datis hyperbolæ asymptotis, tangentem ducere ad datum punctum. 409.

Theor. XII. Duæ hyperbolæ tangentes, ad utramque asymptotum terminatæ, secantur in eadem ratione, in puncto, in quo sibi mutuo occurrunt. 410.

Defin. III. Quid sint hyperbolæ conjugatæ. 411.

Theor. XIII. Asymptoti duarum hyperbolarum oppositarum, sunt pariter asymptoti duarum reliquarum, quæ vocantur conjugatæ. 412.

Theor. XIV. Si a quovis puncto unius ex duabus primis hyperbolis, ducatur ad conjugatam proximam recta, quæ sit parallela uni asymptotorum; Dico, eandem bifariam dividi ab altera asymptoto. 413.

Coroll. Hinc hyperbolæ conjugatæ transeunt per extremitates secundarum diametrorum ex conjugatis duarum reliquarum. Et vicissim. 414.

De mutua Diametrorum Hyperbolæ inter se comparatione.

Theor. I. Omnium hyperbolæ diametrorum minima est ea, quæ cum suis ordinatis rectos angulos constituit, & proinde axis vocatur. 415.

Theor. II. Omnium aliarum diametrorum minor est illa, quæ minus distat ab axe. 416.

Theor. III. Conjugatæ diametri per ordinatas super iis ductas ex verticibus aliarum, dividuntur in eadem ratione. 417.

Theor. IV. Quadrata diametrorum conjugatarum sunt inter se, uti rectangula sub abscissis, & composita ex abscissa, & diametro. 418.

Theor.

- Theor. V.* Manente eadem constructione, quadratum ordinatæ ad unam diametrum, æquatur rectangulo sub alterius ordinatæ abscissa, & lineâ compositâ ex eadem abscissa, & diametro conjugata. num. 419.
- Theor. VI.* Stante eadem constructione, sint duo axes conjugati, sintque præterea duo diametri similiter conjugatæ; Dico, differentiam quadratorum ex uno axe, & diametro, æqualem esse differentiæ quadratorum ex conjugatis. 420.
- Theor. VII.* Crescentibus hyperbolæ diametris primariis, augentur etiam ipsarum conjugatæ. 421.
- Theor. VIII.* Diameter quævis æqualis est, vel major, vel minor conjugatâ ipsius diametro; pro ut axis est æqualis, vel major, vel minor conjugato ipsius axe. 422.
- Theor. IX.* Locus geometricus diametrorum omnium hyperbolæ exhiberi potest per datæ alicujus rectæ portionem. 423.
- Theor. X.* Differentia quadratorum ex axibus conjugatis, æqualis est differentiæ quadratorum ex aliis quibusvis binis diametris conjugatis. 424.
- Theor. XI.* Si axis hyperbolæ major sit suo conjugato; ratio ejusdem axis ad suum conjugatum, major est ratione, quam habet quævis alia diameter ad suam conjugatam. 425.
- Coroll. I. II. III.* Simili methodo decernitur ratio cujusvis diametri ad suam conjugatam. 426. &c.
- Coroll. IV.* Itaque, crescentibus hyperbolæ diametris, augentur etiam ipsarum conjugatæ. 429.
- Theor. XII.* Differentia axium, major est differentiâ diametrorum. 430.
- Coroll.* Hinc differentia inter binas hyperbolæ diametros conjugatas, eò minor evadit, quò magis ipsæ diametri ab axibus removentur. 431.
- Theor. XIII.* Parallelogrammum, circa duas hyperbolæ diametros conjugatas descriptum, ejusdem ubique magnitudinis est, nimirum, semper æquale rectangulo, quod sub ipsis axibus continetur. 432.

*De Parametris Diametrorum Hyperbolæ,
inter se mutuo comparatis.*

Theor. I. Dux quævis diametri conjugatæ, sunt continue proportionales cum suis parametris, ubi inverso ordine inter eas collocentur. num. 433.

Coroll. Similiter decernitur ratio quarumvis parametrorum inter se, quæ ad suas diametros conjugatas referuntur; atque eadem theoria traducitur ad parametros, quæ ad diametros quaslibet non conjugatas pertineant. 434.

Theor. II. In hyperbolâ differentia inter quadratum alicujus diametri, & ejus figuram, ut vocant, est semper eadem; quocunque in loco capiatur diameter. 435.

Theor. III. Dux quævis hyperbolæ diametri sunt reciproce proportionales differentiis laterum suarum figurarum. 436.

Theor. IV. Iisdem stantibus, ut supra, ex binis diametris, ad easdem hyperbolas terminatis, illa, quæ major est, majorem parametrum habet. 437.

Coroll. Omnium parametrorum minima est illa, quæ referatur ad axem. 438.

Monitum. Hæc proprietas vera tantummodo est in iis diametris, quæ majores sunt suis parametris; sin autem minores fuerint, res longe aliter se habet; & duo casus distinguuntur, ac demonstrantur. 439. & 443.

Theor. V. Definiuntur parametri diametrorum. 440.

Coroll. Hinc habemus angulum rectilineum, qui vertitur circa verticem suum, & ex rectâ, positione datâ, cruribus suis perpetuo portionem aliquam abscindit, quæ vicem parametri subeat. 441.

Theor. VI. Definiuntur parametri diametrorum, quæ parametris suis sunt majores. 444.

Coroll. I. Hinc definiri potest locus parametrorum, quæ referuntur ad diametros. 445.

Coroll. II. Hinc rursus apparet, quodd, crescentibus hisce diametris, augeri quoque debeant parametri ipsarum. 446.

*De Axibus, Focis, Diametris, Parametris, Asymptotis,
& Hyperbolis similibus inveniendis, ac de
Mensura Hyperbolæ.*

- Probl. I.* In data hyperbola invenire duos axes, ejusque
focum, & parametros axium, & asymptotos. *num.* 447.
Probl. II. Datis axibus hyperbolæ, invenire duas diame-
tros conjugatas, quæ datam habeant rationem inter
se. 448.
Probl. III. Datis axibus hyperbolæ, invenire duas diame-
tros conjugatas, quæ datum rectangulum contineant. 449.
Probl. IV. Super axe primo dato describere hyperbolam,
datæ similem. 450.
Coroll. Itaque hyperbolæ non sunt omnes inter se simi-
les. 451.
Probl. V. Hyperbolam metiri. 452. & 453.

F I N I S.

016323





